

محمد عالم كوهكن

قاره كوزلریم

حكایه لر تۇپلمی



Telegram: UzbekpediaTv

www.ezgu.org

کتاب بیلگیلری:

| | |
|-----------------|---------------|
| قاره کؤزلریم | کتاب آتی: |
| محمد عالم کوهکن | يازوچى: |
| ژکفر حسینى | کتاب ديزاینى: |
| ژکفر حسینى | مقوا طرحى: |
| | چاپ يېرى: |
| | ناشر: |
| ۱۰۰۰ | تیراژ: |
| بیرینچى | نشر نوبتى: |
| | باسمه خانه: |
| ۱۴۰۲/۲۰۲۳ | چاپ يىلى: |



فهرست

- ۱.....اؤلت
- ۱۳.....سلامتلىك كولىب باققنده
- ۲۲.....سیناۋ
- ۳۰.....تۇختەمىش
- ۳۷.....قىزلرشاھ
- ۴۵.....قارە كۆزلریم
- ۶۰.....زىبى و مراد
- ۹۳.....عباد دبهى نىنگ اېشكى
- ۹۹.....شاعر نىنگ اۋلىمى
- ۱۱۶.....اۋجەى گردان
- ۱۲۳.....گپ نىنگ اېتەگى نېردە؟
- ۱۳۵.....برادرلر قچان كېلەدیلر؟
- ۱۳۹.....قىرغى سايدەگى خىس كېھ
- ۱۴۸.....قىشلاغمىز بالەلرى
- ۱۵۶.....قراوسىز بالەلر قىغوسى
- ۱۶۵.....ايكى كونداش نىنگ بىر كونى
- ۱۷۴.....نظامالدىن جان نىنگ تولكىسى
- ۱۸۰.....شۇربەگە قۇرمە؟!
- ۱۸۷.....ايت نىنگ وفاسى
- ۱۹۵.....كىتاب كۆرگزمەسى
- ۲۰۳.....مكتەب اېسدە لىكلرى
- ۲۳۳.....كلتە آت نىنگ دورىغى

«قاره کوزلريم» حقيده

ايپيك تورنينگ اېنگ كيچيك ژانرى حسابلنميش حكايه نينگ مهم و اساسي بېلگيلرى، اونينگ مضمون جهتنن ايخچمليگي، اوزاق-يقين دورده يشب اؤنگن پرسوناژلر باشدن كېچيرگن حيات سرگذشتلريدن بېريلگن ضديتگه تۆله كيچيك لوحه لرنى انعكاس اېتتيريش و كركتلر نينگ شكللنميش جرياننده تورلى دور اخلاقي و اجتماعي فضيلتلر نى قيته نمايشگه قۇيىشدين عبارت.

افغانستانده اوزبېك معاصر ادبياتي، اؤشه ممتاز ادبياتگه تقليد قىليش اساسنده شكللندى، - برماق بيلن سنه لگودېك شاعرلر يميز استشى - ، نه فقط زمان تقاضاسيگه جواب بېر و وچى درجده شعر نى ميدانگه چيقره آلمه دى، بلكه ادبي نثر ترقياتيگه اؤز حصه سيني قۇشيشده، عاجزلىك قىلدى. بو آرده بعضى بېر مشقي اثرلر يره تيلگن بؤلسه هم ، اولرنى ادبياتشناسلىك معيارلريگه ماس اثرلر دېب بها بېريش نينگ اؤزى - قيين ايش.

اؤزبېك ژورنالستى ، شاعر و تدقيقاتچى - محمد عالم كوهكن قلمىگه منسوب قۇلينگيزده گى - قاره كؤز باله لريم - كتاب هم اؤزبېك معاصر نثرى نينگ بېرينچى تجربى نمونه لرى صفتنده، اؤزبېك

نثرچىلىگى نىنگ سۈنگى دورلر بۇشلىغىنى تۇلدىرەآلمسە ھم، اونى مطلقا بۇش قالىب كېتىشدىن اسرەيدى.

تۇپلمدەگى حكايلەر، مضمونىگە كۆرە لىرىك، فلسفىي، علمىي-تخىلىي، ھىجوي، طنزىي يۇنەلىشلردە، حتى اۋچىركەكە يقىن حيات حقىقتى نىنگ بعضى روايتلىرىنى اۋزىدە مجسملاشتىرگن واقعىلىككە اساسلنگن دىر.

كتابدىن اۋرىن آلگن «۲۲» تە حكاىە واقعەلىرى نىنگ اكثرىتى، يازوچى نىنگ اۋزى، عايلەسى و قىشلاغى و يان قۇشنىلىرى حياتىدە يوزبىرگن حقىقتلردن آلىنگن. «كرونا» كسلىگىدىن توتتىب، اجتماعىي، اخلاقىي، علمىي حادثەلەر، ھمدە خلق رسم و رواجلىرى- بالەلر اۋيىنلىرى، مىلى اۋيىن و بىللشۈولر- اۋغلاق و كورەش مسابقەلىرى، آت و باشقە اۋى حيوانلىرىنى باقىش، دھقانچىلىك و باغدارلىك كىبى كسب و كارلرگە باغلىق واقعەلرنى تۇلىق انعكاس اېتتىرگن بو اثر نىنگ تىلىدە معىن شىۋە خصوصىتلىرى يقال كۆرىنەدى.

«قارە كۆزلىرىم» كىتابى مۇلفى حرمتلى دوست و برادىرىم كوھكن جنابلرىگە تن ساغلىق و ايشلىرىگە مۇفقىت و آمدلر تىلب، اوشبو اثر نىشى بىلن او كىشىنى و برچە اۋزىبەك خلقىنى تىرىكلەيمىن.

تاشقىن بھابى

مىمەنە، ۲۳- ئور

اۆلت

۱

بى پارلر كېلىم- كېتىمى سوسەيگن اپدى، آياغلىرى ساووقدن جونجىگن طيب، اول منقل الاوى نىنگ هيل بېرىب تورگن چۇغىگە آياغلىرىنى ايسيتە باشلەدى، سۇنگ اۇغلى ابراهيمگە يوزلەنيب، منقلنى صندلى نىگىگە اۋتكزىب، ايسىققينه سوغدى قىلىب بېرىشگە بويوردى. بىر سووچىم وقت اۋتمەى، كتە سوغدى كۇرپە صندلى اوستىگە تىشلندى، ابراهيم دكان نىنگ تۇرىدە سوغدى نىنگ بىر پلەسىدە كۇرپەچە تۇشب، ديوارده ايكىتە ياستىق سوېب قۇيدى.

- آتە جان اۋتىنگ! اۋتە قالىنگ، سوغدى قىلدىم، - دېدى.

رفلردە تېرىب قۇيىلگن شيشە ايدىشلردەگى تورلى اۋسىملىكلر گللىرى، ايلدىزلىرى، دارچىن، زنجبىل، تۇتەمان، اندىز، سياه دانه، تاغ زىرە، گل خىرى بىراقلىرى نىنگ قوروغى- يو، اوروغلىرى سقلنەدىگن قوطىچەلر و ايدىشلرگە كۇز سالىب تورگن اېمچى/ طيب، اۇغلىگە آفرىنلر ايتىب، صندلىگە اۋلتىرىب آلدى. او قلىن كۇرپەنى كۇكرەگىگچە تارتدى، ايسىقدن تىن آلدى. بىر نېچە دىققە اۋتر- اۋتمس كۇزى مورگىب، اوخلب قالدى.

- آتە! آتە! تورىنگ، دارى سۇرەب كېلىشىدى، - دېدى صندلى- نىنگ نىرگى پلەسىدە ايسىنىب اۋتىرگن اۇغلى.

۱. اۆلت: نىك پابىكا ۱۱ ھىگە آدلر اولىمگە سەبب بۇلەدىگن ۱۱ ھەكسلىك ترقلىشى

۲. سووچىم (سوو اېچىم): قىسقه زمان اۋلچاوى، بىر كىشى نىنگ سوو اېچىب قايقىنچە اۋتمىگن وق

- خوششش قنى اۋغلىم! كىمدى اوله؟ - دېب كۆزىنى آچدى.

عبدالرزاق طيب قرهسه دكانىنى نىنگ دروازه سىده، اپگنیده پختهلى
ملّه تۈن كىيب الگن صنفداشى توردى قول توريىدى.
- سلام كېله قال دوستيم، هوا سووغ، سوغدیگه اۋزىنگدى ايسيت.
خىرىت مى اۋزى، شمال اوچىردىمى، بو ياقلهگه قنداغ كېلدىنگ؟
كۆپدن بېرى درگىنگ ياغ اېدى؟
- هم ايشيم توشتى، بو بهانه مینن سېنى بىر كۆرهى، - دېب كېلدىم
- ده!

- خوش كېلدىنگ. كۆپدن بېرى سهغىنگن اېدىم، - دېدى.

طيب سۇغىن* اۋغلىگه قره ب:

- ابراهيم، قره اۋغلىم ترموزدن ايسىق چاى سوز، قىصاردى قاره
مىيزى، گرزىواندى يانغاغىدن هم اىلب قۇى. قىردان آشنه نېچه آيدن
نرى بىر ايله نىب كېلپتى.

- گپىر قنى توردى قول، دىياده نيمه گپله؟

- اى دوستيم، بو دىياده «گپ كۆپ، عمر آز» قىسى بىرىدن ايتەى؟
شو آنده عبدالرزاق، دكان نىنگ اېشىگىده ينه بىر ناوچه بىگىت بىر
نرسه سۇره ماقچى بۇلىب تورگىنى پېقهدى. توردى قول دوستى نىنگ
گپىنى كېسىب، - حاضر - حاضر، دېدى - يو، بىزگه خىدمت بامى؟
- دكان دروازه سىده تورگن بىگىت:

داكتر اكه، ايران دن كېگنىمگه بېش كون بۇلدى، ايسىتمم چىقدى،
باشىم زىرقىرب آغرىدى، تنه م اۋغىرگه سالىب يىنچگنده ققشهدى.
اشتها ياغ، تاختب - تاختب يوره گىم اۋخسىدى، قوسگىم كېلهدى.
كون آشه مدارىم اوزىلىب بارهدى، جانىمگه شىمه قامه گن، همسايه م
سىزگه يوباردى. دكانىزدى سۇرهى - سۇرهى تاپىب كېلدىم، بىران
دارى بېرسىز؟ كۆپ بېتاب من.

- قنچہ وقت ایران گہ قالدینگ؟
- قریب اوچ بیلدن بیری تهران گہ مردکارلیک قیلیدیم.
- قنداغ بؤلیم ایران دن قہ یتیب کبلدینگ؟
- داکتر اکہ، هرکون "فلکە" گہ بارپیدیم، بیرکون ایش بؤسہ، ایکی-
اوچ کون ایش یاغ ابدی، شونسیگہ ہم کؤنبدیم. ایران پولیسی اوغان
مہاجرلہنی بیر باشندن توتیب چیغره ببردی. ایران گہ چین مملکتیدن
کورونا دېگن آیین کبگن، کؤپ آدملہنی اؤلدیرگن. بشقہ مہاجرلر
قطاری مہنی یم توتیب ایران دن چیغردی.
- اوکہ، ایران دن کبگنلہنی کرونا یروس یوقتیریب کبلیتی دیدیلہ،
قنچہ سینی حکومت شفاخانہلہ گہ قرنطین قیگن؛ درددی یم خدا
بیرہدی دواسینی یم. توکل خدا گہ، مہن کرونا اوچون یخشی بیر داری
توزہ تکمن، شوندن سبگہ یم بیرہمن، یخشی بؤلہسن. باریب ماسک
آگین-دہ، قؤلینگدی تہز-تہز صابون مینن یووب تور. ایسیغ-ایسیغ
سویوغ آتلہ، آش-اوماچ قیلیب ایچ، خدا مہربان توزہلہسن.
عبدالرزاق طیب تاقچہ دہگی قوطی لریدن بیرینی آچیب، تورت بپش
قاشق دارینی کیچکینہ پلاستیک خلتہ گہ سالیب، بپمار ییگیگہ
اوزہتی. صندلی دہ کؤک چای ایچیب اؤتیرگن دوستی توردی قول شو
پیت کؤزلری جودیرہب:
- عبدالرزاق جان، مہنی یم دردیم آغیر، قہینا غہمدی یم ایران دن
چیقردی. او ہم اویگہ کسل یاتگن. راستی گپ اونی، شفاخانہ گہ آیب
باریشدن قورتیم، کرونانی داریمی ہم یاغ دیدیلر؛ بو شفاخانہلہ گہ
بارسنگ اؤلہمہ سنگ ہم اؤلہسنگ.
- قہینا غہنگہ یم شو داریدن بیرہمن، نچہ کوندن بیری کؤپ آدملہ
آیب کبیتب توزہلگن، بیرہتگندی اؤزی سبب قیلہدی-دہ، مہن بو
دارینی اول سینہ بغل، یؤتل بوگنلہ گہ بپیدیم. سیاہ دانہ، آق گل خیری،
تؤتہ مان و بشقہ رقم گل و گیاہلہنی گللری و ریشہ لریدن توزہ تکن من.
کرونا ہم قتیغ راغ سینہ بغل-دہ،، زکام گہ اؤخشہگن اېکن، شونی

آلب بارىب اىچىر، گلدهى ساغلىب قالهدى، مقصد بشقه له دن احتياط بۇلىيله، توزه لگىنچه اۋتاغىدن چىغمەسىن، نان و چايىنى اېشىدن بېرىيله.

توردى قول چايىنى اىچىب، بىرسىقىم قاره مېىزنى كىسەسىگە سالدى۔ دە، سۇنگ طىبىگە بورلىنىب:

– خوش، اجازە بۇسە مېن كېتەمەن، روز ام كېچ بۇلاتتى، تېزراغ بارەى، سېن ام اۋزىنگدن احتياط بۇ، بو يامان كىسلىك اېكن، داکتر ماكتردى تانىمەيدى، خدا اۋزى اسرەسىن، داکترلە كۇپراغ مبتلا بۇلىپتيله.

– اى توردى قول اينىم، اۋزى اسرەسىن، بېچرە مردم نىمە قىسىن؟ اۋز حالىمگە قۇيمەيديله. بىر نېچە كون قىتىغ قرىنطين بۇلدى، دكانلەنى حكومت مهر و لاک قىلدى، يريم كېچە يم دوا سۇرەب اۋىمگە كېلەدىلە، تۇغرىسى اۋزىم هم قۇرقەمەن. "بې اجل مرگ ياغ" دېدىلە. خى بارە قال، يەنە خبر بېرەسەن.

– يىخسى قال عبدالرزاق.

– سېن ام يىخسى بېتىب بار، بالەلرىنگدى اسرە.

عبدالرزاق يەنە بىر ساعىتچە دكانىدە قالىب، بىر نېچە كىشىگە كرونا اوچون توزه تگن دارىلرىنى ساتدى، چۇنتىگى هم قېەيب قالدى. او، كون سەيىن بايىب بارماقەدە اېدى. قوياش اېندى شەهر نىنگ غرىبى تاماندىگى ادىرلر گزەلرى آرتىگە باش قۇيەى، – دېب تورىيدى. آدملىر دكانلرىنى يايىب، اولرىگە قىتە ياتگندىلر.

آتە اۋغىل هم بىر كونلىك سودا پولىنى چۇنتىكە اورىب، دكانى قولفلب اويگە جۇنەدىلر. يونانى داکترگە مراحە قىلەدىگنلر سانى ھر كونى كۇپەيبىب بارەماقەدە اېدى.

او دارىلرنى كېچە اويىدە توزه تىب، اېرتەسى دكانىگە آلب بارىب تىخلەيدى. قىنچە احتياط قىلمەسىن يەنە هم كرونا وىروس يوقدىرگن آدملىر بىلن ھر كونى اوچرەشەدى، گىلشەدى. اولرگە دارى ترقتەدى،

دارلیرینی یخشی گینه پول لهدیدی. اویده، قرنطینده یاتهی دپسه بؤلمهیدی، پول نینگ یوزیدن اؤتالمهیدی.

آته اؤغیل شام چاغی آلدینمه- کپین اویلریگه کیریپ باریشدی. عبدالرزاق قرهسه دروازه آرقهسیده خاتینی اولرنینگ قؤللیرینی یوودیرگلی آفتابه، دست پاک، چیلایچین اوشلب تورییدی.

- امان- اسپن کهلدیلهمی؟ اول قؤل و بیتلریزدی صابونل یوویله، آتی قورگور کرونامی- شرونامی، یامان کسللی اپکن، دواسی هم یاغ اپکن، قنداغ بؤلرکن بویاغی؟ هر کون آدمله اؤلیب یانتیتله، منه بوگون همسه یه میز بیجره رسول بای هم قضا قیلدی. مین، آته- اؤغیل هرکونی چیقیپ کپیشلریزدن قۇرقه من. بیر نچه وقت کپتمه یله قنی نیمه بؤلهدی، «آچلییدن اؤلگندی مزاری یاغ»- دپیدی کپکسه له.

ابراهیم بیلن آتهسی قؤللیرینی یوویب، اؤتاققه توشلگن دسترخوان اطرافیکه باریب اؤلتیردیلر.

- خاتین، سپن هم راست ایته سن، بای مملکتلگه قرنطین قیلینسه دولت آدملگه نانی، خرجینی بیره دی، بیزدی دولتییز چچن بو ایشتی قیله دی؟ قیلالمهیدی یم، دولتدی اؤزی خارجدی کؤمگی مین کون کؤره دی. بیله سن، بیزه ایشله مه سی بؤمهیدی. آچ قاله بیز، محتاج بؤلہ بیز، «آسمان بلنت، ییر قتیغ»، «اؤلمه اؤزینگدن قامه» دپگن گپ با، تن به تقدیر، اؤله بیزمی، قاله بیزمی احتیاط قیلیب ایشله یییز، کرونا توتگنلنی همه سی یم اؤلیب یاتگنی یاغ. کؤپ آدمله یخشی بؤلدیله، بیله سن که داریسینی توزه تیتیم. مین داری بپرگنله دن کؤپسی توزه لیب کپتی، تۆکلینگدی خداگه قی خاتین!- دپدی عبدالرزاق طیب.

- مینم، بچه لریز هلی یاش، اویلی - جایلی بؤگنلری یاغ، خدا کؤرستمه سین، باشیز یاستیققه یپتیب قاسه قنداغ قیله بیز، - دپیمن، منه بشقه همسایه میز اېگمېردې هم کرونادن اؤلدی دپدیله، بپش - آلتیه بچه لری ایزیله شیب قالدی؛ خاتینی اسپر بؤلدی.

- كۆپ تشۈش قىمە خاتىن، «قىرىق يىل قىران كېلەدى، اجلى تۈلگن اۋلەدى» دېگنلە. كۆپگە كېگن اۋلت اېكن، قنداغ قىلەبىز، علاجىم بۇلسە مېن ھم اويدن چىقمەيمن، - دېدى طىب.

- عبدالرزاق، خاتىنى و فرزندلىرى ھر گلگىدېك شال دسترخوان اطرافىدە اۋلتىرىشىپ كېچكى اۋقتى تناول قىلدىلر. دسترخوان يىغىلدى. رزق و روزى و برکە دعاسى قىلىندى. طىب خاتىنىگە قرەب: - عجب وقت و زمان بۇلدى خاتىن، توشىنگگە كىرمېدى بوكونلە، بىزگە بو اۋلت ايران دن كېلدى؛ بونى ھمە بىلەدى. بوكون كرنا اوچون دوا سۇرەب دكانگە كېگنلە دن بىرى مېن گىلە شدىم. او، اۋتكن كونى ايران دن كېگن اېكن، ايتىشىچە، يقىنلىرىدن بىرى ايران دە كرنا دن اۋلەدى، بېگنە يورتلە غرىب مزار بۇمەسېن، - دېب اونىنگ اۋلىگىنى آلىب كېلىب، اۋز قىرستانىگە كۇمە دىلە، آتەسىگە رحمت، بىزنى كىلە غىرتلى. قرە، او شۇر پىشەنى ھم كرنا توتگن اېكن، دارىسىنى بېردىم، توزەلسىن غرىب، ياش اېكن، اونگە اىچىم كويدى.

- اوزاغ جايلە دن ھم دكانىزدى سۇرەب كېلە دىلە مى؟ - دېب سۇرەدى خاتىنى.

- ھە - ھە! مردم فايده كۇرگن. شفاخانه دن داكتىرلە ھم كرنا بۇگن كسل لەنى مېنگە جۇنتە دىلە. مېن توزەتگن دوادن پايتخت كابلگچە ھم آلىب كېتتيلە. «ھم خۇرمە ھم ثواب» دېگندەى، مردم شفا تاپەدى، مېنى ھم ايشىم چوك خاتىن؛ شو پىلە گچە قىرىب آلتى لك پول ايشلە دىم.

اوقت يىلر - بىيلەس بالەلرنىنگ كۇزلىرى قەلغى بېردى، اولرنى جاي - جايلرىگە ياتقىزگن آنەسى، اپرى گە اچىققىنە كوك چاى سوزدى، ينە بىر پس اوياق - بوياقدن گېلشدىلر، كېچە ساعت اۋندن اۋتەياتگن اېدى. عبدالرزاق اۋتاق نىنگ توريدە تشلنگن كۇرپچە سىدە اوزەلدى، خاتىنى سىندىغ اوستىدن كۇرپەسىنى آلىب اوستىگە تشلەدى.

عبدالرزاق خيال دېنگىزىگە شونغىب، كۇنگلىدن: - «شكر، آتە كسىنى خوار قىمە دىم، نتيجهسىنى كۇردىم، ايشىم شوندى كېتە بىرسە،

ان شاء اللہ اؤغیلنی ہم خاتینلی قیلہمن، کم و کپتینی ہم بیتکزہمن،
دوانی نرخینی یم ارزان راق قیسم، - دپیمن، بیچرہ مردمدی احوالی
یخشی اپمس. قرنطین بؤلپب دکانلر یاپلیب قالسه خرابلی بؤلہدی.
ای، اؤشندہ ہم مردم سوراغلب اویگہ کپلہدی. اویدن توریب ساتہ
بپرہمن» - دپدی، اؤز - اؤزیگہ.

شو آندہ برندہدن تقیلب اپشیتیلگن سپس، طیب نینگ خیالینی
بوزدی.

- نیمہدی، خاتین؟

- قۇرقمنگ آتہسی. ہیچ نرسہ اپمس، آیه غیم سپیل قاگیر مانہبو
قازیققہ دؤنکیدى، قۇلیمدن سیاہدانہنى قوطى سى توشیب کپتتى. -
«اېرتہگہ دکانگہ آیب بارہمن. سیاہدانہ مېنن مَخ تى قوطیلرینی
سپخانہدن برندہگہ چیغریب قۇى» = دېگن اېدیز.

- خى بهیہى بار، اېرتہ قیسنگ ام بؤلپیدی.

طیب کؤرپہنى باشیگہ تارتدی - دہ، بیر آزدن اوخلب قالدی.
اېر و خاتین عادتدہ گیدپک خورازلری نینگ قیچقیرگنی بیلن
اویغاندیلر. فرزندلری ہلی شیرین اویقودہ اېدی.

طیب اؤرنیدن توریب طہارت قیلہی دپسہ جانی جیمیردب،
تہسیدہ تَمْرِیش حس قیلدی. اؤرنیدن تورہی دپسہ باشی ایلہنیب،
اؤلتیریب قالدی. حالسیزلنگنچہ:

- خاتین، اؤو خاتین، اپشتمہیدی شپکیلی؟

- کپلیم، تشقیریدہمن، خیریت می آتہسی؟

- کپ قنى، مزہم یاغ، ورہجہ - تَمْرِیشیم با، باشیم ایلنہدی.

- خدای سقلہسین. شو آیینلہدن بؤگنسيز. بہاردى سَووغى ہم
قیشدن بتر بؤلہدی. سَو قاتیسيز. اؤتکن کونى یمان جوبار قیلیب
یاغدى، سَووغى خودى چلہ نیکیدہی اېدی.

خاتینی طیب نینگ باشینی قیزیل گل شفتالی رومال بیلن تنغیب
باغلہدی - دہ، آرقہسیگہ یاستیقلرنی قہلشتیریب قۇیدی - دہ.

سېز ياتىنگ، مېن درآو سىرى ياققە توتتى شىنسى مېن ھى ھى قىلىپ كېلەن، چاى ام آلىپ كېلەن، - دەدى.

قوياش نىزە بۇيى كۆتۈرىلگەن اېدى، خاتىنى اپىل - تويىل طىبىب نىنگ باباسىدن قالگەن قداغلىگەن قشقرى چاينكە كۆك چاى دىمىل كېلدى. كېلىن بۇلگىدە اۋز آتەسى نىنگ اويىدن آلىپ كېلگەن چىنى تباققە ھى ھى قىلىپ كېلدى. نىمەنى دىر اونىتگەندەى شاشىب قالدى.

بىتاب ياتگەن عبدالرزاق طىبىب:

- ورخطا بۇمە خاتىن، خدا پاشە! نىمە گە اېسىنگ پرىشان؟
- تورموش اۋرتاغى حىران حالده اېرى نىنگ پىستراق اۋازدە ايتگەن گېلىرىنى اېشىتالەمدى.

- اې اېسىم قورسىن، اۋچاغدى اوستىگە ناندى اىستگى قۇبېدېم،
- دېب زىپە خانەدن چىقىپ كېتدى.

دقىقە اۋتمەى اۋچاغ نىنگ چۇغىدە تابلنگەن اىسقىقىنە ناننى آلىپ كېلىپ دىستىرخوانگە قۇيدى.

- سۇقاتگەن بۇسە يىز شىنىنى فايدەسى با، آلىپ يېنگ، «اىسىغ جاندى اىسىتمەسى بۇلەدى» - دە، يىخشى بۇلىپ قالەسىز.

- احتىياى كېرەى خاتىن، آتى اۋچكىر شو كرونالگە اۋخشەيدى.
مېندن نېچە كون اوزاغ بۇلىلە. عمردن قاگن بۇسە يىخشى بۇلەن.

- اغزىزدى خىرگە آچىنگ آتەسى، سىزگە نىمە بۇلىپتى؟ گل دەى سىز!

- ھىچ كىمگە بىلدىرمەيلە. بو قنداغ نىجىس درد اېكن، اۋلسنگ كىشى اۋلىنىنگ گە كېمەيدى، كرونادن آدمدى جنازەسىگە بارگەن اېدىم، ھىچ كىم اۋلىكە يىقىنلشمس اېدى، اېنگ يىقىنلرى پوزلىرىنى محكم اۋرەب، قۇللىرىگە قۇل قاپى (دىستكش) كىيب اۋلىيدى قېرگە قۇيگەنلىرىنى كۆردىم.

طىبىب، اۋزى اسرەسىن، - دەدى. - دە، قۇلىدەگى پىالە چاى نىنگ سۇنگى قولتومىنى اىچىپ، اوزەلدى. خاتىنى، اېندى اويقودن تورگەن

فرزندلریگه چای بھریب، اولرگه آتھسی کسل بؤلگنینی ایتدی. ابراهیم، آتھسی یاتگن خانہ نینگ ایشیگیگه باریب:

- نیمه بؤلدی آتھجان؟ داکترگه بارهسیزمی؟

- بارمہ یمن اوغلیم، شفاخانہسی قورسین، بارسنگ، اولمہ سنگ ہم اولمہ سن. کرونانی دواسی یاغ دپیدی داکترلہ. کرونا بؤلگننی یم اوییگه جؤنہ تہ دیلہ، اولردی قؤلیدن بیر ایش کبمہیدی. اوزیم توزہ تگن داریلہ دن استعمال قیلہی قنی، بلکہ توزہ لہ من.

اوغلیم سبن باریب اوشہ داریلہ نی یرمینی دکاندن اویگه آلیب کپی، اولہ دن اوزیم ہم ایچمہ سم بؤمہیدی، بشقہ لہ گہ ہم ساتہ سن.

عبدالرزاق طیب کوید-۱۹ کسل لیگی گہ چلینگنیکه ایشانگیسی کپلگندہی گویا؛ چونکہ بدنای ایسی تہ دی، یوتہ لہ دی، باش آغریغیدن چیدالمہ بییتی، بی اشتها بؤلگن. او، کرونا ویروسنی قہ یپردن یوق تیرگنینی اوزی ہم بیلمہیدی.

- "ماسک ہم تاقردیم، قؤلیمدی صابونلہ یووردیم، کیشی مینن یقیندن کؤریشگنیم یاغ، قپردن جانیمگه کیردی بو آفت؟ داری ساتیب آکلردی پولیدن یوقدی میکن؟ - دپدی، اوز- اوزیگه.

بیر محل قرہسہ، اؤتاغی نینگ دروازہ سیدہ خانینی تورگن اپکن. او عیالیگه تیکیلیب:

- خیریت می خاتین، بچہ لہ یخشی میلہ، سبن یخشی میسن؟ - دپ سؤرہدی.

- بیزہ یخشی بیز. سیز قنداغ بؤلدیز. ایسی تہمہ قالدیمی آتھسی؟

- یاغ ابی قندیم.

طیب نینگ سبسنی خاتینی زؤرغہ اپشیردی. خاتینی تیکیلگنچہ لبلرینی جفتلہب:

- ابراهیم داریلرزدی آلیب کپلدی، لیمو ہم کپتیدی. داکترلہ کرونان کسل لہ گہ، لیمو، ایسیق- ایسیق سویوق خؤرہیلہ ییپب، اؤزلرینی بہ قوت قیلیشلرینی توصیه قیلہ دیلہ. مہن ہم عدس، شلغم،

زنجىيل، زىرە و زىچوبە سالىب مزەلى آش قىلدىم. لىمو سالىب ايچىنگ، يىخسى تېللىنگ آتەسى، توزەلەسىز، - دېدى ابراهيم نىنگ آتەسى.

اشتھاسى بۇلمسە ھم خاتىنى پىشىرگن آشنى لىمو سووونى شىقب ھۆرپە - ھۆرپە ايچتى - دە، باشىنى يە قۇيب ياتە بېردى. كسلى ايكىنچى ھفتەگە اۋتدى. سوپوق اوقت، دم آلىش، ميوە-يو، كۆكتلر ايش بېردى شېكىللى؛ طبیب اۋزىنى بىر آز يىنگىل حس قىلەباشلەدى، او اۋزى توزەتگن "كرونا دارى" سىنى ھم ايچىشىدن تۇختەمەدى. - «نیمە بۇسم بۇلە، دردگە تسلىم بۇمەيمەن؛ روحى تېتىكىلىك مېنى شو كۈنگە چە آلىب كېلدى» - دېدى، يە اۋزىچە.

- شو آشىنگ يىخسى اپكن؛ مېنگە سوپوغ خورەيلەدن - آش، اوماچ پىشىرىب بېرەي. اۋزىم توزەتگن دارىلېمدى ھم ايچەمن، شولە فايده قىلەدى؛ مېن بولەگە قىتىق ايشانگنمن، - دېدى تورموش اۋرتاغىگە.

طبیب نىنگ اوپىدە ھر كۈنگى ايزو-چوو ھم يۇق، بالەلرى و خاتىنى باشلرىگە تىاق تېك كندەى، عايلە فضا سىدە قۇرقىش؛ واهمە حكم سورەدى. ابراهيم نىنگ آتەسى، - «اۋغلىمدى اوپلنتىرىب، قۇرچىغەى دېك كېلىنىمگە طلا سىرغە آلىب قولاغىگە تەقەمن» - دېب يىشىرىب قۇيگن پولنى چىقىرىب اۋغلىگە توتقۇزدى:

- بو پولدى آلىب بارىب قىشلاغدن بىر جلىغ ساتىب آلىب كې، خدا يۇلىگە خام تلاش قىلىب بېرەبىز «صدقە رد بلا» دېگنلە؛ آتەنگ تېزراغ سىغلىسىنلە، - دېدى ابراهيم گە.

ابراهيم قەبىردن دىر كېچدە بىر جلىغ آلىب كېلدى، اپرەتەسى اونى سۇيدىرىب خام تلاش قىلىب قوشنىلرگە ترقىدىلر. مسجد نىنگ ملا امامىگە ھم بىر قۇل گوشت بىلن بېش يوز افغانى يوباردىلر. طبیب نىنگ كسلى اوچىنچى ھفتەگە اۋتەى-اۋتەى بۇلىب تورىدى. حالسىزلىنگن

عبدالرزاق چلقھیرەمان تام نینگ بلارلریگە قرەب یاتردی. او قریب اېلیک بیللیک حیاتی دورینی کۆز اۋنگیدن اۋتکزە باشلەدی.

- عمریمدە شوندە ی کسل بۆگن اېمىس اېدیم. کرونا کسلینی، بیورەگی، بۆیرەگی، جگری و بدن ی نینگ بشقە مھم اعضالریدە کسل بۆگنلنی اۋلدیرەدی دېدیله، مین کە یخشی اېدیم، بلکە اۋلمس من. بیر نفس قاگن اۋزی، شونیسى گە یم شکر،» - دېدی اۋز اۋزیگە.

او، یاتگن جاییدە چپ تامانگە آغدریلدی. قرەسە خاتینی دسترخوانگە ینە ایسیق آش، لیمو و باشقە میولەرنی کھلتیریپ قۇیگن اېکن.

- خدا قبول قیسە، بیر مالدی خام تلاش قیلیب بېردیک، - «یخشی مالینگ یمان کونینگ» دېگنلە، آشتی ایچینگ، نصیب بۇسە یخشی بۇلیب قالەسیز.

- خیرات بېریب یخشی قیلیب سن خاتین، پېشئە اېکن، طالعلریزدن کۆرییە، اجلگە تى اعتبار یاغ، - دېگن عبدالرزاق خاتینیدن قلم و قاغاز سۇرەدی.

طیب اشتھاسى کۆترمسە ھم آشدن تۇیب ایچدی، آش نینگ قاشیغیگە لیمونی شپق ب سووینی باشیگە کۆتردی، داریلرینی ھم ایچدی. قلم و قاغازنی قۇلیگە آلیب یانباشلب بیر نرسەلر یازە باشلەدی، بېش دقیقه دن کپین قاغاز نینگ بیر بېتینی بیتیب تۇلدیردی، خط یازیلگن قاغازنی یاستیغی نینگ آستیگە قۇیدی. قاغازدە یازگنلری، خاتینی و فرزندلریگە وصیتنامەسى اېدی.

طیب اۋنگلنە باردی. اېرتەسى اشتھاسى آچیلە باشلەدی، او خاتینینی چارلب:

- بو آش اوماچینگ ام جانیمگە تیدی. بیر تەووغ سۇیدیریپ، کۇپراغ پیاز سالیب مزەلی شۇربە قیلیب بیرمە ی سمنی؟ قارە مرچام قۇش.

- خوش بۇلەدی آتە جانیسى.

بىر سەئەت ئۆتمەي شۇرپەنى تيارلەپ كېلدى، طىبب ايسق-ايسق ايچىپ تېرلەدى. كۆرپە گە كىرىپ آلدى، ايككى سەئەت چمەسى اوخلەدى. اۆزىدە كوچ تۇپلەپ اۆرنىدىن تورماقچى بۇلدى. بدنلدىن كوچ ياغىلگن كويى قۇزغىلدى. بې مالا آياققە توردى. هلى هم كم-كم باش آغرىغى بار اېدى، هر قلەي اۆزىنى يخشى حس قىلدى. اويدە آدىملەپ، سۇنگ حاويلىگە چىقدى، بىرنە گە چىقىپ فرزندلرىنى كۆردى. قرەسە هر دايمگى جۇشقىن حيات موج اورىپ تورىدى، هر كيم اۆز ايشى بىلن بند، بالەلرى نىنگ كۆزلىرى قووانىپ تېرلىرىگە سىغمەسدىلەر. طىبب آتە نىنگ تېورەگىنى يقىنلرى تۇلدىرىپ تورىدى، همه ياق قى-چوو، قوونچى ايچىگە سىغمەي كۆزلىرىدە سېونىچ ياشلىرى قلقىدى و كۆمكوك آسمانى قوچاقلەگن كىي هيجانگە باتدى.

«حيات! بېرگن عمرىنگ گە شكر؛ سېنگە سلام بابا قوياش! كىرىپ چىقەياتگن نفسلرىنگ اوچون شكر سېنگە حيات! عطا اېتگن خاتىن و فرزندلرىنگ گە علىحدە شكرلر ايتە من. بو مېن اوچون حيات سباغى بۇلدى، يخشى لىك قىلىشگە سېنگە سۆز بېرەن حيات! باشقە انسانلرنى اۆزىمدەي توتەن»

او، آتە لىك مېرى ايله قىزلىرىنى بىرىگە باسدى و اولرگە قرەب - " كۆزلىرىنگ مېنگە دارى بۇلدى، سىزىلر سبب ايچىمدە اميد قېتە گللهدى" - دېدى.

ينه او، اۆز سۆزلىرى دوامىدە بوتون عايله اعضاسى و يقىنلىرىگە: - نصىحتىم سىلە گە شو، ناشكر بۇمنىگە؛ خداگە بىر قىگنلرىز ياقنەن اېكن، منە آتەلرىز ساغىلدى. اۆلىمدى اغزىدىن قەيتىدىم، - دېدى.

عبدالرزاق طىبب كتە خدايى قىلىپ معركە اۆتكزدى. ينه ايشگە قەيتىدى. آدملىرىنىگ كېيتى اوزىلمەسدى، طىبب اۆز دارىلرى بىلن گېلشگە توتىندى.

سلامتلیک کولیب باققندہ

سرپل شہریدہ حیات کچیرہدیگن ہمراہ قول عایلہ سی اؤز تیری کچیلیگی بیلن آوارہ. نادرہ سناققہ آینمسه، بو عایلہ اؤقیب – یازیشدن محروم یشب کپلماقده، کسل – بیمار بؤلسه، توزله دیمی یوقمی؟ اؤز بیلگنلریچه داری – درمان قیلیب یوریشہ دیلر.

یوقوملی کسللیک اؤزی بیر جایگه یوریب بارمیدی، اونو کیمدیر یوقدیریب، بیر یپردن باشقه بیر جایگه آلیب باره دی. پاکستان و ایران دن یوقدیریب کپلمسه لر عالم گلستان.

آی بدل خاله فالچی، قاقیمچی، بخشی و ملا – خواجه گه قتیق ایشانگن عیال، یاشی کپتیب، کمپیر بؤلیب، بؤیی بوکیلیب قالگنیگه قره مسدن آیاغی تاشگه تپگسه هم تاپگن توک کینی اؤنگیریگه توگیب فالچیلرگه بیریب کپله دی. رحمتلی ابری نینگ ایشی اؤنگیدن کپلمه ی قالسه هم بخشی نی تیلہ تیب جلیغ (جانلیغ) سؤیدیریب، تال آجدیرر ایدی. کودکلری شماللب ناخوش بؤلیب قالگنده، کتگده گی تاوو قلدیدن بیرینی فالچیگه اپلتیب بپردی، قاره – قوره قیلدیریب، اپلمه تیب کپلردی. چهارشنبه کونلری محلی عیال لر بیلن قیشلاق نینگ کون چیقیر تامانیده دریا بؤییده گی افسکی چارباغده گی قبرنینگ زیارتیگه باریشنی قضا قیلمس ایدی.

ابری رحمتلی ہمراہ قول گه خاتینی نینگ بو قیلیقلری یاقمسدی. قچانکه خاتینی نینگ قہ یاققہ دیر کپتیب قالگنینی سبزیب قالسه: – «هه،

ينه فالچيليرگه بيرار نرسه بېرىپ كېگنى كېتتىمى؟» - دېپ، - «اې اخماغ كۆپ بۇسە مفلس خوار بۇمەيدى» دېگنلرى راست،» - دېپ كايىنردى. خاتىنى تاپىلىپ كېلگندە او بىلن جنجل لىشىپ كېتردى. اونگە اېرى نىنگ قرشىلىگى سىره تائىر اۋتكزمسدى. نىمەگە دىر «عياللرنى اېرك كلرگە كۆره خرافاتگە كۆپراق بېرىلگن بۆلەدى»، دېدىلر. بوندەى هم اېمس. آى بدل خالە نىنگ بىردن بىر تىلكى قىزى نادره بوندەى اېمس. مكتىدە اۋقىب، سواد چىقرگنى اونى تۇغرى يۆلگە باشلەگن. بىر هفتە آلدین نادره نىنگ تىشى قىتق آغرىگن اېدى، آنەسى نادره گە يانغاق مغزىنى چۇققە كويدىرىپ آغرىق تىشىگە باسگندى، تىشى يامان زىرقىر كېتىشى بىلن آق، نادره آنەسى نىنگ قۇلىنى سىلتب سالىب:

- بو ايشلر بىزدى قۇيىنگ، - دېپ، آنەسىنى قىتق جىركىدى.
اېرتەسى هم تىش آغرىغى قالمەدى، آنەسى او يىدن قىسى ياققە چىقىپ كېتگن اېدى.
- اې خدا، بو آنەم ينه قىسى فالچىگە كېتتىمىنە؟ - دېپ قۇيدى،
اۋزىچە.

بدل خالە اۋدە غەيلىب نېرلردن دىر بارىپ كېلدى.
- تىش اغرىغىنگ قاسىن، - دېپ اۋشە يگە درخكە بارىپ مىخ قاقىپ كېلدىم. تىشىم اغرىسە دايم شونداق قىلەمن، آغرىغى دراۋ قالدەى.

- آنە، اۋز بىلگن بىزدن قامەيسىز، بو نرسەلنى فايدەسى ياغ، خرافات كو! قورىپ ياتگن درخكە مىخ قاقىش مېنن تىش اغرىغى قالمىش، يا توبە اۋزىنگ پناە بې، جھالت دېگنى شو اېمس مى؟
- قىزىم، خفات - مفاتىنگدى مېن بىلمەيمەن. مېن شو ايرىم - سىرىمدن فايدە كۆرگن مەن، - دېدى بدل خالە.
قىزى باشقە گېرمەدى، تىشىنى داكتىرگە دولشنى افضل كۆردى.

نادرە نینگ كىسى اۋقېتوۋچىلىك، حكومت كرونا وىروس ترقىلىشى نىنگ آلدىنى آيش اوچون نا معلوم وقتىگچە مكتبلر تعطىل قىلىنغن، ايكى آيدن بېرى اويىدن چىقمەگن نادره راسە زېرىككن، او هر كونى تلوزيون تماشا قىلىب، كروناگە عايد وضعىتىنى اۋرگىب بارەدى. تىشى نىنگ اوزدىرگىدىن تۇرت كون اۋتكن اېدى. ايشسىزلىكدن توشكونلىككە توشىب قالىشى خوفى بار؛ شونىنگدېك او، رومان اۋقىش، معنالى-مغزلى كتابلرنى مطالعه قىلىش بىلن اۋزىنى مشغول توتەدى. عبدالله قادرى نىنگ "اۋتكىن كونلر" نى تاماملب، پىرىم قول قادروف نىنگ "يولدوزلى تونلر" رومانىنى اۋرتاغىدن آىب اۋقىشگە توتىنگن.

غىيدن كېلگندە نادره نىنگ تابى قاچىب قالدى، اۋزىنى ناخوش حس قىلە باشلەدى، كۈزىدىن ياشى چىقدى، تەسى جىمىرىدب قلىترب كېتىدى؛ «كرونا توتدى مېنى»-دېگن اۋى-خىاللرگە باردى. - آنە، مزەم ياغ، زكام بۇلىب من، كېچە اوستىم آچىلىب قالىب، شماللب من شېكىلى؟

آى بدل خالە، اېسكى كۇرپەچەلرى پىختەسىنى تۇزىتىب، سبەچوب بىلن سەب تورگن اېدى. او، قىزىگە:

- هر كېچە سېندىن خبردار من. كۇرپەنگىدى اوستىنگگە ياپكن اېدىم. بو كېچە اونچە سوغ اېمس اېدى.

او، سبەچوبلرىنى بىر ياققە قويدى-دە، كېلب قىزى نىنگ پىشانەسىگە كفتىنى باسدى.

- اىستەنگ بارگە اۋخشەيدى قىزىم. قىسى كۇزى چىققىر سېنى كۇز قىلدىمى، بىزدى شو كم كونىبىزدى يم كۇرەلمەيدىلە. - «قىزى معلم بۇلدى، اېندى هر آى پلانچە پول تنخواه آلەدى،»-دېب كۇرەلمەگنلە كم اېمس.»

آنەسى بىر اپسكى حلى تىباققە چۇغ كېلتىرىپ، نادرەنىنگ يانىگە قۇيدى، قىسىنىنگ اۋنگىرىدەگى ايسىرىقنى چوغ اوستىگە تشلب، توتتدى.

- ايلايىم سېنى كۆز قىگنلەنى كۆزى چىقىسىن، - دېپ قرغەدى.
نادرە آنە سىگە:

- عدىمدن - قدىمدن قاگن ايرىملەدن انه شو اسپنگە ايشنەمن.
ايسىرىقە حكمت با، وىروس و مىكروبلەنى اۋلدىرەدى، - دېدى
هارغىن قىافەدە.

او، يەنە سۆزلىرىگە دوام اېتىپ:

- كۆپ عامل لە آدمى كسل بۇلىشىگە سبب بۇلەدى، مىكروب،
وىروس هم انه شو عامللردن، يوقىملى كسللىكلرنىنگ باش سببى
شوندا آنەجان!

آنەسى اسپه قىزى نىنگ گىلرىنى تىنگلركن:

- بىلمەسم، طاقتىم كېمەگىدن شونداغله دېمىن قىزىم، باشىنگ
اغرىسە جانىمدى قۇيرىگە جاي تاپمەيمىن، - دېپ ايسىرىق كولىنى
تشلب كېلگنى اۋتاقدن چىقدى.

نادرەنىنگ احوالى يامان، فكرى پرىشان، ايسىتمەسى زۇرەيگن
سرى بوتون تەسىگە اۋت دارىگن سىمان بدننى كويدىرىپ كېتەيتى،
بىر ياقدن باش آغرىغ، باشقە بىر تاماندن تاماغى آغرىپ، بۇغزى
بىرىنگىل كېتگن.

الخشىرەگن نادرە:

- اوففف بى دوا دردگە بۇلىقتىممى، كرونا بۇلدىممى؟ كرونا بۇگن
بۇسم قەبىردن آلدىم بو وىروسدى؟ اوففف، اپندى قنداغ قىلەمن، شو
تىش داكتىرنى كلىنىكىدن يوقتىردىم شېكىلى، اپندى كېچ بۇلدى،
اپرتەلب شفاخانهگە بارەمن، تېكشىرتىرەمن، كرونا بۇلىپ، بۇمەگنىم
معلوم بۇلەدى، - دېدى.

او، ایکی۔ اوچ مرته آنه، دېب ھیقیردی، بیراق آنه سیدن سپس چیقمه دی. نادره نفسی قیسيله یاتکنینی سېزدی. - «کرونا بۇلیب من،»
- دېدی قطعی الفاظده اؤز - اؤزیکه. شو آنده قۇلیده گوگرد آنه سی
کیریب کھلدی.

- مېنی ھیقیردینگمی قیزیم؟ مانه کھلدیم. قنداغ سن؟ - دېدی.
او، گوگردنی اېسکی صندیغی نینگ کیچیک خانه چه سیگه قۇیب،
قیزی نینگ منگله ییگه قۇلینی قۇیدی. نادره نینگ ایسیتمه سی آنه سی -
نینگ کفتینی کویدیریب کھتگوده ی اېدی.

- په - په، تندیردی الوی بۇلیب سن قیزیم. اؤزیمدی بیلگنیمدن
بېری آدمی مونداغ ایسیتگینی کورگنیم یاغ، ینه قیسی جانی کویگیر
دعا - جادی قیلدیمی؟

- ای آنه جان، تنی شو گپلریزدن قامه دیز، بکسیمده بیر پاکت
پرستامول بار اېدی، تیزراغ شونی آلیب بېرینگ ایچه من، بیران تازه
متاعگه موز سالیب کھلتیریب پیشنه مگه قۇیینگ، ایسیتمه م پسه یسین.
آنه سی پرستامولنی ایچیردی - ده، یوگیریب باریب بۇغچه سیدن آق
کتان رومالنی آلدی، موزلتگیچدن کھلتیرگن موزنی رومالگه اؤرب،
قیته - قیته نادره نینگ منگله ییگه باسیب توره بېردی. بیر آزدن سۇنگ
قیزی نینگ ایسیتمه سی توشگندېک بۇلدی، او بیر آز تینچیدی.

اېرته سی اؤرنیدن توریب اؤزینی بی حال سېزدی، نفسی قیسیلگن،
باشی و بوتون بدنی موچه - موچه سی زیرقیرب آغریدی. نادره، کروناگه
یۇلیققینگه ایشاندی. او اؤز خیالیده شفاخانه گه باریب، کوید - ۱۹
تېکشیرووی اؤتکزیشینى رېچه له دی. زؤرغه اؤرنیدن توریب یوز و
قۇلینی یوودی، کپتیشگه حوصله قیلمه ی قیته جاییده اوزه لدی. آنه سی
ینه - «اسپند بلا بند، به حکم شاه نقشبند،» - دېب ایسیریق توته تیب
اېشیکدن کیریب کھلدی. ایسیریق نینگ توتونی او ی نینگ فضا سینى
تۇلدیردی.

- آه آنەم ايىي، قنچە ايتەي سىزگە، بو ايشلر يزدى كرونالگە فايدهسى ياغ. ايسىرىق توتونى، فالچى، قاقچىلر مىكروب و وىروسلر عاملى بۇلگن كسللرنى توزەتسە، اوز وقتىدە قىزەموغ، چىچكىتى توزەتر ابدى. -«قدىملە يوزلب آدملە قىزەموغ، چىچكدن اولىب كېتىگىنى اوزىز ايتگن سىزمېنگە.»

نادرە نىنگ كۆزلىرىگە ياش ايلەنىپ، كىپرىكلرى ھۇل بۇلدى، او يىنە خياليدە اوزى بىلن سۇزلىشىپ:- «شونى بىلەمن، دنيا عالملىرى، دانشمند انسانلر تحقيق قىلىپ وىروسلر و مىكروبلرنى كىشف اېتىپ، واكسىن ايشلب چىقەدىلە، دارى توزەتەدىلە، كرونالگە چىلنگن كسللە ھىچ نرسە كۆرمەگندەي بۇلىپ كېتەدىلە، مېن شونگە ايشانەمن. منە بوگون چىچك، قىزەموغ، سىل كىي يوقوملى كسللىكلرنىنگ اىلدىزى قورىدى» - دېدى.

آنەسى آي بدل خالە:

- كاشكى قىزىم ايتكىنىنگ كېسىن، آدملە شفا تاپسىنلە، ساغلىققە نىمە يېتىتى، - دېپە اونىنگ گىلرلىنى تصدىقلىپ، قىزىگە دلدە بېرگن بۇلدى.

نادرە، بىراز آنەسىگە تېرمولدى - دە، مونگلى آواز دە:

- غم يېمەنگ، تېزدە مونى ھم واكسىنىنى چىغىرەدىلە. مونى ھم چارەسىنى قىلەدىلە، - دېدى.

بدل خالە قىزى نىنگ گىلرلىنى اېشىتر - اېشىتمس چىقىپ كېتى، بېش دىققە اۋتر - اۋتمس اۋزى ملە پختەدن تۇقىگن دسترخوانگە نان، اېسكى مس پىتوسگە چاى و سوت آلىپ كېلدى. نادرە اشتھاسى بۇلمسە ھم يىرىم پىپالە سوت اىچلدى. آنەسى دسترخواننى يىغمسەن چۇكەلنىپ، اۋرنىدن تورىب شفاخانەگە كېتىشگە اتلدى. آنەسى اىپىل - توپىل دسترخواننى يىغىپ، كېتىدن چىقىدى:

- «تاختە قىزىم تاختە، مېنم سېنى مېنن كېتەمن»، - دېدى.

نادرہ آنہسی بیلن کوچہگہ چیقڈیلر، بیر ریکشاگہ مینیب، ییگیرمہ دقیقه اوتر۔ اؤتمس شفاخانہگہ کیریب باردیلر۔ نادرہ کرونا ویروس بؤلیمیکہ باریب طبی کؤریکدن اؤتدی۔ داکتر اونگہ ایکی۔ اوچ کوندن کپین تیلفون قیلیب نتیجہنی ایتیشینی بیلدیردی، کپرہکلی توصیهلرنی ہم ایتدیلر۔ او، شفاخانہدن چیقہیاتگنیدہ داریخانہگہ کیریب داکتر یازکن داریلرنی آلدی۔ بیر باغلم ماسک، بیر نپچتہ صابون و ویکس ہم ساتیب آلدی۔

آنہ - قیز اویرلیگہ یتیب باریشدی۔ نادرہ آلدینگیدن کؤپراق سلامتلیگینی اویلب، جدی راق چارہلر کؤرہباشلہدی۔ نفس قیسمہسی زؤرہیگن نادرہ، یانیدہ قؤیلگن بیر ترموز قیناق سوونی پیالہ گہ قویب، اونگہ ویکس قوشیب، قیناق سوونینگ ایسیق۔ ایسیق هورومیدن نفس آله باشلہدی۔ نفس قیسمہسی بیر آز آچیلدی۔ داکترلر توصیه قیلگن داریلرنی ہم ایچہ بپردی۔ او، میکروبولی و ویروسلی کسل لیکلرنی بینگیش اوچون بدن مقاومتینی آشیریش مہم لیگینی یخشی انگلر اہدی۔ انہشو باعث ہر کونی، بیر یا ایکی مرتہ ایلیق سووگہ چؤمیلردی۔ آنہسی اونگہ سوپوق اؤقتلر پیشیریش بیلن آوارہ اہدی، اشتہاسی بؤلسمہ ہم تورلی کؤکتلر، زرحمہ، شلغم، ایسمہ لاق، زنجبیل سالینگن آش و اوماچ ایچیشنی توختتمہدی۔

بیر ہفتہ اوتر۔ اؤتمس شفاخانہدن اونگہ تیلفون قیلیب، کرونا ویروس تپکشیرووی نتیجہسینی اعلان قیلدیلر، نتیجہ مثبت اہکن؛ بو یامان خبرنی اہشیتیب قتیق چؤچیگن نادرہ:

- کرونا ویروسنی تیش داکتری نینگ کلینیکیدن یوقتیرگنمن، - دپکن اہدیم، اہندی مہنگہ بو ویروسنی فقط اؤشہ بپردن یوقتیرگنیم اثباتلندی، بو آفتدن ساغلم کہ یخشیدی، - دہدی، اؤز اؤزیگہ۔ او، بیر نپچہ دقیقه سکوت قیلدی۔ آنہسی آی بدل خالہ، اؤتاققہ کیریشی بیلن آق آلدینگیکہ سکوتگہ برہم اوریلدی۔ قیزی اہسہ اؤرنیدن زورغہ نیم خیز بؤلیب، آنہ سیگہ:

- يىخشى اپمىس مەن ئەجان. شىفاخانىدەن تېلېفون قىيىن اپدېلە.
 كۆيد-۱۹ ۋىروسىنى يوقىتىرىپ سەن دېدېلە، ئەن شەئالە ساغەلە مەن، بىر
 نېچە كۈن عذاب تەرتە مەن، نې چارە، - دېپ كەفتىنى مەنگەلەيگە قۇدى.
 بو ساووق خەبرىن اپشېتىگەن ئەسە، آياق اوستىدە تورگەن جايىدە
 قېلەگە قرەب:

- نادەرە قىزىم شو كىسلىدەن سەغسە قەماغەدەكى قارە تۇرىپى خەدا
 يۇلگە سەدغە، - دېپ دەگە كۆترگەن قۇللىرىنى يوزىگە تارتدى.
 ئەسەگە آرتىقەچە تشویش بېرىشنى اىستەمەن نادەرە:
 - ئەجان! قۇرقەمگە، مەن بو كىسلىكەن اۋلە مە مەن، قەنداق قىلەي،
 داكتەرلەنى ايتىگەنلىرىنى قىلىپ بىر كۈن يىخشى بۇلە مەن.
 - تىلگىنىگە جانىمگە قىزىم، ايتىگەن كەسەن، خەدادەن تىلەگەنمەن شو.
 سەنگە كېلاتىگەن بلاگە اۋزىم كۈندەلەنگە بۇلە مەن قىزىم، ايتىگەن كەسەن
 قىزىم، ھەمە كىسلەدى دواسى با، كرونە گە ھەم چارە تاپىلەر، - دەدى
 ئەسە.

قىزى آي بەل خالە نىنگە اۋكىنچەلىرىنى سېزىپ:

- تشویش قىمەنگە ئەجان، دانىشمەندلەر، تەدقىقاتچىلەر بو بارەدە
 خەتاي، اروپا، امېرىكا و باشقە جايلردە جەدى تەدقىقات ايشلرى مەن
 بەندە. يەقەندە اپشېتىپ قەلە سىز بونى واكسىنىنى تۈزەتەدەلە. كرونە
 ۋىروسىنى يېنگەدەلە آخەر.

- كاشكى، كاشكى قىزىم.

ھەر كۈنى بىر-ايگى مەرتە نەفس قىسەمە تۈتەپ، جانى بۇغزىگە
 كېلەدەنگە نادەرە، وىكس ھورومىدە نەفس آلىشنى دوام اپتەردى،
 تېشىنى- تېشىگە قىسەپ دەرگە چىدەدى، روھى تېپىكەلگەن بى
 بېرمەدى. اۋزەلەپ ياتىگەن جايىدە تلويزيوننى تەماشە قىلدى، تلويزيون
 كانالەدە خەبەرلەرنى يايىنلەش ۋەقتى اپدى. خەبەرلەردەن اكسفورد يورنىۋرستىتى
 كرونە واكسىنىنى ايشلەپ چىققەن تۇغرىسىدەگى خەبەر اۋنىگە دقتىنى
 اۋزىگە تارتدى، بو خەبرىن اپشېتىگەچ، نادەرە بوتون دەرەدىنى يوقاتىدە

بۇلدى. شو آندە آنەسى قۇلىدە پتنوس اۋتاققە كىرىپ كېلدى، نادرە نىنگ ايتىگە قان يوگورگن، كۇترىنكى كىفیتدە اېدى.

- قىزىم كۇزىمگە يىخى دەى كۇرىنەسن، كۇزلىرىنگدە امىد چۇغلنە باشلىتى. شكر، شو كونلرىگە يم شكر، - دېدى بدل خاله سويىنگىدىن.

- آنەجان، كرونا واكسىنىنى توزەتتيله. تلویزیون خبر ترقىدى.

- هه، ایتگن اېدىنگ قىزىم، منە دېگىنگ كېلدى.

آردەن بىر ھفتە اۋتدى چمەسى، نادرە كون سايىن يىخىلىنىپ بارماقده اېدى. او، انچه اۋنگلنگن. دوشنبە كونى اېدى، توشلىكده آنەسى پىشىرگن لذتلى ماش آبهنى ايچىپ توريب:

- آنەجان! بوكون يىخى بۇگندەى من، توزلدىم شېكىلى! سىزدى يم بارىزگە شكر آنەجان، يىگىرمە كوندن بېرى قىزىم، - دېپ، كۇپ عذابگە قالدیز، دعانگىزنى مېندن ايهمنگ، عمر بۇىى خدمتيزگە بۇلىشگە وعده بېرەمن آنەجان؛ بختىمىزگە ساغ-آمان بۇلىنگ، - دېدى.

او، اۋرنىدن توريب آنەسى نىنگ قۇلىنى اۋپتى، آنەسى هم نادرەنى بغرىگە باسدى: ايكاولان بىرگە اۋتاقدن تشقريگە چىقىب اوى اطرافىدە ايله نىشدى. نادرە چوقور-چوقور نفس آلدى. حیات اونگە كولىب باقدى، مکتبگە باریب، باله لرگە درس بېرىش ایلینجیدە یشەى بېردى.

كابل ۲۰۲۰ ياز

سىناو

شەر شىفاخانىسى نىنگ ياش مەتخەسى داكتەر آيدىن ھەركۈنىگىدەن
 اپرەتەراق اويىدىن چىقىپ، شىفاخانىگە جۇنۇب كېتىشگە شىلنەياتىگەن
 اېدى. اونىنگ عىالى يولدوز، اپرى نىنگ آياق كىملىرىگە بۇس سورتىب،
 تازەلب قۇيدى - دە، اوى نىنگ اېشىگى يانيدە، ديوارگە آسىب قۇيىلگەن
 كۆزگۈ قىشىسىدە توريب ساچىنى ترەب تورگەن تورموش اۋرتاغىگە
 تىكىلىپ:

- آيدىن! بىلە سىز-آ، قىرىب ايككى آيدىن بېرى عالى اۋقوو يورتلىرى
 تەعطىل، مېن اويدىن توريب بالەلرگە آنالين درس اۋتەمەن، كاشكى
 سىزلرنىنگ ھەم خەمتلرنىنگىزنى آنالين بىجىرىب بۇلسە اېدى، سىز ھەم
 اويدىن توريب ايشلەشىنگىز مەمكەن بۇلسە اېدى. ھەر كۈنى اپرەتەلب
 ايشگە چىقەسىز، ايككى اوچ كۈن ھەم شىفاخانىدە قالىپ كېتەسىز. جودە
 قۇرقىنچىلى حالت، جودە قىلتىس بىر وضعىت، خوفلى بىردە خەمت
 قىلەسىز. تۇغرىسى قۇرقەمەن، قىچە احتىياپ قىلمەنگ، وىروس دېگەن بلا
 يامان بۇلرەن، كرونانى يوقىتىرىپ قالىشىزدەن خوفسىرەيمەن. قىچە
 ھەمكارلرنىنگىز كرونا وىروس يوقىتىرگىنىنى اۋزىنگىز ايتتىز، بېچارەلرنىنگ
 ايرىملىرى بو ياروغ دىيادەن اۋتىب كېتىدىلەر، نىمە بۇلەدى بىر نېچە كۈن
 شىفاخانىگە كېتمەنگ، اويدە قالىنگ، اخىر سىزەم...

داكتەر آيدىن عىالى نىنگ ھەس - تويغو تۇلە گېلرېنى تىنگەلب، اۋىلىنىپ
 قالدى، قۇل قاپىنى كىيىپ آلىپ، تازە ماسك نىنگ ايلگىچلرېنى

قولاقلری نینگ آرقەسیگە اۆتكزيب آلدی۔ یو، خاتینی یولدوزگە مەرلی قرەب:

- عزیزیم یولدوز! مېن سېنى یخشی توشونەمن. تشویشلرینگنی انگلەیمن. قرە، مېن یېتی ییل طب فاکولتەسیدە تحصیل آلدیم. اېزگو انسانی نیتلر بیلن یاردمگە محتاج انسانلرگە خدمت قیلەمن، کسللرنی دوالەیمن، اولرنی اۆلیم یاقەسیدن قیترب قالەمن، دېگن یوکسک فضیلتلی آرزو۔ امیدلر بیلن کېچە۔ یو کوندوز درس اۆقیدیم، کمیدە تورت ییل تخصص قیلدیم، چېت اېلگە باریب ملکە آشیردیم؛ اېندی شونەدی آغیر کونلرە اېلیم۔ خلقیم و انسان اولادی یانیدە توریب، اولرنینگ آغیرینی بېنگیل قیلش ایلینجیدە، اېگنیمگە آق چاپان کیدیم. فقط انه شونەدی قارە کونلرنی اۆیلب آنت ایچدیم، مېن و مېنینگ مسلکداشلریم بو جبهەدن آرقەگە چېکینیشگە حقلی اېمس میز. بیز کرونانی و کروناگە اوخشەگن بیر قنچە ویروس، میکروبلرنی بېنگیشیمیز کېرەک. بیز تجربە و علم یاردمیدە بو جبهەدە غالب چیقەمیز، دېگن داکتر آیدین، عیالی نینگ قۇلرینی اوشلب، قویاش نوریدە بلقیب تورگن رخش آلمەدېک قیزیل یاناغلریدن اۆیپ خیرلشدی.

یولدوز، اوی نینگ اېشیگیگە تېەنېب، آپارتمان نینگ زینەلریدن پستگە توشیب بارەیاتگن تورموش اورتاغی آرقەسیدن تېلموریب قالدی، یورەگی بۇغسگە تۇلدى، بیر نرسەلر دېماقچی بۇلدى، ایتالەمدی. زینە نینگ ایلنەسیگە بارگن داکتر آیدین آرتیگە قرەب، کېیتیدن مأنوس نگاھلر بیلن کوزەتیب تورگن یولدوزگە کۆزی توشدی، یینە خیرلشوو نشانەسیدە اؤنگ قۇلینی کۆترب:

- جانگینم، اؤزینگدن احتیاط بۇل، تېلفونەدە گېلەشیب تورەمیز. تشویش قیلەم، بو مرتە بیر هفتە۔ اؤن کوندە بلکە قیتە آلمسمن. کرونا ویروسنی بېنگیش اوچون ینگى تدقیات ایشلری بیلن بند بۇلەمن. ینگى

تجربەم مۇشۇ نەتىجە ئايب كېلىشى اوچون دعا قىل دېدى-يو، يولدوزنىڭ كۆزىدىن پەنە بۇلدى.

تورموش ئورتاغى اپشىك نىڭ بۇسەغەسىدىن استە آرقەگە چېكىنىپ، ئۇتاق نىڭ تۇرىگە باردى، دېرىزە شىشەسى آرتىدىن كوچە گە تېكىلدى. اپرى آيدىن نى كوچە نىڭ چېكەسىدە تورگن شفاخانه موتريگە چىقىپ آيشىنى كوزەتدى، بۇم - بۇش كوچەدە تورگن موتير بىر زومدە غايىب بۇلدى.

شەر شفاخانهسى ئورينلىرى كويد - ۱۹ گە چىلىنگن بىمارلرگە تۇلە، كسللر يقىنلىرى اپسە شفاخانه دروازەسى و ميدانىدە تۇپلنگنلر، اولر داكتترلردن مدد سۇرەشەپتى. شفاخانهدە اكسىجن تىقچىللىگى سىزىلەدى، هر كون ايگى - اوچ كىشى بىمارنىڭ تابوتى اولرنىڭ قىرنداشرلىگە تاپشىرىلەدى. كرونا وىروس يوقتىرگنلر آرهسىدىن ساغەيىپ، آياق اوستىدە تورىپ اويلرلىگە قىتگنلر هم آزاپمسدى.

داكتر آيدىن، شفاخانه رىيسى داكتر تومارىس نىڭ اىشخانەسىگە باش سوقدى، رىيس هم اپندى اويدن شفاخانه گە كېلگن اپدى، سالاملەشيب ئوريندىقلىرگە ئۇتىرىپ آلدىلر. داكتر آيدىن رىيسگە قرەب: - قنى اپندى دوستلرئىمىز - مئخصصلر كېلسەلر اپدى، كويد - ۱۹ مسألەسى اوستىدە باشلەگن بىشمىزنى دوام اپتدىرىپ، بىران نىجە گە اپرىشسك اپدى، - دېيشى بىلن آق، اوچ - تۇرت كىشى مئخصص بىرىن - كېتىن اداره گە كىرىپ كېلىشىدى. علمى مجلس اۇز ايشىنى باشلەدى، شفاخانه رىيسى داكتترلردن كرونا وىروس يوقتىرگنلر تۇغرىسىدە معلومات بېرىشلىرىنى سۇرەدى. مئخصصلردن بىرى - «وضعيت يىخشى اپمس، كويد - ۱۹ گە چىلىنگلر سانى آشگن، تالفاتلر مىزانى آشىپ بارماقده. شفاخانهدە اكسىجن و باشقە ضرورى امكانلر آزلىگى سىزىلەدى»، - دېدى.

سىزدە بىران يىڭى فىكر بارمى، نىمەلر قىلىشىمىز كېرەك؟ - دېدى شفاخانه باشلىغى داكتر آيدىن گە قرەب.

- جناب رییس، حرمتی مسلکداشملر! سیزگه معلوم که، کرونا ویروس بیر کره سینی گپزب، آدملر آره سیدن قربانلر آلماقده. دنیانینگ رواجلنگن مملکتلریده مین من،- دپگن متخصصلر هم بوکونگه قدر اوشبو ویروسگه قرشی آدملرنی اپملش اوچون واکسین ایشلب چیقالمه گنلر، موجود داری- درمانلر هم یخشی نتیجه بیرمه گن. امریکا، اروپا، ختای، روسیه و باشقه اؤلکه لرده داکترلر بیر قطار انتی وایرلر و دوالرنی کوید-۱۹ کسللریگه بپرب، قطعی نتیجه آلامه گنلر، خلاصه هلیگچه هر قندهی داری-درمان بو ویروسگه چلینگنلرنی دوالشده کؤمک قیله آلمه گن، کوید-۱۹ یوقتیرگنلر نجاتی اوچون اؤز فکریمنی ایتماقچی من.

داکتر توماریس میز اطرافیده هارغین اؤتیرگن متخصصلرگه بیر-بیر کؤز سالیب، یان دفترچه سینی ورقله دی-ده، یوزینی داکتر آیدین گه بوریب:

- تۇغری ایته سیز داکتر آیدین! بیز هم ایکی آیدن ببری شفاخانه میزده کرونا ویروس تلفاتی نینگ آلدینی آلیش اوچون قؤلیمیزدن کپلگنینی عملگه آشیردیک. متخصصلریمیز ساغ بؤلسینلر، بو مدت ایچیده نچه کیشی همکارلریمیز هم کرونا ویروس یوقتیردیلر، افسوسکه بعضیلری دنیان آؤتدی، جایلری جنتده بؤلسین. شوکون نینگ اؤزیده هم کوید-۱۹ یوقتیرگن ایکی-اوج کیشی همکارلریمیزنی شفاخانه ده یاتقیزگن میز. اکسیجن یاردیمیده نفس آیب توریبیتلر. اوندن ینگی فکرینگیزنی ایشیتمه میز داکتر آیدین!

- بیز اؤز امکانیتلریمیزنی، بیلیمیمیزنی دنیانینگ رواجلنگن طبی مرکزلی بیلن تقاسلهی آلمه میز، بوگون یا ابرته گه دنیا عالملی نینگ کرونا ویروس باره سیده عملگه آشیره دیگن تدقیقاتلری مثبت نتیجه لر آلیب کپله دی. عقللی انسان باشقه چیگل مشکللرگه غلبه قیلگنی کبی بو آفتی یینگیشگه هم قادر بؤلده دی، هه دپمه ی کرونا واکسینی ایشلب چیقیله دی، اما اوندن گچه بیز نیمه لر قیله آلمه میز، قؤلیمیزدن نیمه کپله دی؟

بىز شىفاخانىمىزدە "پلازما تراپى" نى عملگە ئاشىرىش امكانىگە اېگەمىز. معلومىنىگىز كە "پلازما تراپى" دىنا بۇيىب كىمىدە يوز يىللىك اۋتمىشگە اېگە بىر تىجرىبە، بىرىنچى مرته آلمان مەتخىصلرى "پلازما تراپى" آرقلى قىزەمىق كىسللرىنى دوآلهگن اېدىلر، مېن امرىكادەگى طىبى مرىزلردن بىرى بىلن اوزلوكسىز علاقه دەمن، بو تۇغرىدە اوشبو مرىزده خىزمەت قىلەدىگن مەتخىصلر فكىرلىرىنى اۋرگندىم. قىرشىلىك بۇلمىسە كويدىم.

۱۹ كىسللرىگە پلازما تراپى تطىق اېتەمىز!

مىجلىسدەگىلر باش قىمىرلىتىب داكتر آيدىن فكىرىنى تصدىقلەدىلر، داكتر زىب النساء قۇل كۇترىب سۇزلىشگە رىخىست سۇرەدى.

- داكتر آيدىن كۇپ يىخىشى بىر فكىرنى اۋرتەگە تىشلەدى. بىز اۋز مرىزمىزدە "پلازما تراپى" نى عملى قىلىش امكانىتىگە اېگەمىز. بو بىزىنىگ بىرىنچى تىجرىبەمىز بۇلىشىگە قرەمەى، اولگورەآلەمىز. مېن داكتر آيدىن بىلن يقىندىن همكارلىك قىلەمن، - دەدى زىب النساء.

مەتخىصلر مىجلىسى داكتر آيدىن گە اۋز فكىرىنى تىزراق عملە تطىق اېتىشلىك كە رىخىست بېردى، داكتر آيدىن و داكتر زىب النساءلر اۋزارا مىصلەتلىشىب "پلازما تراپى" تطىق اېتىلىشى رېجەسىنى توزدىلر. كويدىم. ۱۹ گە چلىنىب، ساغەىب كېتىگن بىر كىشى قانىدىن پلازما آلىب كرونا وىروسگە يۇلىققن شىخىس قانىگە اۋتكىزىش كېرەك اېدى.

داكتر آيدىن مىسلكداشلىرىدىن بىرى داكتر سىمىندرنىنگ عىالى كويدىم. ۱۹ كىسللىگىنى باشدىن كېچىرىب، ايككى هفته آلدىن ساغلىگىنى بىلدىرگن اېدى. او دوستىگە تىلفون قىلىب، "پلازما تراپى" عملەسىنى تطىق اېتىش اوچون اونىنگ عىالى كۇنگىللى روشدە قان بېرىشى ضرورلىگىنى ايتدى. اېرتەسى كونى داكتر سىمىندر اېندى كرونا كىسلدىن ساغلىگن عىالى گل اندام اېرى بىلن شىفاخانىگە كېلىشىدى. داكتر آيدىن و داكتر زىب النساءلر، گل اندامنى كېرەكلى طىبى تېكشىرىورلردن اۋتكىزىب، اونىنگ تامىرلىرىدىن قان آلدىلر. قان تىجزىه قىلىنىب، پلازما سى آلىندى.

داکتر آیدین، قیسی بیمارننگ قانیگه پلازما اؤتکزیشینی آلدیندن بېلگېلب قۇیگن اېدی. او هم بۇلسه کرونا ویروس یوقتیرگن شفاخانه ایشچیلریدن بیری تورسون اېدی. کپچیکمىسدن تورسون نینگ تامیرلریگه پلازما اؤتکزیدلی. داکتر آیدین ساعتب نتیجھنی کوتیب قالدی، بیگیرمه تۇرت ساعت اؤتر- اؤتمس بیمارننگ نفس آلیشى آسانلشدى، اکسیجنى بورنیدن اوزدیلر. اشتھاسی یخشیلندی، سبزواتلر شوربه سینی ایچیب، تۇیمه یدىگن بۇلدى. بو خبر شفاخانه باشلیغی داکتر توماریس گه یېتیب باردی. او، شفاخانه متخصصلرینی چقیریب، مجلس اؤتکردی. داکتر آیدین نی بو مهم یوتوغی بیلن تبریکلب، کوید- ۱۹ دن اذیت چپکه دیگن باشقه کسللرنی هم "پلازما تراپی" آرقلی دوالشینی توصیه قیلدی. اؤشه کون نینگ اؤزیده تورسون قیته طبی تپکشیروودن اؤتکزیدلی. بدنیده کوید- ۱۹ ویروسى یۇقلیگی انیقلندی. داکتر توماریس مملکت بۇیلب اؤزی باشقره دیگن شفاخانه متخصصلری ایلکبار کوید- ۱۹ کسلی گه چلینگن بېمارنی "پلازما تراپی" آرقلی دوالشده مؤفق بۇلگنلیکلری باعث اؤته خرسند اېدی. او، تورسون نی ایشخانه سیگه چقیریب داکتر آیدین و همکارلری سعی و حرکتی نتیجھ سیده شفا تاپگنی اوچون تبریکله دی.

تورسون هم آق چاپانلی مهربان متخصص داکترلری کؤرستگن غمخوارلیکلری اوچون چوقور منتداریچیلیک بیلدیریب:

- داکترلر مېنى اؤلوم آغزیدن آلیب قالدیلر. بولر نینگ مېنگه کؤرستگن بی مثال خدمت لرینی حیاتیتم باریچه اونوته آلمه یمن، - دېدی. بیگیرمه کون آلدین امبولانسده آغیر احوالده شفاخانه گه کبېلتیریلگن تورسون اؤز آیاقلری اوستیگه استوار توریب، شفاخانه نی ترک اېتدی. چمه سی ایگنی هفته اؤتدی، داکتر آیدین کوید- ۱۹ گه چلینگلرنی "پلازما تراپی" اصولی بیلن دوالشنی دوام اېتدیردی. بیر کونی شفاخانه ریسی اونى ایشخانه سیگه چقیردی، کیریب بارسه بیر قطار ژورنال یستلر، عکاسلر و کمره من لر اونى کوتیب تورگن اېکنلر، اېشیکدن

كېرىشى بىلەن ئاق، كىمەرەلر لىنزلرى اونگە قرەتىلدى. فلشلىر بېرىن - كېتىن لپ- لپ يانە بېردى، داکتر تومارىس اونى ژورنالېستلرگە تىنىشتىرىپ.
- سۇراقلىرىنكىنى داکتر آيدىن دن سۇرەى بېرىنگلر، - دېدى.
ژورنالېستلر داکتر آيدىن گە كويد- ۱۹ گە چلېنگلرنى ىنگى اصولدە دوالەگنى بارەسىدە سواللر بېردىلر، او، ھمە سۇراقلرگە خلاصە قىلىپ جواب قىتردى:

- بىلگىنىگىز كىبى كرونا وىروس دنيا بۇىلب انسانلر حىياتىگە تھەدىد سالىب تورىتى. ھلىگچە دنيا ساغلىقنى سقلش تشكىلاتى و باشقە صلاحىتىلى علمى مركزلر كويد- ۱۹ گە چلېنگلرنى دوالش اوچون تائىرچن دارى - درمان تاپالمەگنلر. وىروسگە قرشى واكسىن ھم اىشلب چىقىلمەگن. كرونا وىروس بىزىنىگ وپنئاشلرىمىز آرەسىدن ھم قربانلر آماقەدە. بىز كويد- ۱۹ كسللرىنى دوالش اوچون "پلازما تراپى" اصولىنى تجربە قىلدىك، مثبت نىتجە بېردى. تقريباً اىكى ھفتە اىچىدە اۋن بېش كىشى بىماردن اۋن اوچ نفرىنى دوالەدىك، افسوس اىكى كىشى حىياتىنى قوتقرالمەدىك، ھر حالدە بو اصول آرقلى بىمارلر سلامتلىگىنى تىكلش بىز اوچون ىنگى تجربە بۇلدى؛ مېن بو اىشىم بىلەن وپنئاشلرىم- انسانلر برابرېدە اۋز بورچىمنى بجرەلگن بۇلسم اۋزىمنى بختيار تويەمن. انسانلرنى بو وىروسنى يوقتىرمىسلىگى مھم مسالە. تېز آرەدە كرونا وىروسگە قرشى واكسىن اىشلب چىقىرىلىشىگە اىشانچىم كامل. كرونا وىروسنى يوقتىرمىسلىك اوچون اپنگ اولا اعلان اپتيلەدىگن طىبى توصىلەرگە رعايە اپتېشلىكىنى ضرور، - دېب بىلە من، - دېپە سۇزلرىگە نطقە قويدى.

داكتر آيدىن، خبرچىلرنىنگ باشقە بىر قطار سۇراقلىرىگە ھم جواب بېردى.
باشقە شفاخانەلر متخصصلرى ھم اوشبو اصولدن استفادە قىلىشنى يۇلگە قويدىلر. داکتر آيدىن بىر نېچە مرتە منطقە دولتلىرىگە تكلېف اپتېلدى.

كابل ۲۰۲۰ ياز

تۇختەمىش

تۇختەمىش آيىك شەھرى نىنگ غىبى چىكەسىدە آتەسى قوردىرگن
 اېسىكى تورر بنادە اۆز عىالى و فرزندلىرى و آتەسى بىلن حىيات
 كېچىرىدى. بهار موسىمى نىنگ سۇنگى كونلىرى اېدى، كۆپ
 هارىگنى باعث آغىر اوخلەگن. او، تانگ چاغى خورازى نىنگ
 قىچىقىرىشى بىلن اويقودن اويغاندى. كۆرەياتنقن قۇرقىنچلى توشى چلە
 قالدى، بامداد نامازى قضا بۇلمەسىن دېب، كۆرپەسىنى اوستىدىن بىر
 ياققە سورىب تشلەدى. دە، طهارت آلىش اوچون شاشە. پىشە اويدن
 تشقىرىگە چىقدى، سفال آتابەگە كۆزەدن سوو قويىب، طهارت قىلدى.
 بىر يىل آلدىن دوستى جمشىد هرات دە ساوغە قىلگن اىپك رومالىنى
 چۇنتىگىدىن چىقارىب يوزىنى و قۇللىرىنى آرېتىدى. اۇتاق نىنگ
 دىوارىدەگى قازىققە آسىلگن ملە جاي نامازىنى آلىب، بامداد نامازىنى
 اۇقىدى. يرەتگنگە شكرلر قىلىب، دعاگە قۇل كۆتردى. آتە. آنەسى،
 بالەلىرى، اوزاق يقىنلىرى و برچە مۇمن. مسلمانلرنى بلا. قضالردن،
 اينىقسە چېت اېلدن كېلگن وىروس آفتىدىن سقلەشىنى سۇرەب،
 خىدايىگە التجا قىلدى.

تۇختەمىش جاي نامازىنى قازىققە آسىب تشقىرىگە چىقدى، آتەسى
 قۇلىدە عصاسى مسجىددن اويىگە قىتگن اېدى. داوروغ صوفى اۇغلىگە
 كۆزى توشگىچ:

- تۇختەمىش! نامازىنگى اۇقىدىنگىمى اۇغلىم، بو اېرتە مېچىتكە
 بارمىسن، اوخلب قالدىنگىمى؟ - دېب، سۇرەدى قاشلىرىنى چىمىرگنچە.

- هه، آته جان، خدا قبول قيسه نمازيمدى اۋقيديم. كۆپ چرچهگن اېديم، اوخلىب قاليپ من، كېچ بۇلدى، مېچىتكە بارلمەدیم. يىخى شۇ خورازيز قىچقىرىپ مېنى اويغەتدى. بۇمسه نمازيم قضا بۇلىپدى.

- مېچىتكە هم اولگيدهى مردم كۆپ كېمەيدى، كرونامى، وبامى كېلىپتى دېيديله، كۆپيله قۇرقىب مېچىتكە كېمەيديله. اجلى تۇلگن پختهگه اۋرەب قۇيسنگ هم اۋلەدى، حيران سن، كسل بۇلەمن، اۋلەمن، - دېب اېندى مېچىتكە، نمازگه كېمەيديله - يە، اجلدن قاجىب قوتىلىب بۇلەمى؟ - دېدى، بېلىدن كوچى كېتىب، مونكه يىب قالگن چال بوبه.

آتهسى نىنگ سۇزلىرىنى دقت بيلن تىنگلەگن تۇخته ميش، يورېغ صوفى نىنگ قۇلىدن توتىب اۋتاغىگه يېتكىب باردى، جايدە اۋتيرغىزىب، كرونا وىروس تۇغرىسىدە اېشىنگن، بىلگنلىرىنى آبدان گېرىب بېردى.

- آته! كرونا جامان، هلىگچە كۆپ آدملىنى اۋلدىردى، دواسى چۇغ دېيديله، آدمله وبادن و بشقه كسل لەدن احتياط بۇلىشلىرى كېرەى. رازى، ابن سينا دەى كته - كته حكىملر اۋز وقتيده انسانله ماخاو (جدام) و هر قندەى يوقمه كسللىكدن سقلەنىشلىرى بارەسىدە گېرىگنله. شو اوچون حكومت هم، ارشاد و اوقاف وزىرلىگى هم كرونانن نجات تاپىش اوچون مېچىتكە نماز جماعتدە اۋقىلمسه يىخى بۇلەدى، - دېگن. دولت ادارەلرى، مكتبلر و اۋقوو درگاھلرى تعطيل قىلىندى، سىز ام نمازىزدى بىر وقتگچە اويىزگە اۋقىسە يىز يىخى بۇلەدى.

- اۋغلىم گېنىگ چىنگە اۋخشەيدى. جماعت نمازىگە كېلەدىگن آدمله دن اۋندن بىرى كېمەيدى، گپ شوندى بۇسه مېنم بارمەيمن، خدا اۋزى كېچىرسىن، - دېدى آتهسى قىزىل ياستىققە سوينگن حالده.

تۇخته ميش تشقىرىگە چىقدى، حويلى نىنگ دالانىدە كىچىك اۋچاققە چاي قېنە تىب تورگن خانىنى آى جمالگە كۆزى توشگچ، استە اونىنگ يانىگە باردى:

- خاتین چایینگدی، تیزراق قینه‌تسنگ دپمن. کپچ بۆلب
قامه‌سین تغین، تیزراغ دکانگه باره‌ی، - دپدی.

یغاچ کساو بیلن اوچاقده توته‌قیب یانه‌یاتگن سامان آلاوینی
قوزغب، تارتقیلیب تورگن آی جمال قرسی‌نینگ بیر اوچینی
بیلکه‌سیگه تشلب:

- همه جبرگه کرونا جیره‌گن، همه جای قرنطین دپسیز، آته‌یزدی
هم مپچیتکه نمازگه بارمنگ دپسیز، اوزیز دکانگه کپته‌من دپسیز؟
اوزیزگه رحمیز کپه‌یمی؟ اوزیزگه ایچیز کویمسه، بله‌لریزگه رحمیز
کپسین!

- راست ایته‌سن خاتین! مپنم بیله‌من. کرونا جامان، خدا هیچ
بنده‌سی‌گه کورسته‌سین، چاره‌م جوغ. دکانگه ایکی کون بارمه‌سم، آچ
قاله‌سیله، کته رۇزغار، یخشی بیله‌سن بشقه درامدیم جوغ، قاپگه
اونینگ بؤمسه، قرض تیلب قیسی دروازه‌گه باره‌من. دنیاگه تیه‌ماغدن
جامان نرسه جوغ. خدا مهربان، غم جیب اوتیرمه خاتین!

تؤخته‌میش نینگ آییگ شهریده پلاستیک فروشلیک دکانی بار، هر
کونی بیر مینگ، بیر یریم مینگ افغانیگه پلاستیک ساته‌دی. دکانیدن
قؤلگه کیریته، - دیگن درآمدی حساییگه توفیز کیشیلیک بیر عایله‌نی
باقیب کپله‌دی. کرونا ترقه‌لیشی آرتیدن بازارلرده حکومت طرفیدن
قرنطین جاری اپتیلگنی تؤخته‌میش نینگ کونده‌لیک درآمدیگه سلبی
تأثیر اؤتکزگن. آلدینلری قؤلگه کیریته‌دیگن درآمدی‌نینگ اوچدن بیر
قسمی هم قاله‌گن. قاپجیب قوره‌ب بازارگه باریب، یشینیب-توشینیب
دکان‌نینگ ایچیکه کیریب آله‌دی-یو، اپشیگینی تیرقیش قیلیب
قویه‌دی. پلاستیک کپه‌گی بؤلگن آدم‌لر پلاستیکنی دکان اپشیگی نینگ
تیرقیشیدن آلیب، استه آرقه‌سیگه قره‌مه‌ی کپته‌دی‌لر. بیر نپچه هفته احوال
شونده‌ی دوام اپتدی.

شهرده نانوای‌خانه‌لر، داری‌خانه‌لر و آذیق-آوقت محصولاتری
ساتیله‌دیگن دکانلردن باشقه‌سی یایق. اقتصادی فعالیتلر چمه‌سی

توختب قالگن، بېكيتيقچه دكانىنى آچەديگن تۇختەميش نينگ بازارى هم كساد. آلدىنلرى هر كونى بازاردن قيتيب اوييگه خلطه-خلطه ميوه - چپوهرلر آليب بارەديگن تۇختەميش اېندى قولى قوروق اوييگه كىريب بارەدى. بالەلرى نينگ كۆزلرى آتەسى نينگ قۇليگه قالەدى. آى جمال نينگ هركونى قينەيدىگن قارە قازانى اېندى قينەمەيدى. بو احوالدىن اوكسىنگن آى جمال بىر چوققور آه تارتىب - «هر كونىگە شكر»، - دېدى - يو، كۆزلرىگە ياش ايلەنىپ، - «قچانگچە بوندەى بۇلركن» - دېپ، قۇيدى.

تۇختەميش نى آغىر وضعيتدە كۆرگن تورموش اورتاغى آمباردە اون، ياغ، كچالو، پياز، نوخات، شكر توگەگىنى ابرىگە ايتسگىسى كېلمەى حيران حالدە توربيدى. خاتىنىنى چوققور خيال عمانىگە غرق كۆرگن تۇختەميش:

- خيريت مى آنەسى! نيمە مونچە اۋىلنەسن؟ دېب سۆرەدى.
 - هيچ نرسە اېمس، اۋزىم شوندەى چۇتگە كېتېدېم، - دېدى.
 او، ينە مېنگ يورەكنى بىر يورەك قىلىپ، اۋز-اۋزى بىلن - «قچانگچە ايتمەيمىن، ايتە قالەى»، - دېدى و سۆزلىشگە آغىز آچدى:
 - ايتسىم بىر عذاب، ايتمەسىم ايكي عذاب، اويدە بىر نرسە قامەگن.
 اوللر ايتمەسىم ام اۋزىز كېتېرىپ تورردىز، قىرىب ايكي هفتە بۇلەدى، هيچ نرسە كېتىمەيسىز. اېرتەگە اون جۇغ، بشقە نرسەلە يم قامەگن، بىر هفتەچە بۇلەدى قارە قازانىزگە گوش قينەمەگن. بالەلرىز، - «آنە! نيمە بۇلدى، آتەم هيچ نرسە كېتىمەيدىلە؟» - دېب سۆرەيدى. اولەگە هم نيمە دېپرىمدى بىلمەى من.

- راست ايتەسن خاتىن، قرنطين بازاردى كساد قىغن، سودا-ستىغ جۇغ، شوكونلە دكاندى كراسىنى يم تاپالمەيمىن. يىخسى اېدى، كتە اۋغلىنگ بىر جىللىك قرار داد قىب، حكومتدن هر آى نېچە مىنگ معاش آردى. اونى هم قراردادى تۇلدى، اېندى اونى ايشگە هم آمەپىتى. بازارگە چىغىب مردكارلى قىلەمن دېسە ايش جۇغ. ايرانگە

جۇنتە من دېسەم مې؟ - دېگن سىرى آى جمال اپرى نىنگ گىيگە ارەلەشىب:

- ايراندى آتىنى توتەنگ، ايران گە كېتكەنەنى كۆرىپ تورىپ بىز، ھەمەسى كرۇنا توتىپ كېلاتتى، بېچرەلەنى قىنچەسى اۋلدى، «آچ قولاغىم، تىنچ قولاغىم» - دېگنلرئىدەى، آچلىدىن اۋلىم اۋلەمن، اۋغلىم ارسلاندى ايران گە جۇنتەمەيمەن.

شو آندە اپرى نىنگ كىسەسىدەگى قۇل تىلفونى چلە بېردى، تىلفونىنى آلىپ - «خارجدن تىلفون، امرىكادن او كەم سردار،» - دېدى. اكه - او كە تىلفوندا سلاملىشىپ، حال - احوال سۆرەشدىلەر، اوزاقدن - اوزاق گېلىشدىلەر. شام چاغى اېدى، آى جمال آشخانەگە باردى، كەتتە قىزى گېلدىن بىلەن قازاندن شوربە سوزىپ قىناتەسى نىنگ اۋتاغى گە آلىپ باردى. داورۇغ صوفى كېلىنىدن:

- آى جمال! تۇختەمىش قنى؟ درگى چىقمەدەيمى؟
- كېگنە، حولى ميداندا تىلفونگە او كەلرى مېنىن گېرىپ تورىبىتەلە،
- دېدى.

آى جمال اپرىنى ھىقىرگىنى اۋتاقدن تشقىرگە چىقىپ:
- تۇختەمىش، كېلە قالىنگ، شۆربە سەوئىب قالەدى، - دېدى، بلند
اوازدا.

دقىقە اۋتمەى تۇختەمىش اىچكرىگە كىرىپ كېلدى، سلام بېرىپ
آتەسى نىنگ ياندا اۋتېردى. آلدېدە قۇبىلگن شۆربە نىنگ تاواغىگە
تىكىلەپ:

- خاتىن، شۆربە پىشىرىپ سەن كو، گوش نېردن بۇلدى؟
- نېردن بۇلدى، بېچەلرئىز كۆپ وقتدن بېرى، گوش - گوش -
دېبېرىدەلە، آتەبىز خورازدى سۆيىپ گوشىنى نېرەلرئىمە پىشىرىپ بې، -
دېدەلە.

- ھە، يىخشى قىلىپ سەن خاتىن، آش جانلرئىز بۇسىن، بىسەللە
قىلەلە، - دېدى.

او، ھورومی چیقیب تورگن شۆربەنى ایچە بەردى، اوقت ییپلدى،
دسترخوان دعاسى قیلیندى. داووروغ صوفى اۋغلى تۆختەمیشگە:
- اوکەنگ سردار مینن گپیردینگ مى اۋغلىم، یخشى مىکن، نیمە، -
دېدى؟

- ھە، یخشى اپکن، ھمەگە سلام دېدى، سیزدى سۆرەدى. امریکا
گە یم کرونا بارگن اپکن. اولە یم بیر نېچە ھفتەدن بەرى قرنطیندە اپکنلە.
ایشگە کېتمەى، اویلریگە قالپیکنلە.

- بو سببیل ماندە امریکە گە یم باریممى؟ اپندى اولە قندەى
قیلەدیلە، بیکار بۇسەلە روزغارلرى قندەى اۋتەدى؟
- آتە جان دعا قیلینگ، خدا بى غم قیسە اولە بى غم.
- قندەى بى غم؟

- قرنطیندە بیکار بۇگنلە گە امریکا دولتى بیر مینگ دالردن کۇپراغ
ایلیک بېرەدى، او جېردە کیشى روزغاردى غمیگە اېمس. بېچەلرى یم
انترنتدن آنالین درس اۋقییدیلە. غرب مملکتلرى باى، مردمینی غمینی
جېپىدى.

شو آنده تۆختەمیش نینگ قیزی سۆز باشلب:
- ایكى آیدن بەرى مکتبلە جاپیلگن، بیزەگە یم معارف اویلریزگە
آنالین درس اۋقییسیلە - دېگن اپدی. قنى درس، قنى برق، قنى انترنت،
قنى کمپیوتر؟ - دېب اۋکسیندى.

داووروغ صوفى کېلىنى آى جمال سوزیب قۇیگن چای نینگ
پیالەسىنى آلیب ایچدی - دە، بیر آه چېکیب، مونگلى آوازده:
- بو قیسقە عمر دېگە قندەى کۇریملنى کۇردیک. قیرق ییلدن بەرى
اوروش، مردم بیکار، اۋغریلیک، جنایت اوجیگە چیققن. بیر تېلفون
اوچون آدملەنى اۋلدیریپ کېتەدیلە، کیشى سۆرەمەیدى، بولە کملى
قیلگندەى، بو کرونا یم بشقە غم بۇلدى، - دېدى .

- مېنم حیرانمن آتە جان، کرونا جۇغ اپدی یم یخشى اپدی، قۇلیم
قیبیردب، بازار اوچردە سودا - ستيغ قیلیب روزغار غیلدیرەگینی

ایلنتریب تورگن اېدیم. کرونا بونی یم بیزدن آلدی. اوکه م سردار قیسیب – قیمریب بېش جوز دالر جؤنه تتیم، شونی آیب، چاره – پرده قیلیب توریله، – دېگن اېدی. اېرته گه باریب بانکدن شو پولدی آب کپله من، خدا اوزی مهربان، – دېدی، آتھسیگه.

تؤخته میش باشقره دیگن کتھ عایله نینگ کتھ معمالری بار. کرونا طفیلی وجود گه کپلگن کوتیلمه گن آغیر وضعیت اونینگ کونده لیک حیاتیگه کتھ ضربه بېردی. دکانیده گی پلاستیکلرینی نقصیگه ساتیشگه مجبور بؤلدی، کسبیدن ایریلدی، قرضگه باتتی، هفته لب اویدیه ایشسیر قالدی، توشکونلیک که توشدی. اوچ آیدن کپین قرنطین برطرف ایتیلدی. اېندی تؤخته میش بازار گه چیقیب ایش قیلے دېسه دستمایه سی – پولی یوق. اوی نینگ توريدگی قالین گیلملرینی چقیریب ارزانیگه ساتیشگه مجبور بؤلدی، عیالی آی جمال نی کپلین بؤلگن پیتیده آنه سی هدیه قیلگن بیر نېچته کوموش تقینچاقلری – یو تنگه لری، اوزی ساتیب آیب بېرگن آلتین سیرغه و بیلک اوزوکلرینی ساتیب پول قیلیشگه کؤندیردی.

تؤخته میش، قؤلیده اقچه سی بؤلسه، بازارده ایش قیلیشنی بیلهدی، او، ینه بازارگه کیردی. بو مرته دکان نی اجاره گه آلامه دی، چونکه پولی کؤپ اېمس اېدی. آیبک شهری نینگ میدان بازاریده چای، صابون، شکر، گوگرد و روزگارگه کپره کلی باشقه اسباب – انجاملر نی ساتیشگه باشلهدی. اونینگ یانیده تونغیچ اوغلی ارسلان غیلدیره کلی چارپایه اوستیده سبزی، ایسمه لاغ، پامه دیر، کچالو، پیاز و لیمو ساتردی. اېندی آتھ – اوغیل بېرگه لیکده روزگارنی تېره تیش یانیده قرنطین دوریده آگن قرضلرینی اوزدیلر. اولر نینگ عایله سیده ینه حیاتیگه امید کوچهدی.

کابل. ۲۰۲۰ یاز

قىزلرشاه

ساعت تۇرتىگە يىقىنلەشىپ قالدى، ايشخانەدن كېتىش ۋاقتى اېدى. قېلەدن كۆتۈرۈلگن قارە بولۇتلار گۈلدۈرۈپ چىقماق چىقە باشلەدى. بېردىنىگە شەرگە قارانغۇ توشدى، ھەر نېچچەدە مامەقلدىراق نىنگ قسىردەگن دەشتلى تاۋوشى فزانى يارگۈدېك بۇلىپ تويۇلدى.

- تېزراق چىقە قالەى، پاىە بۇران قىلىپ ياغسە اويگە بارگىنىمچە ھۇل قىلىپ قۇيمەسىن تىغىن،- دېدى قىزلرشاه اۋز خىالىدە.

اۋ، تېز-تېز يۈرۈپ كوچە گە چىقىرگن، ھوانىنگ تومشوغى آسىلگىنىگە گۈاە بۇلدى. كۆككە كۆز تىكىپ اېدى كە، بىر-ايگى يامغىر تامچىلىرى مىنگلەيىگە اورىلدى-يۈ، كېتىدىن شىرللىب ياغە باشلەدى.

قىزلرشاه، بو بىل بەھار سېر بارش كېلدى، جوزا كىرسە ھم يامغىردى كېپتى اوزىلمەيدى شېكىلى، اۋرگىلەى قىدرتىنگىن،- دېگىنچە پىنەلب تار كوچە گە بورىلدى. يامغىر ياغىب قالىب، اوست-باشى ھۇل بۇلىشىدىن خۈاىرلندى-يۈ، آلدىنراق كىسل بۇلگىنىنى اېسلەدى.

شۈ آندە موبايىل تىلىفونى جىرىنگىلب چلەباشلەدى.

- الو، الو

- قىزلرشاه!

- ھە، آنە. مېن مىن قىزلرشاه، نىمە گپ؟

- قىزىم، تېزراغ اويگە كې. پايە بۇران بۇلسە ھۇل بۇلىپ يىنە كىسل بۇمە. بىر ھەفتە اول ساغلىگن اېدىنگ، ايگى ھەفتەدن بېرى آتەنگ بيتاب ياتىگنلە. سېن ام كىسل بۇلىپ قاسىنگ قىنداغ قىلەمن؟
- آتەجان، تشویش قىمىنگ، يىرىم يۇلدە من. كېلاتىم. آتەم يىخشى مىلە؟

- بىلمەسم، بىرساز ياتىگن، بىر سوو ايچەدى، كۆزى اويقىدن آچىلمەيدى، باغئە زۇرغە بىر ايگى قاشىغ سوت ايچىردىم.
- خى آتەجان، مانە يقىنلىشىدىم. تىدىرگە اۋتىن سالىب ناندى اۋزىم ياپەمن.

- تىدىرگە چار، قىغ سالىب قۇيدىم، سېن كېگىنچە تىدىردى قىزىتىب قۇيەمن. بىر زوبالە خمىر توتىگن اېدىم، خمىر تورىش كۇپ توشىگن اېكن، آچىب كېتىپتى، يىسب قۇيدىم، آقىب توشمىسەكە يىخشىدى.

- بۇلىپتى، خىدايارىز.

قىزىلرشاھ اويىگە يقىنلىشىگن اېدى. شىھر غىربىدەگى يم-يشىل تېپەلىكىلردن اېسەدىگن سىلقىن شىمال باشىدەگى قىرسىنى اوچىرماقچى بۇلدى. بىھار ھىدىنى كېلتىرگن مەيىن شىبادە ذھنىدە مىنگ بىر خىيال ايلنەدىگن قىزىلرشاھ گە عجابىب حس بېردى.
او، اۋزىچە:

- بو ھم مېنى بىختىم؟ آتەم قىرچەلگن چاغدە كىسل بۇلىپ قالدىلە، ايگى ھەفتە بۇلدى، يىخشى بۇگىنلىرى ياغ. اكەلرىمدى اوپىلتىرىش، آپەلرىمدى تورموشگە چىقىرىش فىكرىدە اېدىلە - «كۆزىم آچىغىلىگىدە سېنى ھم بىخت اويىگە اوزەتسىم، بشقە ارمانىم قامەبدى» دېر اېدىلە آتە - جانىم، آيىنلەدن تېك كىندى دېسك كرۇنا دېگن بلاسى اېكن؛ آتى اۋچكىر بو كىسل قېردن تاپىلدى؟ قېردن يوقتىرگىنىنى سوروشتىرسك معلوم بۇلدى كە، عزىز عمەكىمدى اۋغلى خارچىدن كېگن اېدى، آتەم اونى كۆرگىنى بارىب، اۋشەنىكىدن تاپىب كېدىلە بو بلانى. او كە، بىرىستە

جوان، تہز توزہ لیب کہتی۔ یرہ تگن آتہم بچرہ گہ رحم قیسین، خدا ناخواستہ آتہمدی کوزی یومیلگیدہی بؤسہ مہن قنداغ قیلہمن؟ خدا او کوندی کہتیمہ سین۔ اکہ لریم با، ای، قچن اکہ آتہ بؤلہدی۔ کیم بیلہدی مہنی کیمگہ بہرہ دیلہ؟ «یہتیم قیزدی یہتی آتہسی بؤلہدی» دپدیلہ۔ ای یرہ تگن، اوزینگ رحم قی،" - دبدی۔

دروازہ نینگ بؤساغہ سیدہ یاتگن قوشنسی نینگ ایتی قوقیسدن غہ پیللب تشلندی، قیزلرشاہ چیرقیرہ گنچہ ترسیلب یرگہ تہگدی، قؤلیدہگی موبایل تلفونی اوچ قولاچ نریگہ آتیلدی۔ شو آندہ قوشنی - نینگ عالی کوچہ گہ آتیلیب چیقدی۔ قیزلرشاہ یورہک ہاویچلب اویگہ کیریب کہتدی۔

آنہسی شاشہ - پیشہ قیزلرشاہ، قیزلرشاہ - دہب ہیقیردی۔ اوندن سہس چیقمہدی۔ اوچینچی مرتہ ہیقیرگنیدہ، آتہسی یاتگن اوتاق نینگ ایچیدن - «کہلیم»، - دہگن سہس اہشیتیلدی۔

- تیز کپ، ایت قۇرقیتکن یرہمس بؤلہدی۔ یورہیینگ بی جای بؤگندی۔ تہزراغ کپ قزان کویہ ایچیرہ من۔

تندیرخانہ بورچگیدہ قَلب قۇیلگن سفال تباغلردن کیچیکراغینی آلیب قیرغیچ بیلن قازان نینگ کویہ سینی قیرہ باشلہدی، بیر سیقیم کویہ تۇپلب اوستیگہ تندیرنینگ کنگیدہ قۇیلگن قومغاندن ایللق سوو قویدی۔

- آلہ قا قیزیم، بو قزان کویہنی شتقہ باشینگ گہ کؤتر، قزان کویہ قۇرققنہ یخشی دپدیلہ، - «بلا نبردہ ایہ غینگدی تہ ییگہ» - دپدیلہ۔ کہگنینگدہی درآو نبردہ جیندہی غایب بؤگن اہدینگ، شونچہ قیزلرشاہ دہلیم سہسینگ چیغمہدی؟

- آنہ، آتہمدی سؤرہگنی کیرگندیم۔

آنہسی قیزلرشاہ گہ کایینیب تورگندہ، قوشنسی تؤلگن آی آپہ کہلیب:

- خیریت می؟ قوشنی جان، نیمہ بؤلدی، تینچلیمی اوزی؟ -

دہب سؤرہدی۔

- قىرچەلگن آدم نىمە بۆلەدى دېيىسىز، او كونلرى او كەسى نىنگ
اويىگە بارگن ا بكن، يىقمەگن خورد و خورەيلەنى بېيىمىلە، مزەلرى ياغ،
كۆرپە كىيىپ ياتىيىتلە. قىزىلشەھنى قارەسى كۆرىنمەگنى اوچون داووشىم
بلندىل كېتىپتى، - دەدى آى سولو آپە.

- احتىياى بۆلىلە، كرونا بۆگن بۆمەسلە؟ اۋغلىمدى دوستىنى آتەسى
كرونادىن قىزا قىگن اېمىش.

- خدای سقلەسىن؛ گپىزدى شىمال اوچىرسىن! اونداغلە اېمس،
اۋزلىرى ھر نېچە-دە، بېتاب بۆلىب قالەدىلە، - دېيە گپنى چلغىتىدى
آى سولو.

قىزىلشەھنىنگ آنەسى يانئىدەگى يىنچەگە قۇلىنى سالىب، قىپ-
قىزىل مرجاندى پىشكن بۆرسىلداق بوغداى نانىلرىنى تىدىردىن اوزىب
سېتىگە قۇيدى، او، قۇشنىسىگە آلىنگ، - دەپ ايسىق نان اوزەتدى.

- آلىنگ ھەمسەيە، ايسىغى نان، آلىنگ!

- ياغ، يېگىم كېمەيدى.

- خى يېگىز كېمەسىم، آلىنگ قۇشنى جان.

- آلىنگ، ناندى قىترىش يىخشى اېمس، اېندى بىرتە نانئىزدى آلىب

كېتەمن.

قۇشنىنىنگ عىالى بىتە ناننى نان سېپىدىن آلىب، يىشىل اىپك
سيرانداى نىنگ اۋنىگىرىدە توتىب، اۋرنىدىن توردى - يو، اويىگە جۇنپ
كېتدى.

آى سولو آپە تىدىردىن اوزگن نانىلرىنى اېرى ياتگن اۋتاقنىنگ
يانئىدەگى خانەگە آلىب بارىب، شال دسترخوان اوستىگە يايىب قۇيدى،
بارە سالىب اچقىقىنە برنج آبەنى سوزىب اېرى نىنگ آلدىگە كېلتىردى.
شو چاغدە قىزىلشەھ آتەسىگە:

- آتە جان! اۋقتىنگىزدى يېنگ ھر خىل كۆكتلر، قو، ايسىلاغ، پودىنە

سالىب سويوق برنج آبە پىشىرگنلە، شوندىن اىچىنگ، - دەدى.

آتەسى آچىل تاغە اۋنگلىب:

- برک اللہ قیزیم، قؤلیمدن کؤتر، - دېدی.
او، اورنیدن تورالمه دی، قیزی قؤلٹیغیدن کؤتریب اؤلترغیزدی.
تینکه - مدارى قوریگن آته سویوق اوقت نینگ یرمینی ایچدی وینه یاته
بېردی.
- آته، مېن که اویده یاغ اېدیم، بوگون داکتر کېگن اېکن، نیمه -
دېدی؟

- مېن که بیلمه یمن قیزیم، ایگى هفته بؤلده دی نفسیم قیسیلگن،
کؤزیم خانه سیدن چیققیده - چیققیده بؤلده دی، بوتون اعضاى
بدنیم آغرییدی. پوزى - پکلى اؤره لگن داکتر کېلېب معاینه قیلدی،
سؤره دی. مېن که بیلمه یمن، گپلرینی یخسى اغنه مه دیم.
اؤتاق نینگ اېشىگىگه کېلېب مینسه ییگه اؤره نېب تورگن آنهسى
قیزیگه قره ب:

- داکتر آته نگدی شو تازه کېگن کسلدن تېک کن گه اؤخشه یدی، -
دېدی. بیر ایگى پاکت دارى بېردى، توزه لسه اؤزى توزه له دی، بو
کسلدی دواسى یاغ؛ مقصد حاجى گه کؤپراغ قره شیلله، شیرینلى
بېرمه یله، کؤپراغ سویوغ - سویوغ نرسه له قیلیب بېریله، اؤزلریز اونگه
یقینلشمه یله، دېب کېتى.

قیزلر شاه داکتر بېرگن دارینی قره ب کؤرسه ایگى پاکت "پراسیتامول"
اېکن، بیر پیاله جیلیمیق سوو بیلن دوانى آته سیگه اوزه تگن قیزلر شاه:
- داکتر آته مگه کرونانى نشانه لری بار، - دېگن، اېرته آته ممدى
شفاخانه گه آلیب باره بیز، کرونا ویروس اوچون طبی تېکشیروودن
اؤتکره میز.

- اؤزینگ بیله سن قیزیم، بو نرسه له گه مېنى باشیم چیغیشمه یدی.
مېنکه چیغالمه یمن. سېن اؤزینگ آلیب بارسنگ یخسى بؤلده دی.
قیزلر شاه آته سینی بیر تکسىگه میندیریب شهر شفاخانه سی نینگ
کرونا بؤلیمىگه آلیب باردی. آته سى طبی تېکشیروودن اؤتکزیلدی،
داکترلر نتیجه بیر نېچه کون ایچیده اعلان اېتلیشینی بیلدیریلر. اولر،

قىزلرشاه گە: «حاجىنى اويگە آلىب بارىنگلر، عليحدە خانەدە قىرئىنە تورسىن،» - دېب توصىيە قىلىشىدىلر.

قىزلرشاه آتەسىنى اويگە آلىب كېلدى، اۋتاغىگە اۋتقىزىب جايىگە ياتقىزەن دېسە آتەسى:

- قىزىم، ايگى هفته دن بېرى بىر اويده يگەن. دىق قالدېم. كېچە كۋپ يامغىر ياغدى شېكىلى، بوكون جىرقەگن آفتاب بۇلىبتى، شو پىتابگە مېنگە جاي تۇشەگىن، - دېدى آچىل تاغە.

قىزى بىرندە دە ترقى گىلمچە كۆرپەچە و ياستىقلرنى هم چىقىرىپ تۇشەدى. آتەسى كىسەسىدن ناس قوطى سىنى آلىب بىر چكىم ناس چكىدى - دە، جايىدە اوزەلدى.

قىزلرشاه آتەسىگە:

- آنەجان خفە بۇمەنگ، بىر پىالە سوتكە آتەمگە "ويتامىن دى" قۇشىب بېرەن. داكتىرلە بشقە ويتامىنلە هم بېرگن، توزەلىب كىتەدىلە، - دېدى.

قىزى آتەسىگە بىر پىالە سوتكە "ويتامىن دى" قۇشىب ايچىردى. پىراسىتامولدن اوزلوكسىز بېرە بېردى.

- قىزىم آتەنگدن كۆزىم قۇرقىن، ياشى يم بىر يېرگە بارىب قالدى، كىرنا درد بى دوا اېكن، اېرتە كۆزى يومىلگىدە بۇسە سېنى قىداغ قىلەن. اكلەرىنگ ايتگىمدى قىمەدىلە. هر قىسىسى قىلىنىنگىدە اوستىگە تلىشسە، - نىمە قىلرگىن، - دېدى-يو، كۆزلىرىدن مولددىرىپ ياشلىرى آقە بېردى. قىزى هم آتەسىنىنگ يېلكەسىگە باشىنى قۇشىب يىغلەدى.

قىزلرشاه و آتەسى هر كۈنى اوچ وقت آتەسىگە قىتىق قرەشر اېدىلر، تورلى كۆكتلر قۇشىب سويوق اوقتلر پىشىرىپ بېردىلر. شېرىنگ دارى خانەسىدن كېلتىرگن ويتامىنلرنى ايچىرىپ توردىلر. يەنە ايگى هفته اۋتدى، بىر كۈنى اېرتەلب آتەسىنىنگ - «قىزلرشاه، قىزىم، قىزلرشاه» - دېگن آوازى اېشىتىلدى.

- کھلېدېم آتھ جان!

- قېزېم كې. بو اېرتھ يېنگېلراغ من. باش اغريغېم فاگن. آنهنگ گھ
ايت بېر يېخشي مزھلى سوللى اتھلھ قېسېن، اېچھى، كوچھ گھ چيقيقم
كېلھدى، عصامدى كېتېر، - دېدى.

آنھسى اېرى نېنگ عصاسېنى كېلتېرىب بېردى. اېر-خاين و قېزلر شھ
اوچاولان دردلشھ كېتدېلر. شوتاپدھ كسل ياتگن آتھ:

- خاتېن بېلھسن، جانېم قېلگھ آسېلگن. قوتېلھسم كېرھى، كۆپ
قۆرقھمن. دنياىنى ستونى اېمس من كو. مېنى قېزلر شھانى غمى
باسگن، - دېدى-دھ، اؤرنېدن نېمخېز بۆلېب توردى، عصاسېنى
قۆلېگھ آيېب، حويلى نېنگ ميدانېدھ قدام تشلھى باشلھدى.
شو تابدھ خاتېنى:

- شكر منھ توزھلېب قالدېز. شوگېنھ قېزېز-قېزلر شھ سېزگھ
داكترلى قېلدى، شو قېزېز سېزدى اؤلېمدن آيېب قالدى. هر وقت -
«آتھ روحيھنى باى بېر منگ»-دېب توره بېردى. انھ شو گپ سېزگھ كتھ
قوت بۆلدى آتھسى!

- تۆغرى اېتھسن خاتېن. گېنىگگھ جان با، شوگېنھ نېنگ مھرلى
كۆزلرى، جانېنى قۆيرگھ جاي تاپمھى يوگورگېلھ گنى مېنگھ قوت
بۆلدى. بېلھسن مى، كېچھ بېر يېخشي توش كۆرىمېن. اوېىنگگھ اوزاغ
يېقىندن ھمھ كېگن، خاتېنھ دپ-دايرھ چلھدېلھ، قېزلھ تېنمھى
اؤينھ يدېلھ، سېن قېزلر شھانى بغيرىنگگھ باسگېنىنگ باسگن، مېن بۆسھ
دعاى فاتحھ اؤقېب، كتھ بېر الوان رومالگھ بېر ناندى توگېب قېزېمدى
بېلېگھ باغلب توريب من.

- توشېزدى يوسف پېغمبېر جؤرھسېن آتھسى، اېتگنېز كېسېن، سېز
سغلدېز، اېندى بو يېغى بۆلھدى، - دېگن - اېدى، كھ قېزلر شھانېنگ
تېلفونى چلھ باشلھدى.

- الو، الو، سلام عليكم داکتر صاحب!

- آتھنگېزدى نتيجهسى كېلدى.

- خو- خو، آتهمدی نتیجهسی کپگن، نیمه اپکن؟
- آتهنگیزدی کروناسی مثبت اپکن.
- مثبت اپکن؟
- آتهم یخشی بؤلدیله؛
- خو یخشی بؤلدیله؟
- هین یخشی بؤلدیله.

کابل ۲۰۲۰ کوز

قارہ کۈز لیریم

قیش ییغلب کیردی، کپچہ یاققن قار اطرافدہ گی تپپہلر، کوچہ - کویلرنی آقرتیریب تشلہ گن اہدی. تانگدہ جنوبدن شمالگہ اہسہ دینگن ایزغیزین شمال درختلر شاخلریگہ قۈنگن قارلرنی موزلہ تیب، قیزیقرلی منظرہ یرہنگن اہدی، ساووغدن جونجیب برندہ نینگ یغاچ ستونلری آرسیدہ باغلنگن ارقانلرگہ قۈنگن مینالر، موسیچہلر و چومچیققلر جوغیردہ شیب، آسماندہ گی قلین بولوتلر ترقہ شیب، قویاش چیقیشی - یو، قارلر اہریشینی کوتردیلر.

بولتور یشل بخملدن تیکدیرگن پختہ لی مینسہ یینی بۈقچہ دن چیقیریب کیینگن آی برچین، قوشلرنی ساووقدن اۋلیب قالیشیدن تشویشلندی. فرزندلری بیشیگیدہ گی اہسکی قہووزنی بیرتدی - دہ، بیر هاووج تریغنی آلیب برندہ نینگ تگیگہ سپیدی. ایکی کوندن بہری یرینی قلین قار قابلہ گنی سبب آچلیکدن اۋلیم چمہ سیگہ کبلگن قوشلر ارقان اوستیدن گورہ تریغ دانہ لریگہ ہجوم قیلدیلر.

آی برچین سوغدی نینگ بیر پلہ سیدہ کۈرپہ گہ اۋرہ نیب یاتگن توغیچ اۋغلی ارسلان آنہ سی نینگ آچ قوشلرگہ دان سپیگینی کوزہ تیب تورگن اہدی. او آنہ سیگہ قرہب:

- آنہ جان! مونچہ قوش سیز بہرگن بیر هاووج تریققہ تۈہمی؟ -

دب سۋرہ دی.

- بىلەن من اۋغلىم تۇيمەيدى. خدا بېرگن بۇسە اېدى، بىر اېتەك تىرىغ سېپىردىم. شونى ھەم سىلەننىڭ قەۋۋزلىرىدىن آلب سېپىم، آچلىدىن جوغور دەشىب بىزەگە پەنە كېتىڭلارنى كۆرىپ يۈرەيم كويدى. شو بىر ھەۋۋچ تىرىغ مېنن اۋلمەي قالەدەلە. ھوا يارىشىب بولوتلە يىرتىلەتتى، قوياش چىقىپ قار يېرىدى، قوشلار ھەم دان-دون تېرىپ، يېپ كۈنلىرىنى كۆرەدەلە اۋغلىم، آتەنگ مسافىرلە، سىلە بوردە آتەدن اوزاق دە يىشەيسىللە، انسانگەمى، حيوانگەمى يىخشىلىك قىسنگ يىخشى-دە بۇتەم!-دېدى.

آي بىرچىن نىنگ تورموش اۋرتاغى بۇرى ايرانگە جۇنەب كېتەمسىدىن آلدەن خانىنى و تۇرت بالەسى نىنگ غمىنى غەلب كېتگن اېدى. بىر يىل آلدەن قىشلاق نىنگ غەربى چەككەسىدە كەتە ترانسپورت قىتتاۋ يۇلى ياققەسىدە پەخسەدن قوردىرگن اويى نىنگ تاملارنى كاھگەللىب، اۋتىنخانەنى غۇزە پايە، تېزەك، قۇي نىنگ قىي، خىس كىي اۋتىنلار بىلەن تۇلدىرىپ قۇيگن اېدى. آشخانەسى نىنگ تۇرىدە تۇرت قاپ نىنگ ايكەتەسىدە بوغداي و مەكە جوارى اونى باشقە ايكەتەسىدە غەلب قىلىپ تازەلنگن دېمە بوغداينى تىكلەپ قۇيگن. آشخانە نىنگ باشقە بىر بورچىگىدە تۇرت كۇزە قاورداق قۇيىلگن اېدى. ماش، نوختا، لوبلە، گورىچ، قارە و قىزىل مېيز سالىنگن سىناچ و خىلپەلەر كۇزگە تىشلىدى. آي بىرچىن يەنە اۋغلىگە قەرب:

- جان - تىلرى ساغ بۇسىن، آتەنگەدى آتە كەمدن كەم. ايرانگە كېتەمسىلردىن آلدەن قىز - قبالە قىلىپ قىشلىرىدى غمىنى يېپ كېتەلە. دوستلردىن تۇرت لىك قىزدار. - « ايرانگە بارىم ايشلەپ پۇل تاپىپ جۈنە بېرەمەن. بېچەلرەمدى خوار قىمە، قىزىلەنى ھەم استە-استە اوزىپ تور!» - دېگن اېدىلە، - دېدى.

بۇرى، بوندن بىر يىل آلدەن قەيىن آتەسى اويى نىنگ ياندىن آلتى بسۈە يېر ساتىپ آلب تۇرتتە تام سالدىرىپ كۇچىپ كېلگن اېدى. آي

برچین برنده گه چقیق تاملری اوستیده فار کوره ب تورگن آتہسی
اېگم بېردی گه کۆزی توشدی. اوزاقدن سلامه شیب:

- آتہجان! بیزہنی تامییزدی قاری کوره غسبز قالدی. بیزدی
قارییزدی یم کوره ب بېرسه ییز، - دېب التماس قیلدی.

- خوب بۆلہدی غم بېمہ قیزیم. اوز تاملریمدی کوره ب بۆلہی، بیر
ساعتده سېنی تاملرینگدی قارینی یم کۆره ب بېرہمن، - دېدی.

اېگم بېردی نینگ یاشی آلتیشدن آشگن بۆلشیکه قرہمہی ہلی
قریمہ گن. سقالی ماش و برنج، اېندی کم - کم آقرہ پیتی. اوزی تېتیک،
بہ قوت، ایشلب چرچہ مہیدی. او دنیانینگ ایسیق - ساوغینی کۆپ
کۆرگن. یاشلیگیدہ نېچہ مرتہ ایران گہ باریب کھلگن. بیر زمانلر رادیو،
تیب ریکارد، تیکوچلیک ماشینلرینی توزہ تردی. شونینگ اوچون
اونی مستری اېگم بېردی ہم دیدیلر. ایکی اؤغلی تورکیہدہ ایشلہیدی،
باشقہ بیر اؤغلی ایران دہ محنت قیلہدی.

بیر ساعت اوتر اؤتمس آی برچین نینگ آتہسی قۆلیدہ توت
درختیدن ایشلنگن کتہ کورہک، فار کورہ گنی قیزی نینگ اوییکہ کیریب
کھلدی. قرہسہ قیزی آشخانہدہ قاورداق اېریتہ یاتگن اېکن. او،
آشخانہگہ قیزی نینگ یانیکہ باریب:

- ہارمہ قیزیم، یخشی میسن، جان - تنینگ ساغمی، بالہ لرینگ
یخشمیلہ؟

- شکر آتہجان، سیز قنداغسبز، آنہم، اوکہ ملہ یخشمیلہ؟
چرچہ گنسبز، باریب سوغدیگہ نېرہ لریزدی یانیکہ اؤتیریب بیر آز دم
آلینگ. قہورداغدی ایستیپ کھلہمن. توشلی قیلیب، دمیزدی راس
قیلینگ.

- خوب بۆلہدی، خیر کۆر قیزیم .

اېگم بېردی نېرہ لرینی نینگ یانیکہ باردی، اولر نینگ حال - احوالینی
سؤرہدی. اولر بیلن ہزیللہ شیب، سوغدی نینگ تۆریدہ گی پلہسیگہ

كېرىب آلدى، قار كورەب ھارىگن اېگمبېردى سوغىدە خورىلىپ
اوخلب قالدى.

تۇرت- بېش دىققە اۋتر اۋتمس قىزى ايگى تاش تباققە قاورداق
سوزىب كېلدى، سىندلى نىنگ اوستىدە اۋزى تۇقىگن قىزىل سىرىغ
رىنگلى يۇل- يۇل شال دسترخوانى يازدى. اوچ تۇرتتە بوغداى ناننى
قۇيدى. شو آندە اېگمبېردى اويغانىپ كېتدى. آى برچىن آتەسى ايگى
بالەسى بىلن بىر تباققە، اۋزى باشقە ايگى بالەسى بىلن بىر تباققە
قرەدىلر. قارنى تۇيىپ دىمى راست بۇلگن آتەسى دسترخوان دىعاسىنى
قىلدى - دە، يانئدە چىنى پىالەدە سوزىب قۇيىلگن اچىق كۆك چاينى
ايچىب، - «ھەر كۈنىگە شىكر،» - دېگن سىرى، اۋرىندن بۇكىب توردى.
- خىر كۆر قىزىم، اېندى بارىپ تاملىرىنگدى قارىنى كورەب تىشلەى.

- يىنە بىر- ايگى پىالە چاى ايچىگ، چرچەگىسىز آتەجان!

- چايدى بىختىرىپ قۇى، يىخشى دىمىنى آسىن، اوندەگچە قارنى
كۆرەب كېلىپ، ساغره اىچەمن قىزىم.

قىزى چاينى اۋزى نىنگ و بالەلرى نىنگ پىالەلرىگە سوزدى. چاى
خىلەدن بىر پىشىرىم كۆك چاى آلىپ بۇشب قالگن چاينىك نىنگ
شىمەسى اوستىگە سالدى. اۋچاققە ياقىلگن اۋت نىنگ ھىل بېرىپ
تورگن چۇغى اوستىدە مور- مور قىنب تورگن قىناق سوونى چاينىكە
قويىپ، تازە چاى دىملەدى.

تۇنى نىنگ ايگى آلد اېتىگىنى قىترىپ بېلباغىگە قىستىرگن اېگمبېردى،
ھە دېمەى قارنى كورەب بۇلگچ تامدن توشىپ كېلدى، يىخشىگىنە دىم
الگن چاينى ساىهگى مېىز بىلن مژە قىلىپ اىچتى، مىنگلەيىدن تېرلر
تامچىلرى مولدىر ب تۇكىلە باشلەدى.

- اېرىنگ - بۇرى دن خىر بامى قىزىم، تىلپىن- مىلپىن قىلەمى؟

اىرانگە كېتىگىگە يم ايگى آى بۇلدى قىرىپ، اىش- مىش تاپىمى؟

- اۋتگن كۈنى تىلپىن قىگن اېدىلە، سىزدى، آنەمدى سۇرەدىلە.

قودوغ قازر اېكىلە. ايگى ھفتە دن نرى پول تىشلەيمىن، كم - كم

قرضلریمدی اوزییله، احتیاط قیلیب خرچ قیلیب توریله، خدا مهربان، دېگن اېدیله.

- هه یخشی، ایران دی پولیگه یم جان قامهگن قیزیم. قدیمگیده ی بوگنده آتی آی ایشلسه پولدار بؤلېب کېلېدی، قرضلری یم اوزیلیدی، کمی کېتیگینی یم توزه تیب آلبیدی.

- اېندی شو قرضلری اوزیلسیدی، بیر اؤتاققه اېشیگی، کلکینی یاغ، شوله یم توزه لسییدی، سیال-باباتی آلدیگه.

- صبرلی بؤ قیزیم. قدیمدن "صبر قیلسنگ غؤره دن حلوا بیتر، بی صبرلر غؤره کینیدن کپتر" - دېگن حکمتلی سؤز با. دنیانی کپتی اوزاغ، هلی مینگ گلرلرزدن بیر گلرلر آچیلگنی یاغ. قرضی یم اوزیلیدی، اوینگ هم توزه لیدی. باله لرینگ کته بؤله دیله.

- ایتگنیز کپسین آته جان! دعا قیلینگ، اؤتیز-قیرق ییلدن بېری اوروش، مېن اؤقییالمه دیم، سوادسیز قالدیم. باله لریمدی آته سی اوروشتی جبریدن مکتبگه بارلمه گن. بیزه بیر نرسه بؤمه دیک آته جان، شو باله لریم اؤقیسینله دېیمن. کته اؤغلیم اېش مراد عمری بؤگیر ابعیرگینه باله. ایکی ییلدن بېری مکتبگه باریدی، ینه اوروشلر باشلنېب کپتی، مکتبدن قالدی؛ بیر یاغی حکومت بیر یاغی دولتگه قرشی جنگچیلر.

- قیزیم خدادن بچه لرینگدی عمرینی تيله. بو اوروش بیتمه سه کون کؤرالمه بییز. نې ایش قیلاله سن، نې مکتب اؤقییاله سن. "یخشی کونینگ دندان دردی"، بچه لرینگگه بیرته دن "قاعده بغدادی" آلیب بې، قیش کونلری مچجیتکه باریب ملا امامدن سباغ آسینله، سوادلری چیغه دی. نمازلی لرینی اؤرگنه دیله، - دېدی.

اېگم بېردی ینه بیر نچه دقیقه توریب بیر ایگی پپاله چای اېچدی- ده، - «کچ بؤلېب قامه سین، سیگیر مین بوزاققه وقتیده یمینی قیلیب بېره ی،» - دېب اؤرنیدن توردی - یو، قیزیگه قره ب:

- آسمان صاف بۇلدى قىزىم بو كچچە اياس بۇلەدى، قىتق موزلەيدى. بالەلرینگندى احتياط بۇ، كۇرپەنى ايكىتەدن يايىلە، - دېدى.

- خدا ئەمدى اجرىنى بېرسىن، وقتىدە بېش - تۇرتتە كۇرپە قىلىپ بېرگن اپكىنلە.

آي برچىن نىنگ آتەسى برنەنىنگ ستونىگە تەب قۇيىلگن كورەگىنى آلدى دە، قىزى يىلن خىرلەشىپ اويىگە جۇنپ كېتدى.

آي برچىن بالەلرىنى ملا امام نىنگ حجرەسىگە "ملا" گە قۇيماقچى بۇلدى. اپرەتە - «آتەمگە پول بېرىپ، بالەلرىمگە بازاردن "قاعدە بەغدادى" تىلەتە من، - دېب آتەسى نىنگ اويىگە اۋتىپ باردى. آتەسىدن آتەسىنى سۇرەدى.

- بېش آلتى سېر بوغدهى تازەلب تېگىرمانگە كېتەن، - دېب تورگن اپدىلە. كېتىتەلە شېكىللى.

- خى، خى، قچچن كېسەلە منە بو پولدى بېرىنگ، اپرەتە بازارگە بارسەلە، بچچەلرىمگە "قاعدە بەغدادى" ساتىپ آلىپ كېسىنلە. تىناوون اۋزلىرى «بالەلرىنگى "ملا" گە قۇي» دېگن اپدىلە.

- يىخشى بۇلەدى قىزىم. شو "ملا" گە اۋقىسەلە راست و چىلپىرىنى بىلەدىلە، نمازلى لرىنى اۋرگنەدىلە. بالەلرىنگ "ملا" بارگن كونى اولەگە ايكىتە قلمە يا ايكىتە پتير قىلىپ بى. آلىپ بارىپ ملا امامگە بېرسىنلە. شونداغ قاعدە با قىزىم!

آرەدن ايگى كون اۋتتى، اپگم بېردى بازاردن "قاعدە بەغدادى" كىتابلىرىنى آلىپ كېلىپ، قىزىگە بېردى - دە:

- اپرەتە تيار بۇسىنلە، نمازدى اۋقىب، چايدى اىچىپ وقت اۋزىم ملا امامگە اپلىتىپ تاپشېرەن.

- خوب بۇلەدى بۇبەسى. مېن بولەنى تيارلب قۇيەن. بەخىر اپرەتە كېلىپ آلىپ كېتىنگ.

آتەسى اۋتيرمسدن اويىگە قىتتېب كېتدى.

آی برچین آش خمیر توتدی. قوطیدهگی زغیر یاغینی قازانگه سالیب
چوچیتدی، بیر تباققه قازاندهگی یاغدن آلیب سورپه اوستیده اؤقلاو
بیلن یایگن خمیریگه پخته بیلن یاغ سورته باشلهدی. غیلچه یاققه
تؤیگن خمیرنی قیتہ-قیتہ مشتلهدی. خمیری ایکیتہ قتلمهگه
مؤلجلنگن اېدی. خمیرنی ایکی زبالهگه بؤلپب ایکی قتلمه یسهدی.
نان پر و چینی پیاله نینگ لبی بیلن قتلمه نینگ یوزیگه بیزهکلر بېردی.
قتلمه لر نوبت بیلن قازانده قیزیب تورگن یاققه سالیندی.

اېرتہسی اېگم بېردی نېرہلرینی آلیب باریب مسجدنینگ ملا امامی گه
تاپشیردی. قیزی پیشیرگن قتلمه لرینی ملاگه بېرہ یاتگنیدہ:

- آخونیم! قدیمدن قاگن قایدہ اېکن. بېچہلنی آنہسی سیزگه ایکیتہ
قلّمہ پیشیرگن اېکن، شونی سیزگه آلیب کېلدیم.

- اې، کېرہگی یاغ اېدی، خدا قبول قیسین.

- اېندی بو بالہلہنی سیزگه، سیزدی خداگه تاپشیردیم - دېگن
اېگم بېردی اوئیگه قیتدی.

اېش مراد اوکەسی و سینگیلیری بیلن هر کونی "ملا" گه قتردی.
پنجشنبه لری ملا امام گه "نان پنچشنبه"، آیلر نینگ آخریده "آی پولی"
اېلتیب بېردیلر.

بالہلر "ملا" گه باریب کېلیب، قیش نینگ اؤتگنینی سېزمہی قالدیلر.
آنہسی ہم رۇزغار ایشلریدن بۇشہ مسدی. کیر یوویش، خمیر-پتیر،
نان پیشیریش، کۆرپه قېیش، غۇزه چیبیش، اوی سیپیریش و... ایشلری
بیلن بند بۇلردی.

قیش نینگ سۇنگگی کونلری اېدی، بولوتلر قاری یامغیرگه ایلندی،
کؤچتلر و درختلر کورتک آتہ باشلهدی. اوچ آی دوامیده آق کیم کیمب
الگن زمین اؤز کیمینی المشتیریب یشیل لباس کیمه باشلهدی. تونلری
قوربقلر اریغلرده غلغله سالردیلر، باغلر و اېندی ییرنی یاپگن میسهلر
ایچیدن بېدنہلر نینگ پیتپهلق آتیب سیرہشی اېشیتگن نینگ کؤنگلینی
اچردی. هر نېچہده غرب تاماندن تۇستدن کؤکده کؤرینگن قارہ بولوتلر

گولديراس اوريب، چقماق چقيب پايه بۇران قىليب ياغردى. كوچه
- كوى، دشت و قۇل سووگه تۇلردى، هركون بوغداى لر و ميسه لر
سېره- سېره اوسردى.

آي برچين انه شونده مست بهارده تۇي قىلگندى، تۇيى كوني
قوييب يامغير ياققن ابدى، دوگانه لرى - «قازاندى قيسماغىنى يېگن
اېكن سن- ده» - دېپ كولىشردىلر. اوشه كونلردن ايسپده قالگن
تكرارلنمس خاطرهلرېنى اېسله دى. تورموش اورتاغى بۇرى نېنگ اېندى
كويو بۇلگن كونلرېده گى سيماسى كۇز آلديده گوده لندى.

- «كېنگلرى گه يم قريب بير ييل تۇله بېردى. كاشكى قىتيب
كېسپيديله. شو بير خانه گه دروازه- كلكىن قوريب، حويلى ديوارلرېنى
كاهگلب آلسپيديله، يوبارگن پوللرى مينن قرضلرى نېنگ قريب يرى
اوزيلدى. قاگن قرضلرى يم اوزيلسپيدى. "قصدارلى قهر خدا" دېگنله،
بوگون بير تىلپين قىليب گېلشه من،- دېدى آي برچين اوز- اوزيگه
غوديردب.

او باله لريگه دسترخوان يازيب توشليك اوقتلرېنى بېردى. بۇرى
ايران دن يوبارگن موبایل تىلفوننى قۇليگه آيب قرهسه چارجى توگب
قالگن اېكن، بير ساعتچه چارجگه قۇيب تورموش اورتاغىگه
قۇنغىراق قىلدى.

- الو - الو آي برچين!

- هه، مېن من، سلام عليكم. سغميسيز...

- خدا گه شكر مېن سغ من. سېن قنداغ سن؟ بچه له يخشى ميله؟...

- شكر همه يخشى، ايشلرېز قنداغ، اېندى قچن كېله سيز؟

- كېله من، تۇخته خاتين، ينه بير آز پول تاپه ي، قرضله اوزيلسين،

ساغره بير آز پولدى بېلمگه بېلب باره من. شوبوگون ايكى لك افغانى

جۇننه من، باييميز اوستيگه قاگن پولدى آسم اونى يم جۇننه من، غم

يېمه.

- خى، سغ بۇسه ييز بۇله دى. خدا گه تاپشيرديم.

شو آندہ آی برچین نینگ آتہ سی قۇلیدہ بیر تباققہ سومہ لی کیریب کپلدی.

- قیزیم خالہنگ کپچہ سومہ لی قیگن اپکن، بیر کیچکینہ چپلک کہ سومہ لی یوبارگن ابدی. حقینگی آلیب کپلدیم. کیمدی مینن گپریدینگ، بۇری مبدی؟

- ھہ، کویاویز ابدی، سیزدی سۇرہ دیلہ. سلام ایتیلہ، ینہ بیر آز قالب ایشلہ یمن، قرضلریمدی اوزہ ی، ساغرہ کپلہ من، - دپدیلہ. بیر آز پول تشلہ گن اپکنلہ اہرتہ شونی صرافدن کپتیریب بپرہ سیزمی آتہ جان؟

- ایکی کونلی ایشیم با، باغدی بپلنمہ ی قاگن اوچ تۇرت پشتمہ سینی آغدہ ریب بۇلہ ی، کپتیریب بپرہ من قیزیم!

آتہ - قیز گپلہ شیب تورگنلریدہ بیردینگہ سرکدن گورومیللب پارتلش نینگ سہسی اہشیتیلدی. قسیر-قوسور آتیشمہ باشلہ نیب کپتدی.

- ای خدا، ینہ نیمہ بۇلدی، نپچہ وقتن بپری تینچ ابدیک، ینہ اوروش بۇلدی، خدانى خوش کونینی کۇرمہ ییز شپکیلی، - دپگن آی برچین ییغلب یوباردی.

- قۇرقمہ قیزیم، خدا بیر نرسہ، - دپ قۇیگندی. اۇنگن کونی حکومت کوچہ میزدن سرک کہ چیقیلہ دیگن جایگہ کتہ پوستہ قۇیرمیش - دپگن گپلہ نی اہشیتگن ابدیم. مونداغ بۇسہ بیزہ یم بو پیرگہ تورالمہ ی بیز، مجبور بیر یققہ کۇچیب کپتسہ ی، - دپ سہسی مہیین چیققن اپگم بپردی ایچکریگہ کیر قیزیم ینہ ھاوان-ماوان توشمہ سین، - دپدی.

آتہ- قیز چاپیب باریب اۇتاققہ کیردیلر. بیر آزدن کپین تیک اوچر اوچاغلر نینگ سہسی چیققی، تیک اوچرلر ھوادن ھر یاققہ راکت آتہ باشلہ دیلر، بیر ساعتچہ دوام اپتگن تۇقنہ شوولرنینگ سہسی پسہ یدی. عسکرلر کوچہ نینگ باشیدہ سرک کہ چیقیلہ دیگن جایدہ کتہ پوستہ قوردیلر. اہندی اپگم بپردی و اونینگ قۇشنیلریگہ بو بپرہ قالب یششگہ

مىجال قالمىگەن اېدى. اېرتەسى كېرەكسىز نىرسەلەرنى قىشلاق نىنگ نرى چېگە سىدەگى قىرىنداشلىرى نىنگ اويلرىگە اېلتىپ قۇبىدىلر. اوزلىرى ياپىنر تۇشەنرنى آلىب مىمنەگە كۆچدىلر. اېگم بېردى قىزى بىلن اوزىگە بىر حويلىنى كراگە آدى. آى بىرچىن بالەلرى بىلن بىر خانەدە جايلىدى. آتەسى، آى بىرچىن گە ايران دن بۇرى جۇنتىگن پوللرنى كېلتىرىپ بېردى. كويواوى نىنگ قىزلىرى اوزىلدى، يەنە بىر آز مبلغ آى بىرچىن نىنگ قۇلىدە قالىدى. بازارگە چىقىپ بالەلرىگە يىنگى كىيىملر گىلم، پردە، قازان، تباق، چاينىك، پىيالە و باشقە ضرور بويوملرنى ساتىپ آدى.

آى بىرچىن نىنگ كۈنگلى قىشلاققە قوردىرگن يىنگى تورر بىناسىگە آسىلگن اېدى. - «اوروش بۇلسە، تۇپ - طيارە اورسە اويلرىم ويران بۇلەدى،» - دېب قىغورردى. هفتەلر اۋتدى، بىر كون قىشلاققەن جىنگىلر پوستەنى آدىلر، - دېگن خىبر كېلدى.

آى بىرچىن آتەسىگە:

- قىشلاققە بارىپ، اويلرىمدى بىر كۇرىپ كېمەسم بۇمەيدى. الاو آلدىمى، آتلىگن تۇپلردن ويران بۇلدىمى؟ - دېدى.

- نىمە قىلەسن قىزىم، يەنە بىر وقتى مىنن بارەسن، جىنگ مىنگ بۇلىپ قالر.

- مىدە - چويدە، كۇرپە يىستىغلىرىمدى قىرىنداشلىرىم اويلرىگە اېلتىپ قۇيگن اېدىم، شولەدن بىر خىبر آلىپ كېلە آتەجان!

- قۇيردە قۇيمەدىنگ، اېرتە كتە اۋغلىنگ مىنن وقتراغ بارىپ وقتراغ قىتىپ كېلىلە، - دېدى اېگم بېردى.

آى بىرچىن اېرتەلب ملا آدان اۋغلى بىلن قىشلاققە جۇن ب كېتدى، قوياش كون چىقىردن تىغ اورگندە كوچەسىگە بېتىپ باردى. قوشنىلرنىنگ ديوارلىرىدە تۇپلر تېككن، يىغاج دروازەلرنى اۋقلر غلبىر شكاف قىلگن، هر قەدەمە آدم نىنگ قانى.

آی برچین نینگ كۈنگلى بوزىلدى، قىشلاققە قىتئب كېلگىنىگە پىشىمان بۇلدى، تۇستىن باغىدە ايشلب تورگن قۇشنىسى تۇرە باى تاپىلىپ قالدى.

- آى برچىن! كېلىپ قالدىنگ مى؟

- كېلدىم ابەجان، بو نىمە حال بۇلىپتى، ھەمە ياق وىران؟

- اوروش بۇسە نىمە بۇلەدى دىپىسن.

- اۋغلىم مىنن حولىمگە بارماقچى من، بىزە مىنن بارىنگ، يگە باررگە قۇرقە من.

- بۇلەدى اىلگىرى توش!

آى برچىن، اۋغلى اېش مراد و تۇرە باى آلدىن - كېىن بۇلىپ حويلى - نىنگ دروازەسىگە يېتىپ باردىلر. آى برچىن حويلى سىگە كىررگە جسارت قىلمەدى، او تۇرە باىگە قرەب: آبە، سىز اۋتىنگ.

- قۇرقمە قىزىم ھىچ گپ اېمس. مېن قرەب تورە من. سېن اىلگىرى اۋت.

تۇرە باى و آى برچىن نىنگ كۈنگلىدە موھوم بىر قۇرقىنچ بار اېدى. آى برچىن ناچار يوز يورەكنى بىر يورەك قىلىپ حويلىگە كىردى. بىر نېچە قدم اىلگىرىگە بارىپ قرەسە آدملىرىنىڭ سىچرەگن قانى حويلى نىنگ دىوارلىرىدە نقش باغلهگن. بو حالنى كۇرىپ ىنە قۇرقىب كېتدى. بىر كېىنگە قىتەى، - دېدى، اىكېلەنىپ، بىر - بىر قدم باسىپ اىلگىرىگە بارەياتگن اېدى، بىردن گورومىلەگن سېس اېشىتىلدى؛ آى برچىن چمەسى بىر متر يوقارىگە كۇترىلىپ يېرگە اورىلدى. حويلى فضاىى باروت نىنگ ھىدى و توتونى بىلن تۇلدى، يىغلىنىرىب اېش مراد آنەجان دېپ بقىردى. تۇرە باى آرقەسىگە تىسەرىلىپ.

- اللە، مردەيدى قىزى اۋلمەگن بۇسەكە ىخشى دى»، - دېدى.

بىر دىقىقە اۋتر - اۋتمس حويلى نىنگ فضاىىدەگى چىنگ و توتون يېرگە چۇكدى. چلقەرىمان يېرگە ياپىشىپ ياتگن آى برچىن نىنگ

تەسەيغىغ كۆرىنە باشلەدى. ئاۋغلى اېش مراد نىنگ باشىگە قىب- قىزىل قىامت قايم بۇلگن اېدى. او، حويلى نىنگ كتە دروازەسى يان بايدى سىگە باشىنى قۇيىب، آنەسىگە قرەب ايزىلېب يىغلردى.
- آنەجان، تورىنگ، يىخسى مىسىز؟ او خداجان بىزە سېنگە نىمە يامانلىغ قىگن اېدى.

شو آنە، آى برچىن قۇللىرىنى بىر آز كۆتردى. باشىنى قىمىرلىتدى.
- اېش مراد ئاۋغلىم قۇرقمە، مېنگە هېچ نرسە بۇگن ياغ- دېدى، يىغى ارەلش مەيىن آوازده.

آى برچىن نىنگ ئاۋغلى ايزىلېب كوچە گە چىقسە تورە باينى قۇلىدە بىر اېسكى كۆرپە كۆترىب كېلەياتگنى كۆردى، او، تۆرە بايگە:
- آبەجان! تۆرە آبە! آنەم تىرىك اېكنلە، آنەم تىرىك؛ - دېدى.
تۆرە باى، تېز- تېز يورە باشلەدى. اطرافدەگى باغلردە ايشلب تورگن قۇشنىلر هم يوگىرىب كېلدىلر. هەملرى آى برچىن نىنگ يانىگە بارىب:
- نىمە بۇلدى، يىخسى مىسن هەمسەيە؟ - دېب سۆرەدىلر.
آى برچىن ياتگن يېرىدن تورە من، - دېب حرەك قىلدى، تورالمەدى، آياغلىرى قىمىرلەمسدى.

- خدانى يوزىنى كۆرىيلە. مېن تىرىك من، ايهغلىرىم قىيىردەمەيدى، سىنگنگە ئوخشەيدى. مېنى تېزراغ مىمەنگە، شفاخانەگە آشىرىيلە. شو قارە كۆز بالەلرېم اوچون ئۆلمەى قاسم بۇلەدى، - دېگن آى برچىن نىنگ يوز و باشىنى قارە توتون باسگن اېدى. فقط كۆزلىرى نىنگ آقى آقريب كۆرىندى.

قۇشنىلر تۆرە باى كېلتىرگن اېسكى كۆرپەنى تۆشەدىلر، آى برچىن- نىنگ تەسەينى كۆترىب كۆرپەگە قۇيىش كېرەك اېدى. - «بىزە نامحرەم بىز»، - دېبە، قۇشنىلرى آى برچىن سىرى قۇل اوزەتمەسدىلر. اونىنگ محرمى بۇلگن ئاۋغلى اېش مراد آنەسىنى كۆترىشگە كوچى بېتمەسدى، آى برچىن نىنگ ايكلە كۆزىدن مولدىرىب آققن ياشى يوزىنى ھۇل قىلدى.

- قيامتلى اكه لريم بۇلەسىللە، كۇيلەيىمدن، قرسىمدن توتىب مېنى
كۇتريب كۇرپەگە قۇيىنگلە، بىران ريكشا تىلە تىب تېزراق مېنى مېمىنەگە
آشپرىيلە، - دېدى.

- راست ايتەدى، وخت اۋتمەسىن. بىزەگە بونى جانى مېم. بىزەنى
قيامتلى اكه لريم بۇلەسىللە، - دېدى بېچرە. آلىيلە، يىندە شىيلە! دېدى
تۇرە باي.

آي برچىننى بېچىرىم كۇتريب كۇرپە نىنگ اوستىگە قۇيدىلر.
قىمىرلە مەيدىگن آياغلىرى دردگە كىردى، آغرىغىگە چىدە آلمس اېدى.
تېشىنى قىسدى، كىشى كۆلمەسىن، - دېب اخ ھم دېمەدى. كۇرپەنى
ھر تامانىدن توتىب كۇتردىلر. استە-استە يورىب سر ككە آلىب
چىقدىلر، شو آندە باشقە بىر كوچەدن تىرتىرىلپ بىر ريكشا چىقىپ
كېلدى. كۇرپە بىلن كۇتريب آي برچىننى ريكشاگە آرتدىلر.

قىرق دىققە دېگندە آي برچىننى شفاخانهگە آلىب باردىلر. داکترلر-
جراحلر يىغىلىشىپ تېكشىرىپ كۇردىلر. آي برچىن نىنگ راست آياغى
آشىغلىغىدن بلندراقدن سىنگن اېكن. چپ آياغى نىنگ سويگى درز
آچگن.

داکترلر دراو سىروم اۋتكىزىپ دردنى قالدېرەدىگن بېچكارى
قىلدىلر. آي برچىن بىر آرتىنچىدى، دردى قالدى.
آتە-آنەسى يىغىلپ قىزى ياتقىزىلگن خانهگە كىردىلر، جراح اولرگە
قورەب:

- خداگە بىر قىگنلرېز بار اېكن. قىزلرېز اۋلمەى قالىبتى، قۇرقمىنگلر،
يخشى بۇلەدى، راست آياغى كېسىلمەسە علاجى ياغ. بويبردە چارەسى
بۇمەيدى. مزارشريف يا كابلگە آلىب بارىيلە! - دېدى.

- ياغ اې داکترجان، قىزىمدى ايهغى كېسىلمەسىن، بىر علاجىنى
قىلىيلە! قىچە پول كېتسە كېتسىن، - دېدى، آي برچىن نىنگ آنەسى
دلبرشاه.

- آنەجان قىزىدى ايهغى كېسىلىشىگە بىزە ھەم طرفدار اېمىس بىزە. خارجىگە آلىب بارسەبىز ھەم كېسىلمىسەن بىشقە علاجى ياغ، اۋزى تىرىك قالگىنى اوچون خىداگە شىكر قىلىنگ، يىخى بۇلەدى، ايهغ تۈزەتىب بېرەدەلە. ساغلىرىدى يورىب تۈرەدى، - دېدى جراح. آى برچىن آتەسىگە قرەب:

- آتەجان! قىداغ قىلەى، قىسمىمگە بار اېكن، بۇگن ايش بۇلدى. مېنى تېزراغ مزارشريف يا كابلگە آشىرىلە، سىندىغىمدى كلتىنى تامدى تۇرىگە، كىگىزدى تەبىگە قۇيگن اېدىم. آنەم مېن بارىب سىندىققە سىراندازلىرىمى تەبىگە تۇرت لك اوغانىنى بىر رومالگە اۋرەب قۇيگن من. شونى آلىب كېلەلە، كېچ بۇمەسىن. سىز مېنى آلىب كېتىنگ، آنەم اويگە بچەلەنى اوستىگە قاسىنەلە، - دېدى، آى برچىن.

قوياش باتە ياتگن اېدى، آى برچىن، آتەسى و بىر سىنگىلىسى مزارشريفگە جۇنەدىلەر، اولر ساعىتلب يۇل يورىب، تونىنگ يىمىدە بىر خصوصى شىفاخانەگە يېتىب باردىلەر. شىفاخانە خادىملرى آى برچىننى احتىياىلب مۇتەردن توشىرىب عملىيات خانەگە ياتقىزدىلەر. جراحلىر طبى تېكشىرۈۈلرنى عملگە آشىرىب، آى برچىن نىنگ راست اياغى كېسىلىشى و چپ اياغىگە پلاتىن اۋتكىزىلىشىنى ايتدىلەر، آتەسى و قىزى آى برچىن ناچار راضىلىك بىلدىردىلەر.

عملىيات اجرا قىلىندى. بىر ھەفتەدن سۇنگ آى برچىننى شىفاخانەدن آلىب چىقىب اويىگە يېتكىزدىلەر.

آى برچىن نىنگ باشىگە مىصىت توشگن كېزىلەن آق تۈرەموش اۋرتاغى بۇرى ھەر كۈن بىر نېچە مۇتە تېلفون قىلىب، سۇرەب تۈرر اېدى. ايراندن پول قرض آلىب جۇنەماقچى بۇلدى، آى برچىن - «ھلى پولىمىز بار اۋزىنگىزنى آرتىقچە قرضدار قىلمىنگ»، - دېب، راضىلىك بىلدىرمەدى. او بىر بار ايراندن كېلماقچى ھەم بۇلدى، خاتىنى - «كېلىب اۋتىرمىنگ، مېن تۈزەلمەن» - دېب اونى ايشانتىردى.

آی برچین چمەسى ایکی آی تۆشککه میخلەنیب یاتدی، ھرکون کۆزمینچاقدېک بالەلری موسیچەنینگ جوجەلریگە اوخشب، کۆزلری جودیرەشیب آنەسىنینگ یانیدە سیزیلیب اۆتیرردیلر. او بعضاً فرزندلیریگە قرەب کۆزلریدن حسرتلی یاشلر تۆکردی؛ او بیر کونی فرزندلیریگە:

- کەبغل - بیچارە بۆگنلریزگە خدانى رحمی کەلدى، اجلیم یېتمەگن اپکن، اۆلمەى قالدیم، ھر کونىگە شکر، آتەنگ ھم کەلەدیلە، مېن ھم تۈزلەمن. سیلەنى داغ و دردلریزدی کۆرمەسم بۆگنی. آتی اۆچکیر اوروش خلاص بۆسییدی، سیلەنى اۆقتیسیدیم. کتە بۆگنلریزگە تۆیلریزدی کۆرسیدیم، ساغره اۆلسم ارمانیم یاغ اېدی، - دېب دل- سۆزلرینی اظهار اېتدی.

اسلام آباد. ۲۰۲۲ جولای

زىبى و مراد

مراد، قىصارنىڭ گۈزىل طىبىعتى، يىم-يىشىل باغ و چارباغلىرى كۆزنى قىمىشتىرۈۈچى سۆلىم قىشلاقلاردىن بىرىدە ئۈرتە حال بىر عايلەدە توغىلگن. يىللار ئۈتىپ مرادنىڭ عايلەسى قىشلاقنىڭ كىمبەل خاندانلىرىدىن بىرىگە ايلنگن اېدى. آتەسى مال جىلابلىك قىلىپ بالەلرىنى باقردى. قشاقلىك سبب نذىر قول تاغەنىڭ اۋغلى مەكتىنى اۋقىب بىتيرالمەدى.

مراد، بازار كۈنلىرى آتەسى بىلەن ماللىرى ساتكىنى قىصاردىن المار و مېمىنە بازارلىرىگە آلىپ بارىدى. او يىخىلىق تعليم الالمەگىدىن خفە. مراد ھەر ھەفتە آتەسى بىلەن يۈز و باشىنى يۈلنىڭ چىڭ-توزانى باسگن حالدە كېچقورونلىرى اويىگە قىتىپ كېلدى. بىرىنچى مرتە بازارگە بارىپ آتەسىگە يىقىندىن ياردەم كۆرسىتىگن مراد اويىگە كېلگىدە، آتەسى اونىڭ باشىنى سىلىپ بىرىگە باسدى. اۋغلىنى سېۋىپ:

سوداگر اۋغلىم جانىمگە، جىلاب اۋغلىم جانىمگە، - دەپ مرادنى اىلىق سۆزلەر بىلەن اعزازلەدى.

آتەسى نذىر قول مرادنىڭ آتەسىگە:

- بىز كۆپ چىرچەگەنمىز، آب و يوغانىڭ بۇسە آلىپ كې.

– خۇب بۇلەدى آتەسى، بازاردن چرچب كېلەسىلە، – دېب مرچ و
مصالە و ھر خىل كۆكتلر سالىب ايچىلەدېگن كوفتەلى آش پىشىرگن
اېدىم، درآو سوزىب كېلەمن.

اوچ تۇرت دىقە اۋتر– اۋتمس مرادنىڭ آنەسى اېندى تىدىردن
اوزىلگن ايسىق نان و ايگى– اوچ تباق آش آلىب كېلدى. كون بۇيى يۇل
يورىب، بازار قىلىب ھارىگن آتە– اۋغىل نىڭ كۆزلى اوخلەماقچى
بۇلىب زۇرغە آچىلردى. عايشە بى بى اولرنى دسترخوانگە دعوت
قىلدى. منگلەيىدن ايسىق تېر آقەدىگن نذىر قول تاغە:

– خىر كۆر خاتىن، بو پىشىرگن آشىنگ جانىمگە ملەمەدېك
پارىدى، چرچەگنىم چىقىب كېتدى، – دېدى.

عايشە بى بى بارە سالىب تىدىرنىڭ كىنگىدە قىنب تورگن قومغان–
نىڭ قىناق سوويدن كۆك چاى دملەدى، بىر آزدن سۇنگ چاى
دملنگن كىترىنى آلىب كېلىب اېرى نىڭ آلدىگە قۇيدى.

– ايشلىرىز قندەى بۇلەپىتى، مال آلىب ساتەسىز؟ فايدەسى بارمى
اۋزى؟

– اى خاتىن، قىمىرلەسنگ قوروق قامەيسن، بۇلەدى، نصىبە نىمە
بۇلسە، اۋشە قۇلگە كېلەدى. مېن بو ايشدن راضىمەن.

– مراد اۋغلىز يىگىت بۇگن، شونى بىران يېردە اىهغىنى چتسەيىز
اېدى. اۋغىللىرى اويلنتىرىش آتە– آنە بۇينىگە ھم قرض ھم فرض–
دېدىلە.

– قىشلاقدە كىمدى يىخشى قىزى با، سورەب سورىشتىلە، بختى
آچىلىب، قىسمى بىرانتە مېنن قۇشىلگن بۇسە مرادنى اونشتىرەمىز،
قرضدار ھم بۇلسك اۋغلىنگى قلىغدار قىلەمىز، خىر ايشنى، تېزراق
قىلىش كېرەك، – دېدى نذىر قول تاغە.

غلام رسول باىدى زىبى دېگن بۇيداغ قىزى با، اۋتگن يىلى
نمازجاىگە بارگنىمدە كۆرگن اېدىم. حسنى ھم يىخشى اخلاقى ھم
يىخشى آتەسى، قۇلىدن ايش كېلەدى، تىكووچىلىك قىلەدى، خامك

دوزلىك قېلەدى، ادرەم تىكەدى. او قىز اويمىگە كېلىن بۇلىب كېسە،
قۇلىمىگە ارە كىرەدى، آغىرىمىدى يېنىگىل قىلەدى، - دېدى، عايشە
بى-بى.

اوزاق يۇللىرنى يىاو يورىب بازار قىلگن نذىرقول تاغە كۇپ چرچەگن
اېدى.

- بۇلەدى خاتىن، قىسمى قۇشىلگن بۇسە رسول باىدى قىزىنى
كېلىن قىلەمىز، - دېدى

نذىر قول جايدە اوزەلىب اوخلب قالدى كىچ بۇلگن اېدى، عايشە
بى-بى ھم باشىنى ياستىققە قۇيدى، تىزدە اوخلە يالمەى: - «اۋغلىمنى
قلىغدار قىلىب، اويمىگە كېلىن كېتىسم حىاتىم نىنگ مھم آرزولرىدن
بىرىگە يېتىگن بۇلەمن، خدا اۋشە كونلرگە يېتىكرسىن، اۋغلىم بختلى
بۇسىن، نېرە- چېورەلى بولەى، - دېب تىرن خياللر سوردى.

تانگدە بامداد نمازىنى اۋقىب بۇلگن نذىرقول تاغە اۋغلى مرادنى
اويقودن اويغەتىب:

- اۋغلىم تور، قماقخانەگە بارىب ماللرىنگە تىزراغ بىم- خشە
بېرىب كې ساغره سېنگە ايتەدىگن گېم با.
- خۇب بۇلەدى آتەجان.

مراد قماقخانەگە كېتدى، آنەسى چاى دىملب دسترخوان يازدى.
خاتىنى نذىرقول تاغە گە:

- سىز جايىزگە اۋلتىرىنگ، مرادجان كېلگىنچە مېن تام آرقەسىدەگى
تكلردن بىر نېچە باش اوزوم اوزىب كېلەمن.

او، يىخسى بېشكن شەبابى اوزوملرنىنگ بېش آلتى باشىنى اوزىب
سېتىچەگە قۇير- قۇيمىس قۇلىنىنگ كىتىدن ارى چاقدى، سېتىچەنى
كۇترىب تېز- تېز قدم تشلب حويلى ايچكرىسىگە اۋتدى، كۇزى قىزى
سرونازگە توشگن سىرى اۋزوملى سېتىچەنى اونگە بېرىب، اوزوملرنى
چەقىب دسترخوانگە قۇيىشىنى ايتدى. شو آندە مراد قماقخانەدن

قېتىب حويلى ميدانيدە سفال آبتابەدەگى سوو بيلن يوز و قۇلىنى يويوب
تورگن اېدى، آنەسىنى يىخسى احوالده كۆرمەگن اۋغلى:

- آنە تىنچلىمى؟ بىتابدەى كۆرىنەسىز، - دەدى.

- قۇلىمدى زارماندە زامبىر چقدى، زىرقىرب اغرىب بارەبىتى.

مراد دسترخوان اطرافيدە اۋلتىرگن آنەسى نىنگ كفتىگە پمەدىر نىنگ
نىچىلگن برگلرلىنى باسدى. بىر آزدن كېىن دىردى قالىگندەى بۇلدى.
نذىرقول تاغە اۋز عىالى و فرزندلىرى بىلن بىر دورەدە اۋتىرىب، اېرتە-
نىنگ چايىنى اېچىب بۇلگىچ، اۋغلى مرادگە قرەب:

- اۋغلىم آنەنگ مېنن گېلەشدىك، سېنى اويلنتىرماقچى بۇلدىك،
كېچە مصلحت قىلىب سېنگە قىزى ھم تاپدىك، قىسمتىنگ قۇشىلگن
بۇسە سېنى رسول باى نىنگ زىبى قىزىگە اويلنتىرەمىز.

- مرادجان آنەنگدى گېلرلىنى قىترمە، قىزدى اۋزىنگ ھم كۆرگن
سن، سېنگە مناسب قىز، - دەدى آنەسى.

مراد كوتىلمەگن سۇراققە دوچ كېلگن اېدى، بىر آز اۋىلەنىب قالدى،
ھىچ كىمدن سېس چىقمەدى، اۋتاق فضاىدە ساكنلىك حك
سورردى. نذىرقول تاغە خاتىنىگە قرەب:

- اۋغلىنگن سېس-صدا چىقمەدى آنەسى، راضى بۇلدى
مېنىمچە، "سكوت راضىلىك علامتى" - دېدىلە، - دەدى، نذىرقول.

كۆزلىرى گىلم نىنگ تومارچە گللىگە تىكىلگن مراد:

- آتەجان! نىمە دەپسنگلە مېن راضىمەن، اما ھلى مېن ياش مەن،
اويلنەدېگن وقتىم اېمىس، اىككىنچىدن بىزلەنى قلىن بېرىب، تۇى قىلىشگە
پولىمىز ياغ. مېنگە باغ و بىر ساتىب خاتىن آلىب بېرمىنگلە، - دەدى.

- اۋغلىم يىگىت بۇلىب سن، كىچىك اېمىس سن، قلىنىنگ و
توینىنگدى خىرچىگە ھم خدا مېربان، آنەنگ مېنن ياشىم بىر بىرگە
بارىب قاگن، سېنى اويلنتىرىب آرزو-ارمانلرىم اوشەلسىن دېمەن، -
دېدى عايشە بىبى.

مراد دن سېس چىقمەدى، آتە-آنەسى، رسول باى نىنگ اويىگە ساوچى يوبارماقچى بۇلدىلر، مرادنىنگ عمەسى و خالەسىنى قىزنىنگ اويىگە ساوچىگە يوباردىلر. ساوچىلر عصر چاغى قىتىب كېلدىلر، مرادنىنگ آنەسى شاشە-پىشە ھىجان بىلن اولردن:
- نىمە قىلىپ كېلدىلە؟ - دېپ سۆردى.

عيال ساوچىلردن بىرى:

- بىز قىزنىنگ آنەسىگە: - نذىر قول تاغە و اۋغلى مرادجاننى يىخشى تىسىلە، بىزلە رسول باى عمكى مرادجاننى نوكرلىككە قبول قىسىنلە، - دېپ كېلدىك. بىز سىزلر بىلن قودە-اندە بۇلىشنى اىستەدىك، بو خواھشىمىزنى رد قىلمەسنگلر بو دىنيا و او دىنيا سىلەدن خوش بۇلەمىز، - دېگن گېلرنى ايتدىك، - دېدى.

- خۇ، قىزنىنگ آنەسى نىمە، - دېدى؟ - دېپ سۆردى مرادنىنگ آنەسى.

- قىزنىنگ آنەسى كولىمسىرەب: - خوش كېلسىلە، قىزدى مىنگتە ايتەدى، بىرتە آلەدى. زىبى جاندى اوزاغ ياووقدن بشقە ساوچىلرى ىم با. قسمت-تقدىر ايشىنى قىلەدى. مېندن كتە اختىيار باشى آنەسى با. اوندە بىزگە وقت بېرىلە، اېرىم مېنن بىرگېلەشىب كۆرەمن، - دېپ جواب قىتردى، دېدى، عايشە بى-بى نىنگ ساوچىگە بارگن سىنگلىسى. قىزى باردى نازى بار دېدىلە، ھلى نېچە مرتە قتەسىلە، عذر و زارى قىلىپ يلىنەسىلە، خدا خواھلەگن بۇسە قبول قىلەدى، زىبى مېنن مرادجاننى اونشتىرەمىز. اوچ - تۇرت كوندن نرى ىنە بىر بارەسىلە سىنگلى جان، - دېدى، مراد نىنگ آنەسى.

عيال ساوچىلر اۋز اويلرىگە قىتدىلر. عايشە بى-بى اولرنى حويلى-نىنگ دروازەسىگچە كوزەتىب قۇيدى، اولر ايكىنچى بار ھم ساوچىلىككە باردىلر.

زیبى نینگ آنەسى ساوچىلرنى بو مرتە آلدىنگىدن قىزىقراق كوتىب
آلدى، اولر اوچون توشلىككە تورلى آوقتار پىشىردى. ساوچىلردن
بىرى:

- بىز يەنە اۋشە ايش اوچون كېلدىك، رسول باي عمكىدن
سۆرەگنسىز؟ - دەدى.

- ھە سۆرەدەيم، اېندى اېركك ساوچىلر كېسىنلە، بو ياغى اېرككلر
ايشى، - دەپ قۇيدى، آى صنم.

ساوچىلر رسول باي نىنگ عىالىگە تشكرلر ايتىب، بو خوش خبر
بىلن نذىر قول تاغە نىنگ اويىگە كىرىب باردىلر. آرەدن بىر نېچە كون
اۋتر - اۋتمس، قىشلاق مسجىدى نىنگ امامى ملا بدل و قىشلاق نىنگ
نفوذلى بايى دولت باي رسول باي نىنگ اويىگە ساوچىلىككە بار دىلر.
مھمانخانەگە اۋتىرىب آيىب، ملا بدل "قدم پىتسىن، بلا پىتمەسىن"،
آمىن الله اكبر - دەپ دعا قىلدى.

رسول باي ساوچىلرگە:

- برادرلر خوش كېلىسىلە، - دەدى.

- سەغ بۇلىنگ باي اكە، خوش كۆرسەيىز ام كېلدىك، خوش
كۆرمەسەيىز ام، - دەدى دولت باي.

شو آندە رسول باي نىنگ اۋرتنچى اۋغلى اشرف بىر كتە پتوسدە
چاى، يانغاق و كنجەد حلوا آيىب كېلىپ، مھمانلرگە چاى سوزدى.

دولت باي كىسەسىدن شىفتالى گل رومالنى چىقىرىپ منگەلى تېرىنى
ارىتىدى - دە، ملا بدل گە سۆزلىشكە اشاره قىلدى.

ملا بدل باي گە قرەب:

- باي اكە، بىز مۇمن - مسلمانلە گە قديم قديمىدن قىز بلاغتە
پىتگندە اونى يېرگە بېرىش، بچە كتە بۇگندە اونى اويلىتىرىش حضرت
بھترىن عالم پىغمبىرىمىز نىنگ سنتلرىدن. انە شو مبارك سنت اساسىدە
بىز سىزدن دوستىنگىز نذىر قول باي نىنگ اۋغلىنى مراد جاندى اۋزغلام
لىزىگە قبول قىلىشىزدى سۆرەب كېلدىك. قىسمتلىرى قۇشلىگن بۇلسە

مىرادجان بىلەن قىزىنكىزىنىڭ نىكاح تۋىبى بۇلار. بۇ ارە دە بىز و سىز كەتتە شۇاب آله بىز، خدا بىزله گە شۇندەى شۇابى نىسىب اېتىگن بۇلسىن، - دېدى.

رسول باى كېلگن ساوچىلاردن گېلىشكە رىخىست سۇرەب:
- آخونىم تۇغرى ايتەسىز، تىقدىر-قىسىم قۇشگن بۇسە تۇى قىلەدىلە. سىزله مېن اوچون مىحترم آدملەسىلە، سىزله گە يۇق دېشىگە تىلىم بارمەدى، - دېدى زىبى نىنگ آتەسى.
دولت باى:

خدا سىزگە خىر بېرسىن، بىزدى ساتىب آلدىز، سىز ھم قىز كەتتە قىگن سىز، امىد آرزولرىز با، قىزىنكىز قلىنى و تۇى نىنگ خرىجىلرى بارەسىدە گېرسىك، - دېدى.

ھە، يىخى بۇلەدى، - دېگن ملا بدل، رسول باى گە وقت بېرەمىز، اىچكىرىگە بارىب عىاللرى مىن مصلحت قىسىنلە. بىزگە تۇى خرىجىلرى، قىزىنكىز قلىنى بىر قاغازگە يازىب بېرسەلە مىقول بۇلەدى، - دېدى.

رسول باى عىالى آى صنم نىنگ آلدىگە بارىب:
- كى قنى خاتىن، اېندى قىزىنگىدى ساوچىلرىگە قلىن اىتىب، لىست يازىب بېرىشىمىز كېرەك، سېن نىمە دېسىن؟ - دېدى رسول باى.
زىبى نىنگ آتەسى آى صنم اۋتە قىسر و قىتىق قۇل عىال، او قىزىنى تورموشكە چىقىرىب كەتتە قلىن اۋندىرىشىنى اۋىلب يورگن اېدى. او، اېرىگە قرەب:

قاعدە شۇدە، سۇچىلەگە قلىن و تۇى خرىجىلرى روىخىتى بېرىلەدى. اولر لىستەگىلرنى قبول قىلىب، بۇلەدى دېسەلە، بو سودا بۇلەدى، بۇمىسە بۇمەدى، - دېگن آى صنم زىبى نىنگ سىنگلىسىنى چىقىردى:

- حىبە! حىبە!

- نىمە دېسىز آنەجان؟

- تېزراق بىر قلم مىن قاغاز آىب كى.

قلم و قاغاز کھلتیریلدی، آنهسی حبیبهگه مېن ایته بېره من، سېن یاز قیزیم، - دېدی.

- کلینینی اؤن لک، اېمس سکیز لک یاز.

شو آنده اپری رسول بای ارهله شیب:

- اؤن لک - سکیز لک هم کلین بؤلهمی خاتین؟ - اېسیمنی بیلگنیم بېری کیشی مونچه کلین ایتمه گن. شو قیشلاقه هم نېچه بیلدن بېری قیزلگه تورت لک بؤمسه بېش لک کلین بیچه دیله. قیز مین بچهنی آینده سینی اویلاش کبرهک، بیزده - «بېرمس قیزدی قیلینی کؤپ بؤلهدی»، - دېگن مقال با، کلیندی مناسیگه ایتماغ لازم، - دېدی رسول بای.

بو گپلرنی اېشیتیب آی صنم گوپه الاو آلدی و اېریگه قره ب:

- قیزیز قیسی آته - آنهسی بؤمه گن بیتیم قیزمی؟ شونچه ارزانگه بېرهی - آ؟ قیسی اوزیدن قاگن، مردمدی کیرینی یوویب اېشیگینی سوپیریب یورگن قیزمی؟ مېن کلیندی و توی خرجتیرینی بیر - مه بیر یازدیریب بېره من. بېل لری لای کؤترسه قیزیمدی توی قیسینله، بؤمسه قیزیم جانیمه گچه اوزیمگه کبرهی، بیر ساچینی آق اوره من، بیر ساچینی قاره اوره من، بو آدم سوداسی، مال سوداسی اېمس، اؤلتگن قیز اؤتینی تاپه دی، - دېدی.

رسول بای سېکینگینه اوزینگ بېله سن خاتین، - دېب قویدی.

- خی اونده سیز هم قیزدی آتهسی بؤلهمسیز، اېندی مېندن اېشیتینگ:

- ایت، اېشیته من.

- کلینگه نقد پول بېرسه له، سکیز لک افغانی، یرمینی پول، یرمی مال بېره من دېسه له هم اختیارلری. اونده اوچ لک افغانی نقد پول، بیر سیگیر، بیر هوکیز، بیر گل ماشین، بیر تلویزیون، بیر قالین، قیرفته قوی، بېش یوز متر گزلمه، ییگیرمه سیر پخته، ییگیرمه ته تون، ییگیرمه ته پوستین، اؤن بېش سېر شیرینلیک، اؤن بېش سیر گوریچ، گوریچی گه

يەرەشە كىنجىد يا زىغىز ياغى، سۈيىشلىكى اوچون غىلقىلەنگن سېمىز
سىگىر بۇسىن. بىز قىشلاقدى مردمىدن يېگىمىز، قىزىمىزدى تۇيىگە
اولرگە بېرىشىمىز كېرەك. كوياوگە يىگىرمەتە اوست و باش قىلەمن.
يىگىرمە مىنگ بىر اۋتاقدى يىسەشىگە كېتەدى. مېنى ھم آرزو- ارمانلىرىم
با، - دېدى آى صنم.

آى صنم ايتىگن قلىن مىقدارى رويخىنى يازدىرى، رسولباى اونى
ساوچىلرگە اېلىتىپ بېردى.

دولتباى لىستى قىلپ كىسەسىگە سالدى- دە، كېتىشگە رىخت
سۇرەدى.

رسولباى ساوچىلرگە:

- توش چاغى. سىزىلە گە توشلىككە اوقت تيارلەگىمىز، اوقتى
يېب، كېيىن كېتە سىلە، - دېدى.

توشدن كېيىن ساوچىلر، رسولباى نىنگ اويىگە بارىپ لىستى
تاپشردىلر.

ندىر قول تاغە لىستى ملا بدىلگە اۋقېتىدى- يو، بىر آز اۋىلەنىپ:

- رسولباى قىزىگە كۇپ قلىن بېچىتى، - دېدى.

او، ساوچىلردن اېرتەگە رسولباى نىنگ اويىگە بارىپ مىرادنى
اۋنشتىرىشلىرىنى سۇرەدى. ساوچىلر اېرتەسى يىنە رسولباى نىنگ اۋىيگە
باردىلر. دولتباى رسولبايگە قرەب:

- باى اېندى بىزە اوچون شو قلىن مىقدارىنى بىر آز كەمەتيرىنگ -
دېدى.

- قىزدى قلىنى مىنن كىشى باى بۇمەيدى، «قىزدى قلىنى قاردى
سووى»، - دېدىلە، اېندى قۇيردە قۇيمەدىلە، قلىندى پولدىن يوزى-
خاطرلىز اوچون بىر لكىنى كەم قىلەمن. يېتى لك قلىن بۇسىن، يرمى
پول يرمى يىم مال، - دېدى.

نان سىندىرىلدى، دعا و فاتحە اۋقىلىپ مىراد بىلن زىيى
اۋنشتىرىلدى. ھەمسايەلرگە شىرىنلىكلر اولشتىلر.

کونلر اؤتیب بارردی، مراد آتہسی بیلن مال جلابلیک بیلن آوارہ ابدی، اما ذھنینی تشویشلی اؤی و اندیشه لر ترک اہتمسدی. او، اونشتیریلگنیدن خورسند ابدی، بیراق آتہسی نینگ کتہ پولگہ اہگہ بؤلْمه گنینی بیلردی.

ابندی مینی اونشتیردیلر، تؤی قیلش کبرهک. آتہم کچه و کوندوز دہمہی مال جلابلیک قیلش روزغار خرچتینی تاپہ دیلر، آرتیق درآمدیمیز یوق، تؤی نینگ خرچتینی بیر عملب اؤزیم غملہ شیم کبرهک. ایرانگہ کپتہ من، او پیردن تورکیه گہ اؤتہ من، تورکیه دہ ایش و درآمد یخشی دیدیلہ، - دہدی، مراد اؤز - اؤزیگہ.

المار بازاری ترقہ گن ابدی، نذیرقول تاغہ سیگیر، غؤنہ جین و باشقہ تؤرپیلرینی بیر سرایدہ قمہب اؤغلی بیلن توشلیک قیلگنی بیر رستورانگہ چیقدی. آتہ - اؤغیل رستوران تینگ بیر بورچگیدہ باشقہ لردن سهل اوزاقراقده اؤلتیردیلر، رستوران تچی ایکی خوراک قابلی پلو کپلتیردی، مراد آتہسیگہ تؤی نینگ خرچتینی غملش اوچون اؤز نیتینی اظهار اہتدی.

آتہسی مراد نینگ گپلرینی بیرمہ بیر تینگلب، اونینگ فکریگہ سیرہ قؤشیلْمسلیگینی ایتدی:

- آتہم اؤغلیم ہلی یاش سن، خارج مملکتلرگہ کپتیب ایش قیلش آسان اہمس، قاچاق یؤل ییلن ایران و تورکیه گہ اؤتیب باریش قیب - قیزیل قیامت، مینگ بیر خطری بار، مہن راضی بؤسم ہم آتہنگ کؤنمہ یدی.

- آتہ! سیز، قرشلیک قیلْمہ سئیز، مہن آتہمدی کؤندیرہ من، اہندی بیگیٹ بؤلیم من، خداگہ شکر ہر ایشدی قیلاہ من.

قارینلرینی یاغلیق پلودن تويدیرگن آتہ - اؤغیل رستوران تندن چیقیب کپتدیلر. تؤرت - بېش ساعت مال ہیدب پیادہ یورگن نذیرقول تاغہ بیلن اؤغلی کچ خفتن چاغی اولیریکہ کیریب باردیلر. عایشہ بی بی

پېشىرىگن سوزىگن آشىنى قىتقلىب، اپرى بىلن اۋغلى نىنگ دسترخوانىگە كېلتىرىپ قۇيدى.

مرادنىنگ اونشتىرىلگىدىن ايكى هفته اۋتىگن اپدى، بىركونى رسول باى بۇلەجك كويماي مرادنى و بوتون عايلەسىنى مېھمانگە چقىردى، ضىافت دسترخوانى اطرافىدە اۋلتىرگىلدىن، آى صنم قسمت تقدىرلىرى قۇشلىگن اپكن، مرادجان بىلن زىبى تۇى قىلىپ، يىنگى مشترك حىيات باشلەيدىلر، اولر بىر-بىرلىرىنى يىخشى بىلىشلىرى اوچون اۋز ارا سۇزلەشلىرى كېرەك، مرادجان هر وقت كېلسىن، حويلى نىنگ ياندىدە كۆتە كېتىگن باغ و چارباغىمىز با، خداگە شكر، باغ ارەلب صحبەت قىلىسىلر، - دېدى. مېھمانلر آى صنم و زىبى بىلن باغ تامانگە اۋتدىلر، اوزوم، شفتالى لر و باشقە تورلى ميوەلر پىشىپ ياتىگن اپدى. بىر درخت نىنگ سايەسىدە زىبى و مرادگە تۇشك تۇشلىدى، باشقەلر اپسە باغنى سىر قىلىشىگە چىقىدىلر.

مراد و زىبى بىر-بىرلىرىگە اۋغرىن-اۋغرىن نىگە تىشلب قۇيدىلر، مراد زىبىگە:

- تقدىر مېنى و سىزدى قۇشگن اپكن، صنم خالەم دى قىزى.
- راست ايتەسىز. بى ملال آتىمدى توتە بېرىنگ!
- خۇپ بۇلەدى، زىبى جان، دېدى-دە، استە اونىنگ قۇلىدىن توتدى.

- قۇيىپىرىنگ قۇلىمدى، ھلى بو ايشلىرىزدى وقتى اپمس.
- وقتى قچان بۇلەدى؟
جىم تورگن زىبى قرەسە مراد اونىنگ قۇلىگە بىر طلا اوزىك توتدىرىدى.

- زىبى جان، التماس رخصت بېرىنگ بو اوزىكىنى اۋز قۇللىرىم مېنن برماغىزگە سالەى، - دېدى مراد.

زىبى نىنگ سۇل قۇلى نىنگ اۋرتە برماغىگە اوزىكىنى سالگن مراد، اونى چىن كۇنگلىدىن صمىمى تېرىكلەدى-يو، بوندن بويا نىنگ "زىبى"

و مېن "يازى" من، اولردېك سوگويميزگه صادق بۇلىب يشه يمىز،
دېگندە زىبى مرادگه:

- مېنى يازىچە سپوھ سىزمى؟

- ھە البتە.

- بونچەلىك سپویشىزدى اۋىلەمسىدېم!

زىبى، مرادنىڭ تېلفون رقمىنى سۇرەدى، بىر-بىرلىرىنىڭ تېلفون
رقملىرىنى اددىلر، اولر مۇفق بىر تورموش قورىب تىنچ - تاتوو
يششلىرىنى آرزو قىلدىلر.

اۋزىنىڭ زىلى نورلىرىنى باغ درختلىرىنىڭ بلند-بلند شاخەلرگە
ساجىب تورگن قوياش، اېندى اوخلش اوچون شىلنە ياتگندە اېدى،
باغنى سىر قىلگن قوداغىلر بىغىلىشىب كېلدىلر، عايشە بى-بى قودەسى
آى صنم بىلن خىرلشماقچى بۇلدى، مېمان بۇلىب كېلگن قوداغىلرگە
ھر خىل گزلمەلر تارتىق قىلىندى.

بىر آيچە وقت اۋتدى، مراد آتەسى بىلن بازارگە قىتەب توردى، اونگە
بىر كونى زىبى تېلفون قىلىب حال-احوال سۇرەشدى، وقت تاپىب
اوپرەشگنى باغىگە كېلىشىلىككە دعوت قىلدى، اېرتەسى زىبى نىڭ
باغىگە بارسە يەنە اۋشە درخت نىڭ قلىن كۇلنكەسىدە جاي سالىنگن
اېكن. او يېردە بىر پس اۋلتىرگن مراد زىبى نىڭ قۇلىدن اوشلب، باقمە
سىر قىلىشىگە چقىردى، قۇل توتىشىب باغدە سىرقىلە باشلەدىلر. اولر
بىر گل نىڭ شاخىدە يانمە-يان قۇنىب تورگن قىزىل وسرىق كەمەلكنى
كۇرىب قالدىلر، شو آندە مراد:

زىبى جان قرەنگ، كېلكلر آرسىدە محبت بۇلركن، انە شو
كېلكرنىڭ سرىغى مېن قىزىلى سىزسىز. زىبى مرادنىڭ سۇزلىرىنى
اېشىتىب:

- او كونى سىز و بىز اوشبو زمان نىڭ يازىسى و زىباسى
بۇلەمىز، - دېگن اېدىز، اولردېك عاشق-معشوق بۇلىشىمىز مېمكىن مى

بو زاماندا، اولردېك سېوگىمىزگە وفادار قالمايمىز؟ دېب سۆرەدى زىيى.

- ھە، نېگە بىر- بىرىمىزگە وفادار بۇلىپ قالالمايمىز، اولر ھەم سېن و مېندېك عادى آدملىر اېدىلر، بىرى - بىرىنى چىن دلدىن سېويپ، حقيقى عاشق- معشوق اېدىلر، يازى زىيانىنگ وصالىگە بېتالمەي دىئادىن اوتدى، اولرنىنگ دورى بىلن بىزنىكى انچە فرق قىلەدى. مېن سېنى وصالىنگە بېتىپ توريىمن خدا خواھلسە، - دېدى.

مراد، يازى نىنگ زىياگە ايتگن قۇشلىرىدىن بىر بندىنى:

«زىياجان، زىيا بۇيىنگدن ايلنەي،

يانەگە تىككن اويىنگدن ايلنەي.

يانەگە تىككن اويىنگ طلا بۇسىن،

اىچىگە اۋغىل و قىزىنگ ملا بۇسىن.»

دېبە زىيى گە ايتىپ بېردى.

زىيى ھەم جوابسىز قالمايدى، او ھەم زىيا يىنگ،

«آينەدن آلدىن تراغىم بار مېنى،

قۇش تېرەيدە بىر سۇراغىم بار مېنى.

قۇش تېرەيدە بىر سۇراغىم يازىجان،

بىر كۆرەي دېب انتظارىم بار مېنى.»

دېب يازى گە ايتگن قۇشىغىنى اۋقىب بېردى.

باغدا ايلەنىپ يورگنلرەيدە اولرنى زىيى نىنگ سىنگىلىسى حىببە

توشلىك اۋقتىگە چقىردى. سايەسى سلقىن درخت نىنگ تىگىدە

دسترخوان يازىب، اۋقت سوزىلگن ايدىشلىرنى ترتىبى بىلن تېرىپ

قۇيگن اېدى، حىببە اولرنىنگ قۇللىرىگە سوو قويدى يو، اويىگە قىتىپ

كېتدى. زىيى و مراد بىر- بىرلىگە چوچوك سۇزلىر ايتىپ اۋقت بىدىلر.

زىيى دسترخواننى يىغىشتىرىپ، تاواقلرنى اويىگە آلىپ كېتدى و تىزدە

اىزىگە قىتىشىنى ايتدى. مراد، زىيى كېلەمن دېگونچە اوخلب قالدى.

زیبی ھم قەیتیب کھلیب مرادنینگ یوزیگە بیر آز تیکیلیب قرەدی و اونینگ یانیدە اوزەلدى.

بیر نېچە دقیقە اۋتر-اۋتمس بیر جفت موسیچە کھلیب درخت شاخیگە قۇندى، قوشلرنینگ غومبیردەشیب سیرەشلىرى زیبىنى اویقودن اویغاتدى. او اۋرنیدن توریب اۋلتیردى- دە، یانیدەگى کیچیک خلتەچەدن بېزەش اسبابلرینی چیقردى، قۇلگە کیچکینە کۇزگونی آلیب، یوز و کۇزیگە آرا بېرە باشلەدى. شو آندە مرادنینگ کۇزى ھم اویقودن آچیلدى، او زیبىگە:

- عسلیم، سیزدى آرا بېریشگە احتیاجیز یاغ، دنیاە ھر بیر قیز اۋزینی چیرایلی دېسە، سیز اوندن- دە چیرایلی راقسیز، یوزینگیز اۋن تۇرت کېچەلیک آیدن- دە آیدینراق، کۇزلریز تانگ یولدوزیدن ھم چیرایلی، قاشلریز اوچ کونلیک آی ھالایدېک چیرایلی، - دېدى.
- کۇزلریز چیرایلی، اېندى قیز خلقيگە شوندى عادت بۇلەدى، اۋزیگە آرا بېریشنى یاقتیرەدى، - دېگن سۇزلرنى تیلیگە آلدی زیبى.
شو لحظە دە ینە بیر جفت پوپى قوش کھلیب اولرگە سایە سالیب تورگن درخت شاخیگە قۇندى. ایکلە پوپى قوش چیر- چیر سېس چیقریب، مستلیک قیلە باشلەدیلر. مراد زیبىگە:

- کۇرەسیزمى بو قوشلر بیز و سیزدى سېوگیمیزدن خبردار، اولە سیز و بیزنى تېرىکلەگنى کېگنلە، موسیچەلە قدیم زمانلە تۇى پیغامینی کویچىسى بۇگن اېمیش. موسى پیغمبر زمانیدە موسى نینگ تۇى پیغامینی کھلتیریب: - «موسى تۇى کھتیدی/ اۋتیز قۇى کھتیدی» دېب ترنم قیگن اېمیش، پوپى قوش یا ھلدھ ھم عادى قوش اېمس، ادبیاتیمیزدە یخشی یۇلگە یۇللاوۋچى رمزی حسابلنەدى. بو قوشلرنینگ بیزگە سایە سالیب تورگن درختگە کھلیب قۇنیشى بختلى کھلەجگیمیزدن دُرک بېرەدى.

- مرادجان «ایتگنیز کھسین» - دېدى، زیبى، اویتچن ایلجەیب.

زىبى و مرادگە بىر كون بىر ساعىتچە اۋتدى. قوياش ھم استە – سېكىن بلند– بلند گزەلر آرتىگە بېكىندى، ياروغ كون صفحەسىگە قارە تون ظلمتى غلبە قىلە باشلەدى. مرادنىڭ كېتىشى كېرەك اېدى. زىبى ھىمانىدىن فيروزە كۆزلى بىر اوزوكنى چىقىرىپ، "سېوگىمىز نشانەسى بۇسىن،" – دېب مرادنىڭ برماغىگە سالدى.

– رحمت، جودە چىرايلى اوزوك اېكن، قىچان بو اوزوكنى كۆرسىم سىزنى كۆرگىدېك بۇلە من.

– سىزگە مېندن نشانە بۇسىن، قىسى بىر قىمتلى ساوغە اېمس دەبى زىبى.

– شام بۇلدى، تېزراق كېتەي، قارانغى توشىب قالەدى، قىشلاغدى نىرگى چېكەسىگە يېتىپ بارگىنىمچە كېچ بۇلەدى، – دەبى مراد. – خدایارىز، يىخشى يېتىپ بارىنگ، اويدەگىلرنى سۆرەنگ، تېز– تېز كېلىپ تورىنگ، – دەبى.

زىبى مراد كۆزىدىن غايىب بۇلگونچە آرتىدىن قرەب قالدى. نذىر قول تاغە، تۇى نىنگ فكىرەدە، نقد پولىنى تاپسە ماللرى، گزلمەلر، گورىچ و باشقە نرسەلرگە پولى يېتمەيدى. او، اۋز– اۋزىچە «خدا مېھربان»، – دەب قۇيردى. مراد اېسە كېچكى اوقت دسترخوانى اوستىدە:

– آتە، سىز كۆپ غم يېمەنگ. قۇل آچىپ مېنگە بىر دعا بېرىنگ، مېن ايرانگە و او بېردن توركىەگە كېتە من. آتى آى يا بىر يىل ايشلب قلىندى پولى و تۇيدى خىرجىنى تاپە من.

– اۋغلىم، جگرىم! خارجلرگە ايشلەگنى كېتە من، – دەب، آنەنگدى اۋلدېرەسن. خدا سېنى و آتەنگدى ساىەسىنى باشىمىزدن كم قىمەسىن. سېن كە، مېنى بىردن– بىر تىلەكى اۋغلىم سن؛ سېن كېتىسنگ يىغلەى – يىغلەى ايگى كۆزىم سۇقىر بۇلەدى، – اۋغىل كۆرەى، – دەب مېن بارمەگن ملا– خواجه، فالجى، قاقىمچى قامەدى، يېتى اولياگە باش اورىب، سېنى كۆردىم، نې عذابلە مېن سېنى بقدىم– بۆرەدىم، خداگە

شکر بیگیت بۆلدینگ، سېنى اونشتیریپ هم قۇیدیک، تۆیینگ
اۋتسین، قلیغینگدی آلیب کپله یلیک، ساغره نپرگه کپتسنگ کپت، خدا
بیر یارینگ.

- آنه جان همه گپلریز قبول، آدم کتّه بۆگندن نری ایش قیلیب درآمد
تاپیشی کپرهک، مېن سیزدی و آنهمدی قرضدار بؤمه ننگله، - دېمېن،
خاتیندی آلیب کپگندن نری هر کون قرض بیرگنله کپلیب دروازه نی
تقیلّه تیشیگه چیدالمه یمن، آنه جان یخشسی مېنگه رخصت بېرینگله،
"خدا کورمس بیر یاغ،" بیر بیزدی قیشلاغیبیزدن اۋنلب یاشلر ایران و
تورکیه گه ایشله یدیله.

آنه سی، مراد گپیگه کؤنمه گنی اوجون خفه اېدی، باشی آغریدی،
قیزی برنده اوستونیکه ایلیب قۇیلگن جگر رنگ شفتالی گل رومال
بیلن باشینی باغله دی، خانه ده همه جیم اېدی، نذیر قول تاغه، خاتین
مېنگه قره! دېب بیر نیچه دقیقه لیک سکوتگه برهم بېردی.

- آدم ابرته گه نیمه بؤلرینی بیلمه یدی، مېن هم قرشلیک بیلدیرگن
اېدیم، خارجگه کپتیب پول تاپه من، - دېب هوس قیلیتی، قۇی
کپتسین، تقدیر- قسمتی نیمه بؤسه اۋشه بؤله دی. مېن و سېنى
ایتگنیمیز بیکار، - دېدی.

مراد خارجگه کپته من دېب، بېلینی بېش جاییدن محکم باغله گن،
اېرته سی هم عایشه بی بی مرادنینگ خارجگه کپتیشی تۇغریسیده گی
قراریدن خفه کؤرینردی.
آنه سی ینه خاتینیکه:

- خفه بؤلیب اۋتیرمه خاتین، اۋغلینگ خارجگه کپته من، - دېب
ایکى آباغینی بیر اېتیکه تیققن، مېن وسېن قۇیمس بؤلسک هم، بیر
کون قاچیب کپتسه نیمه قیله سن؟ - دېدی.

- نذیر قول تاغه مرادگه:

- آته م اۋغلیم، اېندی بیز کپته دېسه ی هم کپته سن. شونی مېنگه
ایت، قچن کپته سن. سېنگه قنچه پول کپرهک؟

- قىشلاقدى بچەلرىدن بشقە بىر- ايگى كىشى ھەم كېتەدى. بىر ھەفتە يا اۋن كوندن نرى كېتەمىز. بىر يۈل خىرچى بېرىنگ بۇلەدى.

- اونداغ بۇلسە بۇلىيتى.

نذير قول تاغە، خاتىنى گە قرەب:

- قماقخانەدەگى ماللردن قۇنغىر اينەىدى باقىب، بۇرداقى قىلەبىز، قودەنگ آى صنم تۇيدە سۇيشلىككە ترسىلەگن سىگىر بىرسىنلر، - دېگن اېكن. ھلى تۇيگچە آلتى آى يا بىر يىل يا، بىر يىلدە يىخشى گىنە سېمىرىب قالەدى، - دېدى.

مراد سىگىرنى آيتىلگن جايگە آلىب بارىب باغلەدى، آلدىگە كتە بىر چېلككە سوو قۇيدى، خىشتن آخور توزە تىب سامان سالدى، دسترخواندە قالگن تىكە- تىشلم قوروق نانلرنى مىدەلب، يوشاق بۇلسىن، - دېب، اوستىگە سوو سېپىب سىگىرنىنگ آخورىدەگى سامانگە ارەلشتىرىب بېرر اېدى.

شو كونلردە مرادنىنگ توشىدە ھەم ھوشىدە ھەم زىبى اېدى، ھر كونى ايكىسى اوچ- تۇرت مرتە تىلفوندە گىلشردىلر. مراد زىبىگە فىسبوكدە بىر صحىفە آچىب بېرگن اېدى. او، بىر كونى زىبىگە مسىنجردن:

- «سىزگە، نا خوش بىر پىغامىم بار»، - دېب يازدى.

زىبى. پىغامنى اۋقىب، قىتىق چۇچىدى، مراد اونگە اوزاق سىفرگە كېتىشى تۇغرىسىدە يازگن اېدى.

- مېنى قۇرقىتمىنگ، تىنچلىك مى اۋزى، تېزراق نىمە بۇلگىنىنى يازىنگ، بۇلمسە يورەگىم يارىلەدى، - دېب، جواب يازدى، زىبى.

مراد، زىبى كۇپ تشوىش قىلمەسەن، - دېب اونگە:

- قۇرقمە، ھىچ گپ اېمس، مېن بىر نېچە آى ايران گە كېتە من، او بىردن توركىە گە اۋتماقچى من. سىزگە شونى بىلدىرماقچى بۇلدىم، كۇپ تشوىش قىلىب اۋلتىمىنگ، ىنە يقىندن كېلىب بو تۇغرىدە گىپىرە من، - دېب، يازدى.

بیرهفته اۋتدی. مراد زیبى نى كۆرگنى باردى، اولر باغده سیر قیلدیلر، زیبى مرادنینگ سفرى تۇغرىسىده گپ آچىب:

- سیزدى خارجگه كېتىشزدى اپشیتگندن بېرى سوتى توكیلىگن بايىچە دەى كۆنگلىم تىركىستان. يورهگىم یخسى گواھلىك بېرمەيدى، كېتمەسەيىز یخسى بۇلەدى.

- كېتىمگە آتە- آنەم ھەم خوش اېمسلە، مېن اولەنى كۆندىردىم، سىز ھەم قىغورمىنگ، اوزاق وقتگە كېتمەيىمەن، كۆپى بىلن آلتى آى يا بىر يىلگە كېتە مەن، آلدیمىزدە سىزدى تۇيىز بار، كتە پول خرچ بۇلەدى. تۇى خرچتلىرى يوكىنى آتەم يىلكەسىدن بىر آز يېنىگىللىتسەم دېيىمەن. ھەر قنچە اۋىلەدەم بشقە چارە تاپمەدەم، سىز ھەم خفە بۇمىنگ، تىلفوندا، واتس اپ و فېسبوكدا گېلەشىپ تورهەمىز.

- مېن نېمە قىلەى، قۇلىمدن نېمە كېلەدى، سىز بىر گېلى آدمسىز، قوشىلىك كۆرسەتېشى فایدهسى ياغ، مىلى یخسى بارىب كېلىنگ، يىگىت بۇى خىمچە سىنمەسىن، يرهنگنگە سىزدى بلا- قىضالردن اسرەسىن،- دېب التجا قىلەمەن.

زیبى و مراد قۇل توتىشىپ سۆزلىشەياتگنلریدە زیبى نینگ آنەسى آىصنم كېلىپ قالدى. مرادگە خوش كېلىپسىز،- دېب آنەسى و اويىدەگىلرنى سۆرەدى، مراد ايكى قۇلىنى كۆكرەگیدە توتىپ، تعظیم قىلىپ:

- ھەملرى یخسى اېدىلە، سىزدى سۆرەب سلام ایتدیلە،- دېدى.
- اپشیتگنمچە خارجگە كېتمىشسىز؟" - دېب سۆرەدى آىصنم.

- ھە، بو تۇغرىدە زیبى مېنن كۆپ گېلىتىك، ناچارلىكدن كېتەمەن خالە جان، ايران و توركیدە ایشلب تۇيدى غمىنى غمەماقچى مەن. - دېدى.

- اپندى كە، كېتركنسىز كۆپ قالىب كېتمەنگ، تاپگن توك كنىزدى
 آتە- آنە يىزگە جۇنە تىب تورىنگ، تۇيىزدى سرشتەسىنى قىلە يلىك،
 كۆرپە - يىستىق، كېلىندى سىپىنى تيارلب قۇيە يىز.

- خۇپ بۇلەدى، شونداغ قىلە من، بو انقلاب شرايطىدە آدملىر
 ايشسىز، درآمد ياغ، مېنى هم ايران و توركيه گە كېتىب ايشلب پول
 تاپىشدىن باشقە چارەم قامەگن.

- انقلابى آتى اۋچسىن، خارچگە كېتىب ايشلب پول تاپىش
 كاشكى آسان بۇسە اېدى. بىرگىنە قىشلاغىمىزدن ايران گە جۇنە كېتىگن
 جوانلەدن نېچە نفرى نىنگ مردەسى كېلدى، اپندى بىچرە مردم نىمە
 قىسىن؟ جانىنى جبارگە بېرىب، اولر - بىترىگە قرەمەى يىگىتلر كېتە دىلە،
 خدا اۋزى اسرەسىن، يىگىت پىرى يار بۇسىن، - دېگن آى صنم قۇل
 كۇترىب دعا قىلدى.

مراد اۋرنىدن تورىب، خىرلشماقچى بۇلگىنىدە زىبى و اونىنگ
 آنەسى كۇز ياشى تۇكىب يىغلىشدىلر.

- يىغلە مەيلە، خدا نصىب قىگن بۇسە كېتىم قىتىب كېلە من.
 تۇيدى هم اۋتكزەمىز.

- كاشكى شوندىە بۇسىپىدى.

- راستىزدى ايتىنگ، قچن كېلەسىز؟- دېدى زىبى مرادگە.

- كېتىم اۋز قۇلىمدە، كېلىم خدانى قۇلىگە، ان شاء الله يە بىر
 بهارگچە قامەى قىتىب كېلە من.

مراد زىبى نىنگ يىلكەسىگە باشىنى قۇيدى، كۇنگلى بوزىلدى،
 كۇزىدن آقن ياشلىرى زىبى نىنگ كۇلىگىنى ھۇل قىلدى، زىبى هم بو
 حالى كۇرىب يىغىسىنى تۇختە تالمەدى، ايكەسى بىر نېچە دىققە
 يىغلەدىلر، يورەكلرى بۇششدى. مراد اويىگە يۇل آلدى، حويلى نىنگ
 دروازەسىگە بارگىندە، زىبى نىنگ قۇللىرىنى اوشلب منگە يىدن اۋپىدى.

زىبى يە بىر بار مەرلى كۇزلىرى يىلن مرادگە باقىب:

- يە مېنى اونوتمىگ.

– اۋزىمدى اونوتسم اونوتەمن ليكن سىزدى اونوتلمەيمەن، دەپدى
– مراد.

مراد، قندەي قىلىپ كۆزلىرىنى زىبى نىنگ شەھلا كۆزلىرىدىن اوزىشىنى بىلمەي سىرسان اېدى. زىبى و مراد بىر-بىرىنى تىرك اېتىشنى خواھلەمسىدلىر. ناچار مراد زىبى نىنگ قۇللىرىنى محكم قىسىپ، قۇللىرىنى اونىنگ قۇللىرىدىن اوزماقچى بۇلدى، اوزالمەدى، يەنە مونگىلى يىغىشلىر باشلىدى، كۆز ياشلىرى تۆكىلدى، حسرتلى آھلەر چېكىلدى. شو آندە، كوچە نىنگ نرى باشىدىن ھوكىزلىرىنى ھىدب كېلەدىگن دەھقان اولرگە يقىنلىشگن اېدى. دەھقان بىزنى كۆرمەسەن، – دەپ ناچار بىر-بىرلىرى بىلەن خىرلىشىدلىر. مراد اويىگە جۇنپ كېتىدى، بېش-اۋن ادىم تىشلەگن اېدى كە، آي صنم بىركىچىك چېلك كە آلىپ كېلگن سوونى مراد نىنگ آرقەسىدىن سىپتى. يىغى زۇرىدىن كۆزلىرى قىزىرگن زىبى اېسە دروازە نىنگ تىرقىشىدىن مرادنى پەنە بۇلگىنىچە كوزەتر اېدى. اوچ-تۇرت كون اۋتدى، مراد قىشلاق بالەلرى بىلەن پىنج شىنبە كونى سىفرگە آتلىنىشلىرى اوستىدە كېلىشىپ آلگن اېدى.

عايشە بىبى اۋغلى نىنگ سىفر كىيىملىرىنى تىخلەپ قۇيگن اېدى. ھە دەپمەي پىنج شىنبە ھەم پىتىپ كېلدى. اېرتەلب مراد نىنگ ھەمراھلىرى عىظىم صوفى و حىدرباى نىنگ اۋغىللىرى سىفرگە چىقىپ، آتەلرى بىلەن ندىر قول تاغە نىنگ دروازەسىگە كېلگن اېدىلر. ھلىگچە تىلەكى فرزندىدىن بىرگىنە كون ھەم اىرىلگەمگن عايشە بىبى مرادنى بىرگىگە باسىپ يىغەلەدى. يوز و كوزلىرىنى اۋپدى، اۋغلىنى قرآن نىنگ تگىدىن اۋتكرىب: – «سېنى خداگە، قرآنكە تاپشىردىم بالەم، سىغ بارىپ سلامت كېگىن»، – دەپە دعاگە آچگن قۇللىرىنى يوزىگە سورتدى، اۋغلى مرادگە آق فاتحە بېردى.

كوچە دە ايكى ھەمسىفرى و اولر نىنگ آتەلرى مرادنى كوتىپ تورگن اېدىلر. شو آندە مراد نىنگ قىيىن آتەسى رسول باى ھەم خىرلىشگنى دروازە-گە كېلىپ قالدى، عىظىم صوفى و حىدرباى ھىر بىرى اۋز فرزندلىرىنى

قوچاقلىق بىغرىگە باسىپ يوزلىرىنى اۋپتيلر. اوچ مهربان آتەنىنگ قۇللىرى دعاگە آچىلدى، اۋغىللىر آتەلرى بىلەن خىرلىشىدىلر، محلى عنعنەگە كۆرە اولرنىنگ آرقەسىدن سوو سىپىلدى.

كېچە تانگ آتر- آتمس "سىمرغ" زاھدان ولايتى مركزىگە يېتىپ باردى، اولر او بېردن تھرانگە قرەب يۇل آلدىلر. دوستلردىن پول قرض آلىپ انسان قىچاقچىلرىگە تۇلەدى، مراد ايران دە چمەسى اوچ آى ايشلەدى، قرضلرىنى اوزدى. آتەسىگە هم آزراق پول جۇنتدى. مراد، ايران نىنگ پول بىرلىگى رىال امريكا دالرى بربرىدە كوتىلمەگن درجەدە اۋز قدرىنى يوقاتگن كونلردە تھرانگە بارگن اېدى. قنچە ايشلمەسىن، كىشى ايران دە ايشلەب باى بۇلمىلىگىنى بېقەگن مراد، يەنە نا قانونى يۇللىر آرقلى توركىەگە اۋتېشلىككە شىلندى. او، بىر عملەب انقرەگە يېتىپ باردى. او بېردە دوستى صدق اكه نىنگ ياتاقخانەسىدە قالر اېدى، صدق اكه اوچ بىلدىن بېرى توركىەدە ايشلردى.

- مرادجان سېنگە مناسب بىر ايش تېزدە تاپىلمەيدى، بو بېرگە كېگنلە چوپانلىك قىلىپ، قۇى باقەدىلر، ياكە رستورانئەدە ايش قىلەدىلر، قاره ايشلر تاپىلەدى، - دەدى صدق.

- مېن ايشدن ايش خواھلەمەيمەن، قندەى ايش بۇسە قىلەمەن. مېنگە پول كېرەك.

- اوندە بىر ايككى كون كوتىب تور، انقرە اطرافىدەگى چاروادار بايلرگە تېلفون قىلەمەن، قۇى باقسىنگ ايش كۇپ.

- خى چوپانلىك هم بۇلەدى، قىشلاققە سورو قۇى بقمەگن بۇسم هم قۇى بققن مەن. قۇى بققىشىدى بىلەمەن اكه، كۇپ بۇسە بولردى بىر بايىگە بىر چوپان بققەدىگن سىكسانتە، يۇزتە قۇى باردى، دە؟

- قۇىلرى كۇپ بۇسە بشقە چوپان هم آلەدىلە، كۇپ قۇىدى ايشى سېنگە قامەيدى، تېزدە اۋرگە نىب قالەسن.

اويگە كېچقورون كىرىپ كېلگن صدق اكه سلاملەشىپ:

– مرادجان مېن چاروادار بايلردن بېرى مېنن تېلفونده گېلشتېم، بېر چوپان كېرەك، – دېدى، سېنى اپرەتلەپ وقت اونى قۇيلىرى انقرە اطرافىدە اۋتلەيدىگن منطقەگە آلىب بارىب، اۋشە چاروادارگە تاپشېرەمن.

– بو خېرىز مېنن مېنى كۆپ خوش قىلدېز اكه، بۇلەدى كېتەبېز، خېر كۆرىنگ.

اپرەتلەپ وقت، اپندى سوپ آقرەياتگندە، صدېق اكه و مراد ايكىسى موتورنىنگ بېلىگە مېنىب انقرە شېرىدن چىقىب كېتدىلر، اوچ – تۇرت ساعت يۇل يورلىگندن كېين، سۇنگى بېكتگە بارىب توشدىلر. او بېردن باشقە بېر موتورنى كرا گە آلىب، حاجى عمر سېنانجى، – دېگن چاروادار قۇيلىرى نىنگ قۇتنى بېرلشگن بېر دلەگە بېتىب باردىلر، موتوردن توشىب قرەسەلر، عمر سېنانجى ھم كېلىب تورگن اپكن. اولر بارىب سېنانجى بېلن كۆرىشىدىلر. سېنانچى مراد گە:

– سېن مېنگە چوپان تورە سېنىمى؟، – دېدى تورك چاروادارى.
– ھە، البتە تورە من.

– قۇيلر آلدېن كۆپ اپدى، ھلى يوزتەچە قالگن. بېر نېچە دېقىقەلردن سۇنگ قۇيلرنى سوغارگنى آلىب كېلەدى، كۆرەسن.
حاجى عمر مرادگە قرەب:

– قۇى باقىشىنى بېلە سېنىمى؟

– ھە، وطندە ھم قۇى باققن من. مېنگە قۇى باقىش قىين ايش اپمىس.

– اپندى سېنگە بېر آيدە قنچە پول بېرەى؟

– بشقە چوپانلرېزىگە بېرگن پولنى مېنگە ھم بېررسىز خوجە بېين.

چاروادار بېلن مراد و صدېق اكه اۋز ارا سۇزلەشىب، مرادنىنگ آيلىك چوپان حقى اوستىدە كېلىشىب آلدېلر.

شو چاغدە اوزاقدن چىغىتىب كېلەدىگن بېر سورو قۇى كۆرىندى،

چاروار:

- مەنە قۇيلەر ھەم يېقىنلىشىپ كېلدى، - دېدى.
مراد و صدیق اکە بیلەن عمر سبانبجی قۇتن یېقىنیدەگی بیر قودوق
نینگ سوو آخورلیریدن سوو ایچیپ تورگن قۇیلەر آلدیگە باردیلەر.
چاروادار آلدینگى چوپانینگە:

- حسین، مەنە ینگى چوپان كېلدى، قۇیلەرنى مرادگە سەن تاپشیر،
بیر ھەفتەگچە دلە اۇتلاغلیرنى یخشی بېلیشى اوچون قۇیلەرنى ایكاولریر
اۇتلتگىنى آلیب كېتە سېلە. بیر ھەفتەدن نرى رخصت سەن، اوینینگە
كېت، - دېدى، حاجى سبانبجی.
چاروادار مراددن:

- اوغان مېسن؟ - دېب، سۇرەدى.

- یوق، اۇزبېك مەن.

كۇپ یخشی. انە تورک تیلینى ھەم تېز اۋرگەنىب آلەسن، - دېگن
سبانبجی چوپانلری و صدیق اکە بیلەن خیرلەشىپ اوینینگە جۇنپ
كېتدى. صدیق اکە ھەم انقرەگە یۇل آلدی.

مراد اېسكى چوپان بیلەن یقین آرەدەگى دلە-سایلیرنى ایلندى، ھەمە
یاقتى كۇردى. قۇیلەرنى قەبیرلردە باقىشى و قېچنلر سووگە آلیب
كېلىشىنى بېلیب آلدی. او، یوزتە قۇینى یكە اۋزى باقىشىگە قادر اېدى.
عمر سبانبجی نینگ كتە بیر قۇى کوچىگى ھەم بار اېدى، ایت ھەم قۇیلەرنى
باشقۇرىشە مرادگە یاردم بېرردى، كېچەلری قۇتندە قۇیلەرنى قشقىرلردن
قۇرب چىقردى. بارىب-بارىب مراد، ماھر بیر چوپانگە اېلندى.

اوچ آیدن سۇنگ مراد معاشلیرنى جمعلب آتەسىگە جۇنتدى.
اېندى نذیرقول تاغەنینگ آشىغى آچى، بیر تاماندن مرادنینگ درآمدى،
باشقە تاماندن اۋزى نینگ مال جلابلیكىدن كۇرەدیگن فايدەسى اونینگ
چونتگىنى قېتەرتەر اېدى.

بیر كېچە قشقىرلیرنىگ بیر گلەسى توننینگ یرمیدە قۇى نینگ
سوروویگە تشلەگن اېدى. اېتنى تینمەى غېشىنگىدن مراد قۇیگە قشقىر
ارەلەگىنى سېزىب، یانیدەگى مېلتىققە اۋق سورىب ھواگە آتدى،

مىلىتى نىنگ سېسىنى اېشىتگىچ قشقىرلر قاجىب كېتىدلىر، اما قۇيلردن
بىرىنى بۇغىزلىب، قارنىنى يارگن اېكن.

اېرتەسى تۇستدن عمر سىنانجى كېلىپ، چوپاندىن، نىمە گېلر بار؟
- دېب سۇردى.

يورەگى گورس - گورس اورەدىگن مراد اېسە كېچە قۇيلرگە قشقىرلر
تشلب بىر قۇينى يارىب كېتگىنىنى ايتدى يو، مىلىتىق آتىب قشقىرلرنى
قاجىردىم، - دېدى.

- يىخسى قىلىپ سن فرزندىم! قۇى بار دلە دە قشقىر ھم بۇلەدى.
مقصد مىلىتىغىنگدن احتياط بۇل، مبادا مىلىدە اۇق قالمەسىن، -
دېدى، چاروادار.

مراد قۇيلرنى باقىشە دوام اېتىردى، بو آرە دە وقت تاپگندە، زىبى
بىلن ھم سۇزلەشىپ توردى.

بىر كونى مراد ھر تونىس گللو وگياھلر بىلن قاپلنگن ادىرنىنگ بىر
تېپەلگى يان بغيرىدە يانباشلپ ياتگن اېدى كە، موبایل تىلفونىگە
زىبى دن قۇنغىراق كېلدى.

الو، الو، اېشىتە من زىبى جان!

- السلام مرادجان، قنداغسىز، سغ - سلامت يورىمىسىز؟

- عليكم السلام، سىز قنداغسىز، يىخسى يىشب يورىمىسىز، آتە -

آنەنگىز، بشقە اويدە گىلر ھمە لرى يىخسىلر؟

- خداگە شكر ھمە يىخسى.

- سىز قچن كېلەسىز؟

- يەنە بىر نېچە آى ايشلب بىر آز پول تاپەى كېلەمن، نىمە بۇلدى،

سغىندىزمى؟

تۇستدن تىلفون علاقەسى كېسىلىپ قالدى، بو مرته مراد قۇنغىراق

قىلدى.

- الو - الو، زىبى من.

- زىبى من، - دېگن تىلىز جانىمگە، مېن ھم سېزدى سىغىنىدىم. شەھلا كۆزلىرىز جلالرى، چىرايلى بادام قباغلىرىز، اناردېگ قىزىل يوزلىرىز ، قلمدېك قاشلىرىز كۆز اۋنىكىمدن نرىگە كېتمەيدى. بويىردە ھر تونىس ياوايى گللىر كۆكرىب دلەنى جىتتگە اۋخىشتىگن. گللىرى بىرى- بىرىدىن چىرايلى، سىز گوزلىنى قىسى بىرىگە اۋخىشە تىرىمنى بىلمەيمىن. حاضر مالايمگىنە شىبادە سىز تامانلردن اپسىب سىلىق ترەلگن قارە ساچلىرىنىگىز و گوزل بدننىگىز عطرىنى مېنگە كېلتىرەيپتى.

- ھە يىخشى، سىز ساغ بۇلىنگ مراد جان.

- سىزگە تور كىدەن نىمە ساوغە آلىب كېلەي عزيزىم؟

- ھىچ نىمرسە كېتىمىگ، اۋزىز اپسن- آمان كېلىنگ، مېنگە دىنانى بىغىشلەگن بۇلەسىز.

- بىر نرسە كە ايتىنگ.

- انقرەدە يىخشى چىرايلى كوش تىقىنچاقلىر وسىرغەلر بار دېدىلر، انه شولردن آلىب كېسەيىز بۇلەدى، تۇيدى سرشەسى قىلىنگن. سىپلر تيار، آنەم سىز و بىزگە چىرايلى بىر خانەنى يىسب قۇيىگنلە.

مراد و زىبى يەنە انچە گېلەشىب، خىرلىشىدىلر. بىر ساعت اۋتر- اۋتمس مراد گە عايشە بىبى دن تىلفون كېلدى.

- السلام عليكم آنەجان! ھارمىنگ، يىخشى مىسىز، آتەم، اوكەلىرىم، سىنگىلى لىرىم يىخشى مىلە؟

- خداگە شىكر ھەملرى يىخشى اۋغلىم. سېن قىنداغ سن؟ سېنى كۋپ سىغىنىدىم. سىفرىنگ قىرىمە دىمى؟ سېنى كۋرگىم كېلەدى يىلغوزىم، سېن يورەگىمدى مدارىسن مرادجان!

- كىم وقت قالدى كېلەمن. شو خۇجەيىنىم اوستىگە پولىم قاگن، شونى آلەي كېلەمن. آتەمگە اويدەگىلرگە سلام ايتىنگ، مېنگە بىران خىدمت بامى؟

- ياغ اۋغلىم، جان و تىنىگ سىغ بۇسىن. چارىارلر، كتە پىرلر، خواجه نىقىشېند ولى سېنگە يار بۇسىن.

عایشہ بی بی اوغلی بیلن اؤکسینہ- اؤکسینہ خیرلشدی.
 حوت نینگ اؤرتہلری اېدی، قۇیلرنینگ تۇلی توشیب، هر کونی
 اوچتہ- تورتتہ قۇی توغہ بېردی. مراد بیلن اونینگ چۇلیغی کریم
 قۇیلرنینگ قۇتنی یقینیدہ قیرنینگ یان بغریدن قۇزیلر اوچون بیر دۇلہ
 قازدیلر، قۇیلر اؤتلہگنی کپتگندہ قۇزیلرنی شو دۇلہ گہ سالردیلر. بہار
 یامغیرلری یاغہ باشلہدی، دلہدہ اؤتلر کؤکردی ہمہ یاق یم- یشیل
 اېدی. قۇیلرنی کپچکی پیت قۇتنگہ آلیب کپلگنلریدہ قۇزیلرنی دۇلہدن
 چیقردیلر. بیر تاماندن قۇیلر باشقہ تاماندن قۇزیلرنینگ مغرہشی
 سایدہ عجایب بیر فضا یرہتر اېدی. قۇزیلرنینگ آوازی قولقلرگہ
 یاقردی. ققہناغ و دپلمہ مول اېدی. حاجی سبانجی کون آشہ کپلیب،
 اویگہ دپلمہ بیلن ققہناغ آلیب کپتردی.

بیر کپچہ یریم توندہ ینہ مرادنینگ قۇیلریگہ قشقیلر تشلشدی.
 مراد، کریم چۇلیغ شاقینینی اېتشیگچ کؤتردی، اپیل- توپیل قۇلیگہ
 میلٹیغی نینگ میلیگہ اوق سوریب گورسیلہ تیب هواگہ آندی یو،
 یوگیریب قۇیلر قۇتنگہ یقینلشدی. او ینہ میلٹیغی گہ اوق سوردی. شو
 آندہ چۇلیغ کریم:

- آتمہ - آتمہ، قشقیلر قاچدی.

- قرہ، قۇیلردی بۇغیزلہگنی یاغمی؟

- قۇیلردی بۇغیزلہگنی یاغ، بیر قۇزینی آلیب کپتیبی.

- اہرتہ گچہ شو یقینلردہ اویغاغ تور، قشقیلرہ ینہ حملہ قیمہ سین!

- خوب بۇلہدی.

مراد، قۇلیدہ میلٹیغی چادریگہ باریب کیردی یو، باشینی یاستیغیگہ
 قۇیب اوخلب قالدی. مراد میلٹیغی میلیگہ مرمی قالکن لیگینی اېسیدن
 چیقرگن اېدی. تانگ آتر- آتمس قۇیلرنی اؤتلتگنی قۇتئیدن چیقریب
 کپتیش وقتی اویغانیب کپتدی. مراد اؤرنیدن توریب اؤلتیردی، چوپان
 تیاغینی آلہمن،- دپ قۇلی میلٹیغ نینگ میلیگہ تېگدی، میلٹیغ نینگ
 میلیدن تارتدی. ماشہسی تېمیر قازیققہ ایلیندی، میلیدہگی اوق

قرسىلىب كۆچتى. مرادنىڭ تەسى يېرگە اورىلدى. كرىم چۆلىغ چايب كېلىپ، چادىرگە كىرسە، مراد اوزەلىپ ياتىن، نىس تارتمەيدى. كرىم- نىڭ اپسى كېتىپ حسابى يىتدى. نىمە قىلىرىنى بىلمەي، بو واقعهنى يە مېندن كۆرمسەلر،- دېگن اۋىگە چۆمدى. حىران حالده تىترەب يىغلر اېدى.

قۇشنى قۇتلردن چوپان- چۆلىغلر يىغىلىشىپ كېلىدلىر. حادثه بارهسىده تىلفون آرقلى حاجى عمر سبىنجىنى خىر قىلدلىر. چاروادار سبىنجى تېزدە پولىس مأمورلىرى بىلن حادثه يېرىگە يېتىپ كېلدى. پولىس تېكىشىروو باشلىدى. كرىم چۆلىغنى سۇراققە توتدىلر، مردەدن و واقعه جايىدن عكسلىر آلدلىر. مىلتىغنى مىلده اۋق بۇلگنى و مىلتىق ماشەسى تېمىر قازىققە ايلنىپ اۋق كۆچگنى تصدىقلىدى. شو آندە مرادنىڭ دوستى صدىق اكە هم انقرەدن كېلىپ قالدى. او، چاروادار سبىنجىگە بىر ساعت اىچىدە جسدىنى اۋز و طنىگە آىب كېتىشى و يا شو يېردە دفن قىلىنىشى بارهسىدە معلومات بېرىشىنى ايتدى.

صدىق اكە مىنگ يورەكنى بىر يورەك قىلىپ، مرادنىڭ آتەسى نذىرقول تاغە گە تىلفون آرقەلى بو ساووق خىرنى ايتىشگە جسارت قىلدى. نذىرقول تاغە آسماندىن كېلىپ يېرگە تېگدى. تىلفون قۇلىدىن توشىب، بىر ايكى دىققە گىپىرالمەي قالدى. كېىن قسمت تقدىرگە چاره يۇقلىگىنى يىغى ارەلش بىلدىرگن نذىرقول تاغە اۋپكەسىنى باسالمەي يىغلىسىرەب:

- نامراد فرزندىم مرادجان توركىدە غرىب مزار بۇمەسىن، قىداغ ام بۇسە جنازەسىنى اۋز و طنىگە آىب كېلىلە،- دېدى.

- خوب بۇلەدى تاغە جان، اۋزىم آىب كېلە من، دېدى صدىق اكە. عمر سبىنجى مرادنىڭ آىلىكلرىگە يە بىر قنچە مبلغ قوشىب صدىق اكە گە بېردى. بىران ساعت اۋتر- اۋتمس مردە انقرە شفاخانهلردىن بىرى نىڭ ساووقخانهسىدە قۇيىلدى. صدىق اكە هم باشىگە تىاق تېك كندەي. اونگە ياردم بېرەدىگن و طنداشرى تېزدە يېتىپ

كېلەمەگنلىكلرى سبب غەربت نىنگ آغىر دملرىنى يەنە بىر بار حس قىلدى. - يو، بۇرىلب يىغلب يوباردى. اپرته لب جسدنى موترگه آرتىب او يېردن ايران نىنگ چېگره سىگچە و ايران دن هرات گه آلىب اۋتدى.

ياش مراد نىنگ دەشتلى اۋلىمىدن زىبى و اونىنگ خاندانى هم خبر تاپگن اېدى. رسول باى و خاتىنى آى صنم كوچه گه چىقىب، مراد نىنگ اويىگه جۇنە دىلر. آى صنم پرىشان حالده اويىدن چىقە ياتگننده، جميله قىزىم بىز تېزده بارىب كېلە بىز، سېن سىنگىللىرىنگدن خبردار بۇلىب تور، - دېگن اېدى. آى صنم، نذير قول تاغه نىنگ حويليسى گه كىرىب بارىب، عايشە بى بى نىنگ باشىنى كۇكسىگە باسىب يىغله دى.

- بو آسمان تاشى قېردن كېلىب باشىمىزگە توشگىنى بىلمە دىك، خدادن بو كۈنى تىلە مەگن اېدىك، تقدىر شو اېكن؟ نې چاره، - دېدى آى صنم، قودەسىنى يوپتماقچى بۇلىب.

هر لحظه لقه - لقه اۋزىدن كېتە ياتگن عايشە بى بى:

- اى خداجان، اۋرگىلەى حكمتىنگدن، مېنى نىمە گناھىم بار اېدى، شوگىنە بىردن بىر اۋغلىمنى مېندن آلدىنگ، شوگىنە قرچىغە دەى يالغىز فرزندىمنى مېنگە كۇپ كۇردىنگ. اېندى قنداغ قىلەن، مراد جان، كاشكى سېن اۋلگىنچە مېن اۋلسىدىم، - دېب زار - زار يىغلب كۇزلىردن تۇكىلگن ياشلىرى عايشە بى بى نىنگ باشىدە گى قارەمتىر كۇك قرسى اۋنگىرىنى ھۇل قىلگن اېدى.

او بىر ساعتچە يىغلب، بىر آز تىنچىگنندهى بۇلىب قودەسىگە كۇنگلىدە سىغدىرالمەگن الملى سۇزلىرىنى ايتە كېتدى:

- صنم جان اۋرگىلەى سىزدن، قندەى آرزو - ارمانلە مېنن اۋغىل باقدىم. يورتملداغ بالەلىگىدن ناز بېرىب كتە قىلدىم، اېندى حاصل بېرەدىگن چاغىدە درختدەى سىندى.

- بىلەن چىدەش قىين، - «اسرەسە بلا يۇغ، اسرەسە پناە يۇغ» دېدىلر. قنداغ اۋبىلگور قىسمتىىز بار اېكن، مراد جان مېنن زىبىنى

تۇيىنى قىلىپ، آرزو-ارمان كۆرەيىز، - دېگن اېدىك، اېندى چىدەب،
اللەنىڭ قىزاسىگە كۆنىشىدىن بۆلۈك چارەمىز ياغ قودە جان.

عزانىڭ قارە كىمىنى كىيگن عايشە بى-بى نىڭ يىغلى-يىغلى،
قىباغلىرى شىشىپ كېتىگن اېدى، خزانە گل يىراغلىرىدېك سۆلىپ،
رنگى اوچىگن مرادنىڭ آنەسى باشىنى قارە رومال بىلەن محكم باغلىگن
اېدى. او يەنە - «سېن ئۆلگىنچە مېن ئۆلسەيدىم يىغوزگىنم. نامرادىم
مرادجان» - دېب بلند آوازدا يىغى قوردى. اونىڭ يىغىسىنى اېشىتىگن
كىشى نىڭ كۆنگلى بوزىلىپ يىغەمسەن علاجى يۇق اېدى. زىيى-
نىڭ آنەسى ھەم بىر ميدان اونگە قۇشىلىپ يىغەدى.

آنەسى آرزوقىب، كېلەن-كويىا اوچون يىسب قۇيىگن خانەدە
اوتىرگن زىيى ھەم قىغۇ-المگە باتگن، ساعىتەب نان يىمەى، سوو
ايچمەى يىغەدى. مراد بىلەن عاشقانە سۆزلىشۈرلىنى اېسلەدى. -
«عزىم مرادجان، بو دىئادە كۆنگلدەگى امىد-آرزولرىمىز اوشالمىدىن
دىئادان ئۆتىدىنكىز. مېنىڭ و سىزنىڭ قارارىمىز بو اېمىس اېدى. بختلى
بۆلەمىز، اېنگ گوزل حىيات بىلەن يىشەيمىز دېگىنىڭىز نىمە بۆلدى؟
اېندى سىزسىز مېنگە بو حىياتدە معنا قالمەدى، اېندى بو يالغانچى
دىئانىڭ ھىچ بىر نرسەسى مېنگە قىزىق اېمىس، سىز مېنى-زىيى، -
دېگن سېۋىلىنىڭىزنى بو يېردە يىگە قۇيدىڭىز، نىڭى عالمىدە سىزنى
يىغوز قۇيماقچى اېمىس من،» - دېدى ئۆز-ئۆزىگە.

زىيى نىڭ كۆز ياشلىرى، مرادگە اتب تىكىدىرگن روماللىرى ھۆل
قىلدى. ئۆكسىنە-ئۆكسىنە تۇيىگە تيارلەگن سېپىنى آچىپ، مراد ئۆچۈن
خامك تىكىلگن كۆيلىكلىرىنى بىرمە-بىر آيىب كۆزلىرىگە سورتىپ
يىغەدى. او، باشىنى ايكى تىزەسى آرسىدە قۇيىگن حالدە چوقوردن
چوقور ئۆي دېڭىزىدە چۆكدى. بىر آزدن كېيىن او ياق بوياققە قرەسە
ھەمە ياقنى خلوت كۆردى. بارە قالىپ آتەسى نىڭ تاقچەدە آسىپ
قۇيىلگن كلاسنىكوفىنى قۇلىگە آلدى-دە، اوڭ ئۆلتىرگن جايدە
ئۆلتىردى، قۇلىگە كلاسنىكوفنى آيىب مىلىگە ئوق سۆردى، حىياتدە

كۈنگلى ساويگن زىبى قورال مېلى نىنگ اوچىنى كۈكسى نىنگ دوک - دوک اۋرەدىگن بېرىدە قۇيىب، راست آياغى نىنگ باش برماغى بىلن كلاشېنكوف ماشەسىنى باسدى. قرسىلېب آتلىگن اۋق كۈكسىنى تېشىب اۋتدى. زىبى باشقە تىرىك اېمىس اېدى. اۋتاغىدە يازىلگن سېبى، كۈكرەگىدن آقن قىزىل قانىگە بۋىەلدى.

مىلىتىق سېسىنى اېشىتىگن زىبى نىنگ سىنگىللىرى آلدىنمە - كېين زىبى ياتگن خانەگە كىرىب بارىب، اېەلرى نىنگ قانگە بولنگن اۋلىگىنى كۈرىب قىتىق قۇرقىدېلر. اولرنىنگ ھر بىرى چىرقىرەشىب، شاوقىن كۈتردى. حببە بو قانلى واقەدن آتە - آنەسىنى خىردار قىلىش اوچون اوويدن كوچەگە چىقماچى بۈلگىدە آى صنم بىلن اېرى حويلى نىنگ اىچكىرىسىگە كىرگن اېدىلر.

آنەسى - قىزىم تىنچلىكىمى، - دېب، سۋرەدى. تىلى توتىلگن حببە - اېە، اېە، اېەم دېدى و باشقە گىپىرالمەدى. عايشە بىبى نىنگ اوويدن چىقە ياتگىدە مىلىتىق آتلىگىنى اېشىتىگن آى صنم كۈنگلىگە مبادا زىبى اۋز جانىگە قىصد قىلمەدى مىكن، - دېگن واھمە توشگن اېدى. يۈگۈرىب بارىب قىزى نىنگ خانەسىگە كىردى، زىبىنى اۋلىك حالىدە قانگە بۋىەلىب ياتگن جانسىز جىسدىنى كۈردى، لقە اۋزىدن كېتدى. كېنىدن كېلگن رسول باى قىزىنى اۋزىنى آتىب اۋلدىرگىنى بىلىب، باشى ايلەنىب كۈزى قارانغولىك قىلدى و: - «قىزىم زىبى جان نىمەگە بوندە قىلدىنگ» - دېب، بۈكىرىب يىغلەدى.

واقەدن خىر تاپگن ھىمسايەلر يىغىلىشىب كېلدىلر. مرادنىنگ آتەسى نذىرقول تاغە ھم كېلگن اېدى. او رسول باىنى اۋرنىدن كۈترىب يۈپەتىشگە ھىرەت قىلدى. قىشلاق ملا امامى ملا بىل اېركىلرنى مېھمانخانەگە بارىشگە چارلېب، كېكسە - كىيانى عياللرنى جىسدىنىنگ جىغىنى باغلب، تېزراق غىسل بېرىب كفن قىلىشگە اوندەدى. قىشلاق آقسقاللرى كۈن كېچ بۈلگىنى اوچون جىنازەنى اېرتەگە دىفن قىلىشگە مصلەحت بېردىلر.

عياللىرى زىيى نىنگ جىسدى قۇيىلگن خانەدە تۇپلەنىپ، عزا يىغىسى باشلەدىلەر. آى صنم اۋزىنى قىزى نىنگ جىسدى اوستىگە تشلب، آغزىگە آغزىنى قۇيىپ يىغلردى. تانگ آتىشى بىلن يەنە ماتم آھنگىدە يىغى – سىغىلەر اوج آلدى. يىغلشدىن چرچەگن عياللىرگە ابرتەنىنگ چابى اۋچون دسترخوان يازىلدى. آى صنم بىر كېچە – كوندوزدىن اوقت يېمەگن، بېلى بوكىلىپ اېسى كېتگن. عايشە بى بى اۋنى قۇلىدىن اوشلب دسترخوانگە آلىپ كېلدى. بىر نېچە دىققەدىن سۇنگ يەنە يىغلشلىرى باشلندى. عايشە بى بى آى صنم نىنگ يانېدە اۋتېرىپ يىغلردى.

بو دىنپادە ھەر كىم نىنگ دردى اۋزىگچە و اۋزىگە خاص بۇلەدى. عايشە بى بى يىغلسە، اۋغلى مرادنى اېسلىپ يىغلەيدى، يورەكلرنى سوو قىلىپ يىغلەگن زىيى نىنگ آنەسى بىر آز تىنچىپ – «كاشكى ساۋچىلەر كېلگنلرېدە بىر بهانە قىلىپ، يۇق دېسىم اېدى. قىزىم بلکہ اونشەمس اېدى. اونىنگ باشىگە بو بلا و مېنىنگ باشىمگە بو مصىت كېلەس اېدى، اى خدا بو قندەى كۇرگولېك،» – دېپ، قىزى نىنگ ياشلىك كۈنلرنى اېسلىپ يىغلەدى.

رسول باى نىنگ حوىلىسى جنازەگە كېلگن عياللىرى بىلن لىق تۇلگن اېدى، اېرككلر مېمانخانە و كوچەدە اېدى. جنازەنى تابوتگە سالىپ كۇتردىلەر. عياللىرىنىڭ يىغىسى يەنە كۇككە كۇترىلدى. زىيى نىنگ آنەسى ھوشىدىن كېتىپ آياغى اوستىدە تۈرە آلمەدى. جنازەگە كېلگنلر كۇپلېگى اۋچون جنازە نمازى كېنگ بىر مىدانندە اۋقىلدى. قېر بىر كۈن آلدىن قزىپ قۇيىلگن اېدى. زىيى نى ابدى اويىدە ياتقىزدىلەر. قېر اوستىدە قرآن اۋقىلىپ، دعا قىلىندى. جنازەگە كېلگنلر بىرە – بىر قېرىستاننى ترك اېتدىلەر. زىيى نىنگ آنەسى، تاغەسى و باشقە يقىنلرى و مرادنىنگ آنەسى نذىر قول تاغە قېر اطرافىدىن تورمىسدىلەر. ملا بدل قرآن تلاوت قىلردى. مزار اوستىگە باش قۇيىپ ھۇكىلېب يىغلەگن رسول باى:

- قیزیم، مہن و آنہنگ سہندن راضی بیز. بو دنیاہ مرادینگگہ
یبتالمہدینگ. اپندی خدا او دنیاگنی بپرسین، - دہب کۆز یاشی
توکدی. ملا بدل، آیت و حدیثلر اوقیب رسول باینی بیر مونچہ
یوپتدی.

رسول باینینگ قۇشنیلری، یقین قرینداشلیری و یاووقدہگی
قیشلاقلر اھالی سی آقشام اونینگ اویگگہ شاملیککہ تورلی آدیق-
آوقتلر پیشیریپ کہلگن اہدیلر. اولر، رسول باینگ اوشبو آغیر جدالیک
اوجون تسلی ایتیب، تعزیہ بیلدیردیلر. صبرلی بۇلیشینی آرزو قیلدیلر.
اؤنلر عیاللر ہم آی صنمگہ غمخورلیک کؤرستیب، اونی یوپتدیلر.

رسول بای، قیزی نینگ اوج کونلیگگہ قیشلاققہ اولکن خیرات
بپردی. اؤشہ کون نینگ اؤزیدہ صدیق اکہ، مرادنینگ جنازہ سینی آلیب
کہلدی. خیراتگہ کہلگن آدملر نذیرقول تاغہ نینگ اویگگہ جنازہگہ
باردیلر. اؤغلی مراد نینگ جنازہ سی کہلیشینی کوتیب تورگن کونگلی
یوز پارہ عایشہ بی بی، مرادنینگ جسدی سالینگن صندیقنی قوچاغلب
اؤزیدن کپتدی. عیاللر یوزیگہ سوو سہپیب، مردہ قۇبیله دیگن خانہگہ
آلیب باریب اونی تینچیتیشکہ حرکت قیلدیلر.

عایشہ بی بی نالیش قیلیب ینہ صندیقنی قوچاغلب: - «ای نا
انصافلر! صندیقنی بیر آچینگلر مرادیم نینگ یوزینی سؤنگگی مرتہ بیر
کۆرہی، دیدار قیامتگہ قامہ سین»، - دہدی. صندیق نینگ باش سریدن
مرادنینگ یوزینی آچدیلر. عایشہ بی بی نینگ کۆزی اؤغلی نینگ یوزیگہ
توشگچ آغزینی آغزیگہ قۇیبیب، - «سہن مہنگہ آنہ جان کہلہمن دہگن
اہدینگ. کۆزلریم یۇلینگگہ تۇرت اہدی، وای داد و بېداد، بو کوندی
کۆرگونچہ اؤلیب کپتسم یخشی اہمس مہدی، - دہب اؤنکیریپ،
بیغلب یوباردی. عایشہ بی بی ینہ باشینی کۆتریپ اؤغلی نینگ جانسیز
یوزیگہ تیکیلدی. اؤغلی خودی او ییلن سؤزلیشیب: - «آنہ گینم! تقدیر
شو اہکن، سیزگہ یخشی فرزندلیک قیلہ آلمہدیم، ایتگنلر یزدی قیلہدیم،

سىزدى ناراضى قىلىپ كېتىدىم، مېنى كېچىرىنگ،»- دېيە ياتگندىك تويلىدى.

شۇ ئاندىم مەلا بەل بەلن نەزىر قۇل تاغە يەنە نەچچە كىشى كېلىپ، جىنازەنى تۇپراققە تاپشۇرىش اوچون تابوتنى تەشقىرگە ئايب چىقىدىلەر. عايشە بىي كۆكسىگە مۇشتەب: - «خدايارىنگ مرادجان، سېن ئۆلمەدىنگ بىر مەشت پىر بېچەرە ئانەنگدى ئۆلدىردىنگ. بو دىنانگنى بىر مەگن خدا او دىنانگنى بىر سېن،» - دېيە اىزىلەپ يىغەلەدى. مرادنىنگ سىنگىلى لىرى هم ئۆزلىرىنى سووگە، ئالوگە اورىپ يىغلىشىدىلەر. تابوتنى دروازەدن ئايب چىقىپ ياتگنلىرىدە همه يىغەلەدى، حوىلى ميدانىدە گویا مەشەر بىرپا اېتىلگن اېدى.

مرادنىنگ جىنازەسى اونىنگ سېوگىلىسى زىيى نىنگ جىنازە نمازى ئوقىلگن ميداندا ئوقىلدى.

ھلى مىنگ گلىدن بىر گلى آچىلمەگن، بىر- بىرىگە كۆنگىل بېرىپ، عمرلىرى نىنگ آخىرگىچە جان- دلدن حىياتى سېوېب بىرگە يىشىنى آرزو قىلگن اىكى عاشق و مەشوق - زىيى و مراد، ابدى منزلگە بىرگە سىفر قىلدىلەر.

اسلام آباد. ۲۰۲۲. جولای. ۳۱

عباد دہے نینگ ایشگی

اصل آتی عباداللہ اہدی، قیشلاق اربابی نینگ یقین یاردمچیسى بۇلگنى اوچون اونى عباد دہے،۔ دہب خطاب قیلر اہدیلر. دہبیلیک اونگہ آتہ میراث، یاشى آلتمیشدن آشہی دہب قالگن، ساجى و قاشلری کۆک۔ الہ. قاقمہدن کہلگن اۋرتہ بۇیلی، قۇى کۆزلى، کوسہساقال، آغزیدہگى تیشلریدن ایکی آلدینگى تیشى توشگن آدم. سہسى بلند، استہ گپیرگنیدہ ہم اونینگ کوچہدن اۋتہدیگن یۇلاوچیلر و قوشنیلری اہشیتیب قالردیلر. بلند گپیریش عادتیکہ ایلنگن. یاشلیگیدن کوچہ۔ کویدہ شاوقین۔ سوران کۆترب اولغہیگن. وادیدہ اونى بیلمہگن آدم یۇق. اوییدن تشقریدہ کلہپوش کییب، سلہ اۋرردى، اوییدہ۔ اۋز خانہسیگہ کیرگچ سلہسینی بیر یاققہ آلیب قۇیردی. حویلیسیدہ اکثر حاللردہ باشى یلنگ یورردى.

عباداللہ قیشلاغى نینگ اربابى، بو یاروغ دنیادن اۋتیب کپتگونچہ دہبیلیک ایشلری بیلن آوارہ اہدی. او اوزاق ییللر دہبیلیک یوموشینی ترک اہتمہدی. چونکہ بو ایش بیر تاماندن اونینگ شہرتینی آشیرگن بۇلسہ۔ دہ، اوندن مہمراغى آمبارینی ارپہ۔ بوغداى، مکہ جوگارى و تریغدن، سامانخانہسینی ساماندن تۇلدیرر اہدی. چۇنتگى ہم پولدن بۇشہمسدى. قربان ہیتیلریدہ قربانلیک قیلردى. بیتہ۔ ایکیتہ بۇرداقیسى ہم بۇلر اہدی.

کونی، - «اې، بونداغ بۆمەيدى. بېرلى اپكىلمەي قالەديگن زميندارلردن بىر نېچە جريب بېرنى اجارە گە آيب، بوغداي- ارپە پسرە قىلەمن، مکه جوگارى سېپە من. هيچ بۆمسە اۋن بېش يا يىگىرمە قاب غلە آلەمن، بو بېلن يەنە اۋىنب- کولىب قىشدىن چىقەمىز،» - دەپدى، اۋز- اۋزىگە.

دەبەي نىنگ عايلىسى بىر نېچە آي ايچىدە آمبارىدە گى غلە- دانلرېنى يىب توگىدى. بهار يقىنلىشىدى. "يۇغان چۈزىلەديگن، اينگىچكە اوزىلەديگن" وقت ابدى. رۇزغار خىرجىلرېنى قاپلىش اوچون پىرىم قول حاجى نىنگ سورويگە قۇشگن قۇيلرېنى هم ساتىب تاماملەدى. جىردن آتى، سىگىرى و اورغاچى اېشگىنى هم پول لەدى. اۋز عيالى و فرزندلرى بېلن قىشدىن چىقىب آلگن عباد دەبەي نىنگ غلە آمبارى ذخىرەسى توگب بىتىدى. او هر كوني پسرە سېپگن بېرلى اوستىگە ايله نىب بارردى. ارپە اېندى پىشگن. بوغداي هم پىشكندەي بۇلىب باشاغى نىنگ قىلتىقلرى سرغەيىب كۆرېنر اېدى. - بوغداي يىخشى پىشگونچە آمباردە قالگن مکه- جوگارىنى اونلب نان قىلىب يېمىز، - دېگن عباد دەبەي، كېچكى پىت او يىگە كىرىب باردى.

او اۋغلى عبدالمنان گە:

- بىر قاپچە مکه جوگارى قاگن، اېرتە گە شونى تېگىرمانگە آيب بارىب اونلب كې. آنەنگ زغره پىشسىن. بوغداي اۋرىلگونچە زغره يىب تورەبىز، - دەپدى. بو گېنى اېشىتگن خاتىنى اۋغلىگە معنېلى قرەب قويدى. كۆپ بىللردن بېرى تىدىردە جىيدەدېك بوغداي نانلرى پىشىرگن منظر اې، تقدىرىگە تن بېرىب اېندى زغره پىشىرىشگە هم كۆنەدى. اۋىلب- اۋىلب، مېيەسىگە بىر نرسە اۋتدەي چقىلدى، عباد دەبەي اۋغلىگە قرەب:

- قماقخانە گە بارىب اېشگىنگن خىر آل، آلدېگە سوو قۇي، آخورىگە سامان سالىب، بىرھاوۋچ ارپە هم بېر. اېرتەلب هم بارىب باغلردن بىر كۆنەي ياوايى اۋتلرنى اۋرىب كېلتىرىب بېر. آنەنگ نىنگ

كېڭى بۇلسە مالايم گىنە تېرىت ھەم قىلىپ بېرسىڭ يىخسى بۇلەدى.
 اېشكىنگىدى آرقەسىنى قىشىپ، يىخشىلىپ جولە.
 - خۇپ بۇلەدى آتە.

عبادالله ساتىن اورغاچى اېشكى نىنگ بىر كۈرەسىنى اسرەگن اېدى.
 بو كرە ايكى ياشىگە كىرگن. دېەى اونىگە اۋز قۇلى بىلن كىگىز، ايسلىقى
 و اېسكى شالدىن جول و جېە تىكىپ، قىشلاخ دوردگىگە تۇقىم
 يىسەتگن اېدى. اىلىنى منظر آپە تۇقىب بېرگن. پۇپەى دار قوشقىنى ھەم
 بار اېدى. اېشك باقىشىنى اۋغلى عبدالمنان گە حوالە قىلگن. منان ھەم
 كوچەنىنگ بىزارى بچەلرى بىلن تشقىرىدە تۇپ، آشىغ اۋىنب آوارە.
 اېشكىنىنگ آخورى بىر ھەفتەدە سامان كۈرمەيدى. سوو چېلگى گە
 كىشى سوو قويمەيدى.

عبدالمنان اېشكىنىنگ آخورىگە قرەسە بىر پر سامان ھەم قالمەگن.
 آچ و سووسىزلىكدن تىنكە-مدارى قورىگن آچ اېشك جبرىدن
 قماقخانە ميدانىدە كۈرگن تىكنلر ھەم قالمەگن. تومشىغىنى باسىپ،
 تىشى بىلن تىكنلرنىنگ اىلدىزىگچە قىرتىشلىپ بېگن. عبدالمنان
 كۈزىدن ياشى آقىپ بې حال ياتگن اېشكىنى دۇمىدن اوشلىپ ايخ،
 ايخلىب زۇرغە تورغىزدى. آياقلر قلىتېرىپ تورگن اېشك، شمالدە
 اطرافدەگى درختلردن قماقخانە ميدانىگە توشگن ىرمى سرىق، ىرمى
 ىشىل توت بىرگلىرىنى يېدى. شوندىگچە منان سامانخانەدن بىر سېپت
 سامان كېلتىرىپ اېشكىنىنگ آخورىگە سالدى. امبارخانەدن بىر ھاوۋچ
 ارپە كېلتىرىپ آخوردەگى سامان اوستىگە سالدى. بىر چېلك سوو ھەم
 كېلتىردى. عباد دېەى نىنگ اېشكىگە بو آقشام بىرەم اېدى. عبدالمنان
 خلق نىنگ باغلىرىدن بىر قوچاق اۋت اۋرىپ كېلىپ اېشكىنىنگ
 آخورىگە تشلەدى. اۋتلرنى يېپ تاماملەگچ اېشكىنى جوللپ، تۇقىمىنى
 قۇيىپ، اىلىنى تارتىپ باغلەدى. سۇنگ ىرىم قاپدىن كۇپراق مكە
 جوگارىنى آتەسى بىلن اېشكە يوكلەدى. كۈترم بۇلگىنى باعث اېشك
 اۋز آياقلرى اوستىدە يىخسى استوار تورالمس اېدى. اېشكىنى ھىدەب

کوچہ گہ چیقردی، کوچ و قوتی کپتگن ایشک یۋلیدہ قۇرقیب یورردی. عباد دہبہ نینگ ایشگی قرہکش راغ ابدی. هر قندہی کۋپریکدن هورکیب اۋتمس ابدی. تپگیرمانگہ بیتیب بارگونچہ تپگیرمان اریغی اوستیدہگی کۋپریک کہ بیتیب بارگچ هورکیب ییقیلدی۔ یو، اۋرنیدن تورالمہدی. یۋلاوچیلر ایشکنی اۋرنیدن تورغیزیب یوکیبی آرتدیلر.

مکہ جوگاری قاپینی تپگیرمانچی تپنگری بپردی چال بیلن ایشکدن توشیریب، تپگیرمان نینگ دۋلی یقینیکہ اہلتیب قۋیدی۔ دہ، قیتیب ایشگینی باغلہگنی تشقیریکہ چیقیدی. شوندہ تپگیرمانچی بیلن گپلہ شیب قالدی.

تپنگری بپردی منان گہ:

– ایشگینگدی جانی قییلگن. «مالگہ قرہسنگ مال، قرہمہسنگ مار» دپگنلہ. وقتیدہ بو جانوارگہ سامان، ارپہ، اۋت بپرینیلہ. یاتسہ جاییدن تورالمہیدی، – دپدی.

منان تپگیرمانچی نینگ گپلرینی تینگلہدی، اما ہیچ نرسہ دپمہدی. مکہ جوگارینی اونلب اوییکہ آلیب کپلگن عبدالمنان قاپنی توشیریب ایشکنی قماقخانہ گہ ہیدہدی، شو آندہ عباد دہبہ قۋلیدہگی کلتک بیلن ایشک نینگ بۋینیکہ ترسیلہ تیب سالدی – یو، اۋغلیگہ:

– ایشکنی اہلتیب قماقخانہ گہ سال، آییلینی یپچیب اوستیدن جولینی آل، – دپدی.

عبدالمنان ہم قۋلیدہگی خیلہ چوبی بیلن ایشکنی ایکی۔ اوچ مرتہ ترسیلتیب اوردی. چولر آغریغیدن ایشک قولاقلرینی قیسیب، بوریشیب قماقخانہ گہ کیریب کپتدی. ایشک نینگ جولینی آلیب هر دایمگی دپگ قماقخانہ ایشگی اپرگنگی نینگ اپینی قازیغیکہ ایلیب قۋپدی. ایشک ینہ آچ، ینہ سووسیز قالہ بپردی، شام دسترخوانی ییغیلگندہ اۋغلی عباد دہبہ گہ:

- بوگون تېنگرى بېردى تېگىرمانچى مېنگە: - «اېشكلىرىزگە قرەمەيسىلە، كۆترام بۇلىب مغدىرى اوزىلىيتى، مالگە قرەمسە مال بۇمەيدى، - دېدى.

عباد دېەى اېسە بىر آتيم ناس چېكىدى دە اۇغلىگە يوزلىنىب:
 - اې اۇغلىم بازار- اوچر يا كە تېگىرمانگە ايشىنگ توشكندە اېرتە- اقشم قىنىنى تۇيغزىسنگ بۇلەدى. هر كون اېشككە ارپە، تېرىت بېرىب بۇلەمى؟ آچلىيدن اۇلمسە بۇلەدى، - دېدى قاشلىرىنى چىمىرگن عباد دېەى.

اسلام آباد. ۲۰۲۲. آگست. ۱۲

شاعر نینگ اۆلىمى

شمال-جنوب توشگن وادى نىنگ شرقى و غربىدە پست و بلند تىپەلىكلەر سلسىلەسى جنوب تاماندا تاغلى حدودلارگە بارىپ توتشىگن. شمالدا اېسە بىراز تېكىس قومزار ميدانلارگە بارىپ توگەيدى. وادى ازل-ازلدىن باغ و راغىر، يم-يشىل تورلى ميوەلى و ميوەسىز درختلەر بىلەن قاپلىنگن. وادى اۋرتەسىدىن قىشلەر و بهارلردە جنوبدىن شمالگە كتە سوو آقەدى. يازلردە دريانىنگ سوو كۆپ بۆلمەيدى، بەعضاً قورىپ ھەم قالدەدى. آسمانگە بۇيلىشىگن ىشەمال كۆك تېركلەر، ارىغلردن تىنمەى شىلدىرەب آقەدىگن تىپ-تىنىق زلال سوولر، وادى طىبىعتىنى تابارە گوزللىشتىرگن. دريا قىرغاغلىرىدە اۋسىب اولغەيگن جىيدە درختلەر بهاردا كىچىك-كىچىك سىرىغ رنگە گىلب اطرافگە عجاب كۆنگىل آچر ھىد ترەتەدى. جىيدە گلى نىنگ عطرى اۋزىگە خاص. قنچە ھىدلسە ھەم ىنە ھىدەلەگىسى كېلەدى كىشىنى. انە شو درختلەر تگىدە دريادا سوو بۆلگن محللردە وادى اۋسپورونلرى سوودە سوزىشە دىلەر. حىات نىنگ گوزل چاغلىرىنى مرقالى كېچىردىلەر.

بھار نىنگ سۇنگى كونلرى اېدى. سوزىش اوچون وادى درياسىگە كېلگن ياشلەر آرەسىدە، بۆلەجك شاعر عزيز ھەم كۆزگە تىشلەردى. او سووگە سوزىش اوچون باشقە تېنگداشلىرىدېك تيارگرلىك كۆردى. قارە رنگ جىدوقى نىنگ چىپ تامانىدەگى بلند كىسەسىدە "مىرزاىى"

قلمى قىستىرىلگن اېدى. بىرىنچىدىن جېدوقىنى يېچىپ، تىرتىبى بىلەن قىلىپ، دريا بۇيىدە اۋسگن اجرىغزار اوستىگە قۇيدى. عزيز سوۋگە كىرىشكە شىلەندى، بىرىنچى بۇلىپ دريانىڭ چوققور يېرىدە چۇمدى. ھلى اىلىمەگن سوۋ عزيزنى سېسكىتتىردى. باشقە اوسپورون بۇيداشرى:

- ملا عزيز نىمە گپ دېپ، سۇرەدىلر.

- آ، خىرىت. سوۋ بىر آز ساووق اېكن، جىركىنېپ كېتدىم.

دوستلرى سوۋگە كىرىشەن تارتىنىپ تورردىلر.

اې، ھىچ گپ اېمس، كىرىنگلر كۇپ ساووق اېمس، - دېگن عزيز، اۋزى دريانىڭ گوم جايىدە سوزە باشلەدى. باشقەلر ھم بىرىن - كېتىن سوۋگە كىردىلر. او ياشلىگىدىن يوشاق كۇنگىل، انسان و حيوانگە كويىنچك بىر مېھربان شىخس اېدى.

ياشلىرىنىڭ سوزىشى، سوۋدە وقىردەب سىرەب تورگن قوربەلرنى ھوركىتدى. كۇزلىرى مىلتىرەب تورگن كتە - كىچىك قوربەلر سوۋدن دريانىڭ قىرغاقىگە آتلىدىلر. عزيزنىڭ كۇنگلى قوربەلر تىنچىسىزلىنگىدىن بوزىلدى. - «اې، بىز كېتسك ىنە شوۋ دريانىڭ سوۋى قوربەلرنىكى» - دېپ، اۋزىنى قناعەتلىتىردى. بىر ساعەتچە سوۋدە سوزىپ، دريا تۇقەيىدە بىر - بىرىنى قوۋشىپ ھارىگن عزيز و اونىڭ اۋرتاغلىرى لېاسلرىنى كىيىپ اۋىلرىگە جۇن ب كېتدىلر.

عزيز اوزون بۇيلى، قۇى كۇزلى، تىشلىرى صدفدېك آياق، قارە قاشلى، مەيىن سېسلى، ارسلان كېلتلى، خوش چىقچق يىگىتچە اېدى. دوداغلىرىدىن كولگۇ - تېسەم ارىمسدى. آنەسى اونى ملاجان، - دېپ خطاب قىلر اېدى.

يازىنىڭ سىرطانىدە لاۋىللەگن قوياش غىرب تامانگە آغىب بارماقە اېدى. كوچەنىڭ كتە قىسمىنى دىۋارلر و درختلر كۇنلەكەسى باسگن. شىمال تاماندىن اېسەدىگن ملايم شىمال كۇك تېركلر بىرگىلىنى اۋىنەتر اېدى، آق و ىشىل كۇرىنىشەگى بىراقلىرىنىڭ رىقىگە توشىپ،

شیتیردهشی کوچده آقیاتگن اریغ سوی شیلدیرهشی بیلن جور بۆلب قولاقلرنی نوازش قیلهدیگن عجایب آهنگ تره تردی. بوندهی بیر سؤلیم فضا قیشلاق طبیعتینی تاباره گوزلشتیرگن ابدی.

عزیز آچ قالیب اویگه کیریب باردی. آنهسی تگینه خاتون:

- ملاجان، اوله ی سیزگه قه پیره ابدیز، آچ قاگنسیز، اویگه کیریب دم آلیب اولتیرینگ، مهن سیزگه توشلیک کپتیره من، - دبدی.

عزیز، حویلی میدانی نینگ اؤرته سیده تیکیلگن قاره اوی نینگ دروازه سیگه باریب بیر پس تیک توردی - ده، کببین یقینده آنهسی آلیب بیرگن ینی چاروغینی آیاغلیردن چیقیریپ اوی ایچکریسیگه کیریپ اولتیردی. اوی نینگ چنغراغیگه تیکیلیب، کپره گه لرینی سنه ی باشلدهی. او، کپره گه لرینی سنب بؤلگونچه تگینه خاتون قؤلیده مله پخته دن تۇقیلگن دسترخوان کیریپ کهلدی. او ارپه نانی اؤره لگن دسترخوان نی یازدی - ده:

- ملاجان، توشلیک که نیمه ییگیز کپله دی؟

- نیمه بؤسه اؤشه آنه جان، آلیب کپلینگ فرق قیমেیدی.

ملا عزیز قاره اوی نینگ یوغ باغلیردن کؤزلرینی اوزمه ی. آنهسی یوگریب باریب، بهی و توت خیمچه لریدن تۇقیلگن کته سوت سبت آستیدن اېندی اویوگن چوچوک قتیق، خام قیماق و تازه گینه آباق ققناقنی تباقلرگه آلدی، یاش قیزی زلیخا بیلن دسترخوانگه آلیب کهلدی - ده. او، اؤغلی نینگ کؤزلریگه مهرلی باقیب، اونی اوقتلنیشگه اونددهی.

- ای آنه جان بونچه نرسه نی نپمه کپره گی بار ابدی. منه شو ققناقنی بیسم بؤلدهی، - دبدی.

عزیز ققناق سالینگن تباقنی آلدیگه تارتدی. شونده گچه سینگیلسی بیر قؤلیده بیر تباققه خام قیماق، باشقه بیر قؤلیده ینه بیر تباققه توتدن قیلینگن شینینی دسترخوانگه کپلتیریپ قؤلیدی.

- زليخاجان، كېتىرگنلرينىڭنى آلىب بار سىنگلىم. بو ايسىق كونلردە شىنىنى يىب بۇمەيدى.

اوى نىنگ غلام گوردشىدە چويكە هوريب ياتگن ايت بىردىنگە غبشىدى. آنەسى، - «قرە كىم كېلدى» دېگونچە عزيزنىڭ آنەسى تاغى مراد قۇشنىسى اكبر بىلن كىرىب كېلدى. عزيز اۋرىدىن تورىب سلاملشدى و بىر آز گېلە شىب رخصت آلىب اويدن چىقدى.

تگىنە خاتون باشقە بىر خانەدە اپىك قناووزدن كېلىنىگە تىكتىرگن كۈيلكلرنى قىزى زليخا بىلن بۇقچەگە اۋرەب تورگن اېدى. او، كېلىنىمگە كۈيلك قىلەمن، - دېب بهارده ايكي - اوچ اۋىماغ پىلە تخمىنى آچىرىب، پىلە قورتلرېنى سېت - سېت توت بىراقلىرى بىدىرىب اولغەيتىرگن اېدى. اۋز محتى بىلن قۇلگە كىرىتگن پىلە غۇزەلرېنى آقرتېرىب، كېين قىزى بىلن اورچىققە ايگىرگن اپىك تالەلرېدن دكاندە تورلى رنگلردە قناووز تۇقېتگن اېدى. تۇيگە هر تامانلمە تيارگرلىك كۇرىلگن اېدى. شو آنە عزيز كىرىب كېلدى. آنەسى اونگە جاي كۇرستدى.

- ملاجان بەخىر بىر هفتەدن نرى تۇيىز بۇلەدى. مېن ايتەمن شو تۇيىز اۋنگونچە مدرسه گە بارمەى آنەيىزگە كۇمك قىلسە يىز.

- بۇلەدى آنەجان. درسلىرىم تۇگەدى. فقط ايكي كونلىك سىباغىم قالگن. شونى هم بىتېرەى، كېين سىز ايتگندەى قىلەمن.

بۇغچەگە اۋرەب تۇگىلەدېگن كېلېن نىنگ قناووز كۈيلكلرېنى بىرمە بىر كۇزدن كېچىرىب، اۋز خرسندلىگىنى بىلدىرىش معناسىدە آنەسىگە ايلجەيىب قۇيدى.

ملا عزيز وادى نىنگ كتە داملاسى مولوى سيفالدين آلدېدە كۇپ زمانلردن بىرى درس اۋقىب قطار كىتابلرېنى بىتېرگن. داملا بوندن آرتىقچە ملا عزيزگە سبق بېرىش علمى صلاحىتگە اېگە اېمسلىگىنى بار - بار بىلدىرىب كېلگن. و اونى اوزاق يورتلرگە بارىب تعليم آلىشلىككە ترغىب اېتگن.

مولوی سیف الدین شاگردی نینگ نکاح تۆئیدە قتنە شیب،
تۆئیخانە دەگی مەھمانلرگە:

- اولوغ تېنگری تاغی مراد صوفی گە ملا عبدالعزیز دېک صالح
فرزند بېرگن. بوندهی فرزند هر کیمگە هم نصیب قیلینە بیرمەیدی. او
بیز اؤقیگن کتابلر و ادبیاتلرنی اؤقیب چیققن کوچلی استعداد صاحبی؛
شعر هم یازەدی، عطار، مولوی، خواجه حافظ، فضولی، نوایی، لطفی،
آتایی، مشرب، هویدا ایجادلرینی اؤرگنگن. اولر نینگ عزل لریگە
نظیرەلر یازگن. بیلشیمچە شو کونلر دە نوایی نینگ خەسە سینی مطالعه
قیلەدی، کاشکی وادی نینگ اؤسپورونلری همەسی بو شاگردیمیز دېک
خوش اخلاق، سوادلی و صالح انسانلر بۆلسە ابدیلر دېگن داملا،
ذکر بای نینگ اؤغلی خواجه مرادنی قرەنگ-أ، بیر نېچە کون مېنینگ
یانیم دە درس اؤقیب کپین کېلمە ی قۆئیدی. اېشیتشیمچە او، وادی-
نینگ یېتیمچە- ہزاری بچەلریگە قۆشیلپ تۇغری یۆلدن اده شگن .

ملا عبدالعزیز اؤقیش و اؤرگنیشگە بۆلگن قیزیقیشی ینە اونی ایکی
ییل زمانەسی علملرینی اؤزلشتیریش اوچون آلیس بیر منطقە نینگ
اؤقوو درگاھلریگە باریب اؤقیشگە بیتکلەدی. او تاریخ بیلن هم
قیزیقیدی. تورکی خلقلر جملە دن اؤزبېکلر تاریخینی چوقور اؤرگندی.
اؤز مخلصلری و دوستلرینی تورکی خلقلر نینگ محتشم تاریخینی
اؤرگنیشگە ترغیب اېتردی. تورلی دورەلر دە تاریخ و ادبیات دن سۆز
اچیب آدملر آنکی یوکسلیشی اوچون صحبتلر اؤتکزددی. مطبوعات
بیلن مستحکم علاقە قوردی. ایجاد نمونەلری و علمی، ادبی همە
تاریخگە عاید مقالەلری نشر اېتیلە باردی.

شاعر عبدالعزیز آنکلی انسانلر حرمتینی قرەنپ تئیقلی بیر علمی-
ادبی شخصیتگە ایلندی. او وادیدە اوز فرزندلریگە تورکی آتار قۆیگن
سناقلی آدملردن بیر ی اېدی.

زمان هم ییلدېک اېسیب اؤتماق دە اېدی. ملا عبدالعزیز اؤرتە
باشلیک و کېکسە لیک چاغلریدە تدقیات، و ایجاد بیلن آوارە اېدی.

توركىلەر تارىخى حقيده كىتاب يازدى. اوى-روزغار، باغدارچىلىك بىلەن مشغول ھەم بۇلدى. اونىنگ قىشلاغىدە بەھى درختى يىخسى حاصل بېرىدى. شاعر قىشلاغىدەگى بېرىدە بەھى درختلىرى و اوزوم باغى اپكەن اېدى. عبدالعزىز اۋقىش و ايجاددن فارغ بۇلگەن چاغلرىدە قۇلىگە بېلىنى آلب باغىدە محنت قىلدى. طبعىتى، گللىرى اينىقسە نرگس گللىنى اۋزىگە خاص ايفارى اوچون كۇپ ياقىتىردى. اويىدە گل تووكلىرىدە خىلمە خىل گللىر اۋسدىرگەن اېدى. باغى، گللىرى و قىشلاق نىنگ يىشىل طبعىتى اونگە ايجاد قىلىشگە الهام بېرى اېدى.

يورنگە قىزىل اردو باسقىنچى كوچلىرى باستىرىپ كىرگىدىن بىر نېچە يىل اۋتدى. اشغال كوچلىرى و اولرگە طرفدار حاكمىتگە قرشى باشلىگەن جھاد ھەمان دوام اېتىردى. عبدالعزىز و اونىنگ دوستلىرى ھەم جھادچىلرگە قۇشلىگەن اېدىلر. شو يىللردە شاعر نىنگ زھىنىنى جھاد، اوروش، وطن آزادلىگىدىن بۇلك باشقە بىر جدى مسالە مشغول قىلگەن اېدى.

جھاد و اوروش يىللرىدە قطار مەكتەپلەر بىنالىرى مچاھدىلەر تامانىدىن اۋنگە ياندىرىلگەن اېدى. مچاھدىلەر نظارت قىلەدىگەن اطراف حدودلردە خلق نىنگ فرزندلىرى اۋقىشدىن چىپتە قالگەن اېدىلر. شاعر عبدالعزىز مىنگلەب كىشى ياشلىرىنى اۋقىش و سواددن محروم قالەياتگەن لىكلرىدىن قىغورردى. شوندى اۋى-خىاللار بىلەن گللىرىنى تماشاشا قىلىپ تورگەن اېدى كە، دوستى معلم سراج الدىن قۇلىدە بىر قۇدە تازە نرگس گللىرى كىرىپ كېلدى. بىرگەلىكە گللىرىنى سىر قىلىپ بىر ساعەتچە درد و حال ايتىشىدىلر. مەكتەپلەر و ياشلىرىنىنگ تەلىم مسالەسى اوستىدە باش قاتىردىلر. عبدالعزىز پىالەدەگى كۇك چاينىنى اىچىپ، چوقۇر بىر آھ تارتدى- دە، دوستى سراج الدىن گە علىشېر نوايى نىنگ:

«كۆكرەگىم دور صبح نىنگ پىراھىنىدىن چاكراك،

كىرپىگىم شېنم تۇكولگەن سبزه دىن نمناكراك.»

ردیفلی غزلیگه نظیره طرزده یازگن شعرینی اؤقییب بېردی. شاعر
ینه اؤز سؤزلریگه دوام اېتدیردی.

- معلم بیله سیزمی؟ بو معارف، مکتب و زمانوی تعلیمنی خلق
آرەسیده دینگه ضد قیلیب کؤرستگن، بیزلرگه یات و یاووز کوچلر بار.
اولر معلمنی نعوذ بالله خدانینگ دشمنی و زمانوی مکتبلرنی کمونستلر
مفکورەسی تعلیم بېریله دیگن جای دېب تبلیغ قیلدیلر. سوادسیز و
نادان قوماندانلر و مجاهدلر ذهنیگه شو فکرنی سینگیدریدلر. یوزلب
مکتبلر مجاهدلر تامانیدن یاندیریلدی افسوس، سان - سناقسیز ملکەلی
اؤقیتو و چیلر قتل اېتیدیلر.

- هه، بیلەمن شاعر اکە! افسوس که شونده ی بؤلدى. سیز ایتگن
یاووز کوچلر بیزده رواجلنیش یوز بېریشینی ایستەمەیدیلر. خلق
سوادسیز و علمسیز - جاهل بؤلگن یورتلرده ترقیات شبادەسی
اېسمەیدی. افسوس که، بونی بیزنینگ نادان قوماندانلر توشینمەیدیلر.
نیمە قیلیش کېرەک؟

- نېمە قیلیش معلوم، قیشلاغلرده بالەلرنی اؤقیتیشنی باشلش
کېرەک، کؤنگللی روشده درس بېرەدیگن اؤقیتو و چیلر تاپیب، مکتبلرده
وظیفە دار قیلماق ضرور، بو تۇغریده افسقاللر بیلن گپلەشیب،
قوماندانلرنی کؤندیریشگە اورینیب کؤرەمیز. اولر آرەسیده هم بیزنی
قؤللب قوتلە یاتگنلرنی تاپیش ممکن.

- تۇغری ایتمەسیز، بو حرکتی اول خلقنی اؤزی قؤلدهیدی.
جهادنینگ فرهنگی کمیتەلری هم حمایت اېتەدی. دېگن عبدالعزیز
همەدن اول بو بارە دە قوماندانلرنینگ اؤقی - دؤقیسی خواجه مراد
پالواننینگ آلدیدن اؤتسک بؤلدى.

ایکى معارف پرور دوست، خواجه مراد پالوان بیلن بو توغریده
سؤزلش اوچون اونینگ کمیتەسیگە جؤنب کېتیدیلر. قارگاه گە کیریپ
بارسەلر پالوان همەدن تۇرگە اؤلتیرگن اېکن. باشقە میدە قوماندانچەلر
هم صف تارتیب اؤتیرگن اېدیلر. خواجه مرادنینگ ینگى کلاشینکوفی

اونىڭ چىپ تامانىدە دىوارگە سويىب قۇيىلگن اېدى. قۇللىرىدەگى يوز دانەلى تىسبىخ دانەلىرىنى برماغلىرى بىلن بىرتە-بىرتە تىشلىب اۋتىرگن خواجه مراد پالوان شاعر بىلن معلمگە قرەب.

- خوش كېلىسىزلىر، تىنچلىكىمى اۋزى؟

ملا عبدالعزىز مقدمە ايتىپ اۋتىرمەي قندەي نيت بىلن كېلگنلىرىنى بيان اېتدى. خواجه مراد قوماندان ماش و گوريچ سقالىنى اۋنگ قۇلى بىلن سىيپەلب، مېدە قوماندانچەلرگە - اېندى بولر مەكتەب آچىپ بېچەلە-نى اۋقۇتماقچىلىر. سىزلىر نېمە دەپسىزلىر دەپ سۋرەدى. اولر بىر نېچە لحظه ھېچ نېمىرسە دەپمەي جېم قالدىلىر. بىر محل اولر آرەسىدن سەھل كېكسەراغى:

- بىز اېندى مەكتەب و معلم بلاسىدن قوتىلگن اېدىك. يەنە اېسكى بلاگە توتىلە مېزمى؟ مەكتەبلردە كەمۇنىستلر - جەدىدلىر تەربىيە لئەدىلىر. مەكتەب بۇلەمسە ھەم كەنۇمىز اۋتەدى. بالەلرېمىز مەسجەد و مەدرەسەلردە اۋقىب سواد چىقرە دىلىر.

يەنە بىر نېچە دىقىقە اۋتلىدى باشقە كىشىدن سېس چىقمەدى، معلم سراج الدىن سۋزلىشىگە رەخىست سۋرەدى.

اۋ، مەكتەبلردە كەمۇنىستلر مەفكۇرەسى اۋرگىتەلەدى، - دەپگن توشونۇچە نا تۇغرى اېكىنىنى ايتىپ، اۋنلەب دىلىلر بىلن جامەئەنى مەكتەبلر و اۋقۇو يورتلىرىگە جەدى احتىياجى بارلىگىنى اثباتلەب بېردى.

خواجه مراد قوماندان يەنە گېنى آلىب:

- بىشقەلر راضى بۇلسە مېن راضى مەن.

قوماندان بو گېنى تىل اوچى ايتىپ قۇيدى. اصلىدە او راضى اېمىس اېدى. سوادلى آدملىر جەملەدن زمانوى مەكتەبلردە تەلىم آلگن ضىيالىلىرىنى "باش يىلنگ شىطانلر" دەپ ياقىتىرمىس اېدى.

شاعر و معلم خىرلىشىپ قوماندان كەمىتەسىنى تەرك اېتدىر. اولر حوىلى دروازەسىدن تىشقرىگە چىقمەي تۇرىپ خواجه مراد پالوان اولر

جۇنۇب كېتىگەن سۇنگ قوماندانلار دائىرەسىدە يەنە بو تۇغرىدە سۇز
آچىپ:

- سىزىلر اۋقىب نىمە قىلدىزىلر، باشقىلر اۋقىب نىمە قىلەدىلر.
خواجه مراد پالوان استىهزالى گپلرنى ايتىپ، شاعر و معلمگە اۋز
نفرتىنى آشكار قىلدى.

شاعر و معلم نىنگ قۇلى يوبقە اېدى. قۇللىرى يوبقە بۇلمسە هم بىر
نېچە مەكتەپ خىرجىنى بىر يا ايگى كىشى تامينلەپ توريشى مەمكىن اېمىس.
اولر مەسجىدلر حجەرلرى و يا قىشلاقلردە بەعضى بىر بۇش اولردن
فايدەلنىشلىرى اوستىدە كېلىشىپ آلدىلر. كەتاب، درسلىكلر، قارە تەختە و
تەبائىرىنى بەعضى بىر باي- بىدولت آدملىر ياردەم قىلىشلىرىگە ايشانردىلر.
عبدالعزيزنىنگ عمرى بىر يەرگە بارىپ قالگن اېدى. ساچ و
سقاللرى اقريب، اېندى قىزىلىك دورىنى باشلەگن اېدى. معلم سراج
الدین اوندىن چەمەسى اۋن ياشلرچە كىچىك اېدى. بونگە قرەمەى
اولر نىنگ خەلق فرزندلرىنى اۋقىتتىشگە بۇلگن اشتياقلرى مىزانى كون
سەيىن آشىپ بارردى. كەتابلر و مەكتەپ درسلىكلرىنى خۇرچىنىگە
سالىپ، بىر موشى اېشككە آرئىپ وادى نىنگ ايرىم قىشلاغلرىنى
ايلندىلر. مەسجىدلر اماملرى، ارىابلر و خەلق آرەسىدە نەفۇزلى شەخصلر
بىلن اوچرەشىپ اۋزلىرى كۇزلەگن مەقصدلرىنى توشىتىردىلر. بو ايگى
كىشى مەعارف شىدلرى نىنگ علم و مەرفت ترقە تىش سىرى عملگە
آشىرماقچى بۇلگن نىتلرى مەحلى خەلق تاماندىن كەتتە قىزىقىش بىلن
كوتىب آلىندى. اولرگە بە حال قەدرت ياردەم بېرگنلر هم بۇلدى. كىم دىر
بىر گىلم يا بورىا، كىمدىر بىر اۋرىندىق، كىملر كەتاب، قەلم و كەتاپچەلر
كۇمەك قىلىشگە وعدە بېردىلر. كەمىدە بېش- آلتى مەكتەپ فەعالىتلرى
باشلندى.

شاعر و معلم وادى نىنگ قىشلاقلرىدىن بىرىدە بىر مەكتەپ نىنگ
آچىلىش يىغىنىدە قەتئىگن اېدىلر. او يىردە كۇپچىلىك اۋتراق اھالى
اۋقىتوۋچىلر و اۋقوۋچىلر يىغىلگن اېدىلر، عبدالعزىز مەراسىمدە سۇزگە

چىقىپ قىسقىراق سۆزلەدى: - «بۈگۈن بىز وسىزىلر اوچون مەھم بىر سەنە. خەلقىمىز و يىڭى نسل كېلەجىگىنى ضىمانت قىلىش اوچون بى قىياس تائىر اۆتكەردىگن بىر حركىتى يەنى مەكتەپلەرنى قىتە آچىپ درس تەلىم ايشىنى باشلەماقچى مېز. يەخشى اېسىنگىزە بۇلسىن، بۈگۈن نىڭ گۈزل خاخرەسىنى بىر نېچە يىللەردن سۇنگ سېۋىنىپ اېسلەيسىزىلر. بالەلرېمىز جاھل اېمىس عەكسىنچە بولر سۋادلى، بېلىملى، اخلاقى و آدابى ھوس قىلگۈدېك بۈيۈك انسانلر بۇلىپ يېتىشەدىلر. بىز بو ايش بىلن اللەنىڭ مەسلەنلەرگە قرآن كرېمىدەگى بو بىرۈغىنى عەملگە آشېرەمىز. بو سەادت بىز و سىزىلەرگە نەسىب اېتگن بۇلسىن. بىز اوشبو حركت آرقەلى جەھالت و ظەلمتگە قرشى كۆرەشىپ، جامەدە ايكى دىئادە سەادتگە يۇللەيدىگن بېلىم تەرقتەمىز. جەھلى و جەھالتنى يۇق اېتەمىز،» دېگن گېلىرى، شاعر بىئاناتى نىڭ تۈگنچ جەملەسى بۇلدى.

مەراسىمدەگىلر گۈراس قرىسكلر چلىپ، شاعر و مەلم بېلكەلرېگە چاپانلر تەشلەدىلر اۇقۇۋچىلر اولرگە گللر ھەدىە اېتدىلر. ياش - قرى ھەم خورسند اېلدى.

ملاعزىز و سراجالدىن خورجىندەگى درسلىكلەرنى مەكتەپ ادارەسىگە تاپشېرىپ اۇقۇۋچىلر، اۇقىتۇۋچىلر و اھالى و كىللەرى بىلن خىرلەشدىلر. يىغىندە اۋزلىرېگە ساۋغە قىلىنگن چاپانلەرنى خۇرجىن نىڭ ايكى كۆزىگە سالېپ اېشكەكە آرتدىلر. يە ھەر دايمگىدېك ايكى دوست و اولر نىڭ اېشكى قىشلاق كوچەلرېنى ايلەردى. اولر اۋز ارا سەھبە باشلەدىلر.

- دوستىم شاعر: جاھل قوماندان خۋاجە مەرادنىڭ اىغاغچىلرى وادى بۇلىپ دەيدىپ يورېدىلر. اولردن ايرىملرى بۈكۈنگى يىغىلىشە ھەم بار بۇلسەلر عەجب اېمىس. بىر كۈن بارىپ بىزدن اونگە چۈغۈللىك قىلەدىلر.

- چۈغۈللەردن كۆپ ايمىقىپ اۆلتىرەنگ سراجالدىن، اولر ھەر يېردە اۋز فەتەلرېنى قىلەدىلر. خۋاجە مەراد جاھل بىر انسان ھېچ ايش

قیلامەیدی. بیلەمن او بیزلرنی یاقتیرمەیدی. قۇلیدن کەلسە نفس تارتکنی ھەم قۇیمەیدی. خەلق بیزنی ھەمایت قیلەدی، بیزنی ھیچ بیر کیمسەگە ضریریمیز تېگمەیدی، خواجه مراد محلی خەلققە کۆپ جفا قیلەدی. خەلق اوندن ناراضی. یوزیگە بیر نېرسە ایتیشدن قۇرقەدیلر. اونینگ اۇلپانلری دەھقانلرینینگ غلە-دان محصولاتی-یو، باغ و چارباغلریدن عۇشر اۇندیریب، اونگە بېرەدیلر. بولر ملت نینگ بارو یوغینی اېشک اجریغنی کەمیرگندېک کەمیرماقدەلر.

- انە شو جاھللر و یامانلردن قۇرقیش کېرەک. یخشی بیلەسیز او بیر توزوک-قوروق آدم اېمس. «کۆزینگ اوستیدە قاشینگ بار» دېگنلرگچە اۇلیدردی. بیزدە «دشمنینگ پشە بۇلسە حذر قیل» دېگن خەلق مقالی بار.

- معلم! بېرنسەنی یخشی توشونەسیز، اصلی جھاد بیزینینگ قیلەدیگن حرکتیمیز. بو یۇلدە قران بۇلسک ھەم ارمانیمیز یۇق. - «مرددن ایمان قوتولمەیدی» و - «چومچوقدن قۇرققن تریغ اېکمەیدی.» - دېگن حکمتلی گپلر بار. شاعرینە اۋز سۆزلریگە دوام اېتدیردی.

- ظلمت و آیدینلیک، جاھل و عالم اۋرتەسیدەگی کورەش اېندی تاپیلمەگن بو کورەش انسانیت تآریخیدە ھەر دایم بۇلگن و بوندن کەپن ھەم دوام اېتەدی. علیشېرنوایی ھەم اۋز دوریدە نادان-جاھللر طرفیدن قیینلگنی حقیقەدە کۆپ یازگن. بو مسألە اونینگ بیر بیتیدە منە بوندەی عکس اېتگن:

«خیل ظلمت رنجیغە توشگن صفا اھلی اېرور،
اویلە کیم تانگ تویغونی قالغی سوروک خۇفاش ارا.»

معلم، شاعرینینگ سۆزلرینی تصدیقلە او بیلن خیرلشیب اۋز اویگە جۇن بکەتدی.

قوماندان خواجه مراد مکتبلر فعالیتینی قیتە باشلەتیش حرکتیگە کیملر باش-قاش بۇلگن لیکلرینی سېزدی. شاعر و معلم حقیقی

خدمەتچىلەر صەفتىدە خەلق نىنگ ارداغىگە سزاوار بۇلگن انسانلار اېدىلر. بو احوال قوماندانگە ياقمىسدى. او اۋز ايغاغچىلر يىدن جاهلر و ظالملر خەلق دىشمىنلىرى اېكىنى و جاهللىرىنىگ يامانلىگى قەيدە ايتىلگن گېلرىنى اونىنگ قولايغىگە بارىب شىيشىگن اېدىلر.

ظلمنى يۇق قىلىب، ايدىنلىك ترەتىش اوچون ايگى شەمەدېك يانە دېگن، شاعر و معلم نىنگ قانىنى تۇكىشىنى اۋزىگە شوم مقصد قىلىب الگن خواجه مراد هر كوني پىچاق قىرر اېدى. اولرنى يوقەتىش اوچون رېجە چىزدى. او، بو ايشنى اۋز باشىگە قىلە الەمسلىگىنى يەخسى انگلردى. چونكە وادى قوماندانلىرى حرەكەتلىرىنى نظارت قىلە دېگن باشقە بىر كەتە قوماندانان هم بار اېدى. خواجه مراد پالوان كەتە قوماندانان رەخستى سىز چومچوقنى هم سۇيالىمس اېدى.

هەفتەلر و يىللر اۋتدى.

شاعر و معلم تاسىس اېتگن مەكتەبلر رونقەدە اېدى. يوزلب بالەلر سواد چىقىردىلر. آتە— آنەلر دللىدە فرزندلىرى كېلەجگى اوچون اميدلر نەاللرى كورتك آتە باشلەگن اېدى. شاعر و معلم نىنگ هم بونەدى حياتى و مەهم يوتوقلر كوندن كونگە مەھيا بۇلەياتكەندىن كۇنگللىرى باغ گلەدېك چەقنە تورردى، لېلر يىدن تېسىم ارىمىسدى.

خواجه مراد قوماندانان كەتە قوماندانگە قندەى قىلىب اولرنى يامانلەب، دىشمەن كۇرسە تېب، شاعر و معلم قەتلىگە رەخست الەسم اېكن دەب، چەم— چەلمب يورگن اېدى.

تۇستەن بىر كوني كەتە قوماندانان خواجه مرادنى چەقىرىب قالدى. اونگە بەضى بىر ايش— يوموشلر تاپشىردى. خواجه مراد انچەدن بېرى دلەدە توكىب يورگن فەتەسىنى باشقەلر حەمورىدە ايتە الەمەى كەتە قوماندانگە قەرب — قەتلىراق آواز دە — «سىزدى اۋزىگە ايتە دېگن گېلرىم بار اېدى،» — دەدى، تومشىغى بىرنى چۇقىلەب. كەتە قوماندانان اونى پەسخانەگە اۋتەشگە اونەدى. ايكىسى چەمەسى يىرىم ساعەتچە يەكە— مە يەكە گېلەدىلر، شو آنەدە بىرىنچى بۇلىب كەتە قوماندانان الەدىراق آرقە سىدن

خواجه مراد چیقدی۔ یو، رخصت سؤرہب اؤز قرارگاہیگہ یؤل آلدی۔ او، باش قومانداننی، شاعر و معلمنی قوماندانلر حاکمیتیگہ ضد فعالیتلر آلیب باره یانتگنلیکلریگہ اورغو بېریب، تېزده آرهدن یؤق قیلینمس اپکنلر، قوماندانلر دوریغیگہ رخنه سالیشلری ممکن لیگیگہ ایسانتیرگن اېدی۔

یاشینی یشهگن شاعر سراج الدین معلم بیلن هفتهده ایکی مرته مکتبلرنی یقیندن کوزه تیب، یوتوقلر و کمچیلیکلرنی اؤرگنردیلر۔ هفته۔ نینگ باشقه کونلری شاعر عبدالعزیز بیللر دوامیده یازگن شعرلرنی دیوان توزیش بیلن مشغول بؤلردی۔ تورکی خلقلر تأریخیگہ تېگیشلی یازوولرینی کتاب قیلیب نشر اېتیش اوچون قیته کؤریب چیقماقده اېدی۔ او، بیر زمانلر نشر اېتدیرگن نوایی نینگ "محاكمة اللغتين" اثریدن سقلب قالگن اؤتیز۔ قیرق جلد کتابنی تېکینگه کتابخانه لرگه ترقتیش نیتیده بیرچېتگه چیقیریب قؤیگن اېدی۔

شاعر شو آنده خانهگه کیریب کپلگن تونغیچ اؤغلی باتیرگه قره ب: - انچه دن بېری اویگه سودا کپتیره دېک۔ آنهنگ همه نرسه تونکنگ، - دېدی۔ بیران کپره کلی نرسلرنی ساتیب آیشگه چؤننگیمده آرتیقچه اقچه یؤق۔ رۇزغاردی تگی کؤرینه ی دېب قالگن۔ باغدی اوزوملری یخشی یېتیشیب پیشگن۔ تورت سېت اوزوم اوزیب، گریوان بازاریگه اېلتیب ساتسنگ، کته پول بؤلهدی۔ شو پولگه چای، صابون، گوگرد، بیر یاغی و باشقه کپره کلی نرسلرنی آلسنگ بؤلهدی۔ قچاندن بېری قرانیمیرده گوشت قینهگن۔ بیر کیلو یخشی قؤی گوشتی هم آلیب کپ، - دېدی ملا عبدالعزیز سقالینی سیلب۔

شو چاغلرده خواجه مراد اونی و قدردان دوستی سراج الدین قانینی تۆکیشگه شیلنه یاتگن اېکن۔ سلّه کپلتیر دېسه کله کپلتیره دېگن قانخور الهامان جلالدری قیشلاقده، کوچه۔ کویلرده اولرنی پیلب یورگن اېکنلر۔ بوزوق نیتلی الهامانلر دیوارلر آرتیده ساعتلب پیستیرهده تورردیلر۔

شاعەر بىر كۈنى قىسى بىر يۈمۈش بىلەن شەرگە جۇنۇب كېتىگەن ۱۱۲،
 ايككى – اوچ ساعەتچە اويپىردە قالدى، كېيىن قارە اېشىگىنى اوزنگىلېب
 اېشكە مېندى. شو آندە ولايت نىنگ معارف اداره سېدە اۋزى تأسىس
 اېتىگەن مەكتىپلەرنى درسلىكلەر بىلەن تامينلش تۇغرىسىدە گېيىر ماقچى بۇلگىنى
 اېسىگە توشدى. – «اېندى قالدى، باشقە مرته كېلەم بو حقدە
 بىخەشە من،» – دېدى، اۋزىگە اۋزى. اېشىگە مېنىب ائىب اويىگە قرەب
 يۇل آلدى. ذھنيدە موھوم بىر مائوسلىك چادر تىك كندەى اېدى،
 كۇنگلېدە سېبى انىق بۇلمەگەن بىر غىشلىك روحنى قىيىر اېدى. او،
 دىوارلەر سايلەلرى غرىدن شىرققە آغدرىلگەندە شەردن چىقىپ، سووى
 قورىب قالگەن دريا يانيدەگى يۇلدەن اېشىگىنى ھىدب بارماقدە اېدى.
 سۇل تامانى ققرەب ياتگەن تاشلاق، اۋنگ تامانيدە ھر خىل درختلەر
 اېكىلگەن، كۇزگە تىشلەدىگەن كۇمكۇك باغلەر يىشلىگى كۇنگلەرنى
 قىوانتيرىر اېدى. شاعەر اېشىگى بىر باغ اىچىدە يۇل ياققە سىدە پىستگىنە
 دىوار آرتيدە پىستىرمەدە ياتگەن مىلتىقلى جالادلەر بارلىگى سېزىب
 پىرغىلېب ھوركدى. عبدالعزىز پىقمەدى. اونىنگ آرقە سىدن شەردن
 قىشلاققە قىتىگەن بىر تودە آدمەر تىز – تىز بىباو يۇل باسىب، كوچە
 توپراغىنى چىغىتىپ كېلە ياتگەن اېدىلەر. بوندى بىر وضعىتدە شاعىرنى
 نشانگە ائىب اونگە اۋق آتىشنى مناسب بىلمەگەن جالادلەر، استەگىنە باغ
 تامان آرقەگە چىكىندىلەر. – اوففف، بوگون ھم آق قۇلدەن كېتى، – دېب
 قۇيدى استەگىنە مېنغىلېب اولردەن بىرى.

ملا عبدالعزىز اويىگە يېتىپ باردى. كتە اورىك درخت سايلە سىدە
 تۇشب قۇيىلگەن جايدە اوزەلېب ھاردىق چىقىردى. كۇزلەرى مورگىب
 اوخلىب قالدى. اويقوسىدە بىر توش كۇرەدى، توشىدە، بىر نېچە
 قوزغون باغدە قنات قاقىب سىرەب يورگەن تورلى قوشلەر خىلگە
 قىويۇلۇپ، اولر آرسىدن ايككى بى آزار موسىچەنى چىنگلەرىگە ائىب
 كېتەدىلەر. شاعەر اويقودەن پىریشان حال اويغانىب توشىنى يىخشىلىككە
 كۇرمىسلىگىنى حس قىلدى. كۇرگەن توشى تۇغرىسىدە ھىچ كىمگە

سؤز آچمەدى، اؤرنیدن توریب، حویلی تۆریدهگی سوپه تامان باریب، سوپه اطرافیده چقنب تورگن آق و قیزیل جیرینند، باغ گلی، نرگس و نیلوفر گللرینی سیر قیلدی. نرگس گللرینی تۆیب- تۆیب هیدلهدی. او هر ابرته تانگده بامداد نمازینی اوقیب، قرآن تلاوت قیلر ابدی، ابرته باله لرینی دسترخوان اطرافیکه جمعلب اولر بیلن چای ایچدی، باغی نینگ یتیشیب پیشگن حُسنی و صاحبی اوزوملریدن تناول قیلدی، سلّه سینی چوبه تیب، قیته اؤره دی. ینه اؤز خانه سیگه کیریب کتابلرینی آغدر- تۆتر قیلیب نیمه نی دیر اخترر ابدی. قنچه سپر مه لب اخترمه سین تاپالمه ی. شو آنده حویلی دروازه سی تقیله دی، کؤیلکچن چقیب دروازه گه باردی. قره سه قوراللی اله مانلر.

- بوکون قرارگاهده کته بیر مجلس اؤتکزله دی، سیزنی قومامدان صاحب چقیرگن.

شاعر ایکیلنمسن - «اونده کینیب آله ی کپته میز»، - دپ، اؤنگ آیاغینی دروازه نینگ تداریدن ایچکریگه قؤیدی، شو آنده اؤغلی جبدوغی بیلن تۆننی کپلتیریب بپردی، شاعر ایلگری اله مانلر اونینگ آرتیدن یؤلگه توشدیلر.

جاهل اله مانلر ملا عبدالعزیز نینگ آق سقالی و کپکسه لیگیگه پروا قیلمه ی، تپز- تپز جدللب اوندن ایلگریب یورردیلر. شاعر کوچه نینگ بوریلشیدن قوماندان خواجه مراد قرارگاهیکه باره دیگن یؤلگه بوریلدی، اما عسکرلر اونى مکتب سری یوریشنی ایتدیلر. شاعر، مجلس بلکه مکتبه اؤتکزیلر، - دپ اؤیله دی، اونینگ کؤنگلی بیرار شوم واقعه یؤز بهریشیکه گواھلیک بپردی. مکتب دروازه سیگه یتیب باریلگنده، اوندن مکتب بناسی و قیشلاق شمالیده بیرلشگن کته کپنگ میدان سری یوریشینی سؤره دیلر. کون توشگه یقینلشه یاتگن ابدی. میدانده تیریک جان کؤرینمس ابدی. شاعر جلا دلر قؤلیده هلاک ایتیشینی اېندی ایشانگن ابدی. او اله مان تیرانچه لر دن ایکی رکعت نماز اوقیشگه رخصت سؤره دی. شو آنده قوراللی جلا دلر دن بیرى: -

«شونچە اۇقىگن نمازىنگ يېتەدى، - دېب، يانيدە الەمانلردن بېرىگە -
 «هە، نېمە گە قرەيسن، آتەنگ بۇلەمى؟ آت! - دېدى. آتلىگن اۇقلرنىنگ
 سېسى فضاگە اۋرەلدى، بېر لحظەدە كۆكسى بېلن بېرگە اورىلگن
 شاعرنىنگ پېكرىنى كۆكلب اۋتگن اۇقلر يارەلرېدن آققن قىزىل قان ھلى
 ساوومەگندى.

ھر يېل بھارلردە قىشلاق نىنگ مکتى بېلن توتش ميدانيدە
 بوغدايزارلر، يم-يشىل ميسەلر و ھر خىل ياواى گلر و قىزغىلداقلر
 كۆركىنى كۆز-كۆز قىلر اېدى. بو بېر نىنگ بھارگى طراوتيدن
 الھاملىب عجاب شەرلر يازگن شاعر نىنگ جانسىز جسدى انە شو
 ميدانيدە سولەيب ياتگن اېدى. بو ھلى فاجعە نىنگ سۇنگى اېمس
 اېدى. جلاد الەمانلر معلم سراج الدىن نى ھم اوويدن چىقىرىپ قىلگەگە
 آلب كېلدىلر. او، دوستى نىنگ قانىگە بۇيەلىب ياتگن پېكرىنى كۆرىپ
 قىتىق چۆچىدى. اۋزى ھم سۇنگى نفسلرېنى آلەياتگىنى پېقەدى.
 نېمە قىلىشىنى بىلمەى شھادت كلمەسىنى تېلىگە جارى اېتدى. او
 جلادلرگە بېر نېمەلر دېماقچى اېدى كە قانى قوروب، تىغەيى قاتدى،
 كۆكسىنى تېشىپ اۋتگن جاھل منقورتلر اۇقلرى سۇنگى سۇزلرېنى
 ايتىشگە مجال بېرمەدى.

ايكى مېربان دوست، ايكى معرفتپور معلم و ضيالى، خلق نىنگ
 جانكويىلرې بېر كوندە جھالت قربانىگە ايندىلر. وادى اھالىسى نىنگ
 كېلەجگىنى يارىتەدېگن ايكى شمع چراغ يانىشدىن قالدى. اوزلرنىنگ
 جسدلرې قبرستانلرېدە دفن اېتىلدى. جنازەگە كېلگنلر شاعر بېلن
 معلمنى كېم تاماندن، نېگە قتل اېتىلگىنى سېزدىلر، ھمە جېم اېدى،
 كېمە بېر نېمە دېمسلى.

بو شوم حادثەدن بېرچە وادى اھالىسى قىغۇ عمانىگە چۆككن اېدى.
 اولر خلقنى ايكى صمىمى خذمتچىدن اجرەلگنى باعث قىتىق خفە
 اېدىلر. اۋقوۋچىلر و اۋقوتوۋچىلر چانكويىر حامىلرېنى قۇلدن بېرگن

اېدىلر. اوچ كونگچە كۆپچىلىك اۇقۇوچى و اۇقتۇچىلر شاعر و معلمگە گە عزا توتىب مەكتەلرگە بارىشدىن چەكىنىدىلر.

بىركونى سوادسىز محلى دلە قوماندانلردىن بىرى اۋز قارگاھىدە كۆپچىلىك بىلن سۆزلەشىپ اۋلتىرگن اېدى. بو آرەدن بىر كىشى، شاعر ملا عزيز اۋلدىرىلگنى بارەسىدە سۆز آچىپ افسوسلندى. باشىگە قىمت بها غفورى سلە اۋرەگن، اېگنىدە ينگى پلنگى جەمپەر كىيىپ آلگن قوماندان قىوم، شاعر اۋلەمىدىن سۆز آچگن كىشىگە قرەب تاماغىنى قاقلى-دە: - «نېمە دېيىسىز اوکە! بو انقلابدە هر قىسى سى بىر شەرگە ارزىيدىگن يوزلب سىتنگ يىگىتلر اۋلىب كەتدى. اېندى بىر شاعر هم اۋلسە اۋلدى - دە،» - دېدى، سگرىتىنى ياندىرىپ.

اسلام آباد. . ۲۰۲۰. سەتەمبەر. ۰۵

اۋجەى گردان

بىر نېچە يىلدىكى مەلا تۆرە دەخا خوانلىك و قەسىدە خوانلىك قىلەدى، طالع كۆرەدى، بەختى باغلىقلىرىنىڭ بەختىنى آچەدى؛ جادو بۆلگىلىرىنىڭ جادوسىنى تاپەدى. يىگىتلىرى، قىزلىرى، عىلاللىرىنىڭ ھەر قەندەى مشكىلىنى بىر طرف اېتىشىگە ياردەم كۆرسەتەدى. او بو ايشلىرىنى جنلىرى آرقلى عملگە آشىرىمىش. مەلا تۆرەنىڭ شەھردن شەھەرگە، ولايتدن ولايتگە دانگى كېتىگن. حويليسى اېرتەدن كېچىگچە آدملىرىدن تۇلە. كىم دىر مەلا تۆرە نىڭ اويىگە قارە تاووق آلب كېلەدى، كىمدىر سۇيىشلى جىلغ اېلتەدى، حويليسى نىڭ قۇيخانەسى قۇي اېچكىلىرىدن بۇشەمەيدى. او جنلىرى خورسند قىلىش اوچون قان چىقرەدى، تاووقلىرى و جىلغلىرىدن سۇيەدى. كېلىب تورگن قۇي، اېچكىلىرىنى بازارگە چىقىرىپ ساتەدى. ساتەمسە كېلىپ تورگن جىلغلىرىنى اسرەشىگە جاي تاپە آلمەيدى.

باي بدولت سوداگرلىرى، تىجارىتلىرى رونقى اوچون اونگە يوزلنەدىلەر. خاندانلار دە يۇقالگن قىمەت بەنا نرسەلەر— آلتىن بو بوملىرىنى تاپىپ بېرەدى. مەلا تۆرەنىڭ اوشبو حركىتلىرى ھەمەنى حىرتلىتىرگن اېدى. كىم دىر اونى جنلىرى بىلەن علاقەسى بارلىگىگە ايشانىپ، جنلىرى اونىڭ خىزمىتىدە اېكىنى ايتىدىلەر. ايرىملىرى اونىڭ بو ايشلىرىگە شەك— شېبە كۆزى بىلەن قرەيدى. عوموماً عىلاللىرى فالگە، جادو و دعاگە كۇپراق ايشانىشەدى.

مەلا تۆرەنىڭ ھەر بىر ايشىگە جنلىرى شىرىك، او جنلىرىنىڭ ياردەمىسىز جادوللىرىنى تاپالەمەيدى. آدملىرىنىڭ باغلىگن بەختىنى ھەم آچەلمەيدى.

ملا تۆرەنینگ آنەسى اۆرىن كەمپىر اۆز وقتىدە فالچى و قاقىمچى بۆلگىنىگە قرەمەى، آنەسىنى اۆزىگە استاد دەپ بىلمەسدى. او، مېنىنگ استادىم جنلر دەيدردى. ملا تۆرە ياشلىگىدە بىر گروە جنلرگە مەھمان بۆلگىنىنى ايتدى، اونىنگ روایت قىلىشىچە:

قىسى كېچە بىر گروە جنلر سېھىلىرى كېلىپ ملا تۆرەنى آلىپ كېتەدىلر، اوويدن انچە اوزاق و نامعلوم بىر يېرەگى وىرانەگە آلىپ بارەدىلر. بىر كتە گروە جنلر بزم قىلە باتگن اېكن، جنلر اردىلىرى صف- صف قۇللىرىنى كۆكسىگە قاووشتىرىپ تورگن اېكن. اولر يېرىم بوكىلىپ، "خوش كېلىسىز" - دەپ ملاگە حرمت قىلەدىلر. حوىلى ميدانىدە قىزىل - سىرىق لباسلر كىيىپ، بېزەنگن قىز ھىكلىدەگى جنلر، ھند رفاصلەرىدېك عجابى شوخ سازلر آھنگىدە رقص قىلر اېكنلر، ملانى جنلر نىنگ قىرالچەسى يانیدە اۋتىرغىزەدىلر. تورلى اۋقتلر تىناول قىلىنەدى، آخردە جنلر قىرالچەسى ملا تۆرەنى علیحدە بىر يېرگە اۋتقزىپ، اونگە - «بىز آدملردن اۋزىمىزگە ھەكار آلىش اوچون سېنى تىنلەدىك، سېنگە قىيىنلار ياردەم بېرىشگە وعدە بېرەمىز. سېن ھەم بىزنىنگ قاعدەلریمىزنى بوزمىسلىككە حرمت قىلەسن. دايم تاپ - تازە بۇلىپ يورەسن، حرام يېمەسن. آق كىيىم كىيەسن - دېگن، - اگر بىزنىنگ قاعدەلرنى بوزسنگ بىزدن كتە ضرر كۆرەسن،» - دەپ آگاھلىتىرگن. ملا جنلردن آلگن سباقلىرى و باشقە سىر - اسرارىنى فاش اېتىشگە جنلر قىرالچەسى تامانىدن اونگە رخصت بېرىلمەگنى تۇغرىسىدە سۆزلەدى. اۋشە كېچە نىنگ اۋزىدە جنلر عسكەرلىرى اونى اويىگە بېتكىزىپ قۇيگنلر.

ملا تۆرە اۋرتە بۇلىلى، تېپسە تېرەنمەيدىگن كەم گپ آدم اېدى. او دىندن ھەم كۆپ نرسە بىلمەسدى. اما قۇلىدن يوزدانەلىك تىسېخنى توشىرەمسدى، آق لباسدە يورىپ، اۋزىنى دىن عالمى كۆرىنىشىدە نمایان اېتردى.

ايچكى اوروشلار بىللىرى شەرلەر و قىشلارلار محلى قوماندانلارنى قۇلىدە اپدى. هر اويدە بىرته يا ايكىته مىلتىق بار اپدى. شمس الله باي قوماندان نىنگ قۇرىقچىلاريدىن بىرى نىنگ كلاسنىكونى تونده اوخلاب قالگنيدە يوقالدى. باي نىنگ يوقالگن قورالنى تاپىش اوچون قىلگن سعى و حركىتى نتيجه سىز توگەيدى. فالچىلارگە فال هم كۇرستەدى، قۇرىقچى عسكرلارنى قىمە تىب، كلتكلاب جزالهيدى، ليكن قورالنى تاپىشگە اولگورمەيدى. يورەگىگە ساووق سوو اورگن قوماندان كونلردن بىر كوني ملا تۇرەنى اپسلەدى، او يقىنلاريدىن خىر اكه گە:

- سۇنگى مرتە ملا تۇرەدن ياردم سۇرەيمىن، يوقالگن كلاسنىكونى تاپىشگە بلکہ او ياردم بىرر، - دېدى.

ملا تۇرەگە اخلاصى بلند بۇلگن خىر اكه:

- ملا تۇرە نىنگ جنلرى كۇپ زبردست، تنفنگدى بىردە بۇلسە هم گوردە بۇلسە هم تاپەدى، - دېدى.

شمس الله قوماندان خىر اكهنى اوز موتريدە ملا تۇرەنىنگ آيب كېلىش اوچون شەرگە جۇنتدى.

خىر اكه بىر ساعت اوتر-ؤتمس ملا تۇرە نىنگ اويىگە يېتىب باردى. ملادن قىشلاققە او بىلن بىرگە كېتىشىنى و قوماندان نىنگ يوقالگن مىلتىغىنى تاپىپ بېرىشىنى سۇرەدى. ملا تۇرە اوچ-تۇرت عيالگە طالع آچىپ مشكللارنى برطرف قىلگنيدىن سۇنگ قىشلاققە جۇن ب كېتىشىگە راضىلىك بىلدىردى.

خىر اكه تخمىنن ايگى ساعت كوتدى. ملا تۇرە عياللارنى كوزە تىب قويدى، ايچكرى اويىگە كىرىپ يىنگى آياق كىيم كىيىپ چىقدى-دە، خىر اكه بىلن موترگە مېنىب قىشلاققە جۇنە دىلر. يۇلدە ملا تۇرە خىر اكه دن واقعه قندە يوز بىرگى تۇغرىسىدە معلومات بېرىشىنى سۇرەدى. خىر اكه اېشىتگن بىلگنلارنى بىر مە- بىر اونگە ايتىپ بېردى. اولر مسجد ملاسى آدان ايتە ياتگنيدە قىشلاققە كىرىپ باردىلر، ملا تۇرە عصر نمازىنى قوماندان نىنگ مېمانخانە سىدە اوقىدى، كېين بىر

پيالہ چای ایچیب قوماندان شمس اللہ بای بیلن کوچہ گہ چیقدی. دروازہ نینگ آلدیدن بیر کیچیک اریقده سوو تینمہی آقردی. ملا تۋرہ اریق بۋییدہ چۋنقہ ییب اۋتیرییب، قۋلرینی اریق سوویگہ یوودی. سۋنگ اریغ بۋییدہ اۋسگن یاوایی یلپیز، و پودینہ لرنی قۋلی بیلن کوچہ نینگ تۋزیب یاتگن تۋیراقلری اوستیگہ سیپہ باشلہدی، بو گیاہلر نینگ عجایب ایفاری بار اېکن، - دېگن ملا تۋرہ قۋلیگہ اۋرنشگن پودینہ ایسینی ہیڈینی هر لحظه ایسکب قۋیر اېدی. ملا تۋرہ قوماندانگہ:

- کلاشینکوفنی کیم آلگنیگہ گمانسیرہ یسیز؟

- "گمان ایماندن اییرہدی" دېدیلر. هیچ کیمنی متهم قیلگیم کپمہیدی، بیتگن سلاحنی اېندی سیز تاپیب بېرسیر - دە، شو اوچون سیزنی بو بېرگہ دعوت قیلدیم.

ملا تۋرہ کیسہ سیدن تسییح سینی چیقردی. قۋلی تسییح تشلسہ - دە، لبرلی بیر نرسہ لرنی شیبیردب اۋقیماقدہ اېدی. او، بیر آزدن سۋنگ اۋرنیدن توریب.

- تشویش قیلمنگ اېرتہ گہ کلاشینکوفینگیزنی تاپہ من بای اکہ. کوچہ دن دھقانلر قارہ ماللرینی ہیڈب اۋتردیلر. قیشلاق فضا سیدن یاغدو لشکری کۋچماقدہ اېدی. سل اۋتمہی، قارانغولیک نینگ قارہ قوزغونۇ چۋکلدی. ینہ مہامانخانہ گہ باردیلر. شو آندہ ملا تۋرہ خیر اکہ گہ قرہب:

- یریم ساعت آلدین میلتیغنی آلگن آدم قیسی بیر باغدہ اوریک درختی تگیدہ اۋلتیرییب، تئفنگنی آلیب باریب بېرسم می - بېرسم می؟ - دېب اۋیلب تورگن اېدی. خاطر جمع بۋلینگ یوقاتگنیگیزنی تاپہ سیز بای اکہ، - دېدی شمس اللہ بای خیالینی تینچیتماقچی بۋلیب. دسترخوان یازیلدی. پلو - قۋرمہ، کباب و تورلی ناز و نعمتلر کپلتیریلدی. کپچکی اۋقت ییلگچ ملا دسترخوان دعاسینی قیلدی. چای ہم ایچیلدی. شمس اللہ بای ینہ ملا تۋرہ دن:

– سىزگە بو جنلر قندهى ياردم بېرهدى؟ – دېب سۆرهدى.
 – باى اكه، بو نرسه هلى سىر قاسىن. مېن بىلن جنلر اۋرتەسىدە يازىلمەگن بىر شرطنامە بار. انه شو شرطنامە اساسىدە بىر-بىرىمىزگە همكارلىك قىلەبىز. جنلر همه بېردە اىزغىب يورگنلر. آدملر ايشلر و احوالىدن خبردار، – دېدى سىماسىدە قندهى دىر بىرغرور جلوهلنىپ.
 كېچە هم كېتە ياتگن اېدى. ملا تۆرە نىنگ كۆزى قىلغىدى. او، خىر اكه گە: «مېنى بىر خانەدە يالغىز قۇيەسىزلىر، بىر كتە تباققە قازان كويە هم كېلتىرىپ بېرىنگلر، – دېدى. خانە دە اۋتىرگنلر نىنگ هر بىرى نىنگ خىيالىدە – «ملا بىرىم كېچەدە قازان كويەنى نىمە قىلر اېكن؟ – دېگن سوراق پىدا بۇلدى. اىرىملر: – «بلكە قازان كويەنى سووگە قۇشىب خط يازر» – دېگن خلاصە گە كېلگن اېدىلر.

كېچە كېچ بۇلگن اېدى. بىر پلاستىك خلتە گە سالىنگن قازان كويەنى ملاگە كېلتىرىپ بېردىلر. او، قازان كويەنى آلىب علىحده خانە گە كىرىپ كېتدى. آلدىدەگى اركىن چراغ پىلتەسىنى پست قىلىپ قۇيدى. استە گىنە تىز چۇكىب، اىلگىرگە خم بۇلدى. باشىگە كتە كتان قۇيغەسىنى سالىدى. خىر اكه و شمس الله باى آيىنەدن مورەلردىلر. لىكن اونىنگ نىمە قىلەياتگنى عىان اېمس اېدى. خىر اكه بىلن قوماندان هم بارىب اوخلەدىلر. ملا تۆرە نىنگ قىچان اوخلەگىنى كىشى بىلمەدى. ملا اېرتەگە نىمە قىلر؟ اېكن دېگن اۋى او بېردەگىلر فكىرىنى مشغول قىلگن اېدى.

تانگ آتدى، قوياًش بىر و كۆكدە آلتىن قناتىنى يايىب بارماقەدە اېدى، شمس الله باى و باشقەلر ملا تۆرەدن معجزە كوتردىلر. ملا قومانداندىن برچە قۇرىقچى عسكەرلىرىنى بىر بېرگە تۇپلىشىنى سۆرهدى. تېشىك تويونگى بۇلمەگن قارانغى بىر پادە خانە و بىر توكى باشقە رنگدە بۇلمەگن قاپ – قاره اۋجەى (بوزاق) تاپىنگلر، – دېدى. شمس الله باى قۇشنى سى نىنگ حويلىسىدە قارانغى پادە خانەسى بار اېدى.

قارە بوزاق ھەم تاپدیلەر. قارە بوزاقنى نىمە قىلەسىز؟ - دەپ سۆرەدى خىراکە.

- "اۋجەى گردان" قىلەبىز.

- يا توبە "جام گردان" دى اېشىتگن اېدىك، "اۋجەى گردان" دى اېندى اېشىتە بىز.

ملا تۆرە اۋرنىدن تورىب قىطىفەسىگە اۋرەندى. - دە، كېچە اۋزى يەك بارگن خانەسىگە كىردى، تېزدە او يېردن چىقىپ قۇشنى نىنگ حويلىسىگە قرەب باردى. باشقەر ھەم اونىنگ آرتىدن باردىلەر. ملا تۆرە باشقەرلنى كوچەدە قالدىرىپ، اۋزى حويلىگە كىرىپ كېتدى. قۇشنى نىنگ اۋغلىدن بىر آبتابە سوو كېلتىرىپ، پادە خانە اېشىگى يقىنىگە قۇيشىنى سۆرەدى. سوو آلىب كېلگىچ اونى كوچەگە چىقردى. قارە بوزاقنى پادە خانەگە آلىب كىرگن ملا تۆرە ايكى - اوچ دىقەدن سۇنگ تشقىرگە چىقردى. او، قازان كويەنى بوزاق نىنگ سىرتىگە سېپىب چىققن اېكن. ملا آبتابەدەگى سوو بىلن قۇلنى صابونلەب يوۋدى. - دە، پادە خانە اېشىگىنى يايىپ، كوچەگە چىقردى. ھەمە اونى كوتردى.

شو پىلە "كېتى - كېتى" آوازى اېشىتىلدى. ايكى اېشكەكە سفال ايدىشلەر آرتگن كلال يۇل بۇيى "كېتى، كېتى" - دەپ جر سالر اېدى، - دەپگن ملا تۆرە:

- باى اكە بىزىنىگ ياشلىك چاغرىمىزدە بەھارلردە تاغلى حدودلردن "مىندە لاغ" قزىب كېلەدىگنلەر قىشلاغلردە "كېتى - كېتى" قىلىپ ساتردىلەر. آنەلرىمىز ساتىب آلگن مىندە لاغلرنى سوۋدە قىنەتەب قارە پوستىنى ارچىب مغزىنى بىزگە بەرردىلەر. بىز مىندە لاغلرنى چەينەب - چەينەب سقىچ قىلردىك، - دەپدى ملا تۆرە.

- كۆپ بىللردن بەرى مىندە لاغ كېتى كېمەيدى. اېندى خارجى سقىچ چەينەيدىلە، كىشى مىندە لاغلدن سقىچ قىمەيدى.

ملا تۆرە قۇرىقچى عىسكەرلنى صف قىلىپ اولردن قۇللىرىنىنگ كفىتنى آچىپ كۆرسىتىشلرنى سۆرەدى. سۇنگرە اولرگە قرەب:

– مېن ايچكرىگە كىرىپ پادە خانە اېشىگىدە تورەمن. سىزلىر نوبت بىلن بىرتە– بىرتە كېلىپ پادە خانەگە كىرەسىلە. او بېردە قارە بوزاق قەملەگن. راست قۇللىرىز كىتتىنى بوزاق نىنگ سىرتىگە سوركې چىقە- سىزلىر. هر كىم كلاشنىكوفنى اۋغىرلەگن بۇلسە قۇلى بوزاق آرقەسىگە تېگىشى بىلن آق، بوزاق مرەب يوبارەدى، – دېدى.

ملا، پادە خانەگە كىرىپ چىققن عىسكىرلىرى كۈچە گە چىققنى قۇيمەدى، اولىرى حوىلى ميدانىگە يىغىپ توردى. اېنگ سۇنگى عىسكىر هم بوزاق سىرتىگە كىتتىنى سوركې چىقدى. بوزاق مغرەمەدى. ملا حوىلى ميدانىدەگى عىسكىرلىرى يەنە بىر صفدە تۇختە تىب اولردن قۇللىرى كىتلىرىنى آچىپ كۇرستىشلىرىنى سۇرەدى، عىسكىرلىرى بىرتەدن بۇلك همەسى نىنگ راست قۇلى نىنگ كىتتى قازان كويەسى بىلن قارە يىگندى، فقط بىرتە عىسكىر نىنگ ايكى قۇلى نىنگ كىتلىرى آق اېدى.

ملا تۇرە بىر آز ايلجەيب:

– باى اكە مأيوس بۇمەنگ تاپتىم، – دېدى.

اسلام آباد. ۲۰۲۲.۰۹.۱۱

گپ نینگ اېتگی نېردە؟

بېزىنىڭ قىشلاغىمىزدا اوستە ملە يىخشى گىنە دوردگر اېدى. او بو كسىنى محلە نىڭ تىنقىلى يىغاچ اوستەسى رحمتلى اوستە بۇرى دن اۋرگىنىپ قالگن. اۋن برماغى اۋن ھنر اوستە ملە يىغاچ اۋىمە كارلىگى - نىڭ ماھر استادى ھم اېدى. تورلى كۇرىنىشلردە انگرىزى اېشىكلر و كلكىنلر توزە تردى. چىرخ، حلاجى، تۇقىم، دوک و دوکبىزەلرنى ھم يسردى. اۋز اوستە خانەسىدە تانگدن كېچگچە قۇلى تىنەسلى. قىشلاق نىڭ كتە بايى دولت باى بىلن آشنالىگى بار اېدى. باى نىڭ نىڭى سالگن حويليسى اېشىك - كلكىنلرنى توزە تىب بېرگن اېدى. دىغىلمە حويلى نىڭ كتە قاپقەسىنى بىر آى دېگندە توت ياغاچىدن يسەگن. دولت باى نىڭ مھمانخانەلرىدە ايشلەگن اۋىمە كارلىك اېشىكلرنى اطراف قىشلاقلر حتا كە، شھردە مثالى يۇق اېدى.

دولت باى نىڭ آندە - سانە محللى حكومت نىڭ عملدارلرى مھمانلىك كە كېلىپ كېتە دېگن مناسىب مھمانخانەسى بۇلىشى كېرەك اېدى. قۇشخانەسى سالونىگە يانغاق ياغاچىدن بىر قطار اۋرىندىقلر و ضىيافتلردە تورلى طعاملر ايدىشىلرى تېرىپ قۇيىلەدىگن كتە صولتى مىز ھم ايشلب بېرگن اېدى.

ايكى سوروو قۇيى، گلەدە آتلىرى، تايلىرى، اېشىكلرى و خودوكلرى بۇلگن دولت باى نىڭ اۋنل ب جىرىب دىمە و آبى بېرلىرى، ايكى سوو

تېگىرمانى ھەم بار اېدى. وقت- وقتى بىلەن قالىن، گىلەم، كىنچە، زىغىز، قارە قۇل تېرىسى سوداگرلىكىنى ھەم قىلدى. دولت باي گاهىدە اۋز قىشلاغىدە بىر نەچچە كىشى الفتلىرى بىلەن خلوت قىلىپ اۋلتىرىشنى ياقتىر اېدى، اولردن بىرى اوستە ملە اېدى. دولت باي تېورەگىدە تۈپلەنگەن دوستلىرى قشاق آدملىر اېدىلر، اولر آرەسىدن فقط اوستە ملە قۇل محنتى حسابىگە رۇزغار تېرەتر اېدى.

قىشلاق خلقى نىنگ كۆپچىلىگى اۋزبەكلرنىنگ بىر اۋرۇغىدن اېدىلر. دولت باي اولرنىنگ كەتەسى اېدى. اىرىم حاللردە اونىنگ الفتلىرى بىر بىردە تۈپلەنىپ، قرته اۋىنردىلر. بعضى كەچەلر دۋمبىرەچىنى چقىرىپ، ساز قىلىپ، قۇشوق ايتدىرىپ، تانگ گەچە اوخلەمسدىلر، "بەچە" رقصى ھەم بۇلدى. دولت باي و اونىنگ تېورەگىدە دوستلىرى بەچە بازلىر اېدىلر. بەچە بازلىك اۋشە بىللردە اىرىم بىگىتلر و اۋرتە ياش آدملىر آرەسىدە بىر عادتگە اىلنگەن اېدى. اولر بو نا پسند عادتتى قىشلاق آدملىرىدن سىر سىقلب يورردىلر. اما ياش و قرى بولرنىنگ قىلمىشلىرىدن خبردار اېدىلر. دولت باي نىنگ قۇرقىشىدن كىشى بولرگە "بوزىنگە خالىنگ بار" دىيالمس اېدى.

"بەچە" نى قىشلاقدە ھەر كۈنى او بىر- بو بىردە بەكىتىپ يورردىلر. بىر تە- اىككىتە قۇرىقچى اونىنگ خىزمىتدە بۇلدى. كەچە ايتىلگەن قۇشخانەگە ائىب كەلدىلر. "بەچە" گە، كەتە بايلرگە ھەر دايم ھەم مىسر بۇلمەيدىگەن بىمكلر مەھيا قىلدى. "بەچە" نىنگ ائىلىك پولى دولت باي و اونىنگ اوستە ملە كىبى بىپاكلرى چۈنتىگىدن چىقىردى. بۈندەى خوجتلىر دولت باي گە چىبىن چىقنچە بىلەنمىسدى؛ اما اوستە ملە و باشقەلرنىنگ خۇلقىنى تىگ قىلگەن اېدى.

"بەچە" باز گروھىدە بۇلگەنلرنىنگ قىلىپ يورگەن ايشلىرىنى اولرنىنگ تورموش اۋرتاقلرى ھەم سەزىپ قالگەن اېدىلر. اوستە ملە نىنگ خاتىنى بەغە نىنگ يورەگى يارىلر چەمەسىگە كەلگەن اېدى. او بىر نەچچە كۈن تىشىنى قىسدى، بىر ھەفتە، اىككى ھەفتە چىدەدى، آخرى يارىلدى.

بغده بیر کونی ابرته لب آتہ سی نینگ اوییدن کھلتیرگن قشقری چاینگ کہ چای دملب، ابری-اوستہ ملہ نینگ آلدیگہ کھلتیریب قویدی، دسترخوانگہ ارپہ نانی بیلن بیر سیقیم قیزیل مئیزدن باشقہ نرسہ یوق ایدی. بوندن آلدین ابرتہ نینگ چایی قاوورداغسیز تناول قیلینمس ایدی. تاووق تخمی، قیماق، سوت یا کہ چوچوک قتیق بؤلردی، بو نرسہ لردن درک یوق ایدی. اوستہ ملہ ینہ بیر ایگی دقیقہ کوتدی، باشقہ نرسہ کھلتیریلمہ دی. او خاتینگہ قرہب:

- نیمہ بؤلدی، بو ابرتہ چپ یاقینگدن توردینگمی؟-
دسترخوانینگ قوب - قوروق کو؟

- نیمہ بؤلر ایدی، سیز تاپکن توک کنیزدی "بچہ" گہ بیدیرینگ، مہن دسترخوانیزدی تولدیرہی-آ، اویلمہ یسیزمی؟ بچہ باز بؤلشیزدن آلدین ہر کون اویدہ قالبب کچہ-یو، کوندوز اوستہ خانہ ییزدہ ایشلر اہدیز. حلال رزق- روزی تاپیب بیرردیز، قؤلیم خمیرگہ باتردی. خیر و برکہ بار ایدی. نہچہ آیدن ببری ایشنی ہم ییغیب قویدیز. بیر نرسہ ساتیب آلہی دہسم بیر قیران یاغ. آمباردہ بوغدا، سناچدہ اون قامہ گن. عیال باشیم مینن اہندی دنیانینگ چہتیدن کیرگن تورتتہ بالہ منی قندہی باقہ من؟ بیر آز خدادن قورقینگ بندہ دن شرم قیلینگ،- دہگن بغدہ قرسی نینگ اؤنگیری بیلن کؤز یاشلرینی اریتہ باشلہ دی.

خاتینیدن اوشبو اچیق حقیقتلرنی اہشیتیشگہ برداش بپرہ آلمہ گنہ اوستہ ملہ نینگ عصبی بوزیلیب جہلی چیقدی، منگلہ یینی چیتیب قوئیدہ گی پیالہ نینگ ایسیق چایینی تورموش اورتاغی نینگ یوزیگہ سہپتی.

- خاتین بی عقل بؤلہ دی،- دہب بیکارگہ ایتمہ گنلہ. سہن یخشی خاتین بؤسنگ ابرینگ نینگ یوزیدن آلمسدینگ.

تورموش اورتاغی اوستیگہ تیشی گز- گز بؤلدی، اچییگہ چیدہ- آلمہ ی، اؤرنیدن توریب برندہ نینگ دہواریدہ آسیلگن قمچینی آلدی- دہ، بغدہ نینگ باشیگہ و سیرتیگہ بیر نہچہ قمچی سییریپ سالدی. شو

آندە ياشىگىنە قىزى ھاجر چاپپ باريب آتەسى نىنگ آياغلىرىگە ايزىلېب يىغلب ياپىشىدى. او، - «آتەجان! آنەمدى اورمنگ، گنايى ياغ» دېپىشى بىلن آق، ايكي قىمچىنى اونىنگ آرقەسىگە ھەم تېگدى. ھاجر - اۋلدىم، - دېب چىرقىرەب، بۇگجك بۇلدى - يو، اۋزىنى آتەسى نىنگ آياغلىرى آستىگە تىشلەدى.

اوستە ملە اچىغى ترقب قىمچىنى بىرنە نىنگ بىر تامانىگە آتدى - دە، تۇنىنى يېلكەسىگە آلب حويلى نىنگ دروازەسى تامان يوردى. بالەلرى - نىنگ نەرت تۇلە كۇنگىللىرى سىقىلىب، بىر گوشەدە قىرغى تېپىگن چومچىقلردېك تىترەب، ايزىلېشىپ يىغلىرى اېدىلر.

بغدە نىنگ باشىگە ايكي قىمچى ضىرەسى تېك كندە اونىنگ لاجورد رنگلى ايپك قىرسى باشىدن توشگن اېدى، او قىرسىنى آلب باشىگە سالماقچى بۇلدى، شو آندە مامىش، يىشىل و سىرىغ رنگلردە تومارچە گللىر تىكىلگن عرقچىنىنى تۇغرىلەيمەن - دېب قۇلىنى باشىگە اېلتدى، قۇلى قىمچى ضىرىدن مىنگلەيى نىنگ يانغاقدېگ شىشىگىنى سېزدى، او يىنە يىغلىدى، خورسىنىب - خۇرسىنىب يىغلىدى، بالەلرىنى بىر - بىر يوز و كۇزلىرىنى اۋپدى. اېندى تىلگە كىرگن كىچكىنە قىزە لاغى عايشە: - آنەجان! آتەم سىزى يىمە يە اودى؟ - دېب سۇرەدى.

- آتەم دېمەيلە، آتەلر يىغ. اۋزلىرىز كۇردىيلە، قۇلى سىنىب يانىگە قاگىر مېنى بى گناە بى خطا قىمچىلەدى. خدا كۇرىب تورىبىتى. آتەنگدى بىر نېچە خدا اورگن دوستلىرى يۇلدن آزدىرگن. او، آلدىنلىرى مونداغ اېمىس اېدى، بىر نېچە نرغۇلگە قۇشىلىب شونداغ بۇلدى، - دېدى.

حوت آيى نىنگ آخىرلىرى، بھار ھواسى اېدى. بىر مىحل غىرب تاماندن كۇترىلگن قارە بولوتلر چىقماقلىر چقىب ياغە باشلەدى. گولدىوراس اورگن قويوق بولوتلر قويگن يامغىرلر ھەمە ياقنى سوودن تۇلدىردى. بغدە مېر يالقىنلىرى ترەلىب تورگن كۇزلىرىنى بالەلرى نىنگ كۇزلىرىگە تىكىب چوققور بىر آھ چېكتى - دە، - قرەيلە، ظلمگە آسمان ھەم

چیدالمەدى، بىزدى حاليمىزگە بولوتلر ھەم يىغلەدى، - دەپدى - يو، اچپىغ المىنى بىر اۋزى يوتىشىگە مجبور بۇلدى.

آنەسى قىزى زھرانىڭ كۈيلىگىنى كۈتۈرۈپ قرەسە قمچىسى تېكەن جايلرى قارەيبىب كېتىگن اېكن. قىزى نىڭ سىرتىدە يارەلرنى كۈرگىچ - يوزى پىسە بۇگىر شوگىنە گودككە ھەم رحم قىمەدى، - دەپ اېرنى قرغىنى باشلەدى.

قىشلاق نىڭ آقسقاللىرىدىن كتە مسجىدنىڭ بىرنەسەيدە بىر - ايكى كىشى دوستلرى بىلەن سۈزلىشىپ اۋتيرگن دۈريغ صوفى اوستە ملەنى كوچەدىن اۋتېب بارەياتگىنى كۈرۈپ قالدى - يو، اونى اۋز يانىگە چقىردى. اوستە ملە سلام بېرىپ دۈريغ صوفى نىڭ يانىگە بارىپ اۋلتىردى. حال - احوال سۈرەشدىلر. دۈريغ صوفى اوندىن قەياققە كېتە ياتگىنى سۈرەدى.

- صوفى عمكى، اويدە بوغداى توگەگن، دولت باىدىن بىر - ايكى قاپ بوغداى تقاوى آسم، - دەپ بارە ياتگن اېدىم.

- سېن اۋن قۇلى گل مشهور ياغاچ اوستەسى سەن. بو كىسىنىڭ خوار قىمەسنگ سېنى خوار قىمەيدى. اېشىتىشىمچە كېنىڭى وقتلردە دكانىڭدە يۇق سەن. قىلىپ يورگن نامەقول ايشلرىنگەن ھەم خېرىم بار، آدمى شىرمندە قىلەدى. قشاق، درېدر قىلىپ، قرىڭكە باتتيرەدى. قوم و قرىنداش، ھەمساپە - اۋغىل و خاتىن نىڭ آلدەيدە يوزىڭ بۇمەيدى. ھەم سېنگە نەرت كۈزى بىلەن قرەيدى. بىر كۈن سىزلەنى بندى خانەگە توشىشلىرىزدىن قۇرقەمەن. سېن مېنى ھزىللىشە ياتگىنىم يۇق. بو گېلرېمدى قولاغىڭگە قۇرغاشىن قىلىپ قولى. مېن آتەنگدى كۈرۈپ قاگن مەن. "تۇقلىككە شۇخلىك" دېگنلرېدېك بىر زامانلر مېن ھەم بېچە - بازلىك قىگن مەن. اۋشە وقتلر يېلكم گە گل شىفتالى رۇمالنى تشلب بېچەنى اېرگشتىرىپ يورسەم دىناگە سىغەمسىدەم. اېندى اۋشە كۈنلردى اېسلەسم، ، بىر يارىلسە بىرگە كىرگىم كېلەدى، - دەپدى.

دۇرىغ چالنىنگ سۆزلىرىنى باش قىمىرلىتىپ تصدىقلىگەن اوستە ملە دولت باي نىنگ اويىگە قرەب يۇل آلدى، يۇلدە اۋز خياللىرىگە غرق اېدى. ايشخانەسىدە قۇلى قۇلىگە تېگمەي ايشلب يورگن چاغلىرى، محنتى حسابىگە كتە مبلغ اۋندىرگن وقتلىرى، دستە-دستە پولى ذخىرە بۇلىپ قالەياتگن كىزلىرىنى اېسلەدى. ناقۇلى دوستلىرى دورەسىگە كىرىپ قالىپ قۇلى ايشدن ساوونگى، تورموش اۋرتاغى و قىزىنى گناەسىز كىلكەلگىنى، عابىلەسى نىنگ آخىر وقتلردە محتاج بۇلىپ قالگىنىنى يادلەدى. شو آندە كوچە نىنگ سۇل تامانىدەگى حويلىلردن بىرى نىنگ دروازەسى آستىدە ياتگن گورجى اوستە ملە اۋتەياتگىدە قىتىق غىپىللەدى، اوستە ملە باشىدن خياللىرى كىبوتىرى اوچىب كېتىدى. او دولت باي دروازەسىگە يقىنلىشگن اېدى. توسدن دولت باي دروازەدن چىقىپ قالىدى. اوستە ملە بىلن قۇل توتىشىپ اىچكىرىگە كىردىلر. مېھمانخانىە ميدانىدە قىتار گل بتەلر اېندى كۆكرماقدە اېدى. دولت باي اوستە ملە گە گللىرى تۇغرىسىدە سۆز آچدى.

- اوستە ملە بىلە سنمى، بو جىرىند گللىرىنىگ نودەلرىنى پولىس قوماندانى كابل دن كېتىگن، اۋتگن بىلى گللەگن اېدى. بو بىل موج اورىب كۆپراق گل قىلەدى، - دېگن دولت باي سوپە نىنگ چىتىگە بارىپ اۋلتىردى، اوستە ملە هم اونىنگ يانيدە اۋلتىرىپ.

- گل بتەلر آره سىدەگى بۇش يېرلردى پل-پل قىلىپ پتونى گلى اېكسنىگىز مېھمانخانىە نىنگ كۆركى آشەدى، دېگن اوستە ملە يەنە اۋز سۆزلىرىنى دوام اېتدىرىپ:

- خۇ، باي اكە گېتى اېتگى نېردە؟ دېب سۆرەدى، هر دايم گىدېگ.
 - گېتى اېتگىنى سېن بىلە سن اوستە!
 - يۇق مېن بىلە يمىن، سىز بىلە سىز باي اكە.
 - گېتى اېتگىنى مېن بىلە سىز، بوگون قلندر چۇلاغ مېن شېرگە كېتىنگلە. "بېچە" نىنگ پايزىنگى خراب بۇگن، زرگردن بىر يىخى پايزىنگ آلبىب كېلە.

- خۇب بۇلەدى باي اكه، مېن بوگون سيزدن بىر-ايگى قاپ بوغداي تقاوى اگنى كېگن اېدىم. اوى آمبارى نىنگ تىي كۆرىنگىگە قىرىب اۋن كون بۇلەدى. شو كونلە خاتىن قۇشنىلەدن ارپە اونى آلب خمىر قىلەدى.

- سىلە شەردن بارىب كېلىلە. ايگى قاپ اېمس، بىر قاپ بوغداي بېرەمن.

- اوندە بوگون مېنگە اۋن يا اۋن بېش كىلو اون بېرىنگ اويگە آلب بارەى،- دەدى اوستە ملە دولت بايگە زەيرەنىب.

دولت باي ايچكرى اويىگە كېتدى، بىر نېچە دىققە اۋتر-اۋتمس اۋغلىدن بىر كتە رومالگە توگىلگن اۋن كىلوچە اون يوبارگن اېكن. اوستە ملە سوپەدە تىگىگە تۇشب اۋلتىرگن تۈنىنى كىيدى-يو، ايگى قولى بىلن آلد اېتىگى نىنگ ايگى گوشەسىدن اوشلب كۈنك قىلدى. دولت باي نىنگ اۋغلى اون سالىنگن رومالنى اوستەنىنگ كۈنگىگە سالىدى. كۈنگى غش اوستە ملە خدایە شكر، - دەپ ساووق آه چېكىب اويىگە قرەب يۈل آلدى.

باشقە كونى اېرتەلب قلندىر چۇلاغ بىلن ايگى اېشكە مېنىب شەرگە جۇنب كېتىدىلر، قلندىر چۇلاق بىلن يانمە يان اېشگىنى هيدەب بارەدىگن اوستە ملە كۈنگىلەدە توگىب قۇيگن گېلرىنى فاش قىلدى.

- قلندىر بىلەسن مى، مېن سىزلر بىلن قىلىپ يورگن ايشلرىمدن قىتىق پېشمانمن، بو ايش مېنى خوار قىلدى، حلال ايشلب، حلال رزق تاپردىم، روزغارىم پاشەلرنىكىدن كم اېمس اېدى. توناوكون نىنگ اۋزىدە دولت باي دن اۋن كىلو اون قىزىگە آلب اويگە قۇيىب كېلدىم. "بچە باز" - دەپ كتە - كىچىك طەنەسى هم يره اوستىگە چېققان بوگن. كتە گناە قىلە ياتىمىز، مسلمان ايشى اېمس بو ايشلرىمىز. مېن "بچە گە پازىنگ آلىشگە كېلماقچى اېمس اېدىم، دولت باي نىنگ يوز و خاخرى اوچون كېلىشگە مەجبور بۇلدىم.

اونگە دورىغ چالنىنگ اۋگىتلرى قتيق تائىر قىلگن اېدى. قلندر چۇلاغ اېشىگىنى قتيق خىلە قىلدى. يو، اۋنگ تامانىگە اۋگرىلىب اوستە ملەگە قرەب:

- اوستەجان بو دنيا بېش كونلىك دنيا، دوستلر بىلن وقتىنگى خوش اۋتكز، اۋىنب كول، عىش - عشرت قىل.

قلندر چۇلاغ نىنگ بو گىلرى اوستە ملە يورەگىگە باتمەدى. پست و بلند تېپەلىكلر ارەلىغىدەگى يۇلدن بارەياتگن اوستە ملە بىلن قلندر چۇلاق كۆزلىرگە يۇل چېكەلرى و گزەلدە اېندى كۆكرگن يىشىل مېسەلر راحت بغيشلردى. شونىنگدېك بىر لحظه تىنمىسدن اېسىب تورگن مەيىن شمال ھم بەھار كېلگىنىدن درك بېردى.

ملا، بامداد آذانىنى ایتىمىسدن يۇلگە چىققن ايگى اۋرتاق قوباش شىرقىن ايگى قرى بلند كۆترىلگندە شەرھ مركزىگە يېتىپ آلدىلر، ايشكلرىنى سرايدە باغلب اۋزلىرى رستوراننگە باردىلر، كىنجد حلوا بىلن كۆك چاي چمەسى تۇرت ساعىت يۇلدە بۇلگن اوستە ملە و قلندر تىگە سرياغدەى پارىدى. اولر چاينى اىچىپ بۇلىب زرگرنىنگ دكانىگە قرەب كېتىلر.

غلام على زرگر دكانىنى اېندى آچگن اېكن، اولر زرگرگە نىمە اوچون كېلگن لىكلرىنى بىلدىردىلر. غلام على - «يورىنگلر اويگە بارەبىز» - دېب شىيشىدى اولرگە. يىگىرمە دىقە دەگندە زرگرنىنگ اويگە يېتىپ باردىلر. اوستە ملە و قلندر چۇلاغ اېسكى تورمكىلى اېشىگى اۋىمە كارلىك قىلىنگن كىچىك مېھمانخانەگە كىرىپ اۋلتىردىلر. - «سىزلر اۋز ارا گېلە شىب اۋلتىرىلە، مېن بىر سووچىمدە قىتىب كېلەمن،» - دېب تېز- تېز يورىپ اىچكىرى اويگە كېتىدى. غلام على قۇلىدە آق گزلمەگە اۋرەلگن پاينزنگلرنى آلىب، كېلىپ، مېن بولرنى قىصارلىكلرگە توزەتگن اېدىم، بونى آلىب كېتىلە، اولرگە باشقەسىنى توزە تەمن، - دېدى.

قلندر چۇلاغ پاينزنگلرنى اۋرەلگن متاعدن آچىپ راست و چىپنى شىلدىرەتېب، - «مەنە بو زىر اېكن، مەنە بونىسى بىم اېكن»، - دېدى. اولر

خورجین نینگ ایکی پلەسىنى ساماندىن تۇلدىردىلەر. پايىزنگلر سېسى تىشقرىگە سېزىلمەسىن، - دەپ بىرىنى خورجىن نىنگ بىر پلەسىدە باشقە بىرىنى يەنە بىر پلەسىدە سامانگە كۆمدىلەر. اوستە ملە و قلندر پايىزنگلر پولىنى غلام على گە تۇلب اېشكلىرىگە مېنىب شەرنى تىرك اېتدىلەر.

قوياش نورى اۋزى نىنگ زىرىن چادىرىنى يىغەياتگن محل قىشلاققە كىرىب باردىلەر، اوستە ملە اويىگە كېتدى، پايىزنگلرنى قلندر چۇلاغ آلىب كېتدى.

اوستە ملە اۋز اويىگە كىرىب باردى، بالەلرىنى قوچاغىگە آلىب يوزلىرىدىن اۋپدى - يو، اولردن، - «آنەلرىنگ نېردە؟» - دەپ سۇردى. قىزى ھاجر، «- آنەم بىزلىرگە اقشام سوزگن آش پىشىرىب بېرەمن دەپ سوزمە (چكە) آگنى قۇشنىمىز اويىگە كېتگن اېدىلە، كېلىب قالەدىلە، دېدى. اوستە ملە شەردن خاتىنى و بالەلرىگە بىران ساوغە آلامەگنى اوچون خجالت چېكردى.

آو اۋتمەى آندە قۇلىدە بىر تباققە سوزمە آلىب كېلگن بىغە اېرىگە سلام بېرىب بىرندەنىنگ نرى چېكەسىدە يايلىگن سورپەگە قرەب باردى، اوستە ملە اۋز خانەسىگە كىرىب كېتدى. بالەلرى قوش جوجەلرىدېك آنەسى نىنگ تېورەگىدە تۇپلندىلەر. بىغەخان بالەلرىگە:

- آتاب (آفتاب) ققدن چىغدى، چوبچەى سىندىرىيلە، آتەنگ قندەى بۇلىب بو اخشم اويىگە كېلدى.

او، قىزى ھاجرگە:

- آتەنگدن سۇرە قنى، كېچە بىزە مېنىن بۇسە بىر زوبالە آشنى كۇپراق

پىشىرە من.

خاتىنى نىنگ گېلرىنى تىنگلەگن اوستە ملە عىالى و قىزلىرى يانىگە

كېلىب:

- مېن بوندن نرى دايم بۇلەمن بشقە جايگە كېتمەيمەن. دكانە

اۋلتىرىب ايشىمنى قىلەمن. مېن كۇپ خطا قىگن اېكەمن. خدا

كېچىرىسىن، سىلە ھەم كېچىرىيە. بى فراسىت و ناقابل دوستلر آدمنى بۇلدن آزديرر اپكن، بىلەمن اويدە ھەمە نرسە خلاص بۇگن. اپرتەگە بىر قاپ بوغداى تقاويگە آيب اونلب كېلەمن.

بغده و بالەلرى كۇنگلى اونىنگ بو عقللى سۇزلىرىنى تىنگلب باغ- باغ آچىلدى. خىرەلشگن كۇزلىرى چرقلب آچىلىب كېتدى. اولر آسماندهگى يولدوزلرنى ھەر تونگىدن يارقىنراق كۆرە باشلەدىلر.

آنەسى پىشىرگن مزەلى آشىنى پياز، شىيىت، سرىمساق و زىرە قۇشلىگن سوزمە بىلن قىقلەدى، بالەلر بىر- بىرلىگە قرەب قىقرەب كولردىلر، بىر نېچە ھەفتەدن سونگ آتە- آنەسى بىلن بىر دسترخوان اطرافىدە اۋلتىرىب، قىتغىلى آش تناول قىلەياتگنلردىن خرسند اېدىلر. بغده خانم و اونىنگ بالەلرى بىر- ايگى كوندن سۇنگ تقدير اولر بىلن قندەى اۋىنەشىنى و ينە قندەى قارە كونلر بىلن يوزمە- يوز بۇلىشلىرىنى سىرە سېزەمسىدىلر .

اوستە ملە اپرتەلب وقت تورىب بامداد نمازىنى اۋقىدى، بالەلرى بىلن بىر دورە دە اۋلتىرىب اۋقتلندى. تورموش اۋرتاغىگە قرەب:

- مېن بارەى، دولت باى بىر قاپ بوغداى تقاوى بېرماقچى اېدى، شونى آيب اونلب كېلەى، كېين دكاننى آچىب ايشنى باشلەى، - دېدى. او اېشگىنى ھىدب دولت باى نىنگ اويىگە باردى. مېھمانخانا ميدانىدەگى شاه سوپەدە قلندر چۇلاغ بىلن دولت باى نىنگ باشقە ايگى- وچ كىشى الفتلىرى چاى ايچىشىب اۋلتىرگن اېكنلر. اوستە ملە سلام عليك، - دېب اولر نىنگ دورەسىگە قۇشلىشى بىلن دولت باى نىنگ بۇى و باشى ھەم كۆرىندى. اوستە ملە دورە دەگىلردن:

- خۇب برادرلر ايتىنگلر، گېتى اپتگى نېردە؟ - دېب سۇردى.
- گېتى اپتگى نېردەلىگىنى كە، بىلمەيمەن. اما آيب كېلگن پايزىنگىمىز كۇپ يىخسى سى اېكن، الفتلىر پسند قىلدىلر، - دېدى قلندر چۇلاغ.
اوستە ملە تقاوى بوغدايگە كېلگىنى بىلدىردى. دولت باى دھقانلردىن بىرىگە - «غله آمبارىدن اوستە ملە نىنگ اېشگىگە بىر قاپ

بوغدای آر تیب بہریلہ» - دہدی. او بوغداینی تہگیر مانگہ آلیب باریب اونلہ تیب اویگہ آلیب کہلدی. تورموش اورتاغی چای کہلتیردی، اوستہ بیر پیالہ چاینی ایچر - ایچمس کوچہدہ بیر موترنینگ سبسی چیقدی، پولیس نینگ موتری اپکن. ایکی - اوچ پولیس اوستہ ملہنی دروازہگہ چقیردی. "خدایہ خیر" - دہگن اوستہ ملہ کوچہگہ چیقیشی بیلن اونی موترگہ تیقدیلر، قوشنیلر تاپیلیب کہلدیلر، کوچہ ایڑو - چوو، جغینی قرسی نینگ اؤنگیری بیلن یاپگن بغدہ، - «اہریمنی قویبیلہ، او نیمہ گناہ قیلبتی؟» - دہب، زار - زار بیغلر اہدی.

موتردہ قؤلرینگہ اؤلچک اوریب، آیاغلری کیشنلنگن قلندر چؤلاغ ہم بار اہدی. اوستہ و قلندر بیر - بیرلرینگہ معنیلی قرہب قویدیلر، اما گپلشمہ دیلر. بیر ساعتلردن نری اوستہ ملہ بیلن قلندر چؤلاغ اؤزلرینی حکومت تورمہ سیدہ تاپدیلر. محکمہ اولرنی بچہ بازلیککہ عیبلیب ہر بیرینی آلتی بیل آزادلیکدن محروم قیلدی.

قیشلاقدہ اوستہ ملہ عیالی و بالہلری باشیگہ قیزیل قیامت قایم بؤلگن اہدی، بغدہ کؤکسیگہ مشتلب تینمہی بیغلر اہدی. او بالہلرینگہ قرہب:

- "ہمہ گناہ آتہنگدہ، بالہلرینگہ رحم قیل، - دہب کؤپ ایتدیم، گپمدی آلمہدی. منہ بوگون بو بلاگہ یؤلقتی، بیزہنی قیزیل قانیمیزگہ قووردی... اہندی سیلہنی باقیش عیال باشیم مینن مہنگہ قالدی، - دہب کؤزلریدن غم یاشلری تۆکدی.

اوستہ ملہ نینگ دوستلری بیر کونی اونی کؤرگنی شہر تورمہ سیگہ باردیلر، اوستہ قؤلیدہ بیر تاک بڑ قماقخانہ تشقریشیدہ کتہ دروازہ نینگ ایکی تامانیدہ گی میدانچہدہ گی تاکلر خیمچہلرینی کہسیب تورگن اہدی، بیر نہچہ کیشی قیشلاقدن اوستہ ملہنی کؤرگنی کہلگن اہدی. او،

اۋزىدىن نىراقدە كوزە تىب تورگن قوراللى پولىسدىن دوستلرى بىلن بىر نېچە دىقىقە ملاقات قىلىشگە رخصت سۋرەدى. اونى كۈرگنى كېلگنلر بىلن قوچاقلاشيب كۈرىشىدى. شو چاغده اولردن بىرى،
- اوستە ملە، «گپ نىنگ اېتگى نېردە؟» - دېب سۋرەدى. اوستە زھر خنده قىلىب - «گپ نىنگ اېتگى شو بېرگە كېلب تۇختەدى»، - دېدى.

اسلام آباد. ۲۰۲۲ سېتېمىر ۲۳

برادرلر قچان کبله دیلر؟

تاغلی تومن مرکزیده هفته ده بیر کون بازار بؤلر ابدی، اوزاق یقین قیشلاقلر آدملری بازار کونلریده او- بو نرسه لرینی ساتکنی یاکه اوی روزغار احتیاجلرینی ساتیب آلکنی بو بازارگه کپلر ابدیلر. بیرگینه رسته سی بؤلگن بو بازارده آلیس حدودلردن آت و ایشک که مینیشیب یاش و قری بازار قیلگنی بو بیرگه کپلر دیلر، هوا یخشی بؤلگن کونلری بازار رسته سیده ایگینه تشلردپک اؤرین تاپیلمسدی. پنج شنبه کونلری گاجوم بازار بؤلردی. رستورانلر یانیده بازارچیلر آت، ایشک و تپه لرینی باغله دیدیگن سرایلر هم بار ابدی.

تومن مرکزی پست و بلند تپه لیکلر بیلن قورشلگن، تپه لیکلر آرتیده بلند- بلند قایه لی تاغلر نینگ آفاق بؤلوتلر اؤره ب آلگن آسمان اؤپر چؤقیلری ایسله نیب کوزگه تشلردی. قیشده قیلن قارلر یاغیب همه یاقنی آقرتیریپ تشلردی. ازل- ازلدن اوشبو تومن یشاوچیلری قهرتان قیشلرگه کونیکیب قالگنلر. بهار، یاز و خزان موسملری سلقین بؤلردی. بو فصللرده تومن نینگ هر بیریدن آقیب تورگن زلال سوولر، مجنون تال درختلری نینگ آسیلیب تورگن یم- یشیل خیمچه لری نینگ شمالده هر تامانگه تاو لنیشی گوزل منظره یره تردی. یازده آدملر تال درختلری سایه سیده گی سوپه لرده اؤلتیریپ دم آسه لر، تونلرده تاملر اوستیگه قالین، گیلیم تؤشب کچه نینگ سلقین شباده سیدن بهره

آردىلەر. تانگ سحرلرده تاغ ككلىكلرى نىنگ ققىردەب سىرەشى كۆنگىللىرگە عىجاب ذوق بېرر اېدى.

محمد اياز تومن بازارىدە بىر رستوراننى باشقىرىب كېلدى. اونىنگ رستوراننى بازار كونلرى اطرافدن كېلگنلر بىلن لىق تۇلدى. بازار كونلرى اطرافدەگى مجاهد قوماندان قىرىنداشلىرىدن گلەراد، محمد ايازنىنگ مخصوص مەھمانى بۇلر اېدى. ھەر بازار كۈنى محمد ايازنىنگ كۆزلىرى گلەرادنىنگ يۇلىدە تۇرت قالر اېدى.

گلەراد كېلگىدە اياز اونى رستورانن نىنگ مخصوص مەھمانلر خانەسىگە آلىب بارىب، پلو-چلو، كباب و باشقە تور آوقتلر بىلن ضىافت بېرىدى. گلەراد جۇنپ كېتەياتگن چاغىدە اياز اوندىن استە گىنە: - "برادرلر قچان كېلەدىلر؟" - دەپ سۇرردى. محمد اياز مجاهد جنگچىلرنى "برادرلر" - دەپ خطاب قىلر اېدى. گلەراد ھەم برادرلر يقىن كونلردە كېلىب قالەدىلر - دەپ قۇيردى. اياز ھەر مرتە گلەرادنى ساوغە - سالاملر بىلن كۈزەتر اېدى.

اطراف قىشلاغلر جھادچى گروھلر قۇلىدە اېدى، اولر نىنگ احتىياجلىرىنى محلى اھالى تامينلر بېرىشگە مجبور اېدى. مركزى حكومت، اۋن-اۋن بىر بىلدىن سۇنگ اشغال كوچلرى مملكتدن چىقىب كېتىگىدن سۇنگ اوچ بىلگچە مجاهد گروھلر ھجوملرى بربرىدە جان سقلەدى، بىراق محلى حاكىمىتلر اطراف حدودلردە بارگن سىرى ضعيفلشىب بارماقدە اېدى.

ھفتەلر و آيلر اۋتدى، قھرتان قىش نىنگ اىزغىرىن شماللرى استە- سېكىن يوشاققىنە مەيىن شبادە گە ايلندى، كۇپراق قوياًش نورى توشىب تورگن بىرلردە مىسەلر كۆكرە باشلەگن اېدى. بىر كۈنى گاه قوياًش چىقىب گاه يامغىر ياغىب تورگندە محمد اياز نىنگ "برادرلر" ايكى - اوچ تاماندن تومن مركزىگە باسقىن اويوشتىردىلر. راکت و ماشىندارلر اۋقلىرى ھەر طرفدن داوولدىك ياغە باشلەدى، حكومت عسكىرلىرى مجاهدلر ھجومىگە تاب كېلتىرالمەي تانكلىرگە مەيىن

ولایت مرکزی تامان جُفتکنی راستلہ دیلر. آز اؤتمہی همه یاق
تینچیدی.

مجاھد گروھر ہفتہ لب یوولمہ گن کیر اوست و باشلری بیلن بیر
نہچہ کون تومن نینگ مرکزی قیشلاغلری بایلری نینگ اوایلریدہ
چارلنمہ گن مہمان اہدیلر.

محمد ایاز مجاھدلرنی نجات فرشتہ لری، خلق نینگ خدمتچیلری
و دیانتلی مسلمانلر دہب تصور قیلر اہدی. او بیرینچی کونی مجاھدلر
تومن مرکزیگہ باستیریب کیرگنلریدہ اولر نینگ قوماندانلری بیلکہ لریگہ
تؤن تشلب، عسکرلری بؤینیکہ گل چمبرلری آسگن اہدی، بیر ہفتہ
اؤتر۔ اؤتمس بیر گروہ مجاھدلرنی اؤز اوینیگہ مہمان قیلدی، اولر نینگ
ایاقلری آستیدہ قؤیلر سؤیدی. حویلیسی نینگ باغچہ سیدہ گی شاہ
سوپہدہ جای سالدیریب مجاھدلرگہ شاہانہ ضیافت ہریدی.

محمد ایاز ضیافت سؤنگیدہ مجاھدلر تامانیدن ایلوق سؤزلر بیلن
آلقیشلینیشینی کوتردی، اما اہگنیدہ بخمل گوپی۔ شلوار کییب آگن
قوماندان اونگہ قرہب:

- یخشی گینہ اوینیگ، باغچہ نگ بار اہکن، روزغارینگ ہم کؤپ
یخشیگہ اؤخشہیدی. بیز مجاھدلر سیز ملتنی اشغالدن قوتقریش
اوجون تاغ و تاشلردہ یوریب جنگ قیلدیک، اؤلدیک، شہید ہریدیک،
بیزنی سیزلرگہ حقیمیز کؤپ. بیر نہچہ ہفتہ گچہ اوینیگدی بیزگہ
بؤشہ تیب ہرہ سن. قرارگاہ گہ مناسب جای اہکن، - دہدی، بو یروغ
آہنگیدہ.

قوماندان نینگ بو یروغینی توشیدہ می۔ ہوشیدہ اہشیتگنینی بیلہ گن
ایاز نینگ کؤزلری قرہ قیب، باشی گیر ایلہ نیب اؤنگ و سؤلینی تنیمہی
قالدی.

- تؤغری ایتہ سیز، سیلہ نی خدمتلیز کؤپ آسگن بیز ملتگہ. سیزلہ
بؤلمہ گندہ کافر۔ کمونیستلر بیزگہ قداققہ نان ہیرر اہدی. اللہ سیزلہ گہ

اجر بېرسىن، - دېگن اياز خوش، بۇلەدى اويدى اشمگچە بۇشەتیب قۇيەمن، - دەدى.

بوندىن بىشقە گپ ايتىشىنى بىلمەگن اياز، عيالى و بالەلىرىنى يقىن قىرىنداشلىرىدىن بىرى نىنگ اويىگە اېلتىپ قۇيدى.

اياز اويىدەگى مجاهدلىرگە ھەر كۈنى تورلى ضيافتلر بېرىشگە مجبور بۇلدى، رستوراننىدىن تاپگن پوللرى توكندى، ناچار بىر جىرىب يېرىنى ساتووگە قۇيدى. او بىركۈنى پىشىن نمازىنى جماعتدە اۋقىش اوچون مسجدگە باردى، ايازگە كۈزى توشگن يان قۇشنىسى حىبب الله اكه اونىنگ حالىنى سۇرەدى. اياز كېنىگى ھفتەلردە چقىرىلمەگن مھمانلردن كۆرگن ضررلىرى بارەسىدە قۇشنىسىگە شكائىت قىلدى.

حىبب الله اكه ھمە نرسەدن خبردار اېدى، حتى اونى گلمرادگە "برادرلر قچان كېلەدىلر" دېگن سۆزلىرىنى ھم بىلدى. او لېلىرىنى ايازنىنگ قولايىگە يقىنلىشتىرىپ:

- گلمرادنى بىركۈن مھمان قىلىپ، استەگىنە اوندىن: «برادرلر اېندى قچان كېتەدىلر؟ - دەپ سۇرە! - دەدى.

اسلام آباد. ۲۰۲۲. سېتىمبەر. ۳۰

قیرغی سایده گی خس کپه

بیزنینگ وادی هم اطرافده گی باشقه وادیلر کبی شمال - جنوب توشکن، وادی نینگ شرقی و غربی تامانیده بیرلشکن ادیلر پست و بلند تپه لیکلر، سان سناقسیز، کته - کیچیک سایلردن تشکیل تاپکن. وادی غریبه سای - قیرلر تیزمه لری آره سیده قیرغی سای دپه اتلکن بیر اوزون سای هم بیرلشکن. قیرغی سای نینگ اپتگی کپنگ، باشی اپسه ایکی تامانده گی قیرلر بیر - بیرگه توته شیب، تاره یه دی. سای نینگ اپتگیدن پلخمان تاشی آتسنگ باشیگه یپتیشمه یدی. اوزاق اؤتمیشلرده اوشبو سایلر و سایچه لر بوتونله ی چیم توته شیب خس، تیکان، کره ک و هر تونیس یاوایی اؤسیملیکلر کؤکره دیگن قۇریقلر بؤلگن. وادیده انسانلر سانی آشیب، اپکیله دیگن بیرلر محصولاتی یپتیشماوچیلیگی سبزیله باشلشی بیلن آق آدملر استه - سبکین سایلر چیملرینی قۇش هیدب یاکه بېللب اپکووگه مساعد بیرلرگه ایلنتیرگنلر.

قیرغی سای رحیم بېک دپگن بیر بای نینگ ملکی. هر بیل ایکی قۇش هؤکیز بیلن ایکی دهقان اوزون سایده تینمه ی ایشله یدی. سای اؤرته بېلیدن ایکی قسمگه بؤلینگن. اوزون سای نینگ یرمی بوغدای اپکیلگن ییلی یرمی شدگار قیلینیب، قاوون، تربوز و کنجد اپکیله دی. بو بیل سای نینگ باش تامانی بوغدای اپکیلگندی. بهارده وقت وقتیده

يخشى ياغىنگرچىلىكلەر يوز بېرگىنى طفىلى بوغداى اېكىنى اۋنىملى بۇلگىن. بوغداى نىنگ قدى آدم نىنگ بېلىگە اورەدى.

رحىم بېك، قىرغى ساي نىنگ شىمال قىسمىنى قاوون، تىروز، كىنجىد اېكىدىرگىن. قاوونلر بىارەسى اوچ قولاغ بۇلگىندە، يماق دىھقان كېلىپ ساي نىنگ پالىز اېكىلگىن تامانىدە قۇنگىن اېدى. او كۆپ يىللر اياغلىرىگە خام چاروق تارتىپ قىش و ياز قۇش ھىدەگىن، قۇلىگە بېل اېلىپ سوو يقەلب اېكىزارلرنى سوغارگىن، اۋراغ اۋرىپ خرمان يىنجىگىن تىجرىبەلى دىھقان. يماق دىھقان ھەر كونى اېرتەلب و توشدىن سۇنگ سايىنى سايە باسگىن بىرلىرىدە قاوون و تىروز بىارەلىرى توبىگە تۇپراق بېرر اېدى. يايواى اۋسىملىكلرنى اىلدىزىدىن اوزىپ تىشلىدى. يماق بو يىل قىرغى ساي پالىزىگە قۇرىمال. بىر ھفتە اۋن كون وقت اۋتىپ پالىز بىارەلىرى اولغەيە باشلەدى. بىراغلىرى كىتەرىپ، اوزاقدىن ھەمەنىنگ كۆزىگە تىشلەنە بېردى. سىرىغى گللىرى بىرگە تۇكىلىپ قاوون، تىروز توگە باشلەدى.

يماق، شو وقتگىچە كېچەلىرى رحىم بېك نىنگ بوغداى اۋرەدىگىن دىھقانلرى يانىدە قالىدى. ساي پالىزى بىارەلىرى بىم-يشىل بۇلىپ، اوزاق-يىقىندىن كۆزگە تىشلەندىگىن بۇلگىن اېدى. ايكى ھفتە اۋتر-اۋتمس قاوون بىارەلىرى توكىن سىبچەلىرى اولغەيە باشلەدى. - اېندى پالىز باشىدە بىر كپە تىكىپ كۆزلىرىمنى بىارەلردىن اوزمىسلىگىم كېرەك دېدى، يماق دىھقان اۋز-اۋزىگە. او بىر كونى اېرتەلب قىشلاققە جۇن ب كېتىدى، رحىم بېك نىنگ قطار تاللىرىدىن كېلىك كەكتە ناودەلرنى ارەلب اېشك كەرتىپ كېلدى. سوپەگە اۋخشەتىپ بىر دىن بىر آز بلندىراق قىلىپ كپە نىنگ جايىنى توزەتدى، بىر ايكى ساعىت اىچىدە اېشىگى اېتكە قەرە تىلگىن كپەنى تىكلەپ ادى. قۇلىگە اۋراغىنى اېلىپ قارە قىراغ تاشگە قىرەدى. - يو، قىرغى ساي نىنگ كىتە يۇلى چېكەلرىدە كۆكرگىن بۇيى بلندە تەسى محكم اۋسىملىكلردىن بىر اېشك خىس و قوراغ اۋرىپ اېشىگە كىرتىپ كېلدى. كپە نىنگ اوستى ارقە تامانى و ايكى يانىنى ھۇل خىسلر و قوراقلر نوددىلرى بىلن يىخشىلىپ قاپلەدى، كپە قورىلدى. توش

چاغی اېدی، ایشدن چرچب کپه نینگ سایه سیده اؤلتیریب هاردیق چیقردی. قیرغی سایی نینگ کتہ یؤلیدن ایشک مینیب اویاقدن بو یاققہ اۋتہ یاتگنلرنی تاماشا قیلدی.

یماق اېرتەدن کپچگچہ پالیز ایچیدہ اېدی. بیارہلرنی تۇغریلب بیر- بیرگہ چتیشگنی قۇیمسدى. او بیرکونی زنبورچہ (ھندەلک) لر سرغە یگننی سېزدی. اېرتەلب تانگ نینگ سلقین شمالینی یېگن بیر نپچہ زنبورچەنی اوزیب خۇرجینی نینگ ایکی پلەسیگہ سالدی- یو، خۇرجیننی ایشککە آرتیب قیشلاققہ جۇنب کپتدی. زنبورچەلرنی رحیم بېککە آلیب بارگن اېدی.

- نېمە بۇلدى، پالیز پېشتی می دھقان؟ دېب سۇرەدی رحیم بېک. دعا قیسە ییز بیر- ایکی ھفتەدە قاوونلە یخشی بېشیب قالەدی بی اکە. تربولە میزاندە یېتیشیب پېشەدی.

- كۇپ یخشی، بیر نپچە کوندە " بلگەنى " قاوونلە ھم پېشیب قالر، بیر ھفتەدن سۇنگ اۋزیم پالیزدی كۇرگنی کپلە من، خدا خواھلسە. - خوش کپلە سیز، کپەنى ھم تیکلب آلدیم. بوگون اویمەدن توشنچی و ایدیش- تباقلەنى آلیب بارەمن، خاتینیمنى ھم پالیز باشیگہ كۇچیرەمن. بېک اکە.

یماق، قۇلیدەگى پیالە نینگ چاپینی ایچیب بۇلگچ، یماق دھقان اویگہ جۇنب کپتەماقچى بۇلگندە رحیم بېک اونگہ:

- توختب تور، سېنگە بیر آزاراققینە گوشت بېرەى دېب، ایچکریگہ کپتدی. آزاۋتەمى بیر کیلوچە گوشت و بیر تولومچە گە قتییگ کپلتیریب بېردى. دھقان خرسندلیک بیلدیریب اویگہ آتلندی.

او خاتینی بیلن حال و احوال سۇرەشسب، اپندى بلاغتگە یېتەى دېب تورگن قیزی گوھر شادنینگ یوزیدن اۋپدی - دە، خاتینیکگە:

- رحیم بی بېرگن گوشتتى تېزراق قېتىمە سۇرە قیگین، - دېدی. او، سۇرە پېشگونچە كۇزى مورگىب اوخلب قالدى، سۇرەنى پېشیریب کپلگن خاتینی روزى خال اېرینی اویقودن اویغاتیب

دسترخوانگە چقىردى. يماق دەھقان چىپ يانئىدە قىزىنى و اۋىنگ تامانئىدە خاتىنىنى اۋلتىرغىزدى. اولر الموروت سالىب پىشىرىلگن مزەلى شۋرىەنى تئاول قىلدىلر.

يماق دەھقان روزى خالگە قرەب:

- اېندى پاليز پىشتى، هر يىلگىدېك سېنى قىرغى سايگە كۋچىرىب بارەمن. قۇلىمگە ارە كىرىب، كۋمكچى بۇلەسن. بوگون گىلم، كۋرىپ ياستىغىگنى اىب كېتەمن. اېرتە گە اۋزىنگنى اىب بارەمن، - دېدى.

- بۇلەدى، گوهرشادنى نىمە قىلەبىز؟

- گوهرشادنى آپەسى نىنگ اوىيگە قۇيەمىز. هر هفتەدە قاوون-

تربوز كېتىرب، خبرىنى اىب تورەمن.

روزى خال ايخچمگىنە مس قازان، چاينك، پيالە و باشقە ايدىش- تباقلرنى اېرىنىنگ خۇرجىنىگە سالدى. دەھقان يىنە قىرغى سايگە قرەب يۇل آلدى. اېشگىنى خىلە باسىب ھىدەگن يماق قارانغى قوزغىنى اطراف حدودلرگە قناتىنى يايىمسىدن آلدىن كېسىگە يېتىب باردى. اېرتەسى سلقىندە روزى خالنى كېلتىرگنى قىشلاققە جۇنۇب كېتدى. خاتىنى تيارگرلىگىنى كۋرگن اېدى. بىر آز پياز، پمەدىر آلدى، توز آلدى. اويىدەگى ايكى توت درختى حاصلىدن قىنەتىب آلگن شىنىدن ھم آلدى. قۇشنىلرىدن تىلب- تىسب آلگن اچىق قىماقلرنى ھم قىماق غۇلچەگە سالدى. يماق دەھقان خاتىنى نىنگ نرسەلرنى اېشكەكە آرتدى. روزى خال اېشكەكە، اېرى پىادە يورىب قىرغى سايگە باردىلر.

كېلتىرگن نرسەلرىنى كېدە جايلىشتىرگن روزى خال، اېرى كې يقىندە توزەتىب بېرگن كئە اۋچاغدە چاى قىنەتىب، قازان آسدى. هر كون آقشام سرى اچىق قىماقنى اېرىتىب پىازلى قىلىب قاره شۋرىە پىشىردى. گاهىدە اېرتەلب، اۋتگن قىشدىن كۋزە تگىدە قالگن قاوورداغنى اېرىتىب اونگە شىنى قۇشيب "ھى-ھى" قىلردى. توشلردە قاوون- تربوز نان خورشلىرى بۇلردى.

بیر کونی تۇرئغ آتیگه مینیب رحیم بېک کھلیب قالدی. پالیز ارهلب
قاوونلر پیشگنیگه گواه بۇلدی. تاشلاق نینگ تاشیدېک بۇلیب یاتگن
تربوز۔ قاوونلرنی کۇریب خرسند اېدی. او، یماق دهقاننی پالیزگه
یخشی قرهشگی اوچون آقیشلب:

- قاوونلرینگ یتیشیب پیشیتی، اېرته بازارده بولرنی ساتیشگه
چقیرسه بۇلهدی.

- بۇلهدی، اوچ۔ تۇرت قاپگه زنبورچه و بلگهنی قاوونلرنی بازار
گه آلیب باره من، - دېدی، دهقان.

- اېرتهسی بازار بۇلهدیگن کونی کېچ پیشین، پیشگن قاوونلرنی
اوزیب بیر بېرده تۇپلب قۇی. مېن هر بازار اېرتهلری تانگده بیر۔ یکی
آدم بیلان اېشکلرنی جۇنته من. قاوونلرنی قاپلرگه سالیب یوکلپ بازارگه
جۇنته بیر.

- خۇپ بۇلهدی، بای اکه.

- اول شو "بلگهنی" قاوونلری ساتیلسه کپین سبزک، آق نبات، بۇری
کله گورگکلرنی بازارگه چقیرسک.

- شونداغ قی بۇمسه.

بیر ساعتلردن سۇنگ رحیم بېک آتی نینگ آرقه سیدهگی بخمبل
خۇرجین نینگ ایکی پله سینی "بلگهنی" قاوونلریدن تۇلیدب اوییگه
قْتیب کېتدی.

هر بازارده بېش۔ آتی قاپ قاوون ساتیش بیلن قیرغی سای پالیزی۔
نینگ قاوونلری کمه یمس اېدی. قیرغی سای کۇلاتی نینگ تربوزلری
هم شیرینلیکده بی مثال اېدی.

یماق نینگ خاتینی لذتلی قاوون۔ تربوزلرنی بیبب تاماغی آغریب
قالدی. گپیره من دېسه بۇغزی قیسیلردی. دهقان، تاماغ آغریققه داری
کېلتیرماقچی بۇلیب قیشلاققه کېتدی. او رحیم بېک نینگ باغیدن بیر
بیتک قارالی میوهسی و بیر خۇرجین قارالی درختی بیراغلری آلیب

كېلدى. رۇزى خال قاراللىرىنى يېپ توردى. يېراغلىرىنى بۇيىنىگە باغلب قۇيردى. اپرته تورسه، توزهلب قالدگىنىنى سېزدى.

رۇزى خال هم تورموش اورتاغى كىبى محتىچى بىر عىال، او ايشلب چرچەمەيدى. كېدە هم بۇش وقتلرئىدە اورچىغ آلب اپىك اىگىرر اېدى. قىرغى سايگە كېلگىنئىد بېرى اۋن بېش اورچىغ اپىك اىگىررگن. هر بىر كىلو اپىكىنى اىگىرىشى عوضىگە معلوم مقدارده مبلغ قازاندى. تىنىم بىلمس روزى خال قاوونلر مغزىنى تىلب، كېه اوستىده قورىتىب قاق قىلردى. اېرىدن قىشلاقدن كته بىر قازان تىله تىب تربوز شىنىسى هم قېنە تىب آلدى. اوزون سايگە كېلگىنئىد بېرى تاووقلرى توغە بېرىب يوزدن آشهراق تخم يىققندى. بىر نېچە كون اۋتىب تاووقلرى توغمەى كورك بۇلدى. او، ايكىتە كته كورك تاووغى تگىگە يىگىرمەتەدن تخم قۇيب باستىردى. بىر نېچە كوندن كېين تاووقلر اۋتىز ايكىتە جوجە آچىب چىقدى. روزى خال هر كون تورموش اورتاغى نىنگ ايشلرئىگە هم ياردم كۇرستردى.

ىماق دهقان نان و سووكېلتىرىش اوچون قىشلاققە بارگىندە تورموشگە چىقرىلگن قىزى گلبدن نىنگ اويىگە قاوون- تربوز بىتكىزىب تورردى. بۇيداغ قىزى گوهرشاد آپەسى بىلن بىر اويده يشردى. گلبدن هفته ده ايكى مرته آتە - آنەسى نىنگ ناننى پىشىرىب بېردى.

ىماق و اونىنگ خاتىنى يازنىنگ آيدىن كېچەلرئىدە ميدانده، سلقىن شبادەده مىرىقىب اوخلىشنى ياقىتىردىلر. دهقان كېنە نىنگ تشقىرىسىدە كېچەلر اوخلەيدىگن جاي توزه تدى. اسد آيى اېدى. اېندى تونلرده اولر ميدانده اوخلردىلر. بىر كېچە آى نىنگ نورگە تۇلگن آلتىن كېمەسى آسمان نىنگ كۇمكۇك دېنگىزئىدە استە- استە سوزردى. كۇككە قرەب حىرتلنەياتگن روزى خال خيال سورىب، يولدوزلرئى كوزه تر اېدى. او، آسمانده بىتە يولدوز جايئىدن كۇچىب بارگن سرى اىزئىدن نورلى يۇل تشكىل اېتدى- ده، بارە- بارە يۇقلدى. او، كاينات نىنگ سرلى عالمىگە غرق بۇلىب ياتگن اېرىدن:

- بیلەسىزمى، بو دنيادە ھەر كىم نىنگ بىر يولدوزى بۇلرمىش،
قچانكە او، دنيادان اۋتسە، اۋشە يولدوز ھەم سۇنىب قالمىش. شو گپ
توغرىمى؟ - دەپ سۇرەدى.

- مېن بىر سوادسىز آدمەن. بو حقدە ھېچ نېرسە بىلمەيمەن. ھەر
حالدا توغرى اېمىس مېنىمچە. يەنە كىم بىلسىن، - دەپ جواب بېردى
دەھقان.

- انە او تودە يولدوزگە قرەنگ آتەسى؟

- ھە كۆردىم، ھولكردى ايتەسن ا، بىزدە قدىمكىلەدن: "ھولكر
توغدى تون سۈوق، ترازى توغدى كون سۈوق" - دەپ گپ با. ھەر بىل
اسدنىنگ اۋن بېشىدە آسماندا بىر حلقەنى تشكىل اېتگن ھولكر
يولدوزلىرى كۆرىنىشى بىلەن تون ھەم ساويدى. ھولكرگە "بېتى ايناغە"
ھەم دەيدىلە. بو كونلر اسد آيى نىنگ آخىرلى، كۆرەسن كېچەلر سلقىن.
بىر نېچە كوندن نرى آسماندا بىر خط اوستىدە بىر- بىرىگە يقىن تورگن
اۈچ يولدوز كۆرىلەدى، بو يولدوزلەگە ترازى دەيدىلە. ترازى
يولدوزلىرى سنبەلە نىنگ اون بېشىدن كېيىن آسماندا كۆرىلەدى. شوندن
سۇنگ كونلر ھەم سلقىن بۇلەدى.

اېر و خاتىن يەنە اۈياق- بۈياقدن سۇزلىشىپ، آى ياغدوسى آغوشىدە
اۈخلب قالدىلر.

ھەر كون اۋتېشى بىلەن اوزون ساي قاۈون- تېرۈزلىرى كۇپراق
بېتىشىپ پېشماقدا اېدى. كېچەلرى ايرىم سېزك قاۈونلر جىرە- جىرە
يارىلردى. سنبەلە نىنگ آخىرلى اېدى. بىركونى آتىگە مېنىب يەنە رحىم
بېك كېلىپ قالدى. او پاليز ارەلب، خۇشلەگن قاۈونلرىنى اۈزىب آلدى.
مىزەسى بالدن لىدىز بۇرىكلە گورگىكلرىدن كۇپراق اۈزىب، يماق
دەھقاندىن، اۈزى پاليزدن اۈزگن قاۈونلرىنى اۈيىگە بېتكىزىشىنى سۇرەدى.
رحىم بېك آتىگە مېنىب كۇزدن غايىب بۇلدى. يماق دەھقان اونىنگ
آرتىدن قاۈونلرىنى آلىپ باردى. رحىم بېك دەھقانگە:

- ھوا سۈوگن، اېندى پاليزلدى لاش قىلىش وقتى، - دەدى.

- اوچ- تۇرت كوندن نرى ميزان كيرهدى. قۇيىنگ قاوون- تربوزله
ايكى- اوچ كون ميزان آيى شمالىنى بېسىن، كېين لاش قيله بيز.
- اونده بير هفته دن نرى پاليزدى لاش قيله بيز. قاوون- تربوزله نى
اوزيب بير بيرده ييغيب كۆمه قيله بيز. اوشه كوني سېنگه اؤن نفردى
كۆمك كه جۇنته من.

بير هفته هم اؤتدى، قيرغى ساي كۆلاتىنى لاش قىلىش كوني يېتىب
كېلدى. بير كون گاؤگم شامگچه قاوون - تربوز اوزيلدى. قاوونلر بير
تامانده، تربوزلر اېسه باشقه تامانده كۆمه قىلىندى.

يماق دهقان و اونىنگ خاتىنى روزى خال قيرغى ساي پاليزى بو يىل
كوتىلگىندين كۆپراق سىر حاصل بۇلگىندين قووانىب، بيزگه هم كته حق
تېگر دېگن اؤيگه بارگن اېدىلر. اېرتەسى رحيم بېگ قيرغى سايگه كېلىب
اېشكلىرىگه آرتىب اؤن قاپ قاوون- تربوز يوباردى. يماق دهقانگه هم
تۇرت قاپ تربوز- قاوون بېردى.

رحيم بېگ اوزون بۇيلى آدم اېدى. قاوون- تربوزلر كۆمەسى آرتيدن
اونىنگ باشى ايله كۆرىنر اېدى. او، يماق دهقانگه:

- كۆمەدهگى قاوون تربوزله نى كۆترە ساتە بيز. بونچه كۆپ قاوون
تربوزدى اېشكلىر مېنن تاشىب توگتېب بۇمەيدى. اېرتە گە خرىدارله
كېلەدىلر. سېنى و ايكى دهقان حقىنى پولدن بېرە من.

- باى اكه هر بير سؤزىز مېنگه آلتىن، اؤزىز بيله سىز.
قاوون- تربوزلر ساتىلدى. يماق دهقان نىنگ كيسهسى هم پول
كۆرگندېك بۇلدى. اوندى روزى خال نى قىشلاققە- اؤز اويىگه
كۆچىب بارىش وقتى يېتىب كېلگن اېدى. تاووقلرى نىنگ جوجهلرى
اولغەيگن اېدى. جوجە خورازلرى ايكى آيدن كېين پىخچە بۇلردى.
ايكى قرى قۇى بۇرداقىسىنى يخشىگىنه سىمىرىتېب آلگن روزى خال
اېرىدن اېرتە گە كۆچىشىنى سؤرهدى. يماق دهقان ايكى كون اوزون
سايدن قىشلاققە كۆچىش يىلن آواره بۇلدى. اونىنگ قيرغى سايدە هلى
قىلپنه ديگن ايشلرى بار اېدى. او، ينه بير هفته چه قيرغى سايدەگى

کپه‌سیده قالیب بیر خرمن خس – خشک بیغیشتیردی. رحیم بپک دهقانلری خرمنیدن تورت قنار سامان تیلب آلدی. خرمنلری چاشیدن یریم قاپچه کپسن هم اؤندیردی. بولرنینگ همه‌سینی ایکی کونده اوییگه ابلتیب تشله‌دی. اپنگ آخرگی کونی اوزون سایده‌گی کپه‌سینی بوزیب یغاچلری – یو، خس‌لرینی اوییگه آلیب باردی.

یماق دهقان ییلردوامیده تیرکیشدپک محنتده پیشگن، قؤلی پاک، کؤنگلی تازه انسان ابدی. حلال محنتی حسابیگه رۇزغار تیره‌تیب تورگنیدن بغایت ممنون ابدی. وادیده هر بیر ملکدار بای دهقانچیلیک ایشلرینی یماق دهقانگه تاپشیریشنی ایستردی.

اسلام آباد. ۲۰۲۲. اکتوبر. ۰۹

قىشلاغىمىز بالەلىرى

بلىق آوى

يازنىڭ جىزىرەمە چلەسى اېدى. توش چاغى ياكە توشدىن كېيىن اۋنلەب بالەلرنى قىشلاق نىڭ شىرقى تامانىدە آقەياتىگن دريا بۇيىدىن تاپىردىنگىز. اولر كۇپراق دريانىڭ "تېشىك تاش" دېب اتلگن جايىدە تۇپلردىلر. "تېشىك تاش" دريانىڭ سووى قىران بۇلىب آقەدىگن چوقورراق جايى اېدى. "تېشىك تاش" سووگە سوزىش و سووگە چۇمىلىش اوچون مناسب بىر محل اېدى. هر كونى توشدىن سۇنگ تا كېچىگچە بوپىردن آدم ارىمسدى. مېن هم هر كونى دىوارلر سايەسى آغدرىلگندە جورەلىرىم بىلن سووگە چۇمىلگنى او بېرگە بارردىم.

بىز تۇرت-بېش بالە مەكتەب نىڭ يېتىنچى و سىكزىنچى صىنفلرىدە تەلىم آردىك. مەكتەب بىلن قىشلاغىمىز آرەسى چمەسى قىرق دىقىقەلىك مسافە اېدى. اوشبو مسافەنى هر كونى ايكى مرتە مەكتەگە بارىشگە و توش چاغى مەكتەب قىتە تىگندە باسىب اۋتردىك.

اسد آبى باشلىرىدە مەكتەب اۋقووچىلىرى يازگى تەعطىلگە چىققن اېدىلر. بىز هم تەعطىل كونلرى اوپلردە قالىب اوى ايشلىرىگە ياردەم بېرردىك. اېرتەلب سىگىرلرنى "پادە" گە قۇشىش، كېچلىرى "پادە" كېلگندە سىگىرلرنى اوىگە آلىب كېلىش، بۇرداقلىرگە اۋت اۋرىب بېرىش بۇنىمىزگە يوكلنگن يومىش اېدى.

بیرکونی "تہشیک تاش" دە جورہ لریمیزدن بیرى، الماسنى یازگی تعطیلنى قیشلاقدە اؤتکزیش اوچون کابل دن کپلگینى اېسلب قالدی. الماس بیر بیل آلدن اؤرتە مکتبى بیتیریب کابل گە اؤقیشگە جؤنب کپتگن اېدی. مین اؤرتاقلرگە: اوندەى بؤلسە کپلینگلر، الماسنى مهمانگە چقیریب، اونگە ضیافت بېرەلیک دېدیم. مېنینگ فکرىم جورەلر طرفیدن معقوللندی. الماسگە دريامیزدن بلیق اولب بېشیریب بېرىش اوستیدە کپلېشېب آلدیک.

اېرتەسى بالەلردن بیرى بازاردن "مرگ ماھى" کپلتیدى. مین اویمدن بیر کیلوچە اون آلیب کپلیدیم، بالەلردن باشقە بیرى بیر کرسان تغارە کپلتیدى، اونى تغارەگە سالیب "مرگ ماھى" قؤشدىک. قیشلاغیمیزدە اؤسەدیگن "تلخە" – دېب اتلگن اچیق مزەلى اؤتنى اؤغیرگە ینچیب خمیرگە اؤندیردىک. چارباغ درختلری سایەسیدە کرساندەگى خمیرنى اؤرتەمیزگە آلیب، خمیرنى قؤلریمیز کفتلری آرەسیدە ماش دانەسیدن کیچکینە – کیچکینە دؤمە لاق قیلیب، بیر یانگە قؤیە بېردىک. خمیر توگەدى. یوزلب دؤمە لاق خمیرلر قؤلیمیزدە اېدی. دریانینگ "تہشیک تاش" دن انچە بلند راغیگە باریب خمیرلرنى دریانگە ساجیب تشلەدىک. "مرگ ماھى" قؤشیلگن خمیرلرنى بیگن بلیغلر هوشیدن کپتیب، حرکتسیز حالدە سوو یوزیگە چقیر دېب، کوتیب توردىک. اؤن دقیقەلردن سؤنگ سوو یوزیدە بېشتە – اؤنتە برماغدن بېریکراقدە بیلقلر بیز تورگن بېردن انچە نریراقدە آقەدیگن سوو یوزیدە کؤزگە تشلندی. سېپتلرگە آلیب دریانینگ چاپدىک، بیر محل قرەسک "مرگ ماھى"نى بېب دریانینگ برچە بلیغلری سوونینگ یوزیگە چیققن. کؤپلری آقېب کپتدى، اولرنى توتیب آلیشگە امکانیمیز ھم بؤلمەدى.

کتە – کیچیکدن سؤرەمى اؤز باشیمچەلیک قیلیب "مرگ ماھى" بیلن بلیق توتیش نینگ اؤزى بیز اوچون بالەلیک دورى نینگ اچیق تجربەسى اېدی. بیلقلرگە آغو بېدیریب، یاپەسیگە قیریشدن آلدین

كېكسەلردن بلىق اولشىمىز تۇغرىسىدە سۆرەگنىمىزدە اولر بىزگە تۇغرى مصلحتلر بېرگن بۇلردىلر. توردە بلىق اولشىمىز ھم مەمكىن اېدى. بىز بو خطاگە يۇل قۇيمەگندە دريامىزنىنگ كئە- كىچىك "شىرماھى لرى" قىرىلمەى قالگن بۇلر اېدى، اطراف محىطدە ضرر يىتكزمەگن بۇلردىك.

چوروم

بھار و ياز كېچەلرى بىز ياشلرنى قىشلاغدە "چوروم" دېگن اۋىنىمىز بۇلردى. "چوروم" آسمانده تۇلىشگن آى نور ترەتگن كېچەلردە اۋىنەلر اېدى. قىشلاق بالەلرى تون نىنگ باشلغىچ ساعەتلىرىدە مەرە جايدە تۇپلىنىشىدىلر. اولر آرەسىدن ياشى اولوغراغ بۇلگن ايككى كىشى بېك اېتىب تەيىنلەردىلر. ايككى بېك يانمە- يان توريب، باشقەلرگە: ادەشيب كېلىنگلر" - دېب بويورردىلر. بالەلردن ھر ايككى كىشى بېكلردن نرى راققە بارىب، بىر بىرىگە مستعار آت تىلب بېكلر آلدىگە كېلدىلر. اولر يانمە- يان يوريب، بېكلرگە قرەب: مثال اوچون - "كىمگە آى كىمگە يولدوز" دېر اېدىلر. بېكلر ھر گل نوبت بىلن آتلرنى تىلشردىلر. مېنگە يولدوز كېرەك، - دېگن بېك نىنگ گروھىگە مستعار آتى يولدوز بۇلگن كىشى كىردى. شوندىە قىلىب "ادەشيب" بۇلگن بالەلر ايككى بېك باشچىلىگىدە ايككى رقىب گروھنى تىشكىل اېتدىلر. اۋىين قاعدەلرىگە كۆرە بېكىنگى كېتەدىگن گروھ قرەە اساسىدە بېلگىلەردى. اۋىين اصوللرى جدى روشدە رعايە قىلىنر اېدى.

بىرىنچى گروھ قىشلاق مركزىدە بىرلىشگن مەرە جايدن ياشىنگى قىشلاق نىنگ باشقە بىر تامانىگە جۇنوب كېتدى. اولر قىشلاق نىنگ قىسى تامانىگە كېتگىنى معلوم بۇلمەسدى. اۋن دىققەلردن كېين ايككىنچى گروھ بېكىنگى كېتگن گروھنى اىزلب تاپىش اوچون كوچە مە كوچە، باغمە- باغ يوگورردى. ياشىنگن گروھنى تاپكندە اىزنوچى گروھ اۋىين غالبى سەلردى. بۇلمسە، ياشىنگن گروھ كېتگن يۇلدىن اېمس باشقە يۇلدىن

مرّہ جایگہ قَیتیب کھلیب، بلند آوازده شاقین کؤترردی. بو بیلن اؤزلرینی مرّہ جایگہ قَیتیب کھلگنینی اعلان قیلیب، اؤیین غالبی بؤلردی. کچه نینگ سلقین هواسی، تؤلین آی نوری یاروغیده قیشلاق نینگ کوچه لریده ییلیب یوگوریش نینگ عجایب بیر کیفی بؤلردی. اپندی باله لیک نینگ اؤشه آلتین دوری فقط اېسلرده خاطره بؤلپ قالگن. تینیمسیز اوروشلر و نزاعلر خلق نینگ گوزل اوینلرینی اونیتیشگه آلیب کھلگن. زمانداش باله لریمیز اؤتمیشلرده قیشلاغلرده اؤینلهدیگن "چوروم" اؤیینی او یاقده تورسین، بو اؤیین نینگ آتینی هم اېشیتمه گن بؤلپشلیری هم ممکن.

آشیغ اؤیینی

مهنینگ باله لیک دوریمده آشیغ اؤیینی قیشلاغیمیز باله لرینی اؤوتتیره دیگن قیزیق اؤیینلردن اېدی. قیشلاغ باله لری نینگ همه سیده هم آشیغ یوق اېدی. آشیغ باز باله لر معلوم اېدیلهر. ایریم باله لر نینگ آشیغ خلته سی بؤلردی. بو خلته ده سویک رنگیده گی آشیغلردن آلیب، قاره، قیزیل، مامیش و کؤک بؤیاقلرده بؤیلگن آشیغلر هم بؤلردی. باله لر بؤش وقتلریده قیشلاق کوچه سی یاکه قیشلاق یقینده گی خرمان جایلرده تؤپلنپ آشیغ اؤینردیلر. آشیغ نینگ مشهور اؤیینی "کتّه خط" اېدی.

"کتّه خط" اؤیینیده ایکی کیشی قتنشردی. بیر تېکیس میدانده قطری ایکی مترچه بیر دایره چیزیلردی. دایره مرکزیده توغری بیر خط اوستیده مسابقه قیله دیگن ایکی نفردن هر بیرى برابر سانده آشیغلرینی یانمه - یان تیک - تیکگه تیکلب قؤیردیلهر، اؤیینی باشلش اوچون یېرگه آشیغ تشلردیلر، کیم نینگ آشیغی آچجی تورگن کیشی قؤلگه "سقه" سینی آلیب اؤیینی باشلب بهر اېدی. "سقه" عادى آشیغلردن توله راق، آغیرراق و کتّه راق آشیغ بؤلردی. بعضیلر

"سەقە"سى آغىرراق بۇلىشى اوچون اونىنگ اۋرتە قىسمىنى بىر آز تېشىپ، قۇرغاشىن قویر اېدىلر. "سەقە"، "گنە" ھم – دېب ناملرن اېدى. اۋىيىنى باشلەگن آدم "سەقە"نى قۇلى نىنگ باش برماغى بىلن بىرىنچى برماغى آرەسىدە محکم قىسىپ، "كئە خط" دايرەسى اۋرتەسىدە تىكەسىدە تىرىپ قۇيىلگن اشىغلرنى خط يقىنىدن توریب نشانگە آلیب آردى. "سەقە" شدت بىلن دايرە مركزىدەگى اشىغلر صفىگە تېگىپ، بىرتە يا ايكىتە اشىغنى دايرەدن تشقرىگە چىقرىپ آردى. گاهىدە صفى بوزىلگن اشىغلر دايرە اىچىدە ترقه لىب توشىپ ھىچ بىر اشىغ خطلن تشقرىگە آتلمسدى. "گنە" آتیب دايرە چىزىغىدن ھىچ بىر اشىغنى تشقرىگە چىقرالمەگن كىشى، "سەقە" آتیش نوبتىنى مقابل تامانگە قۇيىپ بېردى. مسابقه رقىلرىگە دايرە اىچكىرىسىگە كىرىش حقى بىرىلمس اېدى. "كئە خط" اۋىنەيدىگنلر اۋز نوبتىدە دايرە ميدانیدە ساجىلگن اشىغلرنى دايرە چىزىغى يقىنىدن قۇل اوزەتیب، "سەقە" بىلن چېرتىب – چېرتىب خطلن تشقرىگە چىقرىشىگە اورىندىلر.

دايرە اىچىدە بىرتە اشىغ قالدگونچە اۋىين دوام اېتدى. كۇپ اشىغلرنى دايرە اىچىدن تشقرىگە چىقرگن شىخى مسابقه غالبى بۇلدى. اولرنىنگ يونگن اشىغلرى اۋزلىرىنىنگ شىخى مىلكى سەلدى. اوشبو اۋىين تماشاسىگە كئە – كىچىك قتنە شردىلر. ماھر اۋىينچىلر كۇپراق اشىغلر قازانىب خلتەلرى اشىغىدن تۇلدى. اشىغلرنى پولگە ساتىب پول ھم قازانر اېدىلر.

تۇپ اۋىيىنى

ھر يىل بهارنىنگ بىرىنچى ھفتەلرىدە قىشلاغىمىز بالەلرى آرەسىدە تۇپ اۋىيىنى بۇلدى. بو اۋىين كھنە قىشلاق نىنگ كئە كوچەسىدە اۋتكىزىلدى. قىشلاق اھالىسى بىر نېچە يىل دريانىنگ شرقى قىسمىدە قىرلر يان بىرىدە پىخسەدن قورىلگن بىر قبتلى كئە – كئە حويللردە شىب كېلدىلر. قىشلاق نىنگ دىمە بىردە قورىلگنى اوچون آقر سووى

بؤلْمه گن، اما دریا بیلن توتش غربی چپکّه سیده ایکی اریق سوو- بیری تېگیرمان اریغی باشقه بیری قیشلاق غیمیزدن قریب بیر کیلومتر جنوبده بیرلشگن باشقه بیر قیشلاق اریغی ابدی. اوشبو اریغلر بؤلْمه غاو قیلیب اېکیلگن تال و تېرەک درختلرنینگ اېرتە و کچچ شمالدن او یاق - بو یاققە اېکیلیشی منظرەسی تماشا قیلگودیک. قیشلاق نینگ دریا بیلن توتش جاییده ایکی اریق آره سیده کتّه بیر حوض بؤلردی. انه شو حوض قیشین- یازین قیشلاق آدملرینی ایچیملیک سوو بیلن تاملینب تورردی. بیر نېچە بیل کھنە قیشلاقده یشەگن اھالی بو بېردن کؤچیشگە مەجبور بؤلدیلر.

قیشلاق تاملری نینگ بلارلریگە سریق مورچە دارینگى سبب بیر نېچە بیل بورون آدملر قیشلاقنى ترک اېتیب، دریانینگ غربی تامانیده گی بېرلریده قوردیرگن حویلیریگە کؤچیب اؤتگن اېدیلر. ینگى قوریلگن قیشلاق غیمیز بالەلری کھنە قیشلاق نینگ کتّه کوچە سیده توپ اؤپنردیلر. بالەلر نینگ توپ اؤیینی بهار نینگ باشلنغیچ هفتە لریده توشلردن کپین سلقین هوا دە اؤینە لردی. اؤینلە دیگن تۇپنى قیشلاق- نینگ بالەلری سیگیرلر جونیدن توزە تردیلر.

بهار کونلریده پادە بان نینگ پادە سی کپچکی پیت ادیرلر دە اؤتلب قیشلاققە قتیب کپلردی. بالەلر برماغلری بیلن سیگیرلر یونگی (جونى) نی یولیب آلدیلر. تۇپ اغیرراق بؤلشیشی اوچون توشلە چە بیر یومە لاق سیدام تاشنى تاپیب اونى سیگیر یونگی بیلن قاپلب، سوو سېپ قۇللىرى كفتلرى آره سیده قیسیب- قیسیب ایشلاو بېریب پیشیردیلر. یونگ استە- سېکین یومە لاق کیگیزگە ایلنردی و نہایت قۇللىرى نینگ كفتلرى آره سیده سیغە دیگن تۇپ حاصل بؤلردی. ایریم حاللر دە تۇپ نینگ کیگیزی ترقە مسلیگی اوچون اونینگ اطرافیده ایدن تۇر هم تۇقیر اېدیلر.

تۇپ اؤیینی ایکی رقیب گروه اؤرتە سیده، اوزونلیگی بیر متر دن قیسقە راق بؤلگن تۇغرى بیر کلتک و بیر تۇپ بیلن اؤینە لردی.

قىشلاق بالەلرى حمل و ئور آيلرى طبعىت سۇلىم ھواسىنى ساوغە اېتىپ تورگن چاغلردە، كھنە قىشلاق نىنگ كئە و خلوت كوچەسىدە توپ اۋىنلر اۋتكزر اېدىلر. ايرىم جھتلرى بىلن زمانوى كرىكىت اۋىنىگە اۋخشەگن بو تۇپ اۋىنى "قاچر تۇپ" ھم - دېپ اتەلردى. قىشلاق بالەلرى سوو كۇپ بۇلگن وقتلردە دريا اوستىدە ايكى يوغان و اوزون تېرەكدن قىلىنگن كۇپرىكدن كھنە قىشلاققە اۋتردىلر. سوو آز بۇلگندن اىستانلرىنى تىزەدن بلندراق نىپە اورىپ دريا سوويدن كىرىپ اۋتىشردىلر.

قاچر تۇپ اۋىنى اۋزىگە خاص قاعدە اساسىدە اۋىنەلردى. اېنگ اول بالەلر آرەسىدە ايكى گودەلى و چېچن كىشى بېك اېتىپ تىنىلنر اېدى. قالگن بالەلر ھر ايكىتەسى بىر جفت بۇلىپ "ادەشىب" بېكلر آلدىگە كېلدىلر. شونەدى قىلىپ بالەلر ايكى بېك رھبرلىگىدە ايكى رقىب گروھنى تشكىل اېتردىلر.

تۇپ بېرەدىگن و تۇپ اورەدىگن تامانلر قرەە اساسىدە تىلنر اېدى، تۇپ بېرەدىگن گروھ اۋز آدملىرىنى اۋىن ميدانىدە ترقەتردى. اولر نىنگ اىشى مقابل تاماندىن كلتك ضربى بىلن ھواگە اورىلگن تۇپنى قۇلگە آلىش و مقابل گروھ نىنگ بېلگى لنگن ايكى مرە جاي آرەسىدە قاچىپ بارەدىگن آدملىرىنى تۇپ بىلن اورىش اېدى. اۋىن ھر ايكى گروھدىن تىلگن فقط بىر- بىر كىشى ميدان نىنگ بىر باشىدە بىر متر مسافەدە بىر- بىرلىگە مقابل تورردىلر، تۇپ بېرەدىگن آدم قۇلىدە كلتك آىب تورگن كىشىگە تۇپ تىشلردى. رقىب تامان قۇلىدەگى كلتك بىلن اونگە تىشلنگن تۇپنى كوچى يېتگونچە قتىق ضرب بىلن ھواگە اورر اېدى، بو بىلن اۋىن باشلردى. ھر بىر كىشى اوچ مرته تۇپ اورىش حقىگە اېگە بۇلردى. كېىن اونىنگ نوبتى توگب باشقە بىر گروھ داشىگە اۋرىن بۇشەتردى. فقط "بېكلر" بېش مرته تۇپ اورىشگە حقلى اېدىلر. تۇپ اورىش نوبتى اۋتگن بالە "اۋلىك" حسابلنردى. اۋىن ميدانىدە بىرى- بىرىدىن ايكى يا اوچ يوز متر مسافەسى بۇلگن "اۋلىك"لر تورەدىگن

ایکّی نقطہ تعینننر اہدی. ہر بار تۆپ کلتک بیلن اوزاق مسافہگہ آتیلگندہ "اۆلیک" لر آلدیندن تعینننگن بیر نقطہدن باشقہ بیر نقطہگہ تیز سرعتہ چاپیب بارردیلر. اگر تۆپ مقابل تامان نینگ قۆلیگہ توشسہ اۆلیکلر ایکّی نقطہدہ فرصت کوتیشیب قالدیلر. تۆپ ہوادہ بۆلیب یا کہ اوزاق مسافہدہ بۆلسہ اۆلیکلر بیرینچی نقطہگہ چاپیب باریب، تیریلدیلر. مقابل تامان قاجیب بارہیاتگن "اۆلیک" نی تۆپ بیلن اورہ آگندہ گینہ رقیب گروہلر نینگ اؤرنی المشردی. تۆپ بۛرہدیگن گروہ تۆپ اورہدیگن گروہ نینگ جایینی آردی. بہار نینگ سؤلیم کونلریدہ قیشلاغمیز بالہلری اوچون مناسب ابرمک سنلگن "قاجر تۆپ" اۆیینی شوندہی دوام اہتردی. خمیر اوچیدن پتیر دہگندہی خلق نینگ قارہ کۆز بالہلری اۆیینلریدن کپچیک مثاللر روایت قیلیندی.

بیللر اؤتدی، دور اؤزگردی. ایچکی نزاعلر و اوروشلر سبب خلق آرهسیدہ اوزاق دورلر دوامیدہ رواجلنگن اۆیینلر، عرف۔ عادتلر و عنعنہلر، ملی و مدنی قدریتلر اونوتیلہ باردی. اہل۔ اولوس نینگ معنوی آلتین میراثی تالان قیلیندی. افسوس کہ بوکونگی بالہلریمیز اجدادلردن قالگن مدنی امانتلر بیلن تنیش اہمسلر، تنیشیلرلی اوچون فرصتلر قۆلدن کپتیب بارماقده؛ حاضرگی قیسیر اجتماعی حیات یقین و حتا کہ اوزاق کپلہجکدہ گللب یشنہگن ینہ بیر ینگی مدنی دور توغیشی تاشبقہ تہرہک کہ چیقندہ ممکن دہک تویولہدی.

اسلام آباد. ۲۰۲۰. سیتمبر. ۲۰۲۲

قراوسىز بالەلەر قىغوسى

بۆلەجك شفاكار محمدصادق ھلى اونچە رواجلىنمەگن شەر قۇينىدە اولغەيدى، شەر مركزىدە كتە چارباغ اۋرنىشگن. چارباغ نىنگ تۇرت تامانىدە تۇرت رستە، اۋرتەسىدەگى تىپەلىك اوستىدە صلابتلى بىر سىنماكۇزگە تىشلار اېدى، شرقى قىسمىدە كىچىك بىر رستورانتى بۇلگن سىنما بناسى شەر كۇركىنى تابارە آشىرىب تورردى. چارباغ نىنگ تۇرت تامانىدە بىرلشگن رستەلرنىنگ ايكى طرفى قىشىن-يازىن يم-يشىل بۇلىب آسمانگە سۇپلشگن ناجو درختلرى شەرگە اۋزگچە چىراى بىر اېدى. شەر كوچەلرى اسفلت قىلىنمەگن، ھر يىلى بىر مرتە جغل تۇشلردى.

محمد صادق "توكلىخانه" محلهسىدە توغىلگن، آنەسى، آتەسىدن بىتىم قالگن گودگىنى بىغلب-سىقتب وايەگە بىتكزدى. محمد صادقنى "چونى بىرون" منطقهسىدەگى مکتبگە قۇيدىلر.

اۋرتە بۇىلى، قۇى كۇزلى بو بالەنىنگ لىرىدن كولوگ ارىمسدى. او مکتبنى يوكسك بهالر بىلن بىتيرىب، مهربان وطنداشى نذىر قولخان مېمىنگى تشبى بىلن پايتخت كابل دە حبىبە لىسەسىگە اۋقىشگە كىردى. بو مکتبەدە آقسويكلر فرزندلرى تعليم آلر اېدىلر. مکتبنى يوقارى بهالر بىلن تاماملەگن محمد صادق كانكور سىناويدە اۋزى اىستەگن طب فاكولتەسىگە كىرىش اوچون شرط بۇلگن بهانى قۇلگە كىرىتدى. صادق

کوتيلمه گن مهم مؤفقیتی بیلن آنه سی و یقین قرینداشلرینی قووانتیردی. اویده گیلر نینگ اونگه بؤلگن حرمتی ینه - ده آشدی.

او هر ییلی قیشگی تعطیل کونلرینی آنه سی نینگ ایسیق قوینیده اؤتکزیش اوچون میمنه شه ریگه کپلردی. محمد صادق بیرینچی قیشده کابل دن کپلگنیده شهر مسجدریدن بیریده ملا آلدیده اؤقیشنی کوزله گن ابدی. جوده قتیق کپلگن قیش نینگ ایزغیرین ساووغیده توف اورسه توپیرچیغی هواده موزلب قالیشیگه قره مسدن آنه سی تیکیب بپرگن قلین پخته لی تونینگه اؤره نیب، مسجده گه درسگه بارر ابدی. ایریم کونلری یۆلده مینا قوشلر و موسیچه لرنی ساووق شدتیدن قیقیب اؤلیب قالگنی نینگ گواهی بۆلردی. محمد صادق بهارگه قدر مسجد ملاسیدن سبق آلدی، دین بؤییچه سوادى آشدی. عربچه و فارسچه سۆزلر، و متنلرنی اؤقیشده سیره قیینلمسلی.

قیرچیلمه قهرتان قیش نینگ اپنگ سؤنگگی کونلری ابدی، آسمانندن یاغیب تورگن قار یامغیرگه ایلندی، هوا ایلیدی، اپندی قیشگی لباس و قلین تۆنلر کیمسه هم بۆله دیگن کونلر کپلگن ابدی. بعضی کونلری آسمان یریم کونده بولوتلی و یامغیرلی بۆلسه یریم کونده قویاش چیقیب افقده کۆرینگن قیزیل، کۆک، زنگاری و سریق رنگلرده گی کملک عجایب جلوه تره تیب تورردی. بو شهرده کملکنی "حسن حسین یایی" هم دپ اتردیله. شهر مرکزیده گی چارباغده اجریغلر و تورلی گیاهلر کۆکرماقده ابدی. انه شو کونلر نینگ بیریده محمد صادق آنه سیگه طب فاکولته سیده اؤقیشنی دوام ایتدیریش اوچون پایتختگه جؤنب کپتیشی بیلدیردی.

محمد صادق توغیلیب اؤسگن شهردن هر کونی کابلگه موتر کپتمسلی. او، بیر نچه کون کابلگه کپته دیگن موترنی کوتیب توردی، آخری بیرکون تانگده آنه سیدن آق فاتحه الگن صادق آنه سی پیشیرگن پتیرلرنی، ایکی اوچ کیلوچه سایه گی مییز، بادام و یانغاقنی بۆز خلطه لرگه سالیب، چرم بیلن قاپلنگن صندیغیگه قویدی، اپرته لب وقت

يۇلگە چىقىدى. ئەنسى اونىنگ آرقەسىدە بىر جام سوو سىپىدى، كۆزى-نىنگ آق و قارەسى بىردن بىر اۋغلىگە بى خىر سىفر آرزو قىلدى. صادق شەرنىنگ بلخ مۇترلىرى بېكىتىگە يېتىپ كېلدى. كابىلگە كېتەدىگن "چىكلە" دېب اتلەدىگن يوك تشوۋچى مۇترىرىم ساعىتلر اۋتر-اۋتمس يۇلگە توشدى. يۇلا وچىلر قىزىل مېيز قاپلىرى يوكلىگن مۇترگە مىندىلر، هوا قوياشلى اېدى. مۇتر غىلدېرەكلرى ایلنە باشلەگچ كلىنر "دعاى خىر" دېب سېسلىدى. يۇلا وچىلر هم سىفرلىرى خىر سىزى بۇلىشىنى اىستېب قىلىپ دعا قىلدىلر. مۇتر اسفلىت قىلىنمەگن يۇلدە او ياق-بو ياققە قىلىپ بارر اېدى. محمد اوشبو مشقتلى اوزاق سىفردە كابىل نىنگ باشقە اۋقوو يورترىدە تىحصىل آلەدىگن وىنداشلىرى محمد صادق نىنگ يۇلداشى اېدىلر. كىمىدە بېش كېچە و كوندوز مۇتردە يۇل يورىپ پايتىختگە يېتىپ بارگن صادق فاكولتە ياتا قىخانەسىگە بارىپ جايلشدى. درسىلر اېندى باشلىگن اېدى. او كېچە-بو كوندوز اېرىنمىسدىن درس اۋقىدى. استاذلىرىدىن يىخىشى بېھالر آلدى. سىنفداشلىرى و فاكولتە اۋقوو وچىلرى آره سىدە ممتازلردن اېدى.

حكومەت خارىگە تىحصىل آلىشى اوچون محمد صادقنى لىندنگە جۇندى. او روحياتشەناسلىك بۇيىچە اۋقىشىنى بېتىرىپ لىندنن اۋز وىنىگە قېتىپ كېلگىدە برنا آصفى دېب تىلخىس قىلدى. بىر نېچە يىل كابىل دە قالىپ كىسللرنى دوالب يورگن داکتر برنا روحي كىسللرنى دوالش اوچون انچە مونچە ايشلر قىلىشگە احتىياج بارلىگىنى سېزدى. اۋنل بىش داکترلرنى روحياتشەناسلىك بۇيىچە ملكەلى داکتر قىلىپ بېتىشتىردى. اىرىملرنى چېت اېلگە بارىپ ملكە آشىرىپ كېلىشلىرى اوچون شرايط يره تىشگە ياردم كۆرستدى. داکتر برنا پايتىخت كابىل دە روحي كىسللىكلر شىفاخانەسىنى آچىشدا باش و قاش بۇلدى. بىر نېچە يىللر اۋتدى. روحياتشەناسلىك بۇيىچە كۆرستگن بى بېھال خىدمىلرلى اوچون اونگە مملكت روحياتشەناسلىك آتە خانى لقبى بېرىلدى. او، اۋز وىنىدە اىچكى اوروشلر يىللرىدە يىنە كابىلنى ترك اېتىپ، لىندنگە قېتىپ

کپتیشگہ مجبور بؤلگن اېدی. بیر نېچه ییل لندن شفاخانەلریدە خدمت قیلیب تقاعد آلدی.

داکتر برنا حیاتی نینگ اېندی کېکسەلیک دوری باشلنگن اېدی. او هر دایم آنە یورتیدە یوز بېرەدیگن واقعەلرنی کوزەتیب بارر اېدی، او بیر کونی اۋز- اۋزیگە: «- عمریم نینگ کتە قسمینی مشقتلر، یوتوقلر و خرسندچیلیکلر بیلن اۋتکز دیم. قۋلیمدن کېلگنیچە انسانلرگە خدمت قیلدیم. اېندی قالگن عمرنی قۋلیمنی ساووق سووگە اورمە ی کپچیرسم. دنیا بۋیلب سیر و سیاحتگە آتلنسم، حیات نینگ قالگن لحظەلرینی فراغتدە اۋتکز یب تیریکیلیکدن لذتلنسم میکن» - دېدی. تورموش اۋرتاغی بیلن تورکیە، ایتالیا و ہسپانیەگە سفر قیلیب کېکسەلیک دورینی سوریشنی رېجەلەدی. کۋپ ییللر و آیلر لندن نینگ بولوتلی، تومنلی و یامغیرلی ھواسی کۋنگلینی زېریکتیرگن اېدی. شونەدی خیاللر سورگن داکترنی وطنی و وطنداشلری مھری ینە تیئچ قۋیمەدی. او ینە خیال سوریب آلدینگى رېجەلریدن واز کپچدی. - «عمریم نینگ قالگن فصلینی وطنداشلریم، مېنى اۋزی نینگ مھرلی قۋینیدە اۋسدیرگن شھریم خدمتیدە بۋلسم، بونگە نې یتسین» - دېگن گپلرنی ھم خیالیدن اۋتکز دی.

او، بیر نېچە کون دېگنە اۋز یورتیگە یتیب باردی، بلخ ولایتی مرکزیدە اوزاق یقین دوستلری بیلن اوچرەشیب، اولر نینگ فکرنی اۋرگندی. اوشبو دورە مملکتی باشقرەدیگن مرکزی حاکمیت یۋق حساییدە اېدی. یورت ایریم قرەمە- قرشی قوراللی گروھلر و تشکیلاتلر نینگ محلی حاکمیتلریگە بۋلینگن اېدی. اساساً اۋزبکلرگە تېگیشلی شمال ولایتلری کتە- کیچیک گروھلرنی باشقرەدیگن قوماندانلر اتفاقی ادارەسیدە اېدی. داکتر برنا انچەدن بېری یقیندن کۋریشینی آرزو قیلیب یورگن کیندیگی قانی تۋکیلگن شھری میمنەگە یتیب باردی. او بیر نېچە یقین قرینداشلری و بالەلیک دوریدە بیرگە اۋینب اۋسگن تېنگداشلرینی کۋریش بیلن مشغول بۋلدى. اولر نینگ

اويلريگه مهمانگه باردى. برنا، اوزاق بيللر شهردە تەكسى رولىدە
ايشلەنگن آتگە تەقلىگن "بگى" يا "گادى" مېنىشىنى ياقتىرر اېدى. گادى
مېنىب دوستلرى نىنگ اويلريگە بارىب تورر اېدى.

قىش موسمى نىنگ سۇنگى كۈنلرى اېدى. بىر-ايكى كىشى
اۋرتاقلرىم بىلن داكتىر برنانى كۆرگىنى اۋنىنگ اۋيىگە باردىك. اۋى نىنگ
ايكىنچى قېتىدە سوغدىگە كىرىب، كىتاب اۋقىب اۋلتىرگن اېكن،
سالاملشەپك، ھەر تاماندن صەحت آچىلدى. بىرگە كۆك چاى
ايچدىك، سايەگى مېيز يېدىك.

اۋ، بىركۈنى شەھر مەركىزىدە مېن بىلن اۋتمىش خاظرلرى شۈنىنگەپك
كېنىگى اجتماعى و سىياسى واقەلر اۋستىدە اۋزاق سۇزلىشىدى. اۋندن
لندن گە قەچان قېتىشى تۇغرىسىدە سۇرەدىم، داكتىر برنا اۋزاق وقتلى
ۋىتىگە قېتىگىنى بىلدىردى. يقىندە بىر اجتماعى و مدنى تەشكىلات
تۈزىب قراۋسىز بالەلر و مەيۋىلرنىنگ اينچلى احوالىنى يەخشىلىش
اۋچون خەمت قىلىش نىتى بارلىگىنى بىلدىردى، مېندن و باشقە
يازۋوچىلر، مدنى جماعەچىلىك فعاللىرىدن اۋنگە ياردەم كۆرسىتىشلىرىنى
سۇرەدى. مېن اۋنىنگ فەكرلرى بىلن قىزىقەن اېدىم.

اېرتەسى كۈنى داكتىر برنا بىلن بىرگە اۋنىنگ اېسكى تىشىلرىدن بۆلگن
ۋىلايت حاكىمى ادارەسىگە باردىك. اۋ حاكىمگە اۋز رېجەلرى بارەسىدە
مەلۇمات بېردى. دوستى سۇراغلىرىگە جۋاب قېتىرىب، حاكىم نىنگ
ياردەمىنى ھەم جەلب اېتگن بۆلدى. باشقە بىركۈنى حاكىم بىرگە لىگىدە
ۋىلايت نىنگ دلە قوماندانلىرى نىنگ باش قوماندانى آلدىگە باردىك.
حاكىم داكتىر برنانى كەتتە قوماندان و اۋ بىلن اۋلتىرگن باشقە دولت
اربابلىرىگە تىشىتىردى. داكتىر قوماندانگە اۋز نىتلرى و رېجەلرى
تۇغرىسىدە اىضاحلر بېردى. قوماندان ھەم داكتىر برنا رېجەلرىنى
مەقوللەب ۋىلايت حاكىمدن داكتىرنى دايمى روشدە حمايت قىلىشىنى
سۇرەدى.

بیر ہفتہ اؤتر۔ اؤتمس شھر حاکملیگی هوتلی سالونیدہ ایریم دولت رسمیلری، ضیالیلر وکیللری و ولایت حاکمی اشتراکیدہ بیر بیغین اؤتکزیلدی. داکتر برنا "بنیاد بهزیستی خانوادہ" ("عایلہلر حیاتیاتی یخشیلش جمغرمہسی") تشکیل ایتیشینی آچیققلب، مذکور جمغرمہ- نینگ ایچکی دستوری و کؤزلہگن مقصدلری خصوصیدہ سؤز یوریتدی. مجلسدہگیلر بیر آوازدن داکتر برنا تشبہی نتیجہسیدہ توزیلہدیگن اوشبو مدنی حرکتی ولایت اھالیسگہ خدمت کؤرستیشینی اوقتیریب، جمغرمہ دستورلرینی تصدیقلہ دیلر. داکترینگ قؤلیدہ لندن دن آلیب کھلینگن یخشی بیر کمرہسی بار ابدی، او بو کمرہ بیلن مجلسدن عکسلر آلدی. مجلسدہگیلر آرسیدن شھر گارنیزیونی قوماندانی نینگ کؤزی کمرہدن اوزیلمس ابدی.

گارنیزیون قوماندانی بیر کونی مہندن داکتر اونگہ اؤز کمرہسینی ہدیہ قیلیشینی سؤرہب، اونینگ بو ایستگینی داکتر برناگہ بیتکزیشیمنی بیلدیردی. مہن اونینگ بو خواھشینی داکترگہ ایتیشینی اؤزیمگہ اپ بیلہدیم. ہر کیم نینگ یخشی نرسہسی بؤلسہ کتہ قوماندانگہ یقین قوماندانچہلر کبرہک ابدی.

داکتر برنا شھر مرکزیدہگی اہسکی حویلیسینی جمغرمہ مرکزیکہ ایلنتیرگن ابدی. حویلی نینگ تۆری و غربی تامانیدہ پخسہدن قوریلگن قطار اؤتاقلر بیللر دوامیدہ یپمیریلش حالیکہ کھلیب قالگندی. او، بیرینچیدن حویلی اؤتاقلرینی ترمیم قیلشگہ باشلنتدی. اؤتاقلر و حویلی دیوارلری گچ بیلن آقتریلدی. ہر بیر خانہ اؤقووچیلر صنفیکہ مولجللندی. ہر بیر ادارہ و ہر بیر شخص قارہ تختہ، اؤریندیقلر یاردم قیلدی. داکتر برنانینگ نیتی شھر کوچہلریدہ یورگن یپتیم و قراوسیز بالہلرنی بیغیب، اولرگہ درس اؤتش، استعدادلری نی اؤستیریش اوچون مناسب زمینہ یرہتیش ابدی.

بیر نچہ کون آرسیدہ قراوسیز بالہلر مرکزگہ کھلتیریلیب، صنفلر اؤقووچیلرگہ تۆلدی. معین آلیک وعدہ قیلینب ملکہ لی اؤقتیوچیلر

شھرنینگ شمالي تامانیدە خراسان لیسەسى نینگ غریبی کوچەلریدن بیریدە اۆز اویبى نینگ مھمانخانەسیدە سیدغوثالدین معلم یاش بالەلرنی اؤقتیردی. بیر نېچە ییل آلدین شھەر مرکزیدە یېرلشگن سینما تېپەسى اوستیدە تورگنیدە نامعلوم جایدن آتیلگن اوق معلم نینگ آرقەسیگە کیریپ، اومورتقەسیگە ضرر یېتکزگنی باعث ایگى آیاغی فلج بؤلگن ابدی. معیوب اؤقتووچی ویلچیردە یورر ابدی. بیر کونی داکتر اونینگ کورسینی کؤرگنی باردی. کوچەنینگ ایگى تامانیدەگی اریقچەلر قیرغاغیدە اېکیلگن توت درختلری اولغەییپ، کتە بؤلگن ابدی. داکتر انه شو درختلرنینگ قلین سایەسیدە یوریب سؤراقلەى- سؤراقلەى سیدغوثالدین نینگ اویینی تاپتی. او، معیوب اؤقتووچی فعالیتلرینی آلقیشلب، اونینگ کورسینی اۆز حمایەسیگە آلدی. قلم، کتاب و کتابچەلر یېتکزیب توردی.

داکتر هر کونی اؤقووچیلرینی اویلریگە کپتەدیگن وقتى یقینلشگنە حویلی اؤرتەسیدە کتە بیر پتنوسگە تازەلنگن سبزی آیب تورردی. درسدن بؤشب اویلریگە قیتەدیگن بالەلرگە سبزی ترقتردی. مرکز نینگ آوازهسى شھەر بؤیلب ترقەلیب آدملر تامانیدن آلقیشلنردی. بیر کونی شھرنینگ باى به دولت معارفپورلریدن بیرى مرکز اؤقووچیلریگە بیر نېچە کارتن قلم و کتابچە هدیە قیلدی، مرکز فعالیتى هر کونی رونقده ابدی. خلق ارا یاردم مؤسسەلریدن بیرى مرکز ایشلریگە قیزیق حویلی نینگ توریدن یېر تۆلەلى ایخچمگینە بیر زمانوی بنا هم قوریب بېردی.

باشقە تامانده کتە قوماندان نینگ لگن بردارلری هم بیکار اؤلتیرمەدیلر. مرکزگە و داکتر برناگە قرشى فتنەلر باشلندی. شھەر گارنیزوینى قوماندانى فتنەچیلر باشلیغى ابدی. او داکتر برناکمەرەسینی اونگە ساوغە قیلمەگنی سببلی دلیدە جمغرمەگە قرشى کتە کینە آگگندی. اولر داکترنى چپت اهل دولتلری ایغاغچیسى و آچگن مرکزی جاسوسخانه بؤلشی تۇغریسیدە یالغان و اویدیرمە گپلرنی ایتیب،

قوماندان فكرينى چلغيتدىلەر. او يەر- بويىرىدە "دېدى- دېدى" گېلەر اوج آلدى. داکتر برنا بو مېش- مېشلرنى اېشىتىپ، عقلى باشىدىن كۆچدى. پريشان حالده نېمە قىلرېنى بېلمەي خفە اېدى. مركزده تعليم آله ديگن قراوسىز باله لر آره سيدن يىخسى درغەلەر، داکترلەر، يازووچىلر... يېتىشىپ چىقە دېلر دېب آرزو قىلگن داکتر برنانىنگ قۇلتىغىدىن تریوزى توشدى. كتە قوماندانگە مركز و داکترگە قرشى آيتىلە ديگن بدىنانه سۆزلر اغوا ترقه تىشدىن بۆلك نرسە اېمس اېدى، لگن بردارلر نىنگ بېلىپ- بېلمس قىلگن فتنه لرى خلققه دشمنلىكدن بۆلك نرسە بۆلمەگىنى كتە قوماندانگە توشىتتىرىپ ايتە ديگنلر يۇق اېدى. بارىؤلگنده هم لگن بردارلر ترازونىنگ آغىر پله سیده اېدىلر.

داکتر برنا مركز ياپىلىشىنى آچىق كۆزلرى بىلن كۆرىشىنى ايسته مسدى. حتا جاهل انسانلر تامانىدىن حقارت بۆلىشىدىن آيمىقردى. او مركزده خدمت قىلە ديگن حبیب الله شىخزاده دېگن دوستىگە، يقىنده بىر نېچە كونده بىر يېرگە بارىپ كېلىشىنى بىلدىرىپ، شىخزاده گە اۋزى قىتىپ كېلگونچە مركز فعالىتلرېنى باشقۇرىش صلاحىتىنى تاپشىردى. اېرتەسى تانگ چاغى قراوسىز باله لر قىغوسىنى يوره گىگە توگىب شھردن چىقىپ كېتدى. داکتر يە لندن گە يېتىپ بارر- بارمس بىركونى شھر گارنىزىونى نىنگ عسكەرلىرى كېلىپ مركزده گى بار نرسه لرنى موترلرگە آرتىپ آلىپ كېتدىلر. قۇشنىلر آره سیده مركز نىنگ ايرىم میده- چويدە لرىنى اۋمرگنلر هم بۇلدى. مركز دروازەسى ياپىلدى. شىخزاده سوتى تۆكىلگن بايىچە دېك كۆنگلى ويران اېدى. قراوسىز اۋقووچىلر نىنگ حيات مشقتلرى يە اۋز آغوشىگە اۋرەب آلدى.

عمرى نىنگ سۇنگى لحظه لرىگچە اۋزى اوچون جانىدىن عزيز شھرى نىنگ خلقىگە خدمت قىلىش اوچون آنت اىچگن داکتر برنا گوزل انسانى آرمانلرېنى بدرغەلىك يورتىده دىنادن آلىپ كېتدى.

ایکے کونداش نینگ بیر کونی

ایکے کونداش بیر-بیری بیلن آتداس اېدی. قیشلاق عیاللری اولرنی "کتّہ عایشہ" و "کیچیک عایشہ"- دېب خطاب قیلردیلر. ایکلّه کونداش بیر-بیرینی تونغیچ فرزندلری آتی بیلن چقیردی. کتّہ کونداش نینگ بیردن بیر قیزی زلفیہ یاشلیگیدن اؤگی آنهسینی آهه - دېب خطاب قیلر اېدی. تورسون بای نینگ نې زمانلر اؤلیب کپتگن باشقه بیر خاتینیدن تۆره دېگن اؤغلی و ضعیفه آتلیق قیزی بار اېدی. تۆره، تورسون بای نینگ اېنگ کتّہ فرزندى اېدی. او ادیرلرده آتھسی نینگ قۇیلرینی باقیش بیلن مشغول اېدی.

قومی نینگ اودومیگه کۆره تورسون بای نینگ اوروغیده اېسیر قالگن عیالنی اؤلگن اېری نینگ یقینلریگه تورموشگه بیردی. تورسون باینی هم شو عادت اساسیده عمکیسی اېشمراددن بیوه فالگن کتّہ عایشهگه اؤیلنتیرگن اېدیلر. کتّہ عایشه بیرینچی تورموش اورتاغی بیلن کۆپ یشمهگن. اوندن بیر اؤغیل دنیا کپلتیرگن اېدی. اؤغلی هم کۆپ تورمهی عالمندن اؤتگن اېدی. تورسون بای اېسیر آگن خاتیندن زلفیهنی کۆرهدی.

بیر ایکے بیلدن سؤنگ باشقه بیر قیز بیلن اویلنیشنی هوس قیلیب فالگن تورسون بای، قیشلاق نینگ اېنگ کتّہ به دولت بابی حاجی همراه نینگ تونغیچ اؤغلی اېدی. او، دولت باشی اؤغلی نینگ

خواھشىنى رد قىلمەدى. اۋنى قۇشنى قىشلاقلىك تىنقىلى بىر كىشى- نىنگ قىزى بىلن اۋىلنتىردى.

كۈتە عايشە اېرى نىنگ باشقە خاتىن آلىشىگە سىرە خفە بۆلمەدى، منگلىنى چىتمەدى. او باشقە كونداشلاردېك ايكىنچى كونداشنى اۋزىگە رقىب اېمس بلکہ، بىر دوست و يقين همكار - دېپ بىلردى. كونداشى نىنگ تۇيىدە خرسندلىك بىلن قىتتىدى. قىزى زلفىە گە يىنگى كىمىلر كىيدىردى. اۋزى خرسندلىگىدن دائىرە چلدى. يقين قرىنداشلىرى كۈتە عايشە نىنگ خوشلىگىنى كۇرىب حيران اېدىلر. اېسىنلرى و قۇشنىلرى - «كونداشلى كون يامان بۆلەدى» دېشىردى. ھلى كۆرەمىز كۈتە عايشە نىنگ نانى يىرىم بۆلگىنى. تورسون باى نىنگ خاندانىدە «كون كۆرەمىن دېگندە كۆزى كۆزى توتىلدى» - دېگن گپ - سۆزلر ايتىلە كىتدى. زلفىە نىنگ آنەسى اولر نىنگ بو گپلرگە اصلا بها بېرمىس اېدى. او، بىر كۈنى ھر دايمگىدېك مسجد ملاسى بامداد اذانىنى ايتگندە اۋيقودن توردى، طھارت قىلدى. اۋىدەگىلرنى بىر ياقدن نماز اۋقىشگە اۋىغاتتى. اېرى و كونداشىگە ايكى آفتابەدە اىلىقتىنە طھارت سوۋى تيارلب بېردى. كونداشى اونىنگ بو ايشىدن خجالت تارتدى، ھمە نمازىنى اۋقىدى. زلفىە نىنگ آنەسى اۋدەغە يىلب سىگىرنى ساغىب كېلدى، انه مانە دېگونچە سىگىر و باشقە ايكى تۇرپىنى كوچە گە ھىدب پادەچى نىنگ پادەلرگە قۇشىب كېلدى. اۋندەگچە قىزى زلفىە كىچىك تىندىرگە اۋتىن سالىب چاى قىتتە ياتگن اېدى. زلفىە اېندى بلاغتگە يېتگن بلند بۇىلى بوغداى توسلى، ايشىلب چرچەمەيدىگن قەمچىدېك قىز اېدى. آنەسى تىندىر اۋلدىدە قىزى نىنگ يانىدە استە اۋلتىرىب:

- قىزىم قۇى چاىنى مېن قىتتەمەن. سېن قۇلىنگ گە سېتتەچەنى آىب سېنگلىنگ ضعيفە مېن بارىب يەكە باغدن صاحىبى و قاره كشمش اۋزومى اۋزىب كېلىلە، اۋندەگچە مېن سوتنى پىشىرىب ھمە نرسەنى تىخلب- تيارلب قۇىەمەن، - دېدى آنەسى باشىدەگى كۈتە قرسى نىنگ اۋنىگىرنى يېلكەسىگە تىشلب.

- خۇپ بۇلەدى آنەجان، سىز ايتكن ايگى تور اوزومدن باشقە
اوزيم ھم اوزيب كېلمەيمى؟

- قرە قىزيم اگە تاكلردە آق الە و شھابى دن قاگن بۇسە ھم اوزيب
كېلىنگلە.

آپە-سىنگىل كتە-كتە آق قىرلىرىنى باشلىرىگە سالىب، پوزلىرىنى
اۋرەب يىكە باققە يۇل آلدىلر. يۇلدە كۇرسەلر اولر نىنگ وفادار قارە
موشىگى ھر كونگىدېك اولرگە اپرگشمەگن.

- موشوك كە نىمە بۇگن بۇسە؟ بوگون بىزە مېنن كېمە دېمى؟- دېب
سۇرەدى زلفىە سىنگلىسىدن.

- بىلمە دېم آپە جان، بوگون موشوك كە كۇزيم توشمەدى.

- تىناوكون اپرتە بىز بىلن باغدن اويگە جۇنەگنى اپسىمدە، كېين
اويگە كېلىب كېلمەگىنى كۇرمە دېم،- دېدى زلفىە حىرتلىب.

اولر اۋزارا گېپرە-گېپرە يىكە باغ يقىنىدەگى يىكە تال درختىگە
يقىنلىشىب قالدىلر. آپە سىدن آلدىنراق آدىملە ياتگن ضعيفە يىكە تال
درختى آستىدە ارقىچە اىچىدە موشىگى نىنگ اۋلىگىنى كۇرىب، بىردم
اۋچىب توشدى.

- موشىگىمىز بوپېردە اۋلىب ياتىدى،- دېدى آرقەسىگە قرەب.
زلفىە ھم يوگىرىب بارىب موشوك نىنگ جانسىز جىسدىگە كۇزى
توشدى.

- قنداغ بۇلىب اۋلگن بۇلسە بىچارە موشوگىمىز؟

- بونى ايلان چقىب اۋلدىرگن،- دېگن ضعيفە، آپە سىگە:

- كېچ بۇلەدى بوپېردە تورمە يىلىك، اويدە آنەم چاينى تيارلب بىزنى

كوتىب اۋتىرمەسىنلە- دېدى.

اولر نىنگ قارە موشوگى باشقە موشوكلردېك ايلاندن قۇرقمىس،
اېدى. بىر-ايگى بىل اىچىدە كۇپ ايلانلرنى توتىب، غىجىب اۋلدىرگن
اېدى. آپە-سىنگىل باغ آرەلب اوزوم اوزدىلر. كېين سېپتىنى نوبتمە-

نوبت كۆتۈرۈپ تېز- تېز قىزلىرىمگە ئۆتۈپ بېرىمەن. زلفىم نىنگ
 ئەسسى قىزلىرىم كۆتۈپ ئۆتۈرگەن ئېدى. زىمىنە شاشىلىپ:

- موشۇگىمىز يەكە تال تىگىدە ئۆلگەن ئېكەن. بىز ئونى ئۆلىمىنى
 كۆردۈك، - دېدى كەتە عايشە گە.

- ئىيى، قىنداغ بۆلىپ ئۆلىمىنى؟

- قىنداغ ئۆلگەننى بىلمەيمىز.

- ئوندى قىسى زەھرى يامان ئايلىنىدى بىلايىگە ئوچرەبتى- دە.
 موشۇكلىرىم دايم ئايلىنىدى تاپىپ ئۆلدىرەر ئېدى. ئاخىرى شۇنداغ
 بۆلۈرۈپ- دە.

زلفىم نىنگ ئەسسى قىزلىرىمگە قەرب:

- مەن ئوزوملىرىم چىقەپ كېگىنچە سىلە بىرندە گە جاي تۇشەيلى،
 چايدى بىرگە ئىچەيمىز، - دېدى.

قىزلىرىم بېش دىققەتتە ھەممە نىرسەنى تىيارلەيدىلەر.

تورسون باي ئونىنگ ئىككى عىالى و ئىككى قىزى دىستىرخوان اطرافىدە
 ھلقە ئورىپ ئۆلتۈردىلەر. باي كەتە عىالىدىن:

- بو ئېرتە سوت پىششىمە دىيەلمەيمى؟ - دېپ سۆرەي.

- سوت قازانگە قىنە تىلگەن، ئايب كېلەمەن، - دېدى زلفىم نىنگ
 ئەسسى.

- ياغ ئېي، كېتىرىپ ئۆلتىمە، يىخشىگىنە ئوزوم ئېكەن، بو ئېرتە شۇنى
 پىمىز.

نان و چاينى پىپ- ئىچىپ بۆلگەن باي:

- بوكون بازار، مەن بازارگە كېتىپ بىر ئاز سودا ئايب كېلەمەن. ئاقشىمگە
 مەھمانىمىز با. زىياقت ئوچون پلو، سوزگەن ئاش و ئوزوم بۆلسە بۆلەدى،
 - دېدى، عىاللارىمگە.

تورسون باي يا پىرىم، - دېپ ئۆرنىدىن تورىپ كېتدى. شو ئاندى
 كىچىكىنە عايشە نىنگ چىقەلاغى بېشىكىدە يىغەلى باشلەدى. تورت -

بېش دقیقه فرزندىگه سوت بېرىب آووتدى. او، كونداشى زلفيه نىنگ
آنەسىگه كوليمسىرەب:

- بوكون اخشمگچە مېماندى سررشتهسى مېنن بۇلىب الچە
تۇقىيالمەيىن شېكىلى.

- اونداغ دېمىنگ كونداش، ھەمە ايشلەنى اۋزىم قىزلە مېنن سرانجام
قىلەمن. سىز بې ملال ايشىزدن قامەگن. ارمان جان يىغلسە اۋزىم
بېشىگىنى تېرەتېب آووتەمن. مېن بۇسم غم يېمىنگ، - دەدى
كونداشىگە كتە عايشە.

چقەلاققە ارمان - دېب آت قۇيگن اېدىلر. ارمان نىنگ آنەسى برنە
نىنگ بىر تامانىدە قوريلگن دكاندە الچە توقىشگە باشلەدى. نىچەنى
ماكىگە سالىب، ايگى آياغى بىلن دكان نىنگ ايگى گولەسى نىنگ
ارقانلرېنى تېز- تېز باسە بېردى. او تاماندە كتە عايشە زلفيه و ضعيفە
گە، مېمانخانەنى سوپىرىب- سىرىب قۇيشلرېنى بووردى. اۋزى
اپسە اۋتاغى نىنگ بىر چېكەسىدە تۇكىلگن غۇزلەرنى چىيىب غۇزە
كۆرەكلرىدن پختەسىنى چىقىرىب آيشگە باشلەدى.

ارمان يە "اينغە- اينغە" - دېب، سېس چىقىرىب يىغلەى باشلەدى.
زلفيه نىنگ آنەسى اپىل- توپىل اۋرنىدن تورىب اونىنگ بېشىگىنى
تېرەتېب "الە" ايتدى. اما چقەلاغنى تىنچىتالمەدى. اونىنگ
قۇل باغلرېنى يېچىب بېشىگدن چىقردى. يىغىسى قالمەدى. "ارمان"
جانىم سوخلنىتېتى، بونى بدل فالچىگە آىب بارىب "قارە- قورە"
قىلدىرىب كېلمەسك يىغىسى قامەيدى، - دەدى. الچە تۇقىب تورگن
كونداشىگە. ايكلە كونداش اوويدەگى تاووقلر نىنگ ايچىدن بىر پرلرى
جگر رنگ قارەمتىر خورازنى قغىللەتېب توتىب آىب فالچى نىنگ
اويىگە جۇن ب كېتدىلر. فالچى، خوراز نىنگ تاجىنى كېسىب قان آلدى-
يو، خورازنى اۋز تاووقلرى خىلىگە قۇشىب يوباردى. او قاننى بىر آتىم
ناسچە قازان كويەگە قۇشىب برماغى قازان كويە ارەلش قاننى يىغلب
تورگن چقەلاغ نىنگ منگلەيى و ايگى يوزىگە سورتدى. ارمان نىنگ

آنەسىدىن اونىگە كۆكسىدىن سوت بېرىشىنى سۆرەدى. چقەلاغ شىپىرەدەب سوتى اېمگىچ تىنچىدى. كونداشلار ارمان نىنگ يىغىسى قالگىنىنى "قارە-قورە" نىنگ "كرامتى" دېب توشىندىلر.

كونداشلار اويلرىگە قىتىب بارگىچ ارمان نىنگ آنەسى اونى اوخلەتىب اۋزى يەنە دكانىدە الچە تۇقىشگە دوام اېتدى. زلفىە نىنگ آنەسى قىزلىرى بىلەن سورىپە آچىپ اون ابلەدى. كتە تاغاره گە خمىر قىلىپ قۇيدى. او خمىر آچىگونچە ماللرنىنگ قماغىگە كىرىپ تىي ياپتى. قۇللىرىنى ايسىق سوو و صابون بىلەن ايكى-اۋچ مرته يوويپ يەنە غۇزە چىيدى. شو آنە قىزى زلفىە:

- آنە خمىر آچىپ كېتىتى، دېدى بلند آوازده.
 - خمىر آچىگن بۇسە تېزراق زبالە قىلىپ يىسە قىزىم. مېن كېلىپ تىندىرگە اۋتىن سالە من، دېگن آنەسى استە اۋرنىدن توردى.
 - زبالە كتە بۇسىنىمى يا كىچىك، - دېب سۆرەدى زلفىە.
 - تاختە، اۋزىم كېلىپ كۆرسەتىب بېرە من.
 كتە عايشە آشخانەگە بارىپ خمىرنى زبالە قىلدى-دە، قىزىگە زبالەلرنى بىر آز يوپقەراق قىلىپ يىسەشىنى بويوردى.
 كتە كونداشى تېزەك خانەدن اۋتىن آلىپ بارىپ تىندىرگە سالە ياتگىندە ارمان نىنگ آنەسى كېلىپ:

- تىندىر قىزىسە كېلىپ نائلرنى مېن ياپە من، - دېدى.
 - ياغ ارمان جاندى آنەسى. سىز الچە تۇقىب چرچە دىز. ارمان جان اۋيغەنىب يىغلب قالر. سىز اونىگە قىرنگ، ناندى مېن اۋزىم قىزلە مېنىن پىشىرىپ آلە من، - دېدى.

زلفىەنىنگ آنەسى تىندىرنىنگ كولىنى چىقردى. قۇلىگە بىر سفال كۇزەنىنگ سىنىغىنى آلىپ قۇشنىسى نىنگ اويىدن چۇغ آلىپ كېلدى، قۇى نىنگ قىغى، تىي، خس و غۇزە پاىە ارەلش قىلىپ تىندىرگە سالگن اۋتىنىنى چۇخ الاۋى بىلەن توتەتىب ياقدى. كتە عايشە عايلە اقتصادىنى اۋيلىب، حتا بىر دانە گوگرد چوبىنى هم تېجر اېدى. الاو يانىب بۇلدى،

تندیر قیزی، ارمان نینگ آنەسى اۋنگ قۇلگە بېنچە كىيىپ يىسلگن خەمىرلەرنى تندىرگە ياپە باشلەدى. نان پېشىرە ياتگىنىدە ھەر كۈنى تندىر باشىگە دۇمىنى قىمىرلەتتىپ كېلەدىگن اۋلگن تلغىر موشۇگى اېسىگە توشىدى. - اې بېچرە موشۇگىمىز نىنگ عمرى شۇنچە اېكندە، - دېپ قۇيدى اۋز- اۋزىگە. ايكى تندىر ناننى پېشىرىپ بۇلگىنچە زلفىە نىنگ آنەسى آش خەمىر توتىپ، خەمىرنى اۋقلاو بىلن يوبۇقە قىلدى. او، خەمىرنى آش تاختە اوستىدە آش بېچاق بىلن مېدەلب كېسىدى، كېسىلگن آشلەرگە بىر آز اون سېپىدى، كېسىلگن آشلەرنى برماغلىرى و كفتلىرى آرەسىدە آلدى- دە، بىر نېچە دۇقىقە اېچىدە دستلەپ، تيارلەپ دم بېرىپ قۇيدى. ارمان نىنگ آنەسى جىيەدەپك قىزىرتىرىپ پېشىرىگن نانلەرنى نان سېتىگە تېرىپ قۇيە ياتگىنىدە بېشىكەدەگى بالەسى نىنگ يىغىسى اېشىتىلدى. ارمان نىنگ آنەسى بالەسىنى جوبىتگىنى كېتىدى. قىزى ضعيفە تۇرت تامانگە ھورومى چىقىپ، عەجايىب ھىيد ترەتەدىگن ايسىق نانلەرنى سېتىگە كۇتريب آشخانەگە آلىپ باردى. او نانلەرنى كتە دسترخوان اوستىگە بېرەتتى، بىر آزدن سۇنگ ايكى قلم قىلىپ شال دسترخوانگە اۋرەپ قۇيدى.

كتە عايشە ھەر بىر ايشنى كونداشىدن مصلحت سۇرەپ قىلدى. اولر، آقشام نىنگ اوقتىگە قابلى پلو و قىقىلغ سوزگن آش قىلماقچى اېدىلەر. زلفىە نىنگ آنەسى كونداشى بىلن مصلحتلەشىپ، پلو اوچون تۇقىز پىالە گورىچ يوبىتىدى. زلفىە تېزەك خانەدن اۋتىن كېلتىرىپ تندىرگە سالىپ قازاننى آسدى. كنجە ياغى قوتىسىنى قازان نىنگ يىقىنى كېلتىرىپ قۇيدى. مېھمان ضىافتى اوچون پېشىرىلەدىگن اوقتەرگە تۇرسون باي نىنگ كىچىك خاتىنى فراشلىك قىلر اېدى. او ياغنى قازاندا قىزدىرىپ تۇغرەلگن پىاز سالدى، اوزون- اوزون كېسىلگن سىزىلەرنى قۇشدى، گۇشتى قاووردى. انە مانە دېگونچە پلۇنى پېشىرىپ دم بېرىپ قۇيدى.

باشقى بىر اۋچاغ اوستىدە يەنە بىر قازاندا آش نىنگ سووينى قىتىنگن زلفىە نىنگ آنەسى اۋن- اۋن بېش دىقىقە آشنى قىتىدى. آش پىشىگچ تال خىمچەلرىدن تۇقىلىگن چۆلى بىلەن آشنى سوزىب آلدى. پىياز ھەمدە سرىمساق و شىيىت مىدەلب قۇشىلىگن سوزمە بىلەن آشنى قىتقىلەدى. سرىغ ياغنى ابرىتىپ تىنگلرگە سالىنگن آش نىنگ اۋرتەسىگە قويدى. اۋندە گچە پلو ھەم سوزىلىپ مەھمانلر دسترخوانىگە آلىپ بارىلدى. زلفىە نىنگ آنەسى مەھمانلرگە چاى ھەم دىملەب يوباردى.

مەھمانخانەدە و اىچكىرى اۋتاغلردە بىر ياغى يانەدىگن لىمپەلر و ارىكىن چراغلر اۋز تېورەگىگە نور ساجراپدى. آقشام نىنگ اۋقىنى بىب بۇلگن ارمان نىنگ آنەسى بىر پىالە كۆك چاى سوزوب اۋىگە چومىلدى. او اۋز خىيالىدە: «زلفىە نىنگ آنەسى مېنگە كونداش اېمىس؛ بلكە يىخسى بىر قىردان دوست، او انسانىلىك، مەر- مروت و يىخسىلىك نىنگ عىجب بىر تىمئالى. او نىنگ تىلىدن شوگونگچە: يۇق، بۇلمەيدى، قىلالمەيمەن، ايشىلب ھارىدىم، - دېگن گىلرنى اېشىتمەدىم، بىرگىنە كون سېسىنى بىلند چىقىرمەدى، انساندن فرىشتە توغىلىسە زلفىەجان نىنگ آنەسىدېك بۇلردى.» - دېدى. او بۇغچەسىنى آچىپ اۋزى اوچون بازاردن خوشىلب آلگن قىمەت بەھا گزلمەنى آلىپ كونداشى نىنگ اۋىگە كىرىپ باردى- يو، اوشبو متاعنى قۇش قۇللىب اونگە تارتىق قىلدى. زلفىە نىنگ آنەسى اۋز كونداشىدن كۆرگن التفاتى اوچون اونگە خرسندلىگ بىلدىردى و شو تارتىق قىلىنگن گزلمەنى اۋزىگە اېمىس بىردن بىر قىزى زلفىەگە كۆيلىك تىكىپ بېرىشىنى سۆردى. بىراق ارمان نىنگ آنەسى كۆنمەدى، او - «قىزىمىز زلفىەجانگە سېپىمدەگى اۋزى ياقىتىرگن گزلمەدن كۆيلىك تىكىپ بېرەمەن» - دېپ، زلفىە نىنگ قۇلىدن توتىپ اۋز اۋتاغىگە آلىپ باردى. سېپى نىنگ بۇقچەلرىنى آچىپ تورلى تونىس گزلمەلردن بىرىنى تىلشىنى ايتدى. زلفىە نىنگ دوداغلرېگە تىسىم گلى چىقنەب، بىر تە گزلمەنى كۆرستىدى.

– خوش قىزىم، بۇلەدى سېنگە اۋزىم بوندن كۋىلك تىكەمن. منە بو
كتاندن ايغليغىنگدى تىكىب جۋريغىنگدى جۋريغلهيمن، اپرتە گە
سىنگلىنگ ضعيفهنى هم يخسى سرپالر مينن خوش قىلەمن.
سىزلرنىنگ مېنگە كۋرستگن محبتلريز اۋلسم هم اېسىمدن چىقمەيدى،
– دېدى ارماننىنگ آنەسى.
شوندەى قىلىب ايگى كونداش نىنگ بير كونى توگەدى.

اسلام آباد . ۲۰۲۲ نوامبر ۱۸

نظام الدین جان نینگ تولکىسى

نظام الدین آتە-آنەسى نینگ كېنچە اۇغلى اېدى. ياشىنى يىشب، مونكە يىب قالگن آتەسى ملا مؤمن هر كونى عصاسىگە تىە نىب مسجدهگە بارىب كېلدى. مسجداولر نىنگ اوى نىنگ قرشىسىدە كوچە نىنگ نرى تامانىدە جايلىشگن اېدى. ملا مؤمن كۇپراق وقتىنى قىشلاق آقسقاللرى بىلن مسجدهدە اۆتكزدى. ملا نىنگ اۋزعايلهسى ايكىر-چىكىرلىرى بىلن ايشى يۇق اېدى. او رۇزغار يوموشلرىنى فرزندلرىگە تاپشىرىب قۇيگندى.

اۋرتە حال عايله نىنگ كىبانىسى اونىنگ تورموش اۋرتاغى انزىت خاله اېدى. اولر ايكى-اۋچ يقىن قرىنداش عايله لر دنغىلمە بىر حويلى-نىنگ توت درختى ياغاچىدن ايشلنگن كتە بىر قاپقە سىدن كىرىب چىقر اېدىلر. ملا مؤمن فرزندلرى اېكىنچىلىك و چارواچىلىك ايشلرى بىلن آواره اېدى. نظام الدىن، خاندان نىنگ اېلىك كە يقىن قۇبلىرى و اېچكىلىلرىگە چوپانلىك قىلدى .

قىشلاق اھالىسى ھم ياپەسىگە دەقانچىلىك و چارواچىلىك ايشلرى بىلن مشغول اېدىلر. قىشى و بهارى سىر ياغىن بۇلگن يىلى اولر نىنگ قۇبلىرى اېگىز توغردى. دىمە بىرلردە اېك كىن اېكىنلىرى حاصللى مۇل و

^۳ . قاپقە: (اېسكى) دروازه

سؤل بؤلردی. اؤتلاقلرده موج اورگن اؤتلرو تورلی گياھلر بیل دوامیده قیسی بیلن چاروالر آذوقه سینی تأمینلردی.

نظام الدین هر کونی تانگ آتمه ی چاروالرینی قماقدن چیقیریب، اؤتلتگنی قیر- اديرلرگه آلیب کپتردی. او، هر کونی تانگلرده قؤیلرینی قیشلاق کوچه لریدن هیدب چیقیب، قیشلاققه توتش یقین سای- قیرلرگه آلیب بارگنیده هم چؤلپان یولدوزی آسمانده پارلر ایدی. بهار ایدی، چاروادارلر قؤیلری نینگ تولى توشدی. نظام الدین نینگ بیرار قؤیی اېگیز هم توغردی. اونینگ عمکیسی شبر پالوان نینگ هم اؤتیز- قیرفته قؤیی بار ایدی. او هم قؤیلرینی اوزاق- یقین اؤتلاقلرگه باققنی آلیب چیقردی.

بیر کچه سحر غربدن اېسگن شمال اېکینلری تومشوغی آسیلگن قاره بولوتلرنی آلیب کپلدی. آسمانده برق اوریب تورگن مامه قلدیراق- نینگ به هییت سېسی یېر و کؤکنی لرزه گه سالیب تورماقده ایدی. شتیر- شوتور یامغیر یاغه باشلهدی.

نظام الدین نینگ آنه سی انزريت خاله:

- اؤغلیم، بهار یامغیری قالیشی مینن قیرلر و آدیرله گه قؤزی قنی چیقهدی. ابرته گه قؤزی قنی تېریب کېگین، ینه اېسینگدن چیقمه سی؟ هر کونی یم دشته گه قؤزی قنی چیقهدی، - دېدی اؤغلیگه.

- خؤب بؤله دی آنه، بشقه چوپانله یم قؤزی قنی تېره دیله. مین هم تېریب کپتیره من.

قؤزی قنی کؤپ یخشی بؤله دی، بهاردی مېه سی، تېریب کېسنگ قووریب یېمیز.

آنه- اؤغیل سؤزلشه یاتگنده اؤتاق نینگ تاقچه سیده تورگن شیطان چراغ نینگ پیلگی یلغی سوسه یدی.

چراغ نىنگ ياغى توگەگن اپكن، نظام الدىن بىرنە ستونىگە آسىلگن ياغ قوتىسىنى آلىپ كېلدى، انزىت خالە اۋچەى-اۋچەى دەپ تورگن شىطان چىراققە ياغ قويدى. شىطان چىراق شىلعەسى قىتە جانلدى. ياغمىر تىنمەى ياغر اېدى. تاملر ناوهرلدىن تاشىب آقەياتگن سوولر ھەمە ياقنى تۇلدىرىپ كتە قاپقە بۇسغەسىدن تاشىب اۋتىپ كتە كوچەگە قويولماقەدە اېدى. چمەسى بىر ساعىت ياغىب تىنچىگن ياغمىر ھوانى ساووتدى. قماقەدە اېندى توغىلگن قوزىچەلر ساووقدن تىترەب تورردىلر.

ملا مؤمن اۋغلى نظام الدىن گە:

- بو اېرتە قۇيلرىنگدى ھر كونگىدن كېچىراق آلىپ چىق. اۋىلشىمچە ھەمە ياق سووگە تۇلگن، كوچەلەنىنگ پىست يېرلرىگە كۇپ سوولر قىران بۇگن. قۇزىلە سووگە باتىب ھۇل بۇلەدى. سوووغدن اۋىلشلىرى مەكەن. بىر ساعىت كېچىراق كېتىسنگ، بىر سوودى شىمىرىپ آلەدى. ساغره كېتىسنگ آم بۇلەدى، - دەدى، قلىتىراق آوازەدە.

- بۇلەدى آتەجان، ايتكىزىدەى قىلەمن.

كېچە بىرىمگە يقىنلىشىدى. آسمان نىنگ اچىغى ترقەدى. بولوتلر ھر تامانگە ترقەلىشە باشلەدى. كۇك نىنگ جاي-جايىدە يولدوزلر كۇز قىمەتەماققە باشلەدى. ايكى ساعىت آلدىنگى غضبلى قارە بولوتلر جايىنى استە-سېكىن آپاق بولوتلرگە بېردى. اۋن تۇرت كونلىك آى ھم بەھار كېچەسى بولوتلر آرتىدن گاه يشىنىپ گاه كۇرىنىپ كۇنگىلرگە عجبىب طراوت بىغىشلر اېدى.

تانگەدە جنوبدن اېسگن بەھار شىمالى كوچلى ياغمىر سووونى تۇيىب - تۇيىب اىچگن قارە يېرنى سېرگىتگن اېدى. مسجىدە بامداد نمازىنى اۋقىب اويىگە قىتگن ملا مؤمن خاتىنىدن اۋغلىگە جىرىغ* قاوورىپ بېرىشىنى سۇرەدى. نظام الدىن آنەسى قاوورگن قۇزى گۇشتىنى بىر نېچە دىقەقە اىچىدە تىنول قىلگىچ، استە اۋرنىدن قۇزغىلدى-بو، خانەنىنگ تشقىرىسىدە دىوارە سوېب قۇيىلگن چۇپان تىاغىنى آلدى. او،

قماقدەگى قۇي و قۇزىلرېنى ھېدب ھر كونگېدېك بېر آز كېچراق ینە اديرگە جۇنوب كېتدى.

اېسكى دورلردە قارەقۇل قۇي نېنگ اېندى توغىلگن اېركك بالەسى نېنگ تېرىسى اوچون سۇيردىلر. قارەقۇل قۇزىسى تېرىسى نېنگ تجارتى رونقده اېدى اۋشندە. چېت اېل دولتلىرى- اروپا و باشقە غرب اۋلكەلرېگە كتە پولگە ساتىلدى. كېنىگى يىللردە حيوانلر حياتىنى حمايت اېتوۋچى جمغرمەلر اعتراضى و قرشىلىگى نتيجه سېدە قارەقۇل قۇزىلرى تېرىسى نېنگ بازارى كسادگە اوچرەدى. حاضرگى دوردە تېل و جغسىز قۇزىلرېنى سۇيىش ھم اۋز اۋزىدن تۇختەدى.

نظام الدېن نېنگ قۇلرى پست و بلند قىرلو كتە- كىچىك سايلىر اىچرە مېنگ تونىس گل و گياھ، رنگمە- رنگ قالىندېك يىلغىلنەدىگن اۋتلاقلردە گاه اۋتلب، گاهىدە چرچب كاۋشوب ياتردى. بېر محل نظام- الدېن آنەسى نېنگ - «قۇزى قنى تېرىب كې» دېگن گېي اېسىگە توشدى. او، اېشگىنى توشاۋلب، اۋزى تېز- تېز يۇگىرگىلب قۇزى قارىن چىقەدېگن سايگە باردى. ساي نېنگ باشلىنىشىدە ھر تامانگە باش سايىب قۇزى قارىن تاپالمەي يورەگى قان بۇلدى. استە- سېكىن ساي- نېنگ باشىگە قوبە بارسە، ساي اۋرتەلرېدە ھر بېر قەمدە قۇزى قارىنلر تاشلاق نېنگ تاشلرېدېك چىقىب ياتگىنى كۇردى. او بېجىرىم- بېجىرىم يېردن تېرىب آلگن قۇزى قارىنلرېنى آنەسى بېرگن خلطەگە سالە باشلەدى. ساي باشىگە بارگونىچە خلطەسى قۇزى قارىنگە تۇلدى.

نظام الدېن خلطەنى يېلكەسىگە تشلب قۇلرى اۋتلاياتگن سايگە قېتىدى. او تۇستدن دۇمى قارەمتىر، رنگى كۆكېش بېر تولكىنى كۇرىب قالدى. بېر آز تولكى نېنگ آرتىدن يۇگوردى. تولكى مىلتىق نېنگ اۋقىدېك اۋز اېنىگە كىرىب كېتدى.

تولكىنى قاۋلب چرچەگن چوپان قۇزى قارىن نېنگ خلطەسىنى قۇلگە آىب ھرسىلەي- ھرسىلەي قۇلرى اۋتلب تورگن سايگە قېتىب

الدى. او، توشاغلىنكن اېشكى نىنگ آلدىگە يېتىپ بارىپ، خۇرجىنى- نىنگ پلەسىدن بىر بوغداى نانى، قوتىگە سالىنكن آپاق ققناق و كىچىك بىر رومالده توگىلكن قىزىل مېىزدن بىر سىقىمنى آلدى- ده، توشلىك آوقتىنى تناول قىلدى. اوستىدن كىچكىنه كۆزه چەدن تۇيىپ- تۇيىپ سوو اىچدى. هاردىغى چىققن نظام الدىن چوقور نفس آلىپ اۋنگ قۇلىنى تۇرت تاماننده اۋسىپ ياتكن بىخىلمدېك يشىل مىسەلرگە تىركب اۋرنىدن توردى، ينه خۇرجىندن نى چىقردى. ساي اىچىده بىرەب، اۋتلب يورگن قۇيلىرگە قرەب- قرەب كون چىقر سرىدهگى پىستراق بىر تىپەلىككە چىقىپ آلدى. آياقلىرىدن چاروغىنى چىقىرىپ بىر يانىگە قۇيگن چوپان استە- استە نى چلە باشلەدى. كىپىراق نى نىنگ جان و تننى جىمىرلته يىدىگن مەيىن آوازى بلند و بلندراق كۇترىلە باشلەدى. نى نواسى قىرلرو سايلىر آره سىده اۋرەلدى. سايلىر آره سىدهگى يۇلدن پىاده و كۇيلىكل مىنىپ اۋتە دىگن دهقان- چوپانلر بىر نېچە دىققە تۇختب تورىپ نى نىنگ مونگلى آوازىنى تىنگلر اېدىلر.

قوياش نىنگ غرب تامانندهگى تىپەلىكلر چۇقىلر آرتىگە باتىشىگە بىر نىزە فالگن اېدى. چۇپان كۇپ نى چلىب قالسم كېچ بۇلىب قالر، - دىب نى چلىشىنى تۇختتىدى. او، اېندى قۇيلىرنى اۋتلاقدن ھىدب كېلىپ قۇزى قارىن خلطەسىنى خۇرجىنىگە سالدى. اېشكىگە مىنىپ قۇيلىرى آرتىدن قىشلاققە يۇل آلدى .

نظام چوپان شام چاغى قۇيلىرىنى عمكىسى شىر پالوان بىلن ادىردن قىشلاققە ھىدب بارەياتگىننده، پالوانگە كلتە ساىده بىر تولكىنى اوچرەتگىنىنى بىلدىردى. عمكىسى اوندىن- تولكى قەياققە كېتگىنىنى سۇرەدى. نظام الدىن تولكىنى اۋز اينىگە كىرىپ بېكىنگىنىنى ايتدى. ھرايگى چوپان اھالى قىشلاق مسجىدده شام نمازىنى اۋقىب چىقەياتگىننده قۇيلىرىنى قماغلىرىگە اېلتىپ قەمدى.

انزىت خالە قۇزى قارىن تېرىپ كېلر دېب، اۋغلىنى كوتەياتگن

اېكن. اۋغلى:

- آنه، منہ بو ہم قۇزى قانى - دېب، خلطنەنى آنەسى نىنگ قۇلىگە توتقۇردى. خرسندلىگىدن كۇزى جىرقلب آچىلىب كېتىگن انزىت خالە:
- «الھى بركە تاپ اۋغلىم، عمرىنگ اوزاغ، باغىنگ محكم بۇسىن، خدا بىرىنگدى مىنگ قىسىن، تۇرپاغ آسنگ آلتىن بۇسىن»- دېب القەدى.

نظام الدىن قۇزى قارنى تېرەياتگىدە بىر تولكى كۇرگىنىنى ہم آنەسىگە حكاىە قىلدى.

- اۋلەى سېنگە، تولكىنى توتلمە دىنگىمى؟

- ياغ آنە جان، سىز تولكىنى كۇرمەگنسىز. كۇپ تېز حىوان بۇلەدى. هېچ كىم اونى قوبل توتلمەيدى.

اېرتەسى كونى شېر پالوان نظام الدىن كۇرگن تولكىنى توزاققە ايلىتتىرىشىنى رېجەلەدى. اول بارىب تولكى نىنگ اينىنى تاپدى. باشقە كونى تولكىگە توزاق قۇيدى. پالوان قوياش باتىب، افققە قىرمىزى شفق كوزەتيلەيانگندە تولكىنى قاپقانگە توشىردى. او، تولكى نىنگ توشوغى و اياقلىرىنى ارقان بىلن محكم باغلب خۇرجىنى نىنگ بىرپلەسىگە سالدى. موازنتى اسرەش اوچون خۇرجىن نىنگ باشقە بىر پلەسىگە بىر نېچتە تاش قۇيىب اېشىگىگە آرتدى. نظام الدىن بو حادثەدن بى خبر اېدى. شېر پالوان تولكىنى توزاققە توشىرىش بىلن آوارە بۇلىب قۇيلرىنى هېدب هر كونگىدن بىر آز كېچراق اوياگە كېلدى. حويلدە تۇلكىنى خۇرجىندىن چىقىرىب آلدى. انسان اسىرى بۇلگن ياواىى تولكى نىنگ كۇپ قۇرققنى باعث اۋز اياغلىرى اوستىدە تورالمس اېدى. شو آندە انزىت خالە كېلىب شېر پالوان نىنگ توزاغىگە ايلىنگن تولكىنى كۇرىب:

- اېبى، بوگە نظام الدىن جاندى تولكىسى! - دېدى.

اسلام آباد. ۲۰۲۲. بىرىنچى دىسمبر

شۋر بەگە قۇرمە؟!

قىشلاق نىنگ حىياتى ھەم قىزىق. آدملىرى مەھربان، صادىق، مۇھىتسىپور، كۈنگىلى بېغىش، آچىق فىئەل، تېجىمكار، تۇرت تىنگە-قىرانى بۇلسە ئۇن توگونگە توگە دىگىن خلىق بۇلەدى.

آتەسى نىنگ تونغىچ اۇغلى بەھادر قىزىل قىشلاق ياشلىرىدىن. اېندى اونىنگ سقال بوروتى چىقەيىتى. اتەسى كېنچەباي نىنگ آياق-قۇلى بۇلگن ياش بەھادر بېنگىل آياق، خوش چىقچق بىگىت. او، دەھقانچىلىك و باغدارچىلىك ايشلىرىدە اتەسىگە كۆمك بېرىپ تۇرەدى. اونىنگ اۋز تېنگقورلىرىدىن اۋرتاغلىرى كۆپ، بىرادە اولر بىلن گپ-گىشتكلردە ھەم قىتەشىپ يۇرەدى.

بىر كۈنى يىقىن دوستلىرىدىن بۇرى بايىچە نىنگ مەھمانخانەسىگە چىقىرىلدى. قوس آيى نىنگ سۇنگى كېچەلىرى اوزوندىن اوزاق بۇلەدى. دوستلىرى دۇرەسىدە قۇتە اوينلدى. گىجە اۋىنىنى ھەم بۇلدى. شۇندەي قىلىپ كېچە يىمىدىن اۋتدى. بۇرى بايىچە اىكىتە كتە-كتە تىرۇز آلىب كېلدى. دوستلىرى مۇغزى مۇرجاندېك قىزىل تىرۇزلىرىنى سۇيىپ بىيىدىلر. كېچە پىشكىندە اۋرتاغلىرى نۇبتەگى گۇرۇنگى بەھادر نىنگ اويىدە اۋتكرىشلىرىنى بىلدىرىدىلر.

قچن كېلىشلىرىدى اۋزىم بىلدىرە من،-دېدى بەھادر دوستلىرىگە. اۋرتاقلر يىغىنى ترقەدى. اولر يگە-دوگە بۇلىپ مەھمانخانەدىن چىقىپ

کېتدیلر. بهادر هم قارانغو کچچە دە مودرەى- مودرەى اویيگە يېتیب باردى. اېرتە آتەسى كېچە كېچ كېلگنى اوچون اۋغلى بهادرگە كايىب گېردى. قۇليگە بېل نىنگ دستەسىنى توتدېرىب:

- يور، باققە بارىب تاكلردى، درختلردى سوغرىب كېلەبىز. باغ چلە سووى ايجمىسە باغ بۇمەيدى،- دېدى، خفە آھنگدە كېنچەباى.

- بۇلەدى آتەجان، بارەمن،- دېدى بهادر بېلى نىنگ تېپكىسىنى تۇغرىب.

اۋغلىم! مېن سىلە ياش اېدىلە، بو باغدى اېكىب آباد قىلدىم. قىشلاققە بىزدى باغىبىزدەى كۆركم باغ ھىچ كىمدە باغ. - شونداغ باغىم بۇسەبىدى،- دېب ھوس قىگنلە كم اېمس. اېندى بىز قىرىدېك. ميدان سىلەنىكى،- دېگن كېنچەباى باققە جۇن ب كېتدى. اونىنگ آرتىدن بېلىنى يېلكە سىگە قۇيىب اۋغلى هم اېرگشىب باردى.

آتە- اۋغىل كتە ارىقە شىرقىرەب آقەياتگن سوونىنگ بىر قىسمىنى اۋزلىرى نىنگ باغىگە بارەدىگن ارىققە آچدى. بىر قولاغ سوو ارىق دەنەسىدە قورلىگن اېسكى رباغدن شىرشىلب پىستگە توشىب، باغ نىنگ ارىغىگە آقە باشلەدى. اېسكى رباغ كتە بىر توت درخت نىنگ كوندەسىدن يۇنىب يىلگن اېدى.

كېنچەباى اۋغلىگە:

- بو رباغ نىنگ يىغاجى نېچە يىل سوو آستىدە قالگىنىنى بىلەسنمى؟-
دېب سۇرەدى بهادردن.

- بىلمەيمەن آتەجان.

- بو رباغ تىكلنگىنگە كىمدە آتمىش يىل بۇلەدى. مېن اېسىمنى بىلمەنمە بو رباغ انە شوو جايىدە، توت يىغاجى قىرق يىل سوو آستىدە قاسە "بقم" گە ايلنەدى،- دېدى قۇلىدەگى بېلى ارىق نىنگ چېكەسىگە قەدەب.

- "بقم" نىمە؟ بقم يىغاجىنى نىمە قىلەدىلر؟- دېب سۇرەدى آتەسىدن بهادر.

- اۋغلىم "بىقەم" دىن قىتق يىغاچ بۇمەيدى. "بىقەم" دىن قىمچىگە، قىلىچىگە، چىقى - پىچاققە ساپ قىلەدىلەر، - دېدى باي يىنە بېلىنى بىلكەسىگە ئالىب.

آتە - اۋغىل ارىغ سوونى يقلەب باققە كىرىب باردىلەر. كېنچەباي سوونى تاكلەر و درختلر تەلرېگە باشقەبېردى. يىرىم ساعت اۋتر - اۋتمس او يىنە اۋغلىگە:

- قرە بۇتەم ارىغدى سووى آزەيدى. سوونى يۇلدە قىسى قىترگنگە اۋخشەيدى. يۇگىرگىل سوونى يقلەب، رىباققەچەگە بارىب كې دېدى.
- آتە سىز باغدى سوغرىب بۇگنىزچە مېن سوونى يقلەب يورەمن.
- يىخسى قىلەسن اۋغلىم. بىرارتە سوونى آچگن بۇسە او مېن جنجللىشىب اۋلتىمە. مېرابتى اۋىنى كۆرگىسن رىباغدى يىقىنىدە، اونگە خبر بې.

بھادر بېلىنى بىلكەسىگە تشلب سوو يقلەگنى جۇنۇب كېتدى. او، سوو يقلەب يورگىنىدە تۇستىن دوستى بۇرى بايىچەنى اوچرەتىب قالدى.

- سلام علىك اۋرتاق، تىنچلىكىمى قۇلىنگدە بېل بو بىرلردە نىمە قىلەسن؟

- اېرتەلبىن بېرى سوو يقلەيمىن، باققە چلە آب بېرەبىز. آتەم باغدە تاكلرنى سوغارىب يوربىتىلە، - دېدى او، دوستى بۇرى بايىچەگە.

- مېمانلىكىنى قچن بېرەسن، هېچ درگىنگ بۇمەدى جگر؟
- اې مونچە شاشىلمەيلە، سېنىنگ مېمانلىگىنگىگىن گىلەن هلى ايككى كون اۋتمەدى. بىر هفتە، اۋن كون اۋتەبېرسىن اۋزىم خبر قىلەمن.

- هېچ گپ اېمس شونچە كە ايتىم - دە.
بۇرى بايىچە خىرلىشىب باشقە بىر ياققە جۇنۇب كېتدى. بھادر اېسە اۋز ايشىنى دوام اېتدىردى. او، ايككى - اوچ ساعتلردن كېين آتەسىدن خبر آلگىنى باققە باردى. تاكلەر و درختلر تەلرې سووگە تۇلگن اېدى.
كېنچەباي اۋغلىگە:

– اپندی سوو یقہلہگنی کپتیب اۋلتیمہ. باغدی سوغریب بۋلدم.
یور اویگہ کپتہبیز.

سوو یقہلب آچ ہم قاگن سن،– دہدی آتہسی بېلی نینگ لایینی
اریق نینگ مولدیروب آقہیاتگن زلالدېک تینیق سوویگہ یووه توریب.
قۇللىرى قوس نینگ موزدېک سوویدہ جونجیگن باى ایکلہ قۇلینی
قۇلتیغیگہ تیقدی.

آتہ– اوغیل کچچ پېشین اۋیلریگہ کیریب باردیلر. کپنجه باى خاتینی
حلیمہ خانگہ:

– قرہ توشلیک کہ بیران نرسہ پېشیرگن بۋسنگ آلیب کپ. بو ساووغ
هواده باغدی سوغریب کۋپ چرچہدېک، ساووغ ہم قاتدیک.
– ابرتہ مینن کپتکینلرینگچہ توشگہ کپلہبیز، اوقت پېشیریب قۇی،
– دېب ایتیب کپتہمگن اېدیله. ایتگنلریزدہ اېدی یوغان– یشیغ قیلیب
قۇردیم،– دېدی حلیمہ خان اۋزینی بیر آز ملامت حس قیلیب.
– بیز اۋزیمیز مینن توشلیک کہ نان آلیب کپتہمگن اېدیک– کو.
شولر نان آلیب کپتہمدیلر توشلیک کہ کپلیب قالہدیله، بیران نرسہ
پېشیریب قۇیہی دېمہدینگمی؟

– خى نیمہ بۋلیبتی، دراو شیرداغ قیلیب کپلمہ من.
بھادرنینگ آنہسی اۋدہغہیلب یېنگلرینی توریب اۋچاققہ الاو یاقدی.
بیر تباق سوتتی قینہتیب اونگہ سریغ یاغ قیزدیریب قۇشدی. او،
سوغدی نینگ اوستیگہ دسترخوان یازیب شیرداغ نینگ تباغینی نان
بیلن کپلتیریب قۇیدی. اوندہگچہ باغدہ ایشلب ہاریگن کپنجهباى
سوغدی نینگ ایسیغیدہ مزہ قیلیب اوخلب قالگن اېدی.

آتہ– اوغیل شیرداققہ نان توغروب یېدیلر. بھادرنینگ آنہسی ایکی
چینی چاپنکدن بیریگہ کۋک چای باشقہ بیریگہ قارہ چای دملب
کپلدى. کپنجهباى قیشین– یازین قارہ چای ایچر اېدی.
چای ایچیلہ یاتگندہ:

- بۇرداقىمىز ھەم سېمىرىپ قالدى، اپىدى شۇنى سۇيسىك، - دېدى
 اپرىگە قەبەھىمەخان.

- تۇغرى ايتەسن خاتىن، بۇرداقىنى سۇيەدىگن وقتى كېلدى،
 بوگونگە بۇمەيدى، كېچ بۇگن. اپرئەگە بەھادىر كئە پېچاقنى اوستەگە
 چىرخلتېپ كېسىن، بۇرداقىنى بىر ساعىت اىچىدە سۇيىپ آلەمىز
 دېدى، - كېنچەباي.

اپرئەسى كۈنى بەھادىر كئە - كىچىك پېچاقلىرىنى چىرخلتېپ كېلدى. او،
 قۇي سۇيىلەدىگن بىرگە پېچاقلىرى بىلەن اۋزلىرىنىڭ قارە قىراق تاشىنى
 ھەم ابلتېپ قۇيدى. آتەسى كېلىپ "بسم اللە - اللە اكبر" دېپ، قۇي نىڭ
 بۇيىنى كېسىدى. قۇي - آياقلىرىنى قىمىرلىتېپ تىلپە قىلە - قىلە جان
 بېردى.

ھلىمەخان بۇرداقى نىڭ قۇيرۇغى و چىرىلېرىنى علىىدە بىر تىغارەگە
 سالىدى. گۈشتلىرىنى باشقە بىر تىغارەگە جايلىشتىردى. توشلىككە قۇي
 نىڭ جىگرىنى قاوورىپ بېدىلر.

بەھادىر اۋز دوستلىرى نىڭ مەھمانلىككە چىقىرىشى اوچون
 بۇرداقى سى سۇيىلىشىنى كوتىپ يورگن اپدى. بۇرداقى سۇيىلگىنىدىن
 ىنە بىر نېچە كۈن اۋتدى. او جىمە كۈنى آقشامى اۋرتاقلىرىنى
 مەھمانلىككە چىقىردى. كېنچەباي اۋغلى نىڭ مەھمانلىرى بارلىگىدىن
 بى خىر جىمە كۈنى بازارگە جۇنۇب كېتدى، كېچىگچە او بېردە قالدى.
 بەھادىر نىڭ آتەسى تىرىغى تېشىپ تىسىچ قىلەدىگن زىقنە آدم اپدى.
 كىشىگە نان بېرىشنى و آدملىرىنى مەھمان قىلىشنى اونچە ھەم ياقىتىرمىدى.
 تۇرت بىلدىن بېرى باشىدەگى سلەسىنى المىشتىرمەگن. اما اۋغلى بەھادىر
 اۋرتاقلىرىنى جان و دلدىن يىخى كۆرەدىگن، قۇلى آچىق بىگىت
 تۇرەدى.

بەھادىر اۋشە كۈنى كېچقۇرون مەھمانلىرى كېلىشىنى ايتىپ، آنەسىدىن
 يىخى بىر مەزلى شۇرە پېشىرىشىنى التماس قىلدى. آنەسى سىزى،
 شىلغىم، گىشىنىز، پىلپىز و قاواق سالىب لذتلى بىر شۇرە پېشىرىپ بېرىشگە

وعدہ بېردی. بہادر اوکھسی اکرم دن مہمانلرنی آقشامگہ چقیریب کپلېشینی سؤرہدی. بہادر نینگ اؤزی یورغہ اپشگینی مینیب سودا کپلتیرگنی بازارگہ جؤن ب کپتدی. او بیر ساعتگہ قالمہی بیر نہچتہ قتیق پؤچاق قاوون، یخشی "قارہ خواجہ" تربوز، تایی اوزوم، نوحات، بادام و شیرینلیکلر آلیب کپلدی.

بہادر ینہ آنہسیگہ:

- بیر شؤرہ مین مہمانلیک بؤلہمی؟ - دېدی.

- نیمہ قیلہی اؤغلیم؟ اولدن ایتسنگ اېدی، مہمانلرینگگہ پلو پیشیردیم، اېندی کپچ بؤلدی، - دېدی آنہسی قازاندہ قینب تورگن شؤرہگہ تیکیلیب.

- خى آنہجان بؤسہ بیر آز قورمہ قیلینگ. گوشتیزکہ با، - دېب، آنہسینی قؤیردہ قؤیمہدی.

حلیمہ خان ناچار اؤغلیم مہمانلرنی نینگ آلدیدہ خجالت بؤلہسین، - دېب ینہ بیر نہچہ بؤلک گوشتنی تیز پیشیر قازانگہ سالیب قورمہ ہم پیشیریب قؤیدی.

مہمانلر کپلر وقتینگچہ ضیافت اوچون ہمہ نرسہ تیارلندی. یرہسیقلی کیم کبیکگن بہادر نینگ اویگہ یقین دوستی بؤری بایچہ بیرینچی بؤلیب کیریب کپلدی. آز اؤتمہی باشقلر ہم کپلدیلر. آلتین نورینی ساجیب تورگن قویاش سؤنیب، باتہ یاتگن چاغدہ قیزہریب قالگن اېدی. برچہ مہمانلر کپلیب بؤلدیلر. اما آنہسیدن درک چقمہگنی اوچون پریشان بہادر جودہ اینتیقیب آنہسینی کوتر اېدی. شو لحظہ لردہ کوچہ نینگ نری باشیدہ آتیگہ قمچی سالگن کپنجہ بای نینگ قارہسی کؤریندی. بہادر زیپیردہب ایچکری اویگہ کیریب کپتدی - دہ:

- آنہجان آنہم کپلیب قالدیلہ. شؤرہنی سوزینگ، - دېدی. او ینہ کتہ دروازہگہ چقیب آنہسی آتی نینگ جلویدن اوشلہدی. کپنجہ بای آدن توشدی. او آنہسیگہ:

– ھەمە مەھمانلە سىزدى كوتىب تورىيتىلە آتەجان، مەھمانخانەگە بارە قالىنگ، – دېگن بەھادر آتنى آتخانەگە يېتكلەب قىزەلب قۇيدى.
 كېنچەباي مەھمانخانەدە اۋغلى نىنگ اۋرتاقلرى بىلن كۇرىشىدى.
 مەھمانلر بەھادر نىنگ آتەسىگە اۋتاق نىنگ تۇرىدن جاي بۇشتىدلر. قۇلر
 يوودىرىلدى. قۇى نىنگ يونگىدن تۇقىلگن اوزون شال دسترخوان
 تۇشلىدى. بىرىنچىدن تباقلرگە سوزىلگن شۇربە آلب كېلىندى. شۇربە
 نىنگ تباقلرى يانبدە قۇرمە سوزىلگن ايدىشلر ھم تېرىلدى. تورلى
 سبزواتلر، اوزوم و آلمە كىبى ميوەلر دسترخوانگە قۇيىلدى.
 بەھادر مەھمانلرىنى يېمكەكە اوندەدى.

كېنچەباي بىر شۇربە ىنە بىر قۇرمە ايدىشلىرىگە قرەب قۇيردى. او
 بىر آز چىدەب نەھائت كۇنگلىدەگىنى تىلىگە كېلتىردى:
 – يا توبە، "شۇربەگە قۇرمە؟!" – دېب زەرلى كولىب قۇيدى. او ىنە
 اۋز – اۋزىگە – بەھادر جان گوشتنى مۇل كۇرگن. بۇمسە عمرىمگە
 شۇربەگە قۇرمە قىگنلرىنى كۇرگىم ياغ، – دېدى اچىغىنى يوتىب.
 مەھمانلر ھم بەھادر نىنگ آتەسىدن بو گىنى اېشىتىب، بىرى – بىرىگە
 جىلمەيدى.

اسلام آباد. ۲۰۲۲. ۴ – دىسمبر.

ایت نینگ وفاسی

اۋیلب کۋرسم کابل شھری نینگ چېگہ ناحیہ لریدن بیریدہ شونچہ کہ باش پنه بۋلہ دیگن بیر اوی قوریب آلیشگہ اولگورگنیمگہ تۋقیز بۋلگن اپکن. اوچ قبتلی بیر اۋی قوریشنی رېجەلب ایش باشلەگن کونلریمدە ینگى بنا قوریش ممکندېک کۋرینردی. قوریلش ایشی دوام اپتردی. بارہ- بارہ خشتیگہ پول تاپلسە، سمنتیگہ پول تاپلمەدی. سمنتیگہ اقچہ تاپسم جغلی نینگ اقچە سینی تاپیشگہ قینلیدیم. تینش لریمدن بۋلگن اکە- اوکە اوستەلر حقینی ہم اۋز وقتیدە تۋلالمسیدیم .

اۋن ییلگہ یقین کابل نینگ مکروریانلری آپارتمانلریدە اجارہ پولی تۋلب یشب کېلگنیم اوچونمی چلە قوریلگن اۋیمیزگہ کۋچیب اۋتماققہ آشیقردیک. اۋن ییلدن آشەراق وقت ایچیدە او اویدن بو اویگہ کۋچیش بیزنی بېزدیرگن اېدی. دانا خلقیمیز نینگ - "ایکی کۋچگن بیر تلنگن"، "نان گدایی بۋلسنگ بۋل، جای گدایی بۋلمە" - دېگن حکمتلی سوزلری بار؛ جای گدالیگیدن قوتولماق اوچون اېلیمیز نینگ اوشبو مقاللریگہ عمل قیلدیم. یقین دوستلریمدن بۋلگن مقابل قۋشیمیز اۋزی نینگ اېندی قوریب بیتکزگن ینگى بناسیگہ ینگى دروازە قوردیرگن اېدی. مېن اېسە اونینگ اېسکی دروازە سینی بیر آز ارزان پولگە نسیهگە ساتیب آلیب اوییمگہ قوردیم. اۋتاقلرنینگ دېریزە-

كىلىكىنلىرىنى "پى ۋى سى" دىن اېشىكلر ايشلب چىقرەدىگن كارخانىسى بۇلگن باشقە بىر دوستىمدن قىزىگە آلىپ قوردىرگن اېدىم.

حوت آيى نىنگ سۇنگى كۈنلردىن بىرىدە شاشمە شاشرلىك بىلن اويىمىزگە كۇچىپ باردىك. دوردگر اوستە ھلى خانەلرنىنگ اېشىكلرىنى كېلتىرىپ قورمەگن اېدى. بىر كېچەنى يىنگى قورلىگن بنادە كۇرپە - كىملىرگە اۋرەنىپ - چىرمەنىپ تانگ آتدىردىك. اېرتەسى كۈنى اۋتاقلىرىمىزنىنگ ياغاچدن تيارلنگن دروازەلرى قورلىدى. قۇلىم يوبقەلىگى باعث اۋى دىوارلرىنىنگ تشقرىسى پلستر قىلىنمەگن اېدى. قىرىب ايكى يىلگچە خىشلرى كۇرىنىپ ياتردى. اما اۋتاقلىر اىچكىرىسى پلستر بىلن تېكىسلىنگن اېدى. اۋتاقلىرنىنگ اىچكىرى دىوارلرىنى ھم تۇرت يىلدىن كېىن بۇيشىگە اولگوردىم. تورموش اۋرتاغىم و بالەلرىم اۋز بنامىزگە اېگە بۇلدىك، - دېب شىكلر قىلىشىردىلر.

ھەر كۈنى مېن اېرتەدن كېچىگچە ايشىدە بۇلردىم. بالەلر ھم اۋقىشىگە كېتىردىلر. بالەلرىم نىنگ آنەسى آلتىن آى كېنچە اۋغلىم اۋزبېك خان بىلن كۈن ىرمىدە اويدە يالغىز قالدردى.

عىالىم بىر كۈنى كتە اۋغلى بابىرگە:

- اۋغلىم، آنەنگ اېرتەدن كېچىگچە ايشىگە كېتەدىلە. سىلە ھم اكە - وكە و آپە - سىنگىللىرىز مېنن توشىگچە مەكتىبە بۇلەسىلە، مېن بىر ياشىر اوكىنگ اوكىتائى مېنن اويدە يىكە قالەبىز. اويىمىز يىكە خانەدەى بۇلىپ قاگن. نې سايە بار نې ھىمساىە، اۋقىشىدن قىتىپ اويىگە كېگىنلىرىزچە اويدە قۇرقىپ اۋلتىرەمىن. بىران ايت تاپىپ كېسىنگ يىخسى بۇلردى. ايت كېچە - يو كۈندۈز اويىمىزنى قۇرىمالى بۇلەدى، - دېدى آلتىن آى كېنچە تاي اۋغلى اوكىتائىنى قوچاغىگە آلىپ.

- بۇلەدى آنەجان، قنى تخاردە بىر دوستىم با، شونگە تىلفون قىلىپ بىر كوچوك بېچە تىلئەمىن، - دېگن بابىر موبايىل تىلفونىنى كىسەسىدىن چىقىرىپ رىقىملىرىنى تېرەبېردى.

بیزنینگ محلەمیز اېندی آباد قیلینه دیگن ینگى بىر محلە اېدی. محلە نینگ چەمەسى بېتمیش فایزیدە قوریلش ایشلری نھایەسىگە بېتگندى. آباد قیلینگن اویلر اېگەلری اۋز اویلریگە كۋچیب كېلىب اۋلتیرگن اېدیلر. محلە نینگ قوریلمەى قالگن بېرلری اېگەلری اوی قوریشگە مۋجللېب قۇيگن جایلری نینگ تۋرت تامانىنى دیوار تېكلب الگن اېدیلر. بیزنینگ اویمیزگە توتش بنالر قۇریلمەگن اېدی.

بىر نېچە کون اۋتدی. بیل نینگ كېلىنچك فصلی-بھار نینگ بىرىنچى هفته لری. یاقىملى یومشاق هوا طبعتگە جان بغيشلە ماقده اېدی. اېرتە- یو كېچ فضا دە قویوق قارە بولوتلر بۋکیریب یامغیر یاغیب، بىراردە حیاتبخش قویاش ایلوق نورلرینی آنە زمينمیزگە ساوغە قىلىب تورردى. ايرىم میوهلى درختلر گل آچماقده اېدی. بو بھار دە، اوی نینگ قوریلش ایشی باشلنە دیگن کونلر دە اویمیز نینگ میدانی دە اېکن نھاللىم اولغە بيب گل قیلدی. بىر توب قىزىلچە و بىر توب گىلاس شاخلىرى آباق گلگە بورکنگن اېدی. شفتاليلر هم قىزىل گللىرىنى آچگن اېدیلر. سريغ، كۋك، آق و باشقە تورلى كۋرىنىش دەگى كملكلر مھلیا بۋلىب گل بئەلر و درختلر شاخلىرىگە قۋنىشردیلر. هر تونیس رنگ دەگى سىراقى قوشچەلر هم درختلر نینگ بو شاخیدن او شاخىگە اوچیب- قۇنىب عجاب دلنوازلر ترنم قیلر اېدیلر.

بىرکونى ایشدن هر کونگیدن ايرتە راق اویگە قىتیب كېلدىم. اوی نینگ اىچکرىسىگە كىرىشىم بیلن آق بالەلرىمدن بىرى- آتەجان، اکەم اویمیزگە بىر ایت بچەسى آلیب كېلدى، - دەپ مېندن سوینوچى آلدی- یو قۇلىمدن توتیب حویلى میز نینگ درختلری گللب یاتگن میدانچەسى سىرى بېتكلب باردى. قرەسم اویمیز نینگ بالکونى آستیدە كتە اۋغلىم بېمیزە کدە قارەمتیر ملە رنگلى ایت بچەسىگە سوت اىچرماقده اېکن. بابر اۋغلىم ایت بچەسىنى اونینگ بىر دوستى تخاردن کابلگە جۋنتگىنى ایتدی.

اۋغلىم، آنەسىدىن توغىلگىنىگە ھەلى ئۇن كۈن تۆلمەگەن ايت بچەسىگە اويىمىزنىڭ بالكونى آستىدە كارتندە جاي تۈزەتدى. بالەلرېم حويلىمىزگە كېلگەن بو حيوان بالەسىگە "الفا" دېب آت قۇيگەن اېدىلر. ھەر كۈنى اوچ- تۇرت مرتە سوت يېمىزدىرېلەدېگەن ايت بچەسى استە- سېكىن اولغەيە باردى. "الفا" بېر كۈنى گوشت و باشقە آوقتلرنى ھەم يېيەدېگەن بۇلىب قالدى.

بېرىنچى كۈنلردە بېر ياوايى موشوك كېچەلرې "الفا" ياتەدېگەن كارتن اېچىگە كېرىب اونىڭ يانېدە اوخلەيدېگەن بۇلدى. "الفا" كېچەلرې موشوكنى اۋز يانېدە قالىشىنى ياقتىرمسە- دە، اونى كارتندەن چىقىرىب ھېدەشگە كوچى يېتمس اېدى. "الفا" تە- تۇشى موشوكچە بۇلگىدە بېر آقشام كېچكى پېت كارتن اېچكرىسىگە كېرىب كېلگەن موشوككە قوشىلىك كۇرسەتېب او بېلن آلىشدى. بو ماجرادە موشوك يېنگىلدى ، ناچار حويلىنى ترك اېتدى. او "الفا" گە قېتە اۋز قارەسىنى كۇرستمەدى. قېشە بېرىنچى قار ياقىنىدە "الفا" نى ھەلى بېر قار باسەگەن اېدى. حويلىنىڭ ميدانىدە يېرىم مترچە قار توشگەن اېدى. ايتلر قارنى ياقتىرىب، قېش كۈنلرېدە قار ياقىندە مست بۇلەدى. "الفا" افغانستان و مركزى آسيادە بۇلگەن "آلباى" ناملى قۇى كۇپكلرىدن اېمىس اېدى. كۇرگنلر اونى روسيەدە بۇرى و ايت قۇشلىشىدىن توغىلگەن ايت بۇلگىنىنى ايتردىلر. باشقە بەھارگە چىقىب اېندى كتە ايتگە ايلنگەن "الفا" نىڭ بۇيى يېتمىش سانتى متر گە اۋسگەن اېدى. او تېل بېلر و قېلىقلى حيوان اېدى.

قېش فصلى يەكۈنىگە يېتەدېگەن بېر كۈنى درختلرنىڭ بوئاغلىرى- بو شاخچەلرېنى كېسماقچى بۇلىب قۇلىمگە ارە آلدېم- دە، آرتىقچە شاخلرنى قېرقەباشلەدېم. "الفا" دۇمىنى لېكىلەتېب تۇگرەگېمدەن گېر ايلنر اېدى. مېدە خېمچەلرنى كېسېش اوچون قېچى كېرەك بۇلىب قالدى. اۋغلىمگە اوويدن تاك كېسەدېگەن قېچىنى كېلتىرىشىنى بويوردىم. اۋغلىم آرقەسىدىن "الفا" ھەم چاپىب كېتدى.

باہر، ایتی نینگ تیلبلرمانلیگینی کۆز- کۆز اپتیش اوچون اویدن موتر گاراجیگه چیققن جایده قیچینی ایتی نینگ آغزیگه تیشلتگن. بیر محل کۆرسم "الفا" یانیمده دمینی او یاق بویاققه تاولب غینگشیکندهی قیلیب آغزیده قیچینی تیشلب توریدی. بو حالنی کۆریب ایتدن هم بوندهی اېس و هوشلیگی بؤلرکن، - دېب برماغیمنی تیشله دیم. "الفا" هر قیچان اوینگه کېلگنیمده یاکه اویدن قیقیب کېته یاتگنیمده اؤزینی آیاقلریم آستیگه تشلردی. تاکه کاووشیم بیلن اونینگ یپلکه سی و سیرتینی قیشله مه گونیمچه مېنی قدم باسیشگه قؤیمس اېدی. "الفا" اؤزینی خاندانیمیزنینگ اجره لمس بیر عضوی - دېب بیلردی. او او ی نینگ قؤرومالی و باله لریم نینگ آوونچاغی اېدی. یاوایی موشوکلردن آلیب آله و قاره قرغلهر حتی که، مسکین موسیچه لرنی هم حویلی ایچیگه کیریشگه قؤیمسدی. کپچه لر کیشی نینگ کوچه دن اؤتگینی سیزب قالسه، قدیمگی جنگچی قهرمانلر یایی نینگ اؤقیدک دروازه گه آتیلیب، هییتلی سېس قیقرب هورردی.

"الفا" اولغه یگنده اونگه چیرایلی بیر قفس توزه تدیردیم. او کوندوزلری قفسده قالیب کپچه لری او ی نینگ میدانیده چاپردی. اؤغلیم ایتی نینگ بؤینیگه چیرایلی بؤینیچاغ و اوزونگینه زنجیر هم ساتیب آلگن اېدی. باهر هر کونی "الفانی" تانگده بیر مرته و کپچه بیر مرته بؤینیگه زنجیر تاقیب کوچه لرده ایلتیریب کېلردی. حیوانلر کلینیککی گه آلیب باریب، ایت نینگ قوتورگنی و باشقه کسل لیکلریگه قرشی اېمله تیب هم کېلگن اېدیک.

قیش اؤتیب باشقه بهار کېلگنیده "الفانی" بیر قار باسگن اېدی. انچه کوچلی هم بؤلگن اېدی. کوچه گه چیققنیده اؤغلیمنی زنجیر بیلن اویاق - بویاققه آلیب قاچردی. باهر بیر کونی مېنگه شکایت قیلیب:

- آته جان، "الفا" گه کوچیم بیتمهیدی. قیسی کونی یا قؤلیمدن قاچه دی یاکه مېنی کوچه گه سودرهیدی، - دېدی میغیده کولیب.

– اوندى بۇلسە ايتىنگى او كەنگ بىلەن بىرگە ايگى كىشىلىشىپ كۈچەگە آلب چىقىنگىلەر، – دەپ، اونى قۇرقمەى اۋزىنى ددىل توتىشكە ترغىب اېتىپ.

ياز كېچەلەردىن بىرىدە "الفا" آلدىنگى كېچەلەردىن كۇپراق ھوردى. تىنمىسدىن ھويلى نىنگ غرىبى تامانىدەگى دىوارگە آسلىپ ھوردى. تورموش اۋرتاغىم تشوئىشلەنىپ:

– "الفا" بو كېچە كۇپ ھوردى. ھەر كېچە بونچە كۇپ ھورمىس اېدى. اويىمىز دىوارى آرقەسىگە قىسى اۋغرى – اۋترى كېلدى شېكىلى، – دېدى .

او، مېندىن اۋرنىمدىن تورىپ، تام نىنگ اوستىگە چىقىپ، او ياق – بو ياققە قرەشىمنى سۇردى. اويقو آغىرلىك قىلىپ، كۇرپەنى يىنە باشىمگە تارتىدىم. اېرتە تورىپ، كېچە اۋغرىلەر ايگى اوى نرىدەگى قۇشنىمىزنىنگ موتىرىنى آلب كېتگىنى خىبرىنى اېشىتىدىك .

"الفا" نىنگ كېچە عادتدەگىدىن كۇپراق غېشىنگىنى بى بلا اېمىس اېكن. اۋغرىلەر مېنىنگ موتىرىمنى ھم آلب كېتگىنى كېلگن اېكلەر. اولر ايتدىن آيمىقىب اويگە كىرالمەى كېتىشگىلەر شېكىلى، – دەپىم، اۋز اۋزىمگە.

اېرتە ايشىدىن اويگە ھەر كۈنگىدىن وقتراق قىتىپ كېلدىم. ھەر دايم ھويلى نىنگ كتە دروازەسىدىن اىچكرىگە كىرىشىم بىلەن اق "الفا" اۋيناغلب – اۋيناغلب يانىمگە چاپىپ كېلىپ، دۇمىنى لكىلەتىپ اياقلىرىم آلدىدە اوزەلە توشىپ ياتردى. بىراق بوكون دروازەدىن اويگە كىرگىنمە اوندىن درك بۇلمەدى. استە – استە ھويلى نىنگ مىدانى تامان يورىپ باردىم. "الفا" آلمە درخت نىنگ سايەسىدە قىم اېتمەى تورگن اېدى. اونىنگ ھەر كۈنگى اۋىشىلرى – يوقىلىقلرى يۇق اېدى. شو آندە آلتىن آى يانىمگە كېلىپ:

– بوگون ايتىمىز كىسل بۇلدى. بىر ساعت آلدىن زرداب قوسلدى. بىر نرسە ھم بىمەيدى. ھەر كۈنگىدېك اوياق بوياققە بوگورمەيدى، – دېدى .

- ايتگه نېمه پېديرگن اېديزلر؟ قيسى نرسه ياقمهگن بۇلېشى مېمكن.
- هر كون بېيهديگن آوقتلرينى بېرگن اېديك. آلدېگه قۇيگن
نرسه لرنى هم يېخى بېمهدى.

ايتى نېگه و قندهى كسلليگه بۇليققىنى بيلمى حيران تورردىم. شو
آنده مسجودن شام آذانى اېشيتىلدى. "الفا" نى شهر مركزىگه حيوانلر
كلينيكىگه آلب بارماقچى بۇلدىم، كېچ بۇلگن اېدى. كلينيك داکترلر
اويلريگه كېتگن اېدىلر. دوستلرېمدن بىرى نېنگ اويده ايتى بار اېدى.
او بىر نېچه كون آلدېن مېنگه ايتىنى كسل بۇلگنېده حيوانلر كلينيكىده
دوالب ساغلتىرگىنى اېسلەگن اېدى. دوستىمگه تېلفون قىلىپ "الفا"
نېنگ تابى قاچىب قالگىنى ايتدىم. او مېنگه ايتگه چوچوك قتيق
اېچىرىشنى توصيه قىلدى. اۋغلىم دكاندن قتيق كېلتىردى. بىر كيلو
قتىغدن يېمىنى اېچىردىك.

هر بار "الفا" دېگنېمده طبيعتى بوزىلگن ايتىمىز مأيوس و پېشان
كۇزلى بىلن مېنگه بىر قرەب قۇيردى. كىم بىلسىن بو تىلسىز حيوان
بېرگه: - «مېن خاندانىگىزگه وفادارلىگىمنى اثباتلې بېرهديگن بىر
ايت من. كسل ليگىم اۋته آغىر، اۋتگن كېچه اويىمىز آرقه سىگه كېلىب
اوى ديوارىدن آشىب اېچگريگه كىرىشنى قصد قىلگن شوم نيتلى
ياووزلرنى اوى نېنگ حرىمىگه كىرىشگه قۇيمەدىم. اولر مېنى تىنچىتىش
اوجونمى، اغوا قىلىپ الدهش اوجونمى ديوار آرقه سىدن مېنگه بىر
پېرچە گوشت تىشلەدىلر. گوشتى بىر آز يېدىم- ده، مزەسى سىزلر مېنگه
بېرهديگن گوشتلردن انچه فرقلى اېدى. آخرگچە گوشتى بېمهى
اولاقتىردىم. مېنگه سىزلردن باشقه قرەيدىگن كىشى يۇق. ياش من.
مېنى اېندى بىر قار باسدى. حياتىمنى قوتقرە آلسنگىزلر تا تىرىك من
سىزلرنىنگ پاسبانلىكلرىنگىزنى قىلە من،» - دېب اېچ- اېچىدن يىغلب
يلىنماقده اېدى .

مېن اۋغلىمگه:

کتاب کۆرگزمه سی

قانونده سۆز و بیتکزمه لر اهرکینلیگی کفالتلنکن ییللرده اۆزبیک تیلیده یازیلکن، ادبیاتلر: تورلی موضوعلرده گی کتابلر، شعرلر و حکایه لر تۆپلملری، لغتلر، امیر علیشرنواپی اثرلریدن ایریملری بعضی بیر انجمنلر، جمله دن " قلم انجمنی " و "جهانی همکارلیکلر جمعرمه سی" تامانیدن نشر اپتیلکن ایدی.

"توران" اتلی اجتماعی و مدنی نا حکومت او یویشمه سی تامانیدن کابل و مملکت نینگ شمالی ولایتلریده اۆزبیک تیلیده گی کتابلر کۆرگزمه سی اۆتکزیشنی رېجه لشتیردیک. بیرینچیدن کۆرگزمه اوچون مناسب جای تاپیشیمیز کیره ک ایدی. سۆزیمیزی بیرگه قالدیرمس، - دېکن امیدده عالی تعلیمات وزیرلیگی نینگ کھلیب چیقیشی اۆزبیک بۆلگن وزیرى داکتر محمد اعظم دادفرگه یوزلندیک. او بیزنی آچیق کۆنگیلیک بیان خوش قرشیلهدی. اونگه نیمه اوچون یانیگه کھلگنیمیزی توشونتیریب بېردیک. دادفر اۆرین باسرلریدن بیرى محمد عثمان بابرىنى چقیریب اونگه:

- «بیله سیزمی، مملکت تاریخیده اۆزبیک تیلیده نشر اپتیلکن کتابلر نینگ بیرینچی کۆرگزمه سی ایلکبار اۆتکزیله دی. دوستلریمیز وزیرلیگیمیز قاشیده شو کۆرگزمه نی تشکیللشتیرماقچیلر. علاجی بارېچه بو مبارک ایشگه حصه قۇشماغیمیز ضرور. دوستلر قچان

دېسەلر اۋشە كۈنگە وزىرلىك نىنگ مجلسلر سالونىنى كىتاب كۆرگۈزمەسىگە تيارلې بېرىنگ»- دېدى.

ملاقاتىمىزدىن تۇرت- بېش كۈن اۋتدى. كىتاب كۆرگۈزمەسى اويوشىتىرىلەدېگن كۈنى اېرتەلې، كىتابلر وزىرلىك بناسى نىنگ سالونىگە اَلېب بارىلېب، معىن تىرىدە مىزلر اوستىدە تېرىلدى. شمالي ولايتلردىن فارىاب، بلخ و جوزجان دن هم كىتاب ناشرلىرى و يازوچىلر كېلگن اېدىلر. كۆرگۈزمەدە محمدگل مومندىنگ فتنەسىدن ىشېرىنىب قالگن اېسكى اۋزېك تىلىدەگى كىتابلردىن اىرىملرى كۆرسەتۈگە قۇيىلدى. كۆرگۈزمەگە كابل دەگى اۋزېك ضىالىلرى، استادلر، وكىللر و دولت نىنگ اىرىم بلند مرتبەلى عملدارلرى هم دعوت اېتىلگن اېدىلر.

اچىلىش مراسىمى داكتىر دادفر سۆزلرى بىلن باشلىدى. كىتاب كۆرگۈزمەسىگە كىتە قىزىقىش بىلن قىتىشكىلر يۈزلرىدە قىوانچ نۇرى بلقىب تورر اېدى. كۆرگۈزمەنى تشكىللىشىشىدىن اۋزېك جامەسىدە اىنىقسە اۋزېك ياشلىرى آرەسىدە كىتاب اۋقىش، سوادلى اۋزېكلرنى اۋزېك ادبىياتى مطالعەسىگە ترغىب اېتىش ھەمدە مادى-معنوى تاماندن اۋزېك مۇلقلرىنى حمايت اېتىش كۆزلىنگن اېدى. بىغىن اشتراكچىلرى كۆرگۈزمەگە قۇيىلگن كىتابلرنى تېزراق كۆرىش اوچون شاشىلماقەدە اېدىلر. اچىلىش مراسىمى تۈگىشى بىلن اق سالوندىگىلر كىتابلر تېرىلگن تامانگە يۇنلدىلر. كىمدىر بىر جلد، كىمدىر تۇرت جلد و ىنە كىمدىر بىتى جلددىن كىتاب ساتىب اَلدى. بو آرەدە اۋزېكلرىمىزنىنگ پارلماندىگى وكىللردىن بىرى بىرار كىتابدىن بىرتە بعضىلردىن اىككىتەدن اَلېب كارتلرگە جايلىشىدىرى و كىتابلر پولىنى كېتىراق تۇلەشىگە وعدە بىرىب، كىتابلرنى اويىگە اَلېب كېتىدى. بىراق ھىچ بىر زىمان او كىتابلر پولىنى تۇلەمەدى.

آرەدىن بىر ھفتە اۋتدى. كىتابلرنى كارتلرگە سالىب مىمنە شېرىگە جۇنتىدىك. اېرتەسى اۋزىم ھم مىمنەگە بېتىب باردىم. حمل آىى نىنگ آخىرلىرى يا شور آىى نىنگ باشلىرى اېدى. مىمنەدە ھم كۆرگۈزمەنى شېر

مرکزیدەگى ھوتلاردن بىرى نىنگ سالونىدە اويوشتىرماقچى بۇلدىك. شبرغان شھرىدن "جھانى ھمكارلىكلر" مۇسسەسى نىنگ امېرىكەلىك باشلىغى دېويد و اونىنگ خاتىنى بىلن اوشبو جىمغرمە ھمكارلىرىدن بۇلگن اۋزىبېك تىلشناسى استاد نوراللە آلتاي ھم اۋنل بىنگى چاپ اېتىلگن كىتابلارنى آلىپ كېلىشىدىلر.

"ارمغان ھوتلى" سالونى اۋزىبېك تىلىدەگى كىتابلر كۇرگزمەسىگە كېلگن مېمنەلىك ضىالىلر، استادلر، محصللر بىلن لىق تۇلگن اېدى. ازل-ازلدن مېمنە اۋزىبېكلرنىنگ مھم مدنى، ادبى اۋچاغلرىدن بۇلىب كېلگن. بو شھردە كۇپچىلىك اۋزىبېك تىلىدە سۇزلىشىلەدى. عادتدە اۋزىبېك بۇلمەگنلر بو شھرگە نېچە يىل قالسەلر اۋزىبېكلىشىپ كېتەدىلر. كۇرگزمە مراسىمى بىر نېچە محلى ضىالىلر و مھمانلر چىقىشلىرى بىلن آچىلدى. سۇزگە چىققنلر اوزاق دورلردە مستىب حاكملر ظلمى عاقبتىدە اۋز آنە تىلىدە تىلىم آلىش، اۋقىش-يازىش حقىدن محروم اېتىلگنلىكلرىنى حسرت-الم يوغرىلگن سۇزلر بىلن تىلگە آلدىلر. اۋزىبېك تىلىدە نىشر اېتىلگن كىتابلر كۇرگزمەسىنى مېمنەدە اۋتكزىش برچە نظرىدن كوتىلمەگن بىر مدنى واقعه بۇلدى.

سالون نىنگ بىر تامانىدە كۇرستووگە قۇيىلگن كىتابلر كتە قىزىقىش بىلن ساتىب آلىندى. چونتكلرىدە يېترلى مبلغى بۇلمەگنلر دوستلرىدن پول قرض قىلىپ بۇلسە ھم كىتاب ساتىب آلدىلر. كارتن-كارتن كىتاب ساتىب آلگنلر ھم بۇلدى. كۇرگزمەگە قۇيىلگن كىتابلارنىنگ كتە قسىمى ساتىلدى. قالگن كىتابلارنى اندخوى تومنى مركزىگە جونتدىك. چونكە او يېردە ھم كىتاب كۇرگزمەسى اۋتكزىشنى رېجەلەگن اېدىك.

اېرتەسى كونى مسلكداش دوستىم تاشقىن بھايى بىرگەلىگىدە اوكەم سىف اللە باى نىنگ موترىدە اندخوىگە جۇن ب كېتدىك. اوكەم موترىنى ساتىب آلگىنگە اۋن كونچە بۇلردى. ايكى ساعىتكە قالمەى اندخوى مركزىگە يېتىپ بارىلدى. شاعر دوستىم سىد نادرنىنگ اويىگە باردىك. او بىزنىنگ نىتىمىزدن خىردار اېدى. اېرتەگە كۇرگزمەگە مناسب جاي

تاپش اوچون تومن حاكىمى خىراللا انوش نىنگ ايشخانهسىگه بارىپ،
 اوندن ياردم سؤره دىك. او بىز نىنگ بو حركتنى خوش قرشلىپ،
 - بونده ي بىر مبارك ايش بىلن كېلگنلر ياز اوچون خرسند بۇلدىم.
 كۆرگزمەنى "يولدوز" لىسەسى سالونىدە اۆتكەزمىز. مېن بو تۇغرىدە
 مەكتەپ باشلىقلىرىگە يېزىلى تيارگرلىك كۆرىشلىرى اوچون بو يوق بېرە
 من" - دېدى.

بھار اېدى. دشت و دلەلردە ساووق توپراق قۇيىدە اوخلە ياتگن
 مىنگ بىر تونىس گل و گىياھ اوروغلى قار و يامغىر سولرىدن تۇيىنگن
 قاره يىر بىرغىدن كۆكرىپ، قوياش نىنگ مەرلى كۆكسىدن نورلر اېمىپ
 اطراف محىطنى يىشتماقده اېدى. ثور آيىدە قىش كونلرى كى قارانغو
 تېز توشمىدى. ھلى شامگە بىر نېچە ساعت قالگن اېدى. فرصتدن
 فايده لىنىب شىرغان بىلىم يورتىگە بارىپ، او بېرەگى استادلر بىلن
 اوچرەسك دېگن اويگە باردىك. تاشقىن بھايى:
 - مېنىنگ مزار شىرف گچە بىر آز ايشىم بار او بېرگە ھم بارىپ
 كېلىسك بۇلەدى، وقتىمىز بار، - دېدى.

او كەمنى قۇيردە قۇيمەي:

- بىزنى موترىنگگە مزار گچە اېلىتىپ كېلتىرەسن، - دېدىم.
 اكه- او كەلىكده. او كۆنگلى بۇلمسە ھم يۇق دېالەمدى. شىرغانگە
 جۇن ب كېتدىك. ھە دېمەي شىرغان بىلىم يورتىگە بارىپ استادلردن
 نوراللا آلتاينى تاپدىك، او بىلن بېرگە شىرغان بىلىم يورتى باشلىغى
 دوستىمىر گل احمد فضلنى كۆرگنى باردېك. اوز ارا صحبتلر يىمىز
 قىزىگن سرى قىزىب كېتدى. بىر محل، او كەم بىلىم يورتى دروازەسىدە
 بىزنى كوتىب تورگنى لقاە اېسىمگە كېلدى- يو، قىتە اوچرەش شىنى آرزو
 قىلىپ آلتاينى و فضلنى بىلن خىرلىشدىك.

دروازەگە چىقسك، او كەم موترى نىنگ يانيدە ايگى آياق اوستىدە
 تىك تورگن اېكن. زېرىك كنى يوز و كۆزىدە نمايان اېدى. او
 كولىمسىرەب:

- اکەجان شو قوماندانلە قۇرىقچىلىرى و ھىداوچىلىرىگە قنچە كۇپ
اىلىك بېرسە يەنە ھەم آز، بېش دىققەگە كىرىپ چىقەبىز، - دەپ بىر
ساعتدن كۇپ كېتىدىلە، - دەدى، يوشاققىنە اعتراض قىلگندېك.

او، اعتراض بىلدىرىشگە حەقلى اېدى.

- عذر اوکەجان. بۇلر ايش بۇلدى. كېل اېندى شېھ مزار شريفدن
بارىپ كېلەيلىك. كېيىن سېن بىز تاماندن رخصت سن دەدېم، قۇلىنى
قۇلىمگە اوشلب.

سيف الله باى اوکەم بلند بۇيلى، آق يوزلى، كەم سقال، قۇى كۇز
يىگىت. مجاهدلر اطراف حدودلردە مکتبلر بنالرىگە اۋت قۇيگنلىكلرى
سبب او ھەم يوزلب و مىنگلب كىشى تېنگداشلىرى كىي مکتبگە كىرىپ
تەلىم آلامەدى. شەخسى تەشبى نتيجه سىدە آز- ماز اۋقىشىنى
اۋرگندى. اما يازالمەيدى. چلە سواد بۇلشيشىگە قرەمەى اونچە مونچە
سوادلىردن فراستلى. او بىر مؤفق خصوصى تدبىركار.

اوکەم مېنگە:

- اکەجان! سىزلرگە بىر تەكسى كراب بېرسەم، اۋزلرىز مزار شريفگە
بارىپ كېسەيلە، مېنگە شو بېردە رخصت بېرسەيلە، - دەدى التماس
قىلىپ.

مېن اېسە اکەلىك قىلىپ، ايكى آياغىمنى بىر اېتىكە تىقىپ:
بىز بىلن بارىپ كېلەسەنگ علاجى يۇق، - دەدېم قىسرلىك
قىلىپ.

- اېندى كە قۇيمەدیز. موترگە اۋلتىرىنگلە، كېتدىك، - دەدى غىرت
بىداويگە مېنىپ.

اۋشندە اوکەم نىنگ گېيگە اعتبار بېرمەى، قدىمگىلرنىنگ: - «بىر
كتەنىنگ گېيگە قىل، بىر كىچىك نىنگ»، دېگن عقللى سۇزىگە عمل
قىلمەى، كتە بىر خطا گە يۋل قۇيگن اېكن من. شىرغان شىرىدن
چىقىپ مزار شريفگە جۇنەدىك. مزار شريف- قىصار آرەلغىدە

يوزلب كىلومىتر بوزوق يۇل چمەسى ايكي يىل آلدىن غرب دولتلىرى ياردىمىدە قىتە قورىلگن اېدى.

آقچە كۆپرىگىدن اۋتگن اېدىك. كتە اسفالت يۇل نىنگ ايكي تامانىدەگى بوغدايزارلردە غربدن اېسەدىگن يوشاق شمالدن بوغدايلر بتهلىرى بىر تېكىس اېگىلىب عجابى منظرە شكلىلندى.

بىزىنىگ موتر بىر يوز يىگىرمە مىل سرعتدە كېتىپ بارماقده اېدى. اوكەم يقىن – يقىنلردە موتر ھىدەشنى اۋرگنگن. او، ھىداوچىلىكدە ھلى بىترلى تجربەگە اېگە اېمس اېدى. موتر چاربۇلك تومنى حدودىدە اېدى، بو بىرلردە قىر قىلىنگن يۇل ايكي تاماندىگى بىرلردن بعضى جايلردە ايكي متر، بعضى منطقەلردە بىرىرىم متر چە بلند اېدى. تاشقىن مېنىگ يانىمدە اۋلتىرگن جايىدە اوخلب قالگندى. بىر پىت موترنى تۇغرى يۇنەلىشىدن استە – سېكىن اونگ تامانگە قرەب كېتەياتگىنىنى پىقەدەيم. شو آندە شاشىلىب استەگىنە سىف الله، – دەدېم. سىف الله دەدېم و موتر چپ تامانگە بورىلىب، اۋتە تىز سرعتدە اوچىب بىر نېچە لحظەدە اۋتىز مترچە اوزاقراققە تۇرتە غىلدىرەگى بىلن بەار يامغىرلىرىدن سېمىرىب ياتگن بىرگە بارىب اورىلدى. يوز بىرگن اۋتە خوفلى حادثەدن گنگىب قالدېم. موترنىگ دروازەلى قولىقلىب قالگن اېدى. اوكەم اۋرنىدن تورىب، – «دربە در بۇلدىم» – دەپ، مېنگە قرەب: – «اكة يخشىمىسىز؟» – دەپلى. اونگە ھە يخشى من دەدېم – دە، يانىمدە اۋتىرگن تاشقىن بەھايى نىنگ قىمىردەمەى اۋتىرىشىدن چۇچىدېم. تاشقىن! – دەدېم، او حىران حالده – «ھە مېن يخشى من» – دەپ قويدى. باشىمدن قان آقە ياتگىنىنى اوكەم بىلن تاشقىن كۆرىب قۇرققن اېدىلر. قرەسم موترنىگ آرقە شىشەسى سىنىب توشگىندە بىر شىشە نىنگ سىنىغى منگلەيم نىنگ اۋنگ تامانىنى قاشىم نىنگ اوچىگچە بىرىنگن اېكن. قان تۇختەمەى آقر اېدى. كورتى و اېگىمدەگى آق كۆيلىگىم قانگە بۇيلىگن اېدى. اوكەم موترنىگ تىپەسىدەگى درىچەنى آچىب او بىردن تشقىرگە چىقدى. بىر عمللب موترنىگ بىر

دروازه سینی آچیشگه اولگوردی. بیز هم تشقیرگه چیقیدیک. موترنینگ آرچه غیلدیرکلریدن بیرى كمیده قیرق- اېلیک قولاج نریگه آتیلیب کپتگن اېکن. شو پیت کتّه یؤلدن اؤته دیگن موترلر هیداوچیلری چاپیشیب کپلدیلر. اولردن بیرى:

- خدا خیر قیلپتی، شکر که همه لریز تیریک سیله،- دېدی. اوینه اؤز سؤز لریگه دوام اېتیب:

- منه شو یقینه کلینیک بار. تیزراق او یرگه باریب کلینیک خادم لریدن یره منی پانسما ن قلیشیمیزنی سؤره دی.

بیز نینگ کوتیلمه گن بو واقعه دن تیریک قالیشیمیز بیر معجزه اېدی. گویا بو دنیا گه قیته توغیلگن اېدیک. سیف الله باى نی موتری آلدیده قالدیریب، مېن و تاشقین بهایی شاشیلیب یؤلگه چیقیدیک. تیزده بیر تکسیده کلینیک که باردیک. کلینیک ده گی نرسلر باشیم نینگ یاره سینی پانسما ن قیلیب، بیزدن تیزده مزار شریف ده گی شفاخانه لردن بیر یگه باریشیمیزنی سؤره دیلر. مزار شریف گه دوستیم داکتر تانیش گه تیلیفون قیلیب، اونى حادثه دن خبردار قیلماقچی بؤلدیم. او کابل- مزار شریف سفریده سالنگده اېکنینی ایتدی. مزار شریف ده باشقه بیر دوستیمیز داکتر درمان گه تیلیفون قیلدیک. او:

- تیزراق دولت شفاخانه سیگه کپلینگلر. مېن او یرده داکتر لرگه ایتیب قویه من،- دېدی.

چمه سی قیرق دقیقه لرده شفاخانه گه یېتیب باردیک. او یرده عزیز لریمیز داکتر درمان و مهندس نور احمد قاضی زاده بیزنی کوتیب تورگن اېکنلر. داکتر لر باشیم یاره سینی تیکدیلر و کپره کلی داریلر بېردیلر. بیز شفاخانه دن چیقیب مهندس نور احمد نینگ اویگه باردیک. او یرگه باریشیمیزدن بیر نېچه دقیقه اؤتگچ واقعه دن خبر تاپگن دوستلریمدن رحمتلی عالم رزم و عبدالغفور جوره زاده کؤرگنی کپلدیلر. کبیزراق او که م سیف الله هم بیر نېچه کیشی دوستلری بیلن کپلیدی. تاشقین بهایی بیلن مېن کپچه مهندس نور احمد نینگ اویده

قالدىك. اپرتهسى تانگده مېن كابلگه جۇنوب كېتىدىم و تاشقىن اپسە
كتاب كۆرگزمەسىنى اۆتكىزىش اوچون اندخوىگه قرەب يۇلگه
چىقىدى. كتاب كۆرگزمەمىز بىر نېچە كوندن كېيىن شىرغان شەرىده هم
اويوشتىرىلدى.

اسلام آباد. ۲۰۲۲، ۲۹ - دسمبر

مکتب اېسده ليکلىرى

۱

بىز يشەگن وادىدە بالەلر و اوسپورينلرنى اوچ صنغليک باشلنغىچ مکتبلردە اوقىتيش ايشلىرى قىرال محمد ظاهر دورىدە، مىلادى اېلگىنچى يىللردە باشلنگن. بىزنىنگ منطقەمىزدە هر بىر قىشلاقدن سناقلى اوسپورينلرنى بىر نېچە يىل ملا محمد يعقوب، ملا عبدالرسول، ملا عبدالوھاب اتلى محلى اوقىتوچىلر مسجىدلردە اوقىتگن اېکنلر. "سۇباغ" وادىسىدە ۱۹۶۱ يىلى اۋرتە مکتب اېشىگى اچىلەدى. باشلنغىچ مکتبلرنى بىتيرگن ايرىم اوقوچىلر مکتبگە جلب اېتىلەدىلر. اوقوچىلرگە درس اۋتەش اوچون ولايت مرکزىدن باشقە معلملر جۋنەتيلەدى.

شبو دورلردە حكومت اطراف منطقەلردن باى و بە دولت كىشىلرنىنگ فرزندلرنى تىلب، اقسويكلر اۋغىللىرى تعليم آلەدىگن مکتبلردە اوقىتيش اوچون كابلگە آلب كېت اېكن. حكومت آدملىرى بابام حاجى اۋمۇرقول (عمرقول) وادىمىزنىنگ بە دولت و نفوذلى كىشىلردىن بۇلگى باعث اونىنگ تونغىچ اۋغلى-مېنىنگ آتەمنى كابلدە زادهگانلر مکتبىدە اوقىتيشگە تىلەگن اېكنلر. بو زمانلردە وادىمىزنىنگ اهالىسى اۋز فرزندلرنى پايتختگە اۋقىشگە جۋنەتيش اوياققە تورسىن، اېندى ايشگە باشلەگن محلى مکتبگە هم كىرىتيشدن

تەييارلىدى. اولر پارە بەرىپ مەكتەپكە آلىنگن اۋغىللىرى آتلىرىنى مەكتەپ اۋقۇمۇچىلىرى رويخىتىدىن آلىپ تىشلىدى. ياش فرزندلىرىگە قۇزى و اۋغلاغ باقدىرىشىنى مەكتەپدە اۋقىشىدىن افضل بىلر اېدىلر.

بابام سورۇ قۇيلىرى چوپانلىرى و دەقانلىرى ايشلىرىنى باشقۇرىپ يوريش اوچون آتەمگە جدى احتياجى بارلىكى اوچون بىر عملەب اۋغلى نىنگ اۋرنىگە قۇشنى قىشلاغىمىزنىنگ نفۇزلى شەخسلردىن مىرزا معصومنى اۋغىللىرىدىن عبدالغنىنى كابلگە اۋقىشىگە جۇنەتەشكە كۇندىرگن اېكن. جان و دلدىن كابلگە بارىپ اۋقىشىنى اىستەنگن آتەم بلكە آتەلىك حرمتى اوچون بۇلسە كېرەك بابامنىنگ قىلگن ايشىگە قوشىلىك كۇرستمەنگن. اما، كابل دە زادهگانلر مەكتىپدە اۋقىشىگە كىرالمەي قالىشى سبب اوشالمەي قالگن كۇزل انسانى ارمانىنى كۇنگلى نىنگ بىر چەتدە توكىب قۇيگن .

عبدالغنى كابلگە اۋقىشىگە كەتەدى. او، پايتەختدە بىر نەچە يىل اۋقىب پوليس مەكتىپىنى بېتيرەدى. اىچكى ايشلر وزىرلىگىگە ايشىگە كىرەدى. مەھم منصبلىردە ايشلەيدى. اما، آتەم مسجىدلر و مدرسەلردە محللى ملالردن تەلىم آلىپ قرآن اۋقىشىنى اۋرگىنىپ، اۋز دورىدە اۋقىلەدىگن اۋزبىكچە كىتابلرنى اۋقىش قابىلىتىگە اېگە بۇلەدى، نەھات بىر بايچە صەفتىدە آتەسنى نىنگ دەقانچىلىك و چارواچىلىك ايشلىرىگە يقىندىن ياردەم بەرەدى. بىراق كابل دە آقسويكلر مەكتىپدە اۋقىب، غنى خان دەپك بىر منصبدار بۇلەلمەگىنىنى ھەر دايم حسرت بىلن اېسلىپ يورر اېدى.

آتەم اۋزى اېرىشەلمەگن يەخشى آرزولرىگە اېرىشىش فرزندلىرىگە نەسب اېتىشىنى خواھلر اېكن. مېن مەكتەپ ياشىگە كىرگىنمەدە بىر كۈنى آتەم، غنى خاننى اۋزى نىنگ اۋرنىدە پوليس مەكتىپىنى بېتيرىپ، كتە بىر منصبدار بۇلگىنى تۇغرىسىدە بىزگە رويات قىلىپ بەردى:

- «اۋغلىم، مېنىنگ آرزولرىم عملەگە آشمەدى. بونگە رحمتلى آتەم سېىچى بۇلدى. يەخشى تەلىم و تەحصىل آلىپ تەنقىلى منصبدار بۇلىپ ھۆكۈمەت ادارەلرىدە ايشلىشنى خواھلردىم. افسوس كە، بۇلمەدى. اېندى

بوندەى يىخسى آرزولرگە فرزندلریم اېرىشسىنلر. اۋغلىم مکتب ياشىگە كىرىب سن. سېنى مکتبگە قۇيەمن.»
- اۋزىنگىز بېلە سىز آتەجان.

بىر كۈنى اېرتەلب آتەم قۇلىمدن اوشلب مکتب ادارهسىگە آلب باردى. اداره دە مکتب نىنگ باش اۋقیتوچىسى خلیل خان بىلن سۆزلەشىپ، مېنىڭ آتەمنى بىرىنچى صنف اۋقوۋچىلرى رويخطىگە يازدىردى. درىشى كىيگن، باشىگە سور تۇپى قۇيگن خلیل خان قۇلىگە قارە مىرزايى قلمىنى آلب، آتەم بىلن مېنى صنفىمگە بېتىكلب باردى. بالەلر صف- صف بۇلىشىپ، اۋرىندىقلردە اۋتيرگن اېدىلر. مېنى ھم بىر بالە نىنگ يانیدە بىر چوكىگە اۋتقىزدىلر. باش اۋقیتوچى مېنى بىرىنچى صنف معلمى مولانا عبدالقيومگە تىشىتىردى. شو چاغدە مکتب ايشچىلریدن بىرى بىرىنچى صنف كتابىنى آلب كېلىپ، مېنىڭ قۇلىمگە توتقىردى.

آتەم مېنگە قرەب:

- اۋغلىم مېن كېتەمن. مەنە حافظ صاحب معلمىنگە و مکتب نىنگ باش اۋقیتوچىسى مېنىڭ دوستلریم بۇلە دىلە. اېندى ھر كۈنى اېرتەلب عمكىلرینگ مېن مکتبگە كېلىپ كېتە بېرەسن. مېن بۇسە كېتىم، - دەپ اۋقیتوچىمىز بىلن خىرلەشىپ، صنفدن چىقىپ كېتدى.

سل اۋتەمى آتەم مېنگە مکتب نىنگ دكانچەسىدن ايكىتە دفترچە، بىر پىنسل قلم و بىرخودكار قلم كېلتىرىپ بېردى. مېن كتاب، دفترچەلر و قلملریمنى آتەم تىكىپ بېرگن قىزىل تىراققە سالىپ قۇيدىم. آتەم تىكرار خىرلەشىپ اويىگە جۇنۇب كېتدى.

بىزىنىڭ معلمىزنى حافظ ھم دېر اېدىلر. باشىگە آق سلە اۋرەگن اۋقیتوچىمىز درىشى ھم كىيىردى. درس وقتى توگب، توشدە مکتب تعطىل قىلىندى. مېن قىشلاغىمىز بالەلرى بىلن اويىمگە قىتىپ كېلدىم.

آتەم مەكتەبىدىن قەيتىپ كېلگەننىمى كۆرىپ قالىپ مېنىگە آفرىنلار ايتىدى.
كۆزلىرىدە خەرسەندىلىكەن بلقىپ تورگەن آنەم :

- واە، واە مەكتەبى آۇغلىم كېلدى، يەخشى آۇغلىم كېلدى و... - دېپ
سېۋىب- سېۋىب مەنگە يىمەن آۇپىدى- دە، آۇغلىم آچ قاگەن سەن. نىمە
يېسەن؟ - دېپ سۇرەي .

- آنەجان، خام قىماق يېرىنگە دېدەم.

يېر سوۋچىم دە آنەم كېچەدەن يېرى سوت سېپت نىنگ تەگىدە قلىن
قىماق توتگەن كەتە يېر تىباق يوزىنى آلىپ كېلدى. اونىنگ ياندا شىنى
سالىنگەن كۆزەچەدەن يېر آزاراق شىنى ھەم كېلتىرىپ قۇيدى.

مېن ھەر كۈنى اېرتەلب ئەمكىلەيم و قىشلاغىمىز بالەلرى بىلەن مەكتەپكە
بارىپ كېلەدەنگەن بۇلدىم. ھەر كۈنى اېرتەلب مەكتەپ آۇقۇۋچىلرى
صەنفلەرگە بارمەسەن آلدەن مەكتەپ بىناسى مەقابىلەدە تۇپلەر اېدىلەر.
ترانە گروھى "ۋەتەن" ترانە سەنى ائجرا قىلدى. كېسەن مەلمەر يېر نېچە كۈن
مەكتەپكە كېلەگەن آۇقۇۋچىلەرنىنگ آياقلىرىنى باغلب، قلىن خىمەچەلەر بىلەن
اولرنىنگ آياقلىرى تەگىگە اورردىلەر. خىمەچەلەر سەنىپ كەتگۈنچە
سۈلەردىلەر.

مەكتەپنىنگ اوچ- تۇرت كىشى خەزمەتچىلرى بار اېدى. اولرگە
"چېراسى" دېر اېدىلەر. "چېراسى" لردەن يېرى آۋتە اوزون بۇيلى، قىرغى
كۆزلى، آۋسۇق قاشلى، قاتمەدەن كېلگەن آتەمىش ياشلردەگى يېر آدم
اېدى. اونىنگ اصل اسمىنى كىشى بىلمەگەن اوچون ھەمە اونى "ماما" -
دېپ خەتاب قىلدى. "چېراسى" لەر مەكتەپ صەنفلەرنى تازەلەش، مەكتەپ
باغىنى سوغارىش، دەرختلەرنى پەرورەش قىلەش، ادارە بويروغلەرنى
بەجىرىش بىلەن مەشغۇل اېدىلەر. اما "ماما چېراسى" ھەر كۈنى مەكتەپدەن
قاچىپ يورگەن بالەلەرنى يا اولرنىنگ آتەلەرنى مەكتەپكە آلىپ كېلەش بىلەن
آۋارە اېدى. "قەرەشىخى" قىشلاغى نىنگ اوغانلردەن بۇلگەن "ماما
چېراسى" نىنگ آۋزىگە خەس يېر ايشى ھەم بار اېدى.

اونینگ قۇلىدە اوزونلىگى ايكى مترچە كېلەدىگن، يۇغانلىگى بىل
دستەسىدن بىر آز مەينىراق ياغاچى بۇلردى. ياغاچ نىنگ ايچى
غراودېك تېشىك اېدى. اونىنگ كىسەسى لايدن چىگىتدن كەتتە راق
دۇمە لاق قىلىپ يەلگن قوروق "اوق" لرىدن تۇلە اېدى. او، قورىتىلگن
لاى اۇقلىردن بىرىنى آغزىگە آلىپ، ياغاچى نىنگ بىر تامانىنى لىلرى
آرەسىدە محكم اوشلەگن حالدە درخت شاخىدەگى قوشنى نشانگە آلر
اېدى. شو آندە اۋپكەسىنى نەفسگە تۇلدىرىپ، ياغاچى تېشىگىدن
آغزىدەگى "لاى اوق" نى توف - دېب نشانگە قرەتەپ آتردى. "ماما
چىراسى" شوندى قىلىپ ھر كونى بېش يا اۋنتە قوش آلر اېدى.

مېن ھر كونى مەكتەبگە بارىپ - كېلدىم. بىر نېچە ھفتە اۋتر - اۋتمس
مەكتەبگە بارىشكە قىزىقمەي قۇيدىم. بارگىنمە ھم بەعضى كونلرى تنفس
ساعتلىرىدە مەكتەب دىوارىدن آشىپ قاچردىم. مەكتەبدن قاچىپ اويگە
بارمىس اېدىم. مەكتەب بالەلرى اويلرىگە قىتگونلرىچە يۇلدە بوغدايزارلر
ايچىدە بېكىنىپ ياتردىم. بالەلر مەكتەبدىن كېلىشى بىلن آق اولرگە قۇشىلىپ
اويىمگە بارر اېدىم. ھر كونى بوغدايزار ايچىدە ياتىپ اوزاق يايوقدن
بىدەلر نىنگ پىتپەلق اورىپ سىرەشى، چىرايلى زىرغىلداق
قوشچەلر نىنگ بوغدايلر بەلرىگە قۇنىشىپ بىلەلەپك چولدىرەب قىلگن
خوانشى بەھار نىنگ سۇلىم فۇساسىنى تابارە ياقىملى قىلر اېدى.
قلىدىرغاچلر نىنگ اوياقدن بوياققە چوغىرەشىپ ھواگە اۋىناقلىپ
اۋچىشى كۇنگلگە اۋزگچە ذوق بەرر اېدى.

مېن ھر كونى مەكتەبدىن قاچىپ كېلگىنمە بوغدايزار ايچىدەگى
اجىرىغزار بىر ارىقچەدە اۋتىرردىم. بىر كونى ياش باشىمە خياللر
سورىپ ياتر اېكەن مېندىن بىر - ايكى قوللاچ نرىدە بوغداى بەلەلرىنى
اوياق - بوياققە قىمىردە ياتگىنى سىزىپ اۋرنىمدن توردىم. قرەسم بىر
كەتتە سىرىغ ايلان پشلىپ بوغدايزاردن چىقىپ اۋزىنى مېن تورگن
ارىقچەگە تىشلەدى. قىتق چۇچىپ بىقىرىپ يوباردىم. اۋچى نىنگ
يايىدن آتلىگن اۋقەپك آتلىپ، بوغدايزاردەگى سۇقماققە باردىم.

سۇقماقە تورىب آرقەمگە قىرىلىپ قرەسم ایلان یۇق اېدى. او مېنىڭ بقىرگىنىمدن ھىدىكىسىرىب قەى بىر تامانگە قاچىب كېتگن بۇلىشى مەكەن دېدىم اۋز اۋزىمگە.

نیمە قىلرىمنى بىلمەى حىرتلەنىب تورگن اېدىم. شو آنلردە مەكتىدن قىتگن بالەلرنىڭ بۇى و بستى كۆرىندى. مېن ھەم اولرگە قۇشلىىب قىشلاققە جۇنۇب كېتدىم. یۇلدە اولرگە مېنى بىر سرىغ ایلان قاولەگىنى ایتدىم. قرىنداشرلىمدن بىرى نىڭ اۋغلى عبدالرحمن:

- "سرىغ كل" دن قۇرقمە، اونى زھرى بۇمەىدى. آدمەلنى چقمەىدى. بىزلر سرىغ ایلانلرنى قۇلىمىزگە آلىب، بېلىمىزگە اۋرەب یورگن وقتلە بۇگن، - دېگن سرى عمەكىم نىڭ اۋغلى مېنگە قرەب: - اوکەجان، سېن قچنگچە مەكتىدن قاچىب آتە و آنەنگنى الدەب یورەسن. اولر سېنى بىزگە تاپشیرگنلە. آخر بىر كون سۇرەىدىلە. قنداغ قىلىب اولردى یوزىگە قرەىبىز، - دېب كایىدى .

درسدن قاچگىم اوچون مېنى مەكتىدە كىشى جزالمس اېدى، "ماما چپراسى" ھەم آرقەمدن كېلمس اېدى، چونكە مېن ھەر كونى بىر-اىكى ساعت صەندە بۇلردىم. اۋقىشنى ياقىتىرمەى مەكتىگە قىزىقمەى قالگىم سېىنى بوگونگچە اۋزىم ھەم بىلمەىمەن.

بو وضعىتدن اوىدە گىلرھەم خبر تاپدىلر. آتەم بىر كونى مېنگە:

- «آتەم اۋغلىم قرە، اېشىتتىم سېن ھەركونى مەكتىدن قاچر اېمىش سەن. بو یخشى ایش اېمەس. مېن سېنى یخشى اۋقىب، سوادلى بۇلىب، غنى خان دەى كتە منىصدار بۇلەسن، آبرو اعتبار تاپەسن، - دېگن امىدە مەكتىگە قۇىدىم. مېنى مەكتىدە اۋقىشگە قنچە اشتياقىم بلند اېدى، افسوس كە آتەم قۇىمەدى. اېندى مېن سېنى اۋقىتماقچى مەن، سېن اۋقىمەىسەن. بو نیمە قىگىنىڭ اۋغلىم؟» - دېب حسرتلى سۇزلرنى تىلگە الدى .

آنەم ھەم آتەمگە قرەب:

- بیلمەسم اۋغلیز کیچیکلی قیلەمی، اونى قیسی اوریب سۆکەمی،
یۆلدە بیاۋ یوریب چرچەیدیمی، - دېب مېنگە قرەب، اۋز سۆزلریگە
دوام اېتدی.

- اۋغلیم هر گېنگ بۇسە تارتینمىسدن آچیق ایت. بیزدن نیمە
تیلەیسن؟ خواھلەسنگ آتەنگ سېنگە بايسکیل آلیب بېرەدى. ساعت
آلیب بېرەدى و ...

مېن اېسە لام- مېم دېمىسدن یېرنى چۆقېلیب اۋتیردیم. ینە آتەم مېنى
مکئىدن قاچمىسلىککە کۆندیرماقچى بۇلیب:

- اۋغلیم مکتبگە باریب کېلرە چرچەسنگ بايسکیل آلیب بېرەمن.
یا اېشگىنگگە مېنىب مکتبىنگگە باریب کې، - دېگن آتەم، آنەمگە قرەب:
- بیلەسنمى، اۋغلیم آتە- آنەسنى یخشى کۆرەدى. ایتکىزدى
قیلەدى، سېن مونى باشىنى "سخى جان" گە ایتگن سن. کېلەسى ییل
بھاریدە اۋغلیمدى "سخى جان" گە آلیب کېتەبىز، - دېدى.

سکرەب اۋرنىدن تورگن آتەم مېنى اۋزى مکتبگە آلیب کېتماقچى
بۇلدى، آنەم کتاب و دفترچەلریم سالىنگن تبراغىمنى کېلتىرىب
بۇینىمگە آسدى. آتەم بیلن بېرگە صنفىمىزگە کىرىب باردىک. حافظ
معلم آق تباشیر بیلن قارە تخته دە املا یازە یاتگن اېلدى.
اۋقیتوۋچىمىز آتەمگە:

- باى اکە خوش کېلىسىز. بیزدى شاگرددى بوگون مکتبگە
اۋزىنگىز آلیب کېلىسىز- آ؟ - دېب سۆرەدى .

- ھە شونەدى. سیلەنى یقیندن بېر کۆرەى دېب کېلدىم، یو
شاگردىز بوکونلە مکتبگە قىزىقمەى قاگن. مونى بېرانتە اورەمى،
سۆکەمى، قۇرقیتەمى؟ بیلەیمىن، - دېدى، آتەم حافظ معلمگە.

- یۇق - یۇق باى اکە، بو بېرە ھىچ کیم اۋغلیزگە زوغوم قىمەگن،
او، کرتىسى نینگ کىسەسىدن بېر چاکلىتنى چىقىرىب مېنىگ
قۇلىمگە توتقۇزدى. اۋقیتوۋچىمىز ینە مېنگە قرەب:

- شاگردىم، ايت مەكتەبە سېنىگە كىم گېرەدى؟ ھەر كىم سېنىگە تەدى قىلگن بۇسە مېنىگە ايت، اونى جزالەيمىز، - دېدى.

بىر آزدن سۇنگ آتەم معلمىمىز بىلن خىرلىشىپ صىغىدىن چىقىپ كېتدى. اۋقىتتوۋچىمىز تخته گە املا يازەياتگندە آتەمنىڭ آرتىدىن چاپىپ چىقىدىم، دەھلىزە كىشى يۇق اېدى، اۋقىتتوۋچىلەر صىغىلار دەرس اۋتەياتگن اېدىلەر. ھە دېگۈنچە مەكتەپ نىڭ دروازەسىگە بارگن آتەم آرقەسىگە يېتىپ بارىپ، تۇنى نىڭ اېتىگىدىن اوشلەدەيم. او مېنىگە قەرەب:

- ھە اۋغلىم بىران نرسە كېرەيمى، پۇل بېرەيمى؟

- ياغ، مېن سىز مېنن كېتەمەن. مەكتەپگە اۋقىمەيمەن، - دېدىم.

آتەم ھىچ نرسە دېمەي بىر دىققە سەكوت قىلدى. - يو، - اۋزىڭ بىلەسن اۋغلىم، سېن بو ايشىڭ مېنن مېنىڭ آرزولرىمدى بېرگە اورەسن، قباغى آسىلىپ، يور كېتىدىك، - دېدى. اويگە يېتىپ بارگۈنمىزچە آتەم ھەم گېرەمدى، مېن ھەم سېسىمنى چىقرەمدىم. مېنى مەكتەپدە اۋقىتىش اوچون آتەم نىڭ اورىنىشلىرى نىجەسىز تۈگەدى.

اولرنىڭ خىرسىندلىگى اوزاققە چۈزىلمەدى. كۈنگللىرى غىش اېدى.

ھەفتەلەر و ايلەر اۋتدى، بەھارنىڭ سىلەين و سۇلىم كۈنلىرى يازنىڭ جىزىرەمە ايسىغىگە ايلندى، سىنبلە و مىزان ايلرىدە ھوا استە-سېكىن ساۋوب پىراغلىرى سرغەيگن درختلەر بوتاقلىرىدىن اۋىن-اۋىن بېرگە توشە باشلەدى. بوكونلەر ھەم بىرىن-كېتىن اۋتدى، يىغىم-تېرىم بۇلدى.

قىش نىڭ ايزغىرىن شىمالى ھوۋىلەپ اېسە بېردى، اۋنگ و سۇلگە قەرەگۈنچە ھوادە قارە بولوتلەر كۆرىنە باشلەدى، قىلەن قارلەر ياغدى.

كوچەلەر، آقر دريا، ارىغىلەر، حوزلەر موزلەپ ياتردى. قىشلاق اھالىسى حوزلەرنىڭ قىلەن موزلەرنى بالتە بىلەن سىندىرىپ سوۋ آلر اېدىلەر.

قوشلەر چورقىلەشىپ بېردە دانە تاپالمەي، چومچوقلەر، موسىچەلەر و مىنلەرنى ساۋوق شەتەيدىن موزلەپ اۋلىپ قالگن حاللارنى كۈزەتەيدى.

کونلر و هفته لری بیلن قیش هم قریگن ابدی. حوت نینگ اؤرتله لریده قیش کونلری یاغەدیگن قارلر یامغیرگە ایلندی. چمەسی ایکی هفته تون و کون یامغیر یاغر ابدی. کوندوزلری کوچە- کۆیلرنی قلین تومن باسیب یاتردی. اوزون چۆزیلیب اینگیچکە اوزیله دیگن وقت ابدی. قیشلا قداشلریمیزنینگ آمارلریدن غلە- دانلری توگە ماقده ابدی. تینمە ی یاققن یامغیرلر سبب تاملریمیز چکک قیلدی، چارە سیزلیکدن آتەم بیز یشە دیدیگن اۋتاق ایچیدە گیلملردن چادر تیککن ابدی. بیز ايسه کچەلرنی چکک نمیدە چادر آستیدەگی سوغدی نینگ تۆرت تامانیدە تونب تانگ آتدیرردیک.

بیردن تومنلر کۆتریلدی، آسمانده گی قویوق بولوتلر هر تامانگە ترقب کەتدی، بهار نینگ بیرینچی کونلری ابدی، قیش دوامیدە موزلب یاتگن زمیننی ایلیتگن قویاش نوری کوندن کونگە ايسیب بارماقده ابدی. ابرتە گلله دیدیگن درختلر قیش نینگ آغیر اویقوسیدن تۆیب کورتک آتماقده ابدی. زمین نینگ کۆکسیدە دم آلیب یاتگن گللو تورلی تومن اۋسیملیکلر اوروغلری بهار یامغیرلری- یو، قویاش نوری یلغی طفیلی اویغانیب، اۋسیب بارە یاتگن گیاهلر کاکلرینی تانگگی شبادەلر سیلب اۋتردی.

قیش نینگ ایزغیرین ساووغی و تورلی مشقتلرینی آرتدە قالدیرگن آتەم بیر کونی آنە مگە:

- خداگە شکر اۋغلینگ کتە بۆگن، باشینی "مزارسخی" گە ایتگن ابدیک، بهار هم کەلدی، شو وقت باریب ساچینی آلدیریپ کەسک، - دېدی.

- راست ایتە سیز. یخشی بۆلەدی، - دېگن آنەم بالەلری نینگ باشی "سخی جان" گە ایتیلگن عایلەلر قیشلا غیمیزدە کم اېمسلر. اولە مینن بیرگە بیر کتە موتردی دریس آلیب کەتسە ی بۆلەدی، - دېدی.

اوزاق اۋتمیشلردن بیری بیزنینگ منطقە دە اېرکک بالە توغیلگندە اونینگ باشینی قیسی بیر زیارتگە اینیقسە "مزارسخی" گە ایتیش اودومی

يىشب كېلدى. باشى "مزار سخى" گە ايتىلگنلارنىڭ بىرىنچى مرتە ساچىنى "مزار سخى" روضەسى نىڭ ايشانلرىگە قىردىرىش ايرىمى بۇلر ابدى، بو اودومگە كۇپراق عياللر بېرىلگن ابدىلر. اساساً قشاقلىك سبب آلتى- يېتى يىلدە هم مزار شريف گە سفر قىلالمەگن آتە- آنەلر اۋز فوزندلرى ساچلرىنى محلى سرتراشلىرگە قىردىرىپ، باشى نىڭ بىر تامانيدە بىر آزگىنە جايى نىڭ ساچىنى اۋسدىرىپ قۇردىلر. اۋشە آزگىنە ساچ اوزون بۇلىپ اۋسىپ كېتسە، اونى اوچ اۋرمە قىلىپ اۋرىپ قۇردىلر. قچانكە "مزار سخى" گە بارگنلر يدە ايرىمى بە جا كېلتىرىش اوچون بىر نېچە يىل اۋسىپ ياتگن اوزون ساچنى روضە نىڭ ايشانلرى قىرىپ تىشردىلر. مېنىڭ هم گودكلىگىمدن قىردىرىلمەگن بىر اۋرىمگىنە اوزون ساچىم قىزلرنىڭ زلفىدېك اۋسىپ كېتگن ابدى.

اوچ- تۇرت كون آرەسىدە قىشلاغىمىزدن تۇقىز- اۋن عايلە "مزار سخى" زيارتى سفرىگە تيارلندىلر، مېمنە شھرىدن بىر لارى موتر اجارە قىلىپ كېلىندى. اپر تەلب وقت زيارتچىلر سفرگە آتلىدىلر. اوچ- تۇرت ساعىتدە موتر لىلى دىشتىگە يېتىپ باردى. موتر هر تونىس ياوايى گىللرو اۋسىملىكلرگە بور كنگن تېكىس و پست و بلند تېپەلىكلرنى آر قەدە قالدىرىپ بارماقەدە ابدى. لىلى دىشتى كۇز ايلغەگىنچە يىشىل بىخىملىدېك اۋت- اۋنلر بىلن قاپلىنگن. دىشتە هر خىل ياوايى حيوانلر- كىيىك، قولان، تولكى، بۇرى، شغال، سودرەلووچى حيوانلردن ايلان، كلتەكېسك، اپچكى پېمر و تاشبىقەلر ىشر ابدى. شونىڭدېك اوشبو دلەدە تويەلر و اولرنىڭ بۇتەلاقلرى، قولونلر ياتگن بىيەلر، سوروو- سوروو قۇلر گلەلرى كۇزگە تىشلىدى. بىزنىڭ لارى موتر هم بۇكىرىپ يۇلنى اۋز كامىگە تارتىپ بارماقەدە ابدى. بىر زمان اۋندن آشەراق كىيىكلر و اولرنىڭ يورتملداق قورەلەلرى موتر آلدىدن ھوركىب بىر تامانگە قرەب قاچتىلر. كىيىكلر تۇدەسىنى كۇرگن زيارتچىلر ھى- ھوى قىلىپ شاوقىن چىقردىلر. اولرنىڭ شاوقىنىدن كىيىكلر كۇپراق ھوركىب ىنە سرعت آلدىلر، مېن حىياتىمدە اىلك مرتە

کيکني "ليلی چۆلی" ده کۆررديم. بۆته لاق لر و پۆله پان لر تماشاسيدن اۆته هيجانلنگن اېديم.

باشقه ايکي-اوچ کيشی بيلن موترنينگ تپه جنگله سیده اۆتيرگن آتم لیلی دشتی سفري نينگ ياقيملی فزاسيدن تاثيرلنگيدنمی، بلند اوازده اؤزبیک داستانلری کتابلريدن يادله گن غزللرنی عجایب آهنگده خيرگاهي قيله باشله دی. موترده گی زیارتچیلر جيم بۆلب آتم نينگ خيرگاهي قوشیقلرینی اېشترديلر. قویاش اېندی غرب تامانگه آغەياتگنده شبرغان گه يېتیب باردیک. شهرده کته يۆللرنی اسفلت قیلش ایشی اېندی باشلگن اېکن. شبرغان-مزارشريف شهرلری آره لیغیده گی شاه يۆل اسفلت قیلنگن اېدی، بو يۆلده سفر قیلش بیز اوچون مراقلی کپچدی. مزارشريف گه آلیب باره دیگن يۆل نينگ اطرافی تېکيس بېرلر اېدی، تورلی اېکینلر اوچون يراقلی بۆلگن بو بېرلرگه اریه، بوغداي، کنجد، زغیر، جوگاری، پخته، پیاز و باشقه سبزواتلر اېکیلردی، بعضی جایلرده کۆک تېره کلر کۆک که سؤیله شیب اؤسیب بارماقده اېدی. مزارشريف جنوبیده پست و بلند تاغلر سلسله سی کوزگه تشلنردی. بیز نينگ موتریمیز غیلدیره کلری آیلنه-آیلنه قارانغولیک توبغونی شهرده قنات يايگنده او بېرگه يېتیب باردی.

بیز قیشلاقدن کپلگن زیارتچیلر "مزارسخی" روضه سی نينگ جنوب تامانیده گی سرايلردن بېریده جایله شیب آلدیک. اېرته سی شهر مرکزیده بېرلشگن اسلام نينگ تۆرتینچی خلیفه سی مزاری اېکنی تصور اېتیلگن مقبره زیارتیگه باردیک. مېنينگ آتم و بیز بيلن همراه بۆلگن قیشلاغیمیز زیارتچی عیاللری روضه نينگ دروازه لری حلقه لری، "مزار" نينگ تېميردن قوریلگن کتاره سینی طواف قیلیب، روضه ايشانلریگه ایتگن نذرلرینی تاپشیرديلر. مقبره نينگ قبله تامانیده تیکلب قۆییلگن "شاه ولايتاماب" جنده سینی هم زیارت قیلشديلر. باشقه بیز بېریده مېنينگ و باشلری "مزارسخی" گه ایتیلگن باشقه باله لر نينگ بیز نېچه يیلدن بېری اؤسیب ياتگن ساچلریمیز قیریب تشلندی. هر بیز

باله‌گه روضه ایشانلری طرفیدن ایچیده قرآنکریم آیتلر چاپ ایتیلگن ورقلر جایلاشتیریلگن تونیکه طومارلر ساتیلدی.

بو شهرده ینه اوچ کون قالدیک. آته-آنه‌لریمیز اویده قالگنلر و قوشنیلریمیزگه ساوغه بېریش اوچون "مزارسخی" کلچه‌لری، قوریتیلگن اوریک و باشقه نرسه‌لر آلدیلر. آته‌م هم مېنگه آینه‌چه‌لر اؤرنه‌تیلگن قیزیل بخمل جبدوق، ینگى پای ابنل و سسیچیق آلیب بېردی. مزارشریف‌گه مؤلجلنگن سفریمیز هم یکونیکه بېتدی. بیز فاریاب‌دن بلخ مرکزیکه آلیب کهلگن لاری موترگه مینیب اویلریمیزگه قیتیب باردیک.

باله‌لیک دوری اېدی. مېن نېگه آته-آنه‌م نینگ اېنگ گؤزل آرزولریگه اېریشیشیکه بؤلگن ایستکلرینی انابتگه آلمه‌ی، حیاتیتمده‌گی اېنگ مثلسیز بویوک انسانلرینیک انسانى ایلینچ-امیدلریگه اعتبار قره‌تمه‌ی، اولرنی نه‌قدر مایوس و خفه قیلیب قؤیگنیمنی حاضر هم توشونه آلمه‌یمن. بلکه بونگه باله‌لیگیمده هلی عقلم اؤسمه‌گنینی دلیل قیلیب ایتیشیم ممکن.

آنه‌م هر ییلی پیله توتر اېدی. پیله قورتلریگه وقت وقتیده توت درختی بیراغلرینی بېدیریب اولغە‌یتیرر اېدی. پیله غؤزه‌لرینی قازانده ایشقارگه قینه‌تیب، کولگه کؤمیب، آقرتیریب آردی. هر ییلی اورچیقکه کمیده ایکی-اوچ کیلو ایپک ایگیریب آلر اېدی. ایپکلرینی بازارگه ساتردی، یا که "دکان" - دېب ناملنووچی محلی دستگاهده ایپک گزلمه‌لر تۇقیب چیقردی.

بو ییل هم هر بیلگیدېک آنه‌م ایکی اویماغ پیله اوروغینی بیر پرچه متاعگه تویگب، ساچباغیکه باغلب قؤیگن اېدی. مزارشریف‌دن قیتیب کهلگنیمیزده آنه‌م چومالی باله‌سیدن کیچیک، ایگینه اوچیدن نازک پیله قورتلرینی توگون ایچیده قیمرله‌یاتگنینی کوزه‌تدی. توت بوتاغیدن بیر ایکی یشیل بورچیگینی اوزیب آلیب بېجیریم‌گینه اوروغدن چیقیب قیمرله‌یاتگن قورتلر توگونیکه قؤیدی. ایکی ساعت اوتر-اؤتمس

قرسە پیلە قورتلری اېندی آچیلەدیگن توت بورچیکلرینی بیب قویگن اېگن. ینە بیر ایکی کون پیلە قورتلریگە کیچیک-کیچیک توت بیراغلری یېدیریلدی. قورتلر کون سەیین اولغەیب بارماقده اېدی. اېندی کیچکینە سېپتچە تگیگە گزلمە تۆشب قورتلر سېپتچە گە اۆتکزیلدی. هر کونی پیلە قورتلری اېتک-اېتک توت درختی بیراقلرینی یلمب قۆوردی. آنەم کیچیک سېپتچەلرگە سیغمە ی قالدگن پیلە قورتلری اوچون مخصوص جای تیارلەدی. هر کونی سېپت-سېپت توت درختی بیراغلرینی یوتەدېگن کتە-کتە قورتلر توت برگلریدن تۆیب اۆز اطرافیدە ایپک تالەلری غۆزەسینی شکللتیرماقده اېدی. شونە ی قیلیب محتکش آنەم بو بیل هم پیلە غۆزەلرینی بیغیشتیریب، آق تیریب آیشگە اولگوردی .

۲

حمل آی نینگ آخرلری یا ثور آی نینگ کیریشی اېدی شېکیلی، ینگ ییلدە قیشگی تعطیل لر توگب، مکتیمیز نینگ ینگی تعلیم بیلی باشلنگن اېدی. قۆشنیلریمیز بالەلری هر کونی مکتبگە قاتردیلر. شو کونلر نینگ بیریدە آتە-آنەم بیلن اېرتەلبگی چاینی برندەمیزدە ایچیب اۆلتیرگن اېدی.

شو آنە حویلیمیز توت درختی شاخیگە بیر جورە الە قرغە کھلیب قۆندی، کھلیب قۆندی و نوبت بیلن قعیلشگە باشلەدی. آنەم قرغەلرگە:
- خوش خبر، - الە قرغەلر نینگ قعیلشی بی گپ اېمس. بولر بیزگە بیزنی خرسند قیلەدیگن واقعه دن خبر بیرەدی، - دېب قۆیدی.
- آنەم هم کاشکی اېدی، ایتگنینگ کېسەدی، - دېدی آتەم.
آنەم مېنگە سوزگن بیر پیالە سوتنی ایچیب بۆلگن اېدیم. قرەسم یان قۆشنیمیز کریم بای عمکیم نینگ اؤغلی دوران قۆلیدە کتابلری حویلیمیزدن اۆتیب مکتبگە جۆنب کتە یاتگن اېکن.

حويليمىزدن باشقىە بىر يان قۇشنىمىز اوستە ھمراھ نىنگ اويىگە بىر يۇلك بار اېدى و اونىنگ حويليسىدن كتە كوچە گە چىقىلار اېدى. دوران يۇلنى قىسقىە راق قىلىش اوچون بۇلسە كېرەك، ھەر كوني بىزنىنگ و اوستە ھمراھ حويليسىدن اۋتىب مكتىگە كېتردى. اۋز دروازەسىدن كتە كوچەگە چىقىە مەن دېسە يۇلى اوزەلر اېدى. شو لىھىزە مەن مىنگ يورەكنى بىر يورەك قىلىپ:

- آنەجان مەن ھم مكتىگە كېتە مەن، - دېدىم. اتەم قووانگىدىن نىمە قىلرىنى بىلمەي،

- اۋە، آفرىن اۋغلىم، بار - بارە قال دوران اكهنگ مەن ھەر كوني مكتىنگە بارىپ كېلەيىر، - دېدى.

آنەمدن بولتورگى كتابلرىم سالىنگن تىراغىمنى آلىپ بېرىشىنى سۇرەدىم. آنەم ماندا و غلىم مكتىدە آچ قالمەسىن، - دېپ تىراغىمگە بىرىم نان ھم قۇيدى. اتەم اېسە اېسكىرگن قارە چىرەم قاپچىغىنى آچىپ پوللرى نىنگ اىچىدن بىگىرەمە افغانى آلىپ قۇلىمگە توتقۇزدى. اۋشە چاغلردە بىگىرەمە افغانى بىر بالە اوچون كۇپ پول اېدى.

بىر بىل مكتىدن قاچىپ اىكىنچى بىلدە نېگە تۇستىن مكتىگە بارىپ تىلىم آلىشگە قىزىقىپ قالگنىم نىنگ سىبىنى اۋزىم ھم انگلە مەيىم. اتە - آنەم حىران خالده خرسىند اېدىلر، اولرنىنگ كونگىللىرى باغ گلدىپك آچىلىپ، لېلرىدن تىسم ارىمس اېدى.

اۋشە اېرتە آسمان الە تراق بولوت اېدى. قوياًش بار كوچى بىلن كۇك سىرى كۇتريلماقدە اېدى. كوچەدن يورىپ بارەياتگنىمىزدە مكتىدە اۋقىب يورگن كتە - كىچىك بالەلر اويلرىدن چىقىپ بىزگە قۇشىلردىلر. قىشلاقدن چىقىەياتگنىمىزدە سانىمىز اۋن بېش كىشىدن آشدى. قىشلاغىمىز شىمالىدە ىشە مال بىر توت درختى بار اېدى. بو درختنى عبداللە پىسەي نىنگ توتى دېر اېدىلر. بو درخت قىشلاق نىنگ اېنگ سۇنگى نىقشەسى اېدى. اوندن نرى مكتىمىزگچە تېكىس مىدان و اېكىلەدىگن ھكتار - ھكتار يېرلر اېدى. قىشلاقدن مكتىگچە چمەسى

قیرق دقیقهلیک یۇل اېدی. بالەر بیلن اۆینب- کولیب مکتبگه یقینلەشیپ بارگن اېدیک که، آسمانده قاره بولوتلر کۆرینیپ سیم- سیم یامغیر یاغە باشلەدی .

دوران اکەم مېنینگ قۇلیمدن توتیب ادارهگه آلیب باردی. مکتب نینگ باش اۇقیتوۋچیسى اۋز جاییده یۇق اېدی. بیر نېچە دقیقه کوتدیک. بیر زمان خلیل خان ادارهگه کیریپ کېلدى. سالاملشیدیک، دوران خلیل خانگه قرەب:

- عمە کیم باى اکە سیزگە سلام ایتدیلر. اۇغیلری بو ییل اۋزی مکتبگه اۇقیشگە راضیلک بیلدیرگن، بوگون اۋزیم بیلن آلیب کېلیم، - دېدی .

- آفرین کۆپ یخشی بۇلدى، - دېب خدمتچىگە - «جمعه گل- خاننى ادارهگه آلیب کېل» - دېدی.

بیر محل باشیده قاره کؤل تېریسیدن تیکیلگن قاره رنگلی قلیاق کیگن اوزون بۇیلی بیر کیشی کیریپ کېلدى . باش اۇقوۋچى مېنگه قرەب:

- قرە بالەم، جمعه گل خان سېنینگ اۇقیتوۋچینگ بۇلەدی. سېن بیرینچى "الف" صنفیده بو کیشی نینگ اۇقوۋچیسى بۇلەسن، - دېدی . معلمیمیز مېنى اېرگشتیریپ صنفگه آلیب باردی. بیز نینگ صنفیمیز مکتب ادارهسى قرشیسیده مکتب میدانیدهگى عکاسى درختلر تگیده اېدی. صنفده بالەنینگ اۋریندیقى یۇق اېدی. همه میز توپراق اوستیده اۋلتیرردیک. یاغاچدن یسەگن بیر قاره تخته، بیر میز اوستیده درخت تەسیگە تەیب قوییلگن اېدی. جمعه گل خان نینگ ملتی اۋزېپک بۇلمەگنى اوچون اۋزېپک تیلیده سۇزلەشالمس اېدی. فارسچە گپلشردى. اۇقیتوۋچیمیز بیزگە "الفبا" دن درس بېردى. مېن بیر- ایكى كۈندە معلم درسینی یخشیلب اۋرگنېب آلدیم. صنفدهگى بالەلرنینگ قۇلریده تال و تېرەک یاغاچیدن یسلگن کیچکینه قاره تختهچەلر بار اېدی. معلمیمیز مېندن هم قاره تختهچە یسەتیشیمنى سۇرەدی. اۋتگن

يىلى آتەم مېنگە قىرىنداشرلىمىزدن اوستە قربان گە قارە تختهچە يسه تىب بېرگن اېدى. اوشە كوني درسىمىز توگەدى. مکتىدن چىقىپ اويىمىزگە قرەب يۇل آلدىك. اويگە بارسم آنەم قوانگىدن مېنگە زغىر ياغىگە جىرىغ قاوورىب قۇيگن اېكن. تىراغىمنى بىر ياققە قۇيىب آنەمگە سلام بېردىم. وعلىكم السلام مکتىبى اۋغىلىم، - دېگن آنەم يوزلىمدن اۋپدى.

آز اۋتمەى دسترخوان تۇشب مس تباققە قاوورىلگن قۇزى گوشتىنى كېلتىرىب قۇيدى. گوشت نىنگ ىرمىنى بىر پرچە ايسىق نان بىلن بېدىم. اوستىدن بىر بىيالە ايران ايجدىم. يخشىلب دم آگنىمدن سۇنگ آنەمدن كىچكىنە قارە تختهچەمنى تاپىب بېرىشىنى سۇرهدىم. آنەم قەپىرلرنى قىدىرىب، تاپىب كېلدى. اۋتگن يىلى آتەم تختهگە يازەدىگن قلمنى غراودن يۇنىب بېرگن اېدى. اوشە قلم ھلى ھم تىراغىمدە بار اېدى. قلم بىلن تختهچەنى آلب ارىق بۇيىگە باردىم. ارىقدە آقەيانگن تىپ - تىنىق سوو آستىدە اۋىنب يورگن بلىقچەلرنىنگ اوياق - بوياققە يورىشى دقتىمنى اۋزىگە قرەتدى. بىراردە ارىق نىنگ تگىدە سىپ - سىرىق بېش آياقلر يورىشىنى ھم كوزەتر اېدىم.

مکتب ادارەسى بىزگە فارسچە اۋقىش كىتابىنى بېرگن اېدى. بىز بو كىتابدن سباق اۋقىردىك. بىرىنچى درس "الفبا" اېدى. فارس تىلى نىنگ اۋتىز اىكى حرفدن تۈزىلگن حرفلرنى لای بىلن قارە تختهگە يازىشىنى اۋقىتوچىمىز اوى تاپشىرىغى بېرگن اېدى. ارىق بۇيىدە اۋلتىرىب بىر آز توپراقى يىغىب اۋرتەسىنى چوقورچە قىلدىم. چوقورچەگە آزگىنە سوو قویىب اتلەدېك سوويوق لای تيارلەدىم. قۇلىمگە قمىش قلمنى آلب اۋچىنى لایلگە بېشىب "الفبا" حرفلرنى تختهچەگە يازە باشلەدىم. كېىن احتىياطلب تختهنى آفتابگە قۇيىب قورىتدىم.

اېرتەسى ىنە قىشلاقداش بالەلر بىلن مکتبگە باردىم. اۋقىتوچىمىز تختهمدە يازىلگن حرفلرنى كۆرىب مېنگە آفرىنلر ايتدى. او مېنى

صنڦمیزگه باشلیغی ایتیب تعینلهدی. هرکونی معلمدن کپین مین، او بیزگه اؤرگتگن سباقینی تکرارلب باله لرگه اؤرگتر اېدیم .

بیر کونی جمعه گل خان بیزنی مکتب میدانگه آلیب باریب، ناجو درختلری سایه سیده گی بیرده املا مشق قیلدیرماقچی بؤلدی. باله لرنی بیر صفده بیرده اؤتیرغیزیب قؤلریمیزگه میده تاش آلیب معلم ایتگن "آب" سؤزینی بیرده تکرار یازه بیردیک. هر بیر سؤزنی یازگنده آرقه میزگه سیلجیب قؤیردیک. املانی تکرار یازه- یازه بیرینچی اؤلتیرگن جایمیزدن کمیده اوچ متر آرقه گه سیلجیب بارگن اېکنمیز .

سید یحیی دېگن بیر قیشلاقداش صنفداشیم بؤلر اېدی. یاشی مېندن کتّه اېدی. قباقلری شیشگن، لونجلیری توشگن، سېمیزلیگیدن بیقینی نینگ گوشتلری بؤرتیب چیققن لؤپیش بیر باله اېدی. آغیرلیگیدن هیله اؤزینی کؤرتیب یورردی. او بیرده املا یازهایتگنیده بیر جایده "آب" سؤزینی یازماقچی بؤلیب "الف مد" نی یازیب "ب" حرفینی یازمن، - دېب قره سه یازیلهدیگن جای بیر آز چوقور اېکن. او کپین "ب" حرفینی "الف مد" نینگ چپ تامانگه یازمه ی اؤنگ تامانگه یازیب قؤیبیدی. اؤقووچیمیز باله لرنی بیرده یازگن املالرنی کوزه ته یاتگنده سید یحیی نینگ ینگلیش یازگن املاسیگه کؤزی توشدی. اوندن نېگه بو بیرده "ب" حرفینی "الف مد" نینگ اؤنگ تامانیده یازدینگ، - دېب سؤره دی. سید یحیی - «چپ تامان چوقور بؤلگنی اوچون ناچار "ب" نی اؤنگ تامانگه یازدیم» دېدی. او بو گپنی ایتیشی بیلن آق باله لر کولیب یوباردیلر.

مکتبیمیز شمال ولایتلرنی هراتگه باغله دیدیگن کتّه یؤل یاقه سیده قوریلگن اېدی. مکتب بناسی قوردیریلگن بیرنی بیر محلی معرفتپورور ملکدار اؤزبېک بابلریدن بابا ملنگ دېگن کیشی آته میراث زمینلریدن حکومتگه تارتیق قیلگن اېکن. بیزنینگ وادیده اوشبو زمانوی بناگه اؤخشه گن بیرار بنا یؤق اېدی. مکتب پایدیواری بیر مترچه بیر سطحیدن بلندراق قیلیب تاشدن ایشلنگن اېدی. عمارت نینگ اوزون

دەھلىزى نىنگ بىر دروازەسى شىرقە باشقە بىر دروازەسى غىرب تاماندا
 اېدى. سىزى صىنف و اىكى اىشخانەسى بار بۇلگن اوشبو بنا دەھلىزى و
 صىنفلرى سىطحىگە پىشىق خىشت تۇشلگندى. تامى نىنگ اوستىگە
 تونىكە قاپلنگن مکتب عمارتى نىنگ اىچكى و تىقى دىوارلىرى سىرىق
 دروازە و دېرەزلىرى قویوق كۆك رىنگ بىلن بۇلگن اېدى. بنا نىنگ
 شىمالى و جنوبى تامانى تورلى مېوھلى و مېوھسىز درختلر اېكىلىگن
 كۆركم باغ اېدى، جنوب تاماندا بۇيى آسمانگە سۇيلىشگن، قىش و
 يازدە كۆمكۆك يىشب تورگن قطار ناجو درختلىرى كۆزگە تىشلىدى.
 مکتب نىنگ جنوبى طرفىدە گى باغچە نىنگ شىرقى و جنوبى دىوارىگە
 يقىن اېكىلگن كۆك تېرەكلر مکتىمىز كۆركىنى آشىرىب تورردى.
 جنوبى باغچە نىنگ شىرقى قىسمىدە فوتبال میدانچەسىدە گاهىدە فوتبال
 اوينەلردى. مکتىمىز نىنگ اېشىكلرى و كلكىنلىرىنى ولايتىمىز نىنگ
 دورىغى كېتىگن تىنىقلى ياغاچ اوستەسى كۆسە قلەلىك اوستە عىظىم
 توزەتگن اېدى.

بىھار اېدى. ئور آيىدە عكاسى درختلر قىيغاس گللەگن، مکتب
 فىضاسى اوشبو درختلر نىنگ آباق گللىرى ترەتگن ياقىملى اىفارىگە
 تۇلگندى. بىز بالەلر تىفس دىقىقەلرىدە انە شو درختلر كۆلنكەسىدە
 اۋتىرىب، درختلر گللىرى عىطرىنى ھىدلب مزە قىلىب دم آلدىك،
 اۋقىتو وچىلر مىز ھم درسدن بۇشەگن ساعىتلرىدە شو درختلر ساىھەسىدە
 اۋرىندىقلىردە اۋلتىرىب چاى اىچىردىلر. عكاسى گللىرى عىمرى آز
 بۇلەدى، اىكى ھفتەگە يېتمەى درختلر شاخلىرىدن گللىرى تۆكىلىب
 توشدى.

مکتب مېھرى كۆنگلىمدە چوققور اىلدىز آتگندى، ھركونى درسلىرىمنى
 اويدە حتى يۇلدە تىكرار لىب بارىدىم. اۋقوو كىتابىنى يادلىب آلگن اېدىم
 دېسىم مبالغە قىلمەگن بۇلە من.

بو يىل بىركون ھم مکتىدن قالمەدىم، سىزى يىل ھم ھركونى مکتبگە
 بارىدىم، مکتىمىز سىزى يىل اۋقىلەدىگن اۋرتە مکتب اېدى. ھر يىلى

سۋنگى سىناولر اۋتكزىلگندە اپنگ يوقارى بهالرنى مېن آلردىم. كودكلىگىمدە آنەم كسل بۇلگنى باعث مامەم خوشىروى بىبى نىنگ قۇينىدە اولغە يىگن من. مەكتىدە اۋقىب يورگنىمدە بعضى كونلرى تاغەم ملا محمد صدیق نىنگ اويىدە قالردىم. تاغەم نىنگ فرزندى يۇق اېدى، او جىينلرنى اينىقسە مېنى كۇپ يىخسى كۇردى. اولرنىنگ خاندايندە عزيز اېدىم. آنەم نىنگ آتەسى بابام اوستە خدای قول ياشلىگىمدە مېنى و مېندن چەمەسى ايگى ياش كيچىك بۇلگن خالەم نىنگ اۋغلى بىلن بىرگە جمەه كونلرى خانقاه-دېگن بازارگە آلب بارردى. مسجىدە جمەه نمازىنى اۋقىب ميدان بازاردن اۋز سودالرى يانيدە بىزگە نوختات و نقل ساتىب آلب بېرر اېدى. مامەم هر كونى اېرتەلب پيالەم گە نبات اېزىب سرى ياغ سالىب اىچىردى.

آنەم و عمكىلرېم چاروادار اېدىلر، اولر هر يىلى بهارده قۇيلرى نىنگ تۇلى توشگندە آولگە كۇچردىلر. حوت نىنگ سۋنگى كونلرى اېدى. آنەم-آنەم و عمكىلرېم آولگە كۇچىب كېتىلر. مېن اېسە هفتەدە آلتى كون مەكتىبگە بارىشىم كېرەك اېدى. انەشو سبب آتە-آنەمدن ايرىلىب اويده عمكىم حسن پالوان نىنگ يانيدە قالردىم، عمكىم نىنگ اويلنگىگە بىر نېچە آى بۇلردى، اونىنگ فرزندى يۇق اېدى. بىر ايگى هفتە اۋتگچ آتە-آنەم و اوكلرېمنى ساغىندىم. چونكە، بىرىنچى بار اولردن اوزاقده يىش اېدىم. بعضى كونلرى كۇنگلىم تۇلىب يىغلردىم. بىر كونى حسن پالوان كۇزلرىمدە ياش كۇرگنىدە:

- نېگە يىغلەدىنگ. بىرانتە سۋكتىمى، يىنگەنگ گېردىمى؟

- يۇق.

- آتە-آنەنگدى سغىندىنگمى؟

- ھە

- يىغلەمە، جمەه مەكتىلرېز تعطىل، پىنج شنبە مەكتىنگدن قىتىب كې. سېنى ملە عمكىنگ بىلن آولگە جۇنتەمن، بىر كېچە آتە-آنەنگدى، اوكلرېنگدى كۇرىب كې.

عمكىمدن بو سۆزلرنى اپشيتىپ سىقىلىگن يورهگىم گل غنچه سىدېك
آچىلىپ كېتدى.

هر كونى پنجشنبهنى اينىقىب كوتردىم، پنجشنبه هم كېلدى، اۋشه
كونى مکتبه زمان هر كونگيدن كېچ اۋتردى. بىر پېت تعطيل وقتى
قۇنغىراغى جىرنگلهدى، صىفدن همه دن آلدین تشقىرگه آتلىپ
چىقدىم. قناتىم بۇلسه اويىمگچه اوچىب بارماقچى اېدىم، اويگه
كىرىپ بارسم، مله عمكىم مېنى كوتىب تورگن اېكن. تبراغىمنى بىر
ياققه قۇيدىم، فاطمه ىنگم توشلىك قىلىپ كېت، سېنگه قىماق آلىپ
قۇيگن من دېدى، اونىنگ گېلىرى قولاغىمگه كىرمهدى. شاشه-پيشه
اېشككه عمكىم نىنگ آرقهسىگه مىندىم. بىر نېچه دىققهده اۋتر-
ۋتمس قىشلاقدن چىقىپ گزهرلر و سايلىر آرهسىگه كىرىپ كېتدىك. مله
عمكىمدن:

- آوولگه قىچان يېتىپ باره مىز؟ - دېب سۆره دىم .

- ايككى ساعتهده باره مىز.

عمكىم نىنگ اېشكى يورغىلب يول باسردى. ايككىته پست و بلند
داوانى آرقهده قالدىرىپ، "كۇندهلنگ"، "عرب قۇل" و "تېمىرقاق"
سايلىرىنى كېچىپ اۋتدىك، "لقمان چۇلى" گه كىردىك. هوا اىلىق اېدى،
گاھيده مېن شمال اېسىپ سايلىر و قىرلرده اۋسىپ ياتگن مىسەرلر،
كۆك، قىزىل و سىرىغ گللىرى اۋينه تىب دللرده ذوق بېرووچى حس
اويغاتردى. بوغدايزارلرده بوغداى بتەلرى تىخت بۇلىپ اېندى باش
تارتماقده اېدى. آوولگه يىرىم ساعىتن سۇنگ يېتىپ باردىك. قەياققە
باقىمىگ، يشىل رنگلى اۋتلاقلىردن راحتلىر اېدىنىگىز. سوروو قۇيلىر
قۇتتى بۇلگن "اوزون ساي" ده قاره-قاره اوى-اۋتاولر يانمەيان،
آلدىنمە - كېيىن قىلىپ تىكىلگن اېدى. اېشكدن توشدىك، مله عمكىم
مېنگه:

- انه او اۋتاو سىزلىرىكى، - دېب اۋتاولردن بىرىنى كۆرستدى.

اۋتاوگە يېقىنلاشكىنمىدە ئەم چىقىپ، مېنى بىرگە باسدى. يۈزلىمىدىن
اۋپىپ:

- يىخى مىسن بالەم، قندەي بۇلىپ كېلىپ قالدینگ؟
- اپرته جمعه تعطيل اېدى، ملە عمكىمگە اپرگشىپ، سىلەنى
كۆرگنى كېلدىم.

شو آندە قەياقدن دىر آتەم و اوکەلریم هم كېلدىلر. هر بىرى مېنى
كۆكسىگە باسدى، قووانگنلردن اولر بىر بىرىگە ایلجەيىپ قۇردى.
مېن هم اولر نینگ سىمالرینی كۆرىپ خرسند بۇلدىم.

كون بۇيى نور ساچگن قویاش تونده دم آيشگە شىلنماقده اېدى.
آفتاب نوری "لقمان چۇلى" نینگ اېنگ يوكسك تېپەليكلرى قايەلرینی
اۋپىپ وداعلشدى، كېچ بۇلگن اېدى. بىر وقت كېپەنكە اۋرەنگن
چوپانلر اوزاق يېقىن اۋتلاغلردن قۇيلرى سورولرینی اۋز قۇتلىرىگە
ھىدب كېلدىلر. ئەم و عمكىلریم عياللىرى گاودۇشەلرینی يويوب
قۇيلرینی ساغىشگە شىلنەياتگن اېدىلر. قۇيلر قۇتتىگە يېتىپ بارگندە
قۇزىلر قملگن دۋەلەر اېشىگى آچىلدى. قۇزىلر و قۇيلر نینگ بىغ- بىغلب
مغرەشى "اوزون ساي" گە اۋرەلىپ محشر يرەتدى. شو آندە بونچە
كۆپ قۇي ايچىدن قۇزىلر اۋز آنەلرینی قندەي تىپ تاپىپ آرکنلر
دېگن اۋى مېنىگ خيالیمنى اۋزىگە مشغول قىلگن اېدى.

تون ياروغ اېدى. اۋن تۇرت كونلىك آى ترەتەدىگن سحرلى يلىغى
اوولده گيلرینی اۋزىگە مھليا قىلىپ قۇيگندى. آسمانده گى سان سناقسىز
يولدوزلر بعضىلرى جودە ياروغ، ايرىملرى كم نور بۇلىپ كۆرىنسە-
دە، بىراولرى تورگن جايىدن تېز سرعتدە اوچىپ يوقالر اېدى. بىشىل
اۋتلر اوستىدە كتە بىر گىلم تۇشب اۋتلاغلر نینگ تازە ھواسىدن نفس
آلەدىگن اوولده گيلر اوياق- بوياقدن سۇزلىشىپ اۋلتىرگن اېدىلر. آتەم،
خليل باي عمكىم نینگ اۋغريلر توريق آتنى اۋغىرلەگنى "اوزون ساي" گە
كېلگن كېچە اۋزىدن جسارت كۆرسە تىپ اۋغريلر آرتىدن مىلىق آتىپ
اولرنى اولاق تېرىپ يوبارگنى تۇغرىسىدە حكاية قىلىپ بېردى. تۇلون آى

نىنگ آلتىن كېمەسى مصفا كۆك دېنگىزىدە سوزىپ بارماقە اېدى. عمكىلىرىم صحىبتىلى دوام اېتردى. تون ىرمىگە يقىنلىشىگىدە آى "اوزون ساي" اوستىدن غرب تامانگە سىلجىپ بارماقە اېدى. شو لحظه لردە ايككى ساعت يۇل يورىپ هارىگىنمدنى باشىمنى آتەم نىنگ تىزەسىگە قۇيىپ اۇخلب قالگن اېكن من. بىر محل كۆزىمنى آچسم قاره اوى اىچىدە اۆزىمنى آتەم نىنگ مېرلى قۇينىدە تاپدىم. تانگ آتگندە بىزدن آلدىن اويغانگن قوياش اېرتەلب وقت بىر و كۆكنى يارىتگن اېدى. اويقودن اويغانىپ كۆزلىرىمنى اوقەلب كۆرسم آتەم اۋتاودن تشقىرگە چىقىپ كېتگن اېكن .

مېن هم اوى نىنگ اېسكى تورمكىلى اېشىگىدن تشقىرگە چىقدىم، اۋولدهگى قۇشنىلرىمىز نىنگ خوراز- تاووقلىرى قاره اويلر اطرافىدە دان- دون تېرىپ يورگن اېكن، آنەم بىر آرنىراغدە اېسىنلىرى بىلن بىردن اۋىلگن اۋچاققە اسىلگن قازانده سىرى ياغدە يىمە^۴ پىشىرەياتگن اېدى. اوينىگ يانىدە هر بىر اۋتاوينىگ عىالى كتە- كتە قازانلردە تونده اويوتگن چوچوك قىتقىلىرى اوستىنى اچماقە اېدىلر. قازانلردە قلىن قىماق توتگن قىتقىلرنى تباقلرگە سوزىپ بېگنى اۋتاولرىگە اىب كېتىدىلر. آنەم هم پىشىرگن يىمەلرىنى اىب اۋز اۋتاويگە كىرىپ كېتدى، مېن ارقەسىدن باردىم. بىر ايككى تباققە قىماقلى قىتق كېلتىردى. بىر پىلە اېرتەلب وقت بامداد نمازىنى اۋقىب قەياققە چىقىپ كېتگن آتەم هم كېلدىلر. آنەم ىنە تشقىرگە چىقىپ سىرىق كىرىگە چاى و بىر كىچىك تباققە اق و سىرىق مسكە، خمىرى سوتگە يوغرىلگن اچىتمە پىتىر اىب كېلىپ، دسترخوان اوستىگە قۇيدى. مسكە نىنگ تباغىنى مېنىنگ آلدىمگە سوزىپ قۇيگن آنەم، ياغلىق پىتىردن سىندىرىپ مېنگە اوزەتدى. شو وقتگچە مسكەنى تىب كۆرگىم اېسىمگە كېلمسلى. شۇرتىنگ مسكەنى بىر تىشلم پىتىر بىلن چىنەدىم. بىلمەدىم نېگە

^۴ يىمە: ياغدە پىشىرلەيدىگن يوبقە نان.

يورھگيمگه باتمەدى. اوندىن سۇنگ كۇپ يىلەرگەچە مسكەنى آغزيمگه اورالمسديم. كېين ييمە، قىماقلى قىتىق و پتير يېدىم. چاى ايچدىم. يەنە تشقىرىگە چىقىدىم، ھمە ياق قوياش نىنگ آلتىن نورىگە بوركنىن. آولدهگى بالەلر بىلن "اوزون ساي" نىنگ تۇرىگە قرەب چاپىشىب كېتىدىك، تۇپ اۋىنەدىك، اۋتالورگە قىتىب كېلگونىمچە ساي ايچىدە ايكىتە تاشىقەنى بىر-بىرى بىلن چقىشىب ياتگىنى كۆردىم. اولر چقىشە ياتگندە كۇنگىلگە ياقەدىگن عجاب بىر سېس چىقىر اېدىلر. اۋتالورگە كېلسم آنەم و آبسىنلر قىپ-قىزىل مىشلردە گوپى اورىب تورگن اېدىلر. ھر بىر مېشدىن چمەسى بىر-بىر تىباقدىن مسكە آلىندى، جمە كونى توش چاغى اېدى، اېندى قىشلاققە جۇن ب كېتىشىم وقتى يقىنلشماقەدە اېدى.. مېنى جۇنەتىنگ دېسىم آنەم مېنگە:

- ھر وقت كېلە بېرمەيسن اۋغلىم. شو كېچە ھم قال، اېرتەگە كېتەسن، - دېدى.

- يۇق آنەجان، مكتىدىن قالەمن. كېتىم يىخى بۇلەدى، - دېدىم. چۇل قودوقلردىن شىرىن سوو چىقمسدى، بو قودوقلرنىنگ شور سوينى قۇيلر و ماللرگە ايچىردىلر. آولدهگىلر كون آشە قىشلاق حوضلردىن آولگە ايچىملىك سوو آلىب كېلدىلر. ملە عمكىم چوچوك سوو كېلتىرگنى قىشلاققە جۇن ب تورگن اېدى، آنەم كىسەمگە بىر آز پول قۇيدى. آنەم اېسە:

- يەنە كېلەسن، نېردە بۇسنگ ساغ بو، آى بارىب امان كې اۋغلىم، مسكە يېمىس اېكنسن بۇمسە بىر آز مسكە ھم بېرىدىم، - دېدى. آنەم، قۇلىمگە بىر خالطە تازە قوروت باشقە بىرپلاستىك خالطەدە حسن پالوان عمكىمگە مسكە بېردى. آنەم قۇلتىغىمدن كۇرتىب اېشكە مېندىردى. اوولدهگىلر بىلن خىرلەشىب يۇلگە چىقىدىك.

يۇلدە باش تارتەياتگن بوغدايزارلر، تۇرت تاماندا آچىلىب ياتگن قىزغىلداغىلر و تورلى رنگلردە تونىب تورگن گلر تماشاسى يورەك غىشلىرىنى يوويىب كېتەر اېدى. يۇل بۇيى اوستىمىزدن تورغەيلرنىنگ

سېرەب اوچىشى تماشاسى يۇل عذابىنى بېنگىلىتىدى تويولدى. "عرب قۇل" سايى باشىدە تىك بىر داوان بارلىكى اوچون ياندىگى ساي – معصوم قۇلدىن اۋتىلدى. بو سايده دهقانلر قاوون، تريوز و كنجىد اپكىش اوچون قۇش هەيدىب تورگن اپدىلر. اپشكلىر بېقىنىگە نىقتب يۇل يوردىك و يۇل يورسك هم مۇل يوردىك. "كۇندەلنگ ساي"ى داوانىدىن آشه ياتگىمىزده ايگى تاماندهگى تېپەلىكلرده چقىب ياتگن سريق رنگلى ايسپرەك گللىرى تۇلقىنلردى. اوزاق يۇل يورىب اپشكلىر هم تالىققن اپدى. استە – استە كۇلىكلر يورىشى سوسەيدى، بىز هم هارىگن اپدىك. مېن ملە عمكىم بىلن عصر چاغى قىشلاققە يېتىب باردىك.

اوچىنچى صنفده ليگىمىزده شريف چمتو، – دېگن بىر كىشى بىزگە معلم تعيينلگن اپدى. دولت آباد تومنى اوغانلريدن بۇلگن چمتو ايلك مرته مكتىمىزگە اۋقيتوۋچى اپتىب تعيينلگن اپدى. او، اۋزىپك تىلىده سۇزلەشالمس اپدى. مېن صنفده بىرىنچى ليگىمنى حمايه قىلىب كېلردىم، انه شو باعث اۋقيتوۋچىمىز مېن بىلن باشقە اۋقوۋچىلرگە كۇره كۇپراق گپلشر اپدى. بىرىنچى صنفده فارس تىلىنى آز – ماز جمعه گل خان دن اۋرگنگن بۇلسم، اوچىنچى صنفده بو تىلنى شريف چمتودن يىخشى اۋرگنىب آلدىم.

ينه بىر يىل اۋتدى هر دايمگىدېك حمل آيىده تۇرتىنچى صنفده اۋقىشگە باشلەدىك. سرطان آيى نىنگ آخىرلىرى اپدى. مكتىدن تاغەم ملا محمد صديق نىنگ اويىگە كېلگن اپدىم، تاغەم ياغاچ اوستەسى همده محلى داكتراپدى، قىشلاق اھالىسىگە صندلى، پخته حلاجىسى، دوک، اورچىغ، يونگ و پخته ايگىرىلەدىگن چرخ، اپشيك و دېرىزه توزەتردى. كون باتمەى تاغەم تشقىردن اويىگە كېلدى، چرچب – هارىب كېلگن تاغەم، رادىوسى موربىتىنى بورەب "كابل رادىو" سىنى تاپدى. رادىو تىنمەى انقلاب موسىقىسى ترقتر اپدى. تاغەم كابلده قىسى حادثە يوز بېرگىنىنى بشارت قىلدى. قىرال محمد ظاهر نىنگ

سلطنتى قولەتەلگن بۇلىشى مەمكىن، - دېيە احتمال بەردى. اونىنگ تەخمىنى تۇغرى چىقىدى. كېچە كابل رادىوسىدن زاهر شاه نىنگ ئەمكى بەجەسى سەردار مەمەد داۋود چىقىش قىلىپ، زاهرشاه سلطنتى ھەربى مەنەبەدارلەر يورىشى نەتىجەسىدە قولەتەلگىنىنى اعلان اېتدى .
تەلىم يىلى نىنگ سۇنگى آيى اېدى. مەنى مەكتەپ ادارەسىگە چىقىرىشدى. باش اۋقىتوۋچى مەنگە:

- قرە! سەن بىز نىنگ سۋادلى- لايىق اۋقوۋچىمىز سەن. اېرتە ولايتىمىزگە كابل دن يىنگى ھاكەم كېلەدى، اونى بىز اۋز مەكتىمىز طرفىدن خوش قىرىلىشىمىز كېرەك، سەن يىنگى ھاكەم استەقبالىگە قىسقىە بىر مەقالە اۋقىسىن، - دېدى.

خەلىل خان نىنگ بو ايسىتىگىنى خەرسەندلىك بىلەن قوبۇل قىلدىم. مەكتەپتە ياشى مەندەن كەتتە بالەلەر ھەم بار اېدىلەر. او بو يۈمۈشنى نەنگە مەنگە تاپشۇرگىنىنى بىلەمسەيم .

اېرتەسى كۈنى تۈشەن سۇنگ مەكتىمىز نىنگ اۋقىتوۋچىلەرى و اۋقوۋچىلەرى كەتتە ترانسپورت قەتئە يۈلى نىنگ جەنۇب تامانىدە قۇرىلگن بازارگە تۈتۈش جايىدە سەف تارتىپ، يىنگى ھاكەم كېلىشىنى كۈتەر اېدىلەر. اۋن- اۋن بەش دىققەتلەردەن سۇنگ بازار نىنگ شەمالى چەككەسىدن بىر- ايكىتە جىپ مۇتر نىنگ قارەسى كۈرىندى. اوچ- تۇرت دىققە اۋتر- اۋتمەس مۇترلەر كېلىپ اۋقىتوۋچىلەرىمىز سەفى اۋلەيدە تۇختەدى. قۇلەدە "اۋن بىر اتر" مەلىتىغى بۇلگن قۇرىقچى مۇتر دن تۈشۈپ اۋلەيدىكى درۋازەسىنى اچدى. بىر مەھەل ولايتىمىز اوچون تەئىنلەنگن يىنگى ھاكەم پۇھاندە مەمەد سەدىق مۇتر دن تەشقىرگە چىقىدى. او، بىلەن بۇلىلى، اق يۈزلى، كۈزەينەكلى، ساقالى قىرىلگن ساقچىلەر ماش و گۇرۇپچە، رەسمى دىرىشى كىيىپ اۋگن كېلەتلى ادم اېدى.

يىنگى ھاكەم مەكتەپ باش اۋقىتوۋچىسى و باشقە مەمەلەرى بىلەن سۇرەشەپ اۋتدى. شو اۋندە مەمەلەرىمىزدەن بىرى مەنگە يازىلگن "خوش كېلىسىز" مەقالەسىنى اۋقى، - دېپ اشارة قىلدى. سەفەند بىر قەدەم

ایلگریگه چیقیب حاکم یقینیگه باردیم، قاغازده یازیلگن جملهلرنی هیجانگه بیریلمسدن بلند آوازده اوقیدیم، پوهاند صدیق هم قیسقه سۆزلب، مکتب اوقیتو و چیلری و اوقو و چیلریگه تشکر ایتدی. او، سردار داوود باشچیلیگیده تاسیس اپتیلگن تیزیمنی مملکت خلقیگه خدمت قیلیشینی و اهالی حیاتینی یخشیش اوچون مهم رېجهلرنی عملگه آشیره دی، - دېگن گپلرنی تیلگه آلدی. اؤز سۆزلیرى دوامیده ایریم اوقو و چیلریننگ بیرتیق - یماق پای ایزلریگه تیکیلیب، بیزیننگ حکومت سیزلرنی کیم - کچک و پای ایزلر بیلن تامینله دیدی، - دېب وعده بېردی، ینگى حاکم سۆزلیرنی توگه تیب خیرلشدی. موترى یؤلنى چنگ - توزانینی هواگه ساووریب میمنه شهریکه قهراب یؤل آلدی.

معلملریمیز بیلن مکتب اداره سیگه قیتیب باردیم، اداره ده اسلم خان رووفی، - دېگن معلم عصبی بوزوق حالده سگرت چکیب اؤلتیرگن اپکن. بیر نېچه ییللردن سؤنگ خبر بؤلدیم که، اسلم خان مکتب اوقیتو و چیلری و اوقو و چیلرینی ینگى حاکم آلدیگه پیشواز چیقیشلریگه قرشلیک بیلدیریب، اعتراض بیلدیرگن اپکن. اسلم رووفی مملکتده قیرال محمد ظاهر و جمهور رییس محمد داوود حاکمیتلرینی مستبد تیزیملر بؤلگنینی اورغولب، اولرگه قرشى كوره شیب کپلگن "شعله جاوید" ناملى سؤلچى سياسى حرکت نینگ فعاللیردن اېدی.

باش اوقیتو و چیمیز مېنى مقاله نى یخشی اوقیگنیم اوچون بلند آوازده آلقیشله دی. صنفیمگه قیتیب باردیم، اوقیتو و چیم هم صنفداشلریمگه قرسک چلدیریب، مېنى اعزازله دی.

آلتینچى صنفده اوقیب یورگنیمده رمضان یاز چیلّه سی سرطان آییگه توغرى کپلگن اېدی. بیر کونى آتم گه:

- مېنى هم سحرلیک که تورغیزینگ، مېن هم روزه توته من، -
دېدیم.

- اؤغلیم، هلى یاش سن روزه سېنگه فرض بؤگنى یاغ، کتّه بؤسنگ توته بېرهن، - دېدی آتم.

مېن اېسە قيسرلىك قىليب

- ياغ-ياغ، بۇمەيدى، مېنى سحرلىككە تورغيزمىسنگە اېرتە
مكتىگە يىم كېتمەيمىن، - دېدىم.

بو اينچىقلىگىمدن دن آنەم قۇرقدى شېكىلى

- اۋلەغايەى مونداغلە، - دېمە. اېرتە مكتىنگە كېت. سحرلىككە
اويغتەمن. اېندى سېن ياش سن يازنىنگ چلەسىدە سېندېك بالەگە روزە
توتىش اسان اېمىس، - دېدى .

- مېنى سحرلىككە اويغاتدىلر، آنەم پلو پېشىرگن اېكن، اېرتەسى
مكتىگە جۇنپ كېتدىم، توشدە مكتىدن اويىمگە قىتېب كېلدىم. آچ
قالمەدىم، اما سووسەدىم. كېچ پېشىن هر كونگىدېك اۋراق -
ارغىمچىنى اىلب اۋت اۋرگنى باققە كېتدىم. اېشكنى قازىققە باغلەدىم،
يوريشقە نىنگ پلىگە كىرىب اۋت اۋرەبېردىم. هوا سرطان دە ايسىگن
سرى ايسىب كېتردى، مېن بىر ارقە اۋتنى اۋرىب بۇلگىنىمچە بدنمە
سوو قالمەدى، تېرلب-تېرلب آغزىم قورىدى. اۋرگن اۋتىمنى آنەم
ياردىمىدە ارغىمچىگە باغلب اېشككە آرتدىم. اويىمگە كېلدىم، حالدن
تايگن اېدىم. آنەم حالسىزلىنگىمنى كۋرىب چۋچىب كېلدى-يو، مېنگە
قەرب:

- اۋغلىم سوو اىچىب روزەنگدى آچ، سېن ھلى ياش بالەسن، -
دېدى.

- ياغ آنەجان، شامگە آز قالدى، روزەمدى آچمەيمىن، - دېدىم
ضعيف آھنگدە.

آنەم قازانده آش پېشىرەياتگن اېدى، ايسملاق و بعضى سبزواتلردن
بورانى ھم تيارلب قۋىگن اېدى. حويلى ميز ديوارى نىنگ سايەسىدە
اۋلتىرىب قوياش باتىشىنى کوتماقدە اېدىم، آنەم بىلن مسجدگە بارىب
سوپە اوستىدەگى توشلگن تۋشككە اۋلتىردىك، قۋشنىلرېمىزدن بىرى
تورلى بۇياقلردە ادەم بىلن تىكىلگن آق دسترخواننى تۋشەدى.
دسترخوان اوستىگە خرما، سوو قۋيىلدى. مېن ھم قۋلىمدەگى

سومەلك سالىنگن ايدىشنى دسترخوانگە قويدىم. باشقە بىر قۇشنىمىز بىر كۆزەچەدە يىلپىز قۇشىلگن ايران آلىب كېلدى، باشقىلەر ھەم كېلدىلەر. ھەممە مېز شام آدانى ايتىلىشىنى ايتتىقىب كوتماقدە اېدىك، قوياش باتدى. بىر نېچە لىحظەدن سۇنگ شام آدانى ايتىلدى. بىر تە خىرماگە، بىر تە سومەلككە قۇل اوزەتدى. سووسىزلىكدن چىنقەگىمىز اوچون اۋرتەدە قۇيىلگن جام سووونى باشىمگە شىنقە كۇتريب، آخىرگىچە سىپقىردىم. آتەم بو ھالىنى كۇريب:

- اۋغلىم روزە توتىش سېنگە فرض اېمىس، - دېب آلدىن ھەم ايتىنك اېدىم، اۋزىنگى سووسەتىب جانىنگگە جىر قىمە، روزە ھلى سېنگە فرض اېمىس، - دېدى.

مېنىنگ احوالىمنى كۇرگن مسجد امامى:

- يرەتگن روزە توتىشدى سېندەى بالەلرگە بويورمەگن، روزە توتەدىگن وقتىنگ ھەم كېلەدى. سېنگە اېتىلگن وقتدە قنچە روزە توتماقچى بۇسنگ توتەبىر، - دېدى.

مېن اۋشندە ھاياتىمدە سوونىنگ ھاقىقى قىدىرگە يېتىنك اېدىم. سووسىز ھايات بۇلمىسلىگىنى بىر كۈن دوامىدە سووسىزلىككە چىدالمەى تىجربە قىلىپ كۇردىم. اىچىملىك تازە سوولرنى افلاسەمسدن تازە اسرەش ضرورتىنى سېزدىم. يېر يوزىدەگى چوچوك سوولر پايانسىز اېمىسلىگىنى كېيىنراق اولغەيگىمدە بېلىپ قالدىم، كېلەجكلردە بىر يوزىدە دولتلر ارا اوروشلر نفت اېمىس بلەكە، سوو اوستىدە يوز بېرەدى، - دېگن فىكرگە ايشاندىم. انە اۋشە ياشلىگىمدن بېرى سوونى اسراف قىلمىسدىن تېجىشگە اۋرگىب قالىگىمىز. سوونى آرتىقچە ضايىق قىلمىسلىك انسانى فضىلت اېكىنگە ايشانەمىز.

يىنگى تىلىم يىلى باشلىگن اېدى. آلتىنچى صىفدىن يېتىنچى صىفگە يوكىلگن اېدىك. مەكتىمىز ادارەسى يېتىنچى صىفنىنگ "الف" و "ب" صىفلرىنى بىر-بىرىگە قۇشگن اېكن. مەكتىگە بارسىم اىككى صىف بالەلرى بىر صىفدە اۋلتىرگن اېدىلەر. مېنىنگ آتىم "ب" صىفى نىنگ

اعلیٰ چیسى جمیل دن آلتینچی صنف نینگ سؤنگى سینا ولریده ایكى بهاكم الگنیم اوچون صنف نینگ "حاضری کتابی" ده ایكىنچی اورینده یازیلگن ابدی. بو وضعیتى كؤریب اؤشه كونی صنفده بیرینچیلیكنی قؤلدن بیرگنیم باعث ییغله دیم. كؤپ ییغله دیم، اؤكسینیب - اؤكسینیب ییغله دیم. باشقه امتحانلرده بیرینچیلیكنی قؤلگه كیریتیش اوچون آنت ایچدیم، قتیق آنت ایچدیم. بیلیمنى اؤن جاییدن محكم باغله دیم.

كیمیا و بیالوژى كتابلرینی درس بیرهدیگن عزیزالله ایوبى دېگن معلمیمیز بؤلردى. آق یوزلى، قاره كؤزلى اؤرته یاشلى استادیمیز اصلی میمنه لیک ابدى، وادیمیز نینگ ینگى قلعه قیشلاغیدن اولنگن ابدى. او بیركونى بیزگه انسانلر و حیوانلر بدنیده یورهك نینگ قندهى اوریشى و قان تیزیمی باره سیده معلومات بېریب - «اېرته سیزلرگه قوربقه یورهگى قندهى اوروشینی كؤرسته من» - دېدى. اېرته كونی بیالوژى درسى ساعتیده معلمیمیز كېلیب باله لردن بیرینی بیر قوربقه توتیب كېلیشگه بویوردى. صنفداشیمیز وهاب مکتبیمیز حوضیدن كته بیر قوربقه نى توتیب كېلدى. قؤللیرگه قؤلقاپ كیب الگن معلمیمیز یاغاچدن یسلگن میز اوستیگه قوربقه قارنینى بلندگه قیلیب یاتقیزدى، تؤرت آیاغیگه تؤرتته كیچكینه كؤكه میخ قاقدى. قوربقه قیم اېتمه ی یاتردى. معلم قؤلیگه ساچ - ساقال قیره دیگن پاكی بیلن قوربقه نینگ قارنینى یاردى. كېسلیگن جایدن قوربقه نینگ قارنى آچیلیب كؤریندى. اؤقیتو وچیمیز سووده سوزوب، قوریقلیكده سكره ب یوره دیگن بو جانذات نینگ تینمه ی اوریب تورگن یوره گینی بیزگه كؤرستدى.

مېن درس لریمنى هر دايمگیدن ایكى برابر كؤپراق اؤقیردیم. آی نینگ یاروغیده هم اؤقیردیم. اېرته لب اویمدن مکتبگه بارگونیمچه هم یؤلده اؤقینگن درس لرنى تکرار لب بارردیم، ییل یرمى نینگ سینا وكونلری ابدى، هركونى بیر کتاب درس لریدن امتحان بېرردیک. هر بیر سینا وده مېنگه بېریلگن بهالر یوزدن یوز ابدى. فقط پشتو تیلی کتابى اؤقیتو وچیسیدن تۇقسان تۇقیز بها آلدیم. پشتو درس لرینی یخشی بیلسم

ھىم اوقىتوۋچىم ھىچ قىچان مېنگە يوز بەھ بېرمەگن اېدى. سىناۋ نىتىجەسىدە صىنفدە باشقەلر آرسىدن اېنگ يوكسك بەھ آلگن كىشى بۇلىپ، اعتراف اېتىلدىم. بوكون مېن اوچون حىياتىمدە عىجابىر بىر خاظرە كونى اېدى؛ مەكتىبى تاماملەگونچە بىرىنچىلىك عنوانىنى اسرەب قالىشكە اولگوردىم .

سىناۋلىرىم نىتىجەلرى يازىلگن ورقنى آتەمگە كۆرسىتىم. آتەم ھىم خرسىندلىگىدن كۆزلىرى ياشكە تۇلىپ، كۆيلىگىگە سىغمىس اېدى. بىر نېچە كون اوتر-اۋتمىسدىن آتەم قۇلىمگە بىر قىمتلى ساعىت تاقىب مېنىنگ مۇفقىتىمىنى قدرلەدى .

اسلام آباد. ۲۰۲۳. ۲۳ - جنورى

كلته آت نینگ دوریغی

همه آخر اولاقنی اینتیقیب کوتر ابدی، سه ییسلر كلته آتنی آلیب كېلدیلر. چاپانداز عبدالله پالوان اؤلتیرگنلردن دعا آلیب آتگه میندی. كلته آت پرخیللب هر لحظه میداندهگی آت لرگه قره ب قؤیر ابدی. پالوان آتگه مینیب آلیشی بیلن آق اؤزینی باشقه آت لر توده سی ایچیده كؤردی. آخر اولاق باشلنگن ابدی؛ چاپانداز لر آت لرینی قهچیلب اؤجه ی (بوزاق) نی بیردن كؤت ریب آلیشگه ترمشردیلر. بیر محل آت لر نینگ تۇپالانی ایچیدن كلته آت میدانگه چیقیب، اؤته تیز سرعتده بیراق تامان یوگی ریب كېتدی. عبدالله پالوان اؤجه ی نی اؤز تقیمیه گه محکم قیسب آلگن ابدی، بیر نهچه چاپانداز آت لر یگه قهچی اوریب، كلته آت آرقه سیدن قؤشیلدیلر، هیچ بیر آت كلته آتنی ییتیب آلامه دی. عبدالله اؤجه ی نی بیراق دن ایلتیریب، آتی نینگ جلوی نی جورگه قره ب بوردی، باشقه چاپانداز لر اونینگ یؤلینی تۇسیب، جور تامانگه اؤتیشگه قؤیمه دیلر. او، ناچار آتینی چپ تامانگه چاپتیردی، باشقه آت لر اونینگ آرقه سیدن چاپدی، "كلته" تیز سرعتده میدان بیلن توتش بیر تپه لیک که چیقدی. عبدالله پالوان آتینی قیته جورگه تامان یؤنه لتیردی، كلته آت پستراق بیر جرلیک باشیگه كېلیب قالدی- یو، اؤزینی شدت بیلن جرگه آتدی. جرلیكدن قوله شی بیلن آق ترسیللب بیرگه اوریلدی؛ جر نینگ بیر قسمی نوره ب پستگه توشدی. همه یاق یامغیر سوویدن

هۇل بۇلگىنى اوچون چىنگ-تۇزان كۆتۈرۈلمەدى. بو حالنى كۆرۈپ تاشاچىلەر برماغلىرىنى تىشلىب - حاجى ئەمۇر باي نىنگ آتى هم چاپاندازى هم اۋلدى، - دېب، گمان سىرەدىلەر. عبدالله پالوان سېس سىز آت نىنگ آستىدە ياتراپدى؛ كىلتە آت هم قىم اېتمەي باشىنى بېردن كۆتۈرمىدى.

حاجى ئەمۇر باي نىنگ سەيىسلىرى و اۋغىللىرى نگران حالده چاپىشىپ حادثە جايىگە يېتىپ باردىلەر. كىلتە آت همان باشىنى بېردن كۆتۈرمەي ياتردى. بو آت نىنگ سىزگىرلىكى هر بىر آتگە كۆرە انچە كوچلى اېدى. آت سەيىسلىرى نىنگ تاووشىنى اېشىتىگىچ - «مېن تىرىكمن» - دېماقچى بۇلىپ، باشىنى كۆتۈردى-دە، نىگە دىر يەنە باشىنى بېرگە قۇيدى، آدملىر عبدالله پالواننى آت نىنگ آستىدن چىقىرىپ آلدىلەر. اونگە نقصان يېتمەگن اېدى، پالوان آياقلىرى اوستىگە تورىشى بىلن آق كىلتە آت تېزدە اۋرىنىدن توردى-يو، بوتون تەسىنى گولەب كىشىب قۇيدى. چاپانداز آتى نىنگ مىنگلەيدىن بىر اۋپدى-دە، يەنە آتىگە مىندى.

۱

روايت قىلىشلىرىچە، حاجى ئەمۇر باي آت باز و آت شناس بايلردن اېدى. آتلر حقىدە گى فرىنامەنى اۋقىگىنى اوچون اولاق چاپە آله دىگن آتنى عادى آتلردن يىخشى فرق قىلە آردى. حاجى نىنگ اولاق چاپە دىگن بىر تۇرىق آتى بار اېدى، اولاق چاپىش مەملىكت نىنگ ايرىم شىمالى ولايتلىرىدە كېنگ توس الگن بىر زمان اېدى. حاجى ئەمۇر باي يىخشى بىر اىغىر آتنى قەيىردن تاپسىم اېكن، - دېب يورگن چاپلردە بىر كۈنى يىنگى قلە قىشلاغى نىنگ كتە بابى صاحب باي بىر سورخىن غۇننى كېلتىرىپ،

- حاجى ئەمكى شو تايدى سىز آلىنگ، - دېدى.

حاجى اوندىن،

- بوغونن کیم نینگ آتلری نسلیدن؟» - دېب سؤره دى.
 - ميمنه ليک امام حاجى دن آلدیم، سناتور منشى آغار حيم و امام
 حاجى آتلری نینگ ذاتدار آتلری نسلیدن؛ آتم بو تايدى پسند قيمه ي،
 مېنى كؤپ كاييدى، تېز بو يغير گره نى اويدن يوقت، - دېب مېنگه قتيق
 پؤيسه قيلدى. - حاجى عمكى سيزدن اؤتينب سؤره يمن، شو
 غونن نى مېندن ساتيب آينگ، آتم نينگ سؤكيشيدن مېنى قونقرينگ،
 - دېدى يلىنېب.

عمرباي، اونده غونن نى يقيندن بير كؤره ي، - دېب آتخانه گه
 باردى. آتل فرسنامه سى شرطلرى يوزه سيدن غونن نينگ بؤينى،
 سغرىسى، بېلى، آياقلىرى - يو، توياقلىرېگه سينچىكلب نظر تشله دى.
 حاجى - «مم، بو غونن يخشى آت بؤله دى» - دېدى اؤز - اؤزېگه.
 او، صاحب باي گه بېش مينگ افغانى نقد پول تۇلب دۇم كلته
 سورخين غونن نى ساتيب آلدى.

حمل اېدى. اديرلر، دلە - دشتلر، ساي و قيرلر ييشيل اؤتلرگه
 بوركنگن. باي بدولت كيشيلر اديرلرده گى يورتلرېگه كؤچيب، اؤترگه
 چيققنديلر. حاجى عمرباي اؤغلى مله باي گه:

- سېن بو غونن نى كته سايگه آيب باريب، تورېغ آت آلدیده اؤتگه
 قؤى، موخى سه ييسدن آت باقىشنى اؤرگن. بو كلته غونن
 سه ييسليگىنى سېنگه تاپشيره من، - دېدى.

مله باي خوش - خوش - دېبه اېرته گه اؤترگه اؤتېشگه تيارلنه
 باشلدى. كيملرېنى ييغىشتيردى. بير خلته گه قيزيل مېين، باشقه بير
 خلته گه گرزىوان نينگ يوبقه پوچاغلى يانغاغىنى سالدى. بير سير
 كابلچه پياز، آزراق قوروق چاي بير قشقرى چاينك و پياله هم آلدى.
 اېرته مله باي سورخين غونن نى هيدب كته سايگه يېتېب باردى.
 سايده بهار چيرايلى سېپىنى آچگن اېدى. اؤسېب ياتگن هر تونېس
 اؤسيمليكرو تورلى بؤياقده گى گلر تيزه گه اورردى. شو زمان ساي
 آغزیده تيكيلگن قاره اؤتاودن موخى سه ييس چىقيپ كېلب:

- ھە، مەلە بو قندەى غۇنن؟- دەپ سۆرەدى، كۆزىنى تاپدن
اوزمەى.

- ھى، سىز سۆرە منگ، مېن ایتەمەى.

- قندەى- قندەى؟

- آتەم بونى صاحب باى دن ساتىب آلدیلە، فرسنامە شرطلىگە كۆرە
تولپاردەى كوچلى آت بۆلەدى، دەپلە. بونىنگ سەيىسلىگىنى مېنگە
تاپشیردیلە، ھندى مېنگە آت باقىش سرلىرىنى اۋرگترسىز،- دەپ كولىب
قۇيدى .

- آتەنگدن بىر قاب بوغدهى آلىب بېرسىنگ اۋرگتە من.

- ھى، بوغدهى نىمە، قنچە بوغدهى دەپسەيىز آلىب بېرە من.

- قۇرقمە سەيىسلىك قىين ھېس، اۋرگنەسن. آتەنگىز خىسر

كۆرگن آدم. بىر نرسەنى بىلەدیلە.

ايكى سەيىس ساي نىنگ اۋتى قلىن جايدە تاي نىنگ آلدىنگى
آياقلىرىنى توشاۋلب قۇيدىلر. غۇنن يشىل مىسەلرنى تىشلىرى بىلن
اوزىب بېماققە باشلەدى. اولر ھەر كونى، ساي نىنگ اۋتى قورىقلىنگن
بېرىدە تۇرىق آت و سورخىن غۇنننى اۋتلەتردىلر. بەضى كونلرى ھم
اوزون ارغىمچىلر بىلن اۋتلاقدە آتلرنى ارقانلب قۇيردىلر. بىر كونى
سەيىسلر ايكاولشىب كىگىزنىنگ ايسلىقىسى كويدىرىب، كولىنى غۇنن
نىنگ يىغىرىگە باسدىلر. اولر كېچەلرى آتلرنى اۋتاۋولرى يانیدەگى
آتخانەدە باغلىدىلر. بىر نېچە كون اۋتىب غۇنن نىنگ سىغرىسىدەگى يىغىر
توزەلدى. بىر ايكى آى اۋتر- اۋتمس غۇنن سېمىردى.

بىر كونى ھندى گزەلر سايەسى كون چىقر تامانگە آغدرىلە يانگندە
ھاجى ھىرباى بىر خىدمتچى بىلن آنگە مېنىب، اۋتگە قۇيىلگن
اولاقچى آتلرنى ياووقدن كۆرگنى كتە سايگە كېلىب قالدى. سەيىسلر
اولرگە پىشواز چىقىدىلر. مەلە باى خىدمتچى قۇلىدەگى قاپچەنى آلىب
اۋتاۋوگە باردى. آتەسى مەلەگە:

- بیز موخی مینن آتلرنی کؤرگنی کپتدیک. سہن ہم آرقہ میزدن کپی!- دہدی.

قاچچہ دە سہ بیسلر اوچون بیر رومالگہ مییز، بیر نچتہ یاغلی پتیر، بیر توگونگہ کؤک چای، بیر پیشیریملی سیگیر گوشتی و بیر آز شور آلمہ بار اہدی. خدمتچی آتی نینگ اہگری قاشیدہ آسیلگن بیر بوتل بیر یاغینی ہم ملہ بای گہ آلیب بپردی. ملہ نرسہلرنی تخلص، خدمتچی بیلن آتہسی آرتیدن چاپیب کپتدی. حاجی عمرُ بای کلتہ تایی نینگ تہورہ گیدہ ایلہ نیب گاہ بؤینی، گاہ سغریسینی سیلب، آیاقلریگہ ہم قرہب قؤیردی. او سہ بیسلریگہ:

- منہ تایلریز یخشی گینہ سہمیریب قالیتی. آیاقلری ہم انچہ استوار بؤلیتی، ینہ بیر آیچہ آتلریز اؤت بیسہ، اؤتدن یخشی بؤکەدی. جوزا نینگ بیرینچی ہفتہ سیدن کپین قیشلاققہ آلیب کپلینگلر،- دہدی.

حاجی و اونینگ خدمتچیسى قیشلاققہ جؤنب کپتدیلر. ہہ دہمہی ایکى- اوچ ہفتہ ہم اؤتیب کپتدی. سایلر نینگ اؤتلى قاوچیریب قوری یاتگن اہدی. سہ بیسلر آتلرنی قیشلاققہ آلیب کپلیب، آتخانہ گہ باغلہ دیر. کلتہ تایی اہندی انچہ سہمیریب اولغہ ییب، بارماقدہ اہدی.

ارپہ اؤراغی وقتى اہدی. حاجی عمرُ بای نینگ دہقانلری دیمہ دە سہیلگن ارپہلرینی اؤریب خرمن قیلگن اہدیلر. اوچ- تورت کوندہ ارپہ خرمنیگہ چپر قؤشدیلر. خرمنی ینچیب بؤلدیلر. اہندی ارپہ نینگ سامانیدن آیریش اوچون ینچیلگن خرمنی خرہ قیلدیلر. شمال تورگندہ دہقانلر خرہ نینگ بیر تامانیدہ توریب شاخہ بیلن ینچیلگن ارپہ پایہلرنی آسمانگہ ساوورہ باشلہ دیلر. ہلی آدم بؤیی کؤتریلگن خرہ- نینگ ارپہ سینی سامانیدن اجرہ تیش اوچون ینہ بیر نچہ کون کپرہک اہدی. آتلر نینگ ارپہ سى ہم، سامانى ہم قالمہ گن اہدی. دہقانلردن بیرى خرہ دن ارپہ ارلش بیر قنار سامانى ایشک کہ آرتیب قیشلاققہ آلیب کپلدى. سہ بیسلر آتلرگہ ارپہ ارلش سامانى بیدیرہ باشلہ دیلر. حاجی عمرُ بای ینہ بیرکونى آتخانہ گہ ایلہ نیب کپلدى.

- كالتە تايىنىڭ انچە اۋزگريپتى، بىر نېچە آيدىن سۋىنگ تايلىكىدىن چىقىپ، آت بۇلەدى. بو تايىگە يىخسى قرەنگلر. اولاقلر موسمى باشلىنسە، اولاققە قۇشە مىز، - دېدى، حاجى اۋغلى ملە گە.

- بۇلەدى، كېچە - كوندوز قرەشەمىز. سىز ايتكىندېك بو كالتە تاي يىخسى بىر آت بۇلەدىكىنگە اۋخشەيدى، - دېب برماقلىرى بىلن تاي نىنگ بۇينىنى قشىلب قۇيدى.

ارپە خرمانىدىن كېلتىرىلگن قاپ - قاپ ارپەلرگە بېردن قزىلگن كتە بىر اۋرە اغزىگچە تۇلدى. بىر نېچە قاپ ارپە آرتىب قالدى. تويە، خچىر و اېشكلرگە تشىلگن قنار - قنار ارپە سامانى سامانخانەنىنگ تامىگچە تۇلدردى. سەبىسلرنىنگ كۈنگلى يەنە بىر بىلگچە آتلرنىنگ ارپەسى و سامانىدىن تۇق اېدى.

ملە سەبىس جوزا آيدىن باشلب كالتە تايىگە ارپە و ارپە سامانى بېدىرە باشلەدى. بىرىنچى كۈنى تايىگە توشدە و تون يرمىدە بىر - بىر پىالە ارپە بېردى. ايكىنچى كۈنى ھەر وقت ايكى پىالەدن ارپە بېدىردى، شۈندەى قىلىپ ھەر كۈنى تايىگە بېرىلەدىگن ارپە مىقدارىنى آشىرىپ باردى. بىر نېچە كۈن اىچىدە كالتە تايىگە بىر وقت اوچون بېرىلەدىگن ارپەنىنگ اندازەسى اۋن - اۋن ايكى پىالە گە آشدى. استە - سېكىن تاي آخورى نىنگ تگىدە ارپە قالەدىگن بۇلدى. ملە، تۈندە و كۈندە تايىگە بېدىرەدىگن ارپەنى بىر - بىر پىالە گە كەمەيتىرىپ باردى. بىر كۈنى قرەب كۇرسە آخوردە ارپە قالەمگن اېكن. ملە سەبىس شو زېپل تايىگە بېرىلەدىگن ارپە مىقدارىنى يەنە ھەر وقت بىر پىالە گە آشىردى. او، ارپەنىنگ اندازەسىنى گاه كۆپەيتىرىپ، گاه آزەيتىرىشنى دوام اېتدىردى. ھەفتەدە بىر كۈن بېشتە تاووغ تخمىنى آلدىندن يۈويلىپ قوريتىلگن ارپە گە اۋندىرىپ، اونگە بىر پىالە زغىر قۇشىب، كالتە تايىگە بېدىر اېدى. ھەفتەدە بىر كۈن ھەر تېرۈز بېردى. شو طرزەدە كۈنلرۈ ھەفتەلر اۋتدى.

ملە، سكت و سۈبەى يىگىت اېدى. ھلى اويلنمەگندى. آت باقىشدىن باشقە ايشى يۇق اېدى. او اېرتە - كېچ آتخانەدە بۇلردى. «بېدو بايلاودە

سېمیر، قوی- قۆزی ییلاوده» دېگنلریدېک، کلتە تاینی کۆرگنلر اپندی اونى تاي دېمس اپدیلر. تنه تۆشى کته بۆلیب اولغەییب بارماقده اپدی. مله سه هیس بیر آقشام آتەسیگه:

- کلتە آت اپندی اولاق چاپیشگه تیار بۆگن. باشقه عیب و علتی یاغ، فقط دمی قیسقه.

- دمی نینگ کلتەلیگی عیب اپمس. شو اوچون هم بونی کلتە آت دپیمیز اوغلیم.

حاجی عمر بای آتگه یخشی قرەشگنی اوچون اوغلینی بیر آز پول بېریب سیله دی. وینه مله گه قرەب، - اپندی کلتە آتینگنی یخشیلب بیر یوونگلر، - دېب بویوردی.

بیر- ایکی آی اوتر- اؤتمس اپرتە و کېچ اپسەدیگن ساووق شماللر درختلر نینگ زعفرانی پیراقلرینی بوتاقلریدن اجرەتیب، هوادە اوینەتە- اوینەتە هرتامانگە اوچیرە باشلەدی. کوز موسمی اپدی. سه ییسلر نینگ اولاقچی آتلینی ساوغینگە چیقیش وقتی کېلدى. حاجی نینگ سه ییسلری آتلینی آتخانە میدانیدە استە- استە یوردیرە باشلەدیلر. بیر نېچە کون اوتر- اؤتمس آتلینی جوللې، اپگرلەدیلر. هرکونی آتلینی اپرتەلب وقت و کېچکی پیت قیشلاق کوچەلری و قیشلاقدن تشقری میدانلرگە یوردیریب کېلر اپدیلر. اولاق اؤیینلری باشلنگونچە آتله هم تیارلندی.

کلتە آتی اولاق چاپیشگە اؤرگتیش کېرەک اپدی، حاجی عمر بای بو یوموشنی اکەسى نینگ اوغلی چاپانداز یۇلداش پالوانگە تاپشیردی. هر نېچە کوندە کۆمکۆک اوزوم باغلی- یو، کۆک تېرەکلی چارباغلی طفیلی شیل و ادیگە ایلنگن شیرین تگاب تومنی نینگ سۇباغ و جنقرە حدودلری چاپاندازلری اؤرتەسیدە اولاق مسابقەسى بۆلیب اؤتردی. اوشوتومن شمال- جنوب توشگن ایکی کتە و کیچیک وادیگە بۆلینگن اپدی. گورزاد داوانیدن شمال تاماندەگی وادی "جنقرە" دېب اتلسە، گورزاددن جنوب تاماندەگی وادی "سۇباغ" دېب اتلردی. تومن

نىنگ "كچارى" - دېب ايتلەدىگن حكومت ادارەسى "جنقرە" وادىسىدە جايلىشكن اېدى.

هر بىلگىدېك بو بىل هم اولاق اۋىنلىرى گورزاد داوانى بىلن توتش بىرلىشكن "چارباغلى" ميدانيدە اۋتكزىلردى. كلتە اتنى ايلكبارة شو ميدانگە آلب باردىلر. يۇلداش پالوان اولاق ميدانگە بىرنېچە مرتە كلتە اتنى او يان-بويانگە چاپتىردى. بىر مرتە اتلر قۇرەسىگە هم آلب كىردى. چاپاندازلر اۋجەينى قەي تامانگە آلب قاچسەلر، كلتە ات هم اولر يانيدە چاپىب، هە دېگونچە اتلردن ايلگرىب كېتردى. يۇلداش پالوان بوگون كلتە اتدە اولاق آلىشگە ايتىلمەدى. ارغوماغدېك ايلدەم، تولپاردېك كتە گودەلى كلتە اتنى كۆرىب اولاق سىلىگە كېلگنلر - «زۇر ات اېكن؟ بو كىمنىگ اتى اېكن؟» - دېب بىر-بىرلىدن سۇرەي باشلەدىلر.

اۋشە كونى يۇلداش پالوان تورىق اتدە ايگى اولاق آلدى. بىر نېچە ساعت دوام اېتكن اولاق اۋىنى ترقەدى. تورىق ات و كلتە اتنى آتخانىگە اېلتىب باغلەدىلر. اتلر نىنگ اېگرى و جبدوقلرىنى بېچىب آلب كتە جوللر بىلن جوللر قويدىلر. ملە سەيس كلتە ات نىنگ منگلەيىگە قىزىل چىرمدن تىكىلگن بىر كۆز تومار آسدى.

بىر-ايكى هفته دن سۇنگ مېمنە شەرى نىنگ شەرقى تامانيدە جايلىشكن تالاشقان تېپەلىكلرى آرتيدەگى "دمقۇل" ميدانيدە بىر كتە اولاق مسابقەسى اۋتكزىلەدىگن بۇلدى. اوزاق يقىندن تىنقىلى چاپاندازلرو دىودېك-دېودېك اتلر كېلگن اېدى.

يۇلداش پالوان كلتە اتنى يۇرتتىرىب ميدانگە كىردى. اۋجەي اوستىگە بىغىلگن اتلر چاپاندازلرگە اۋجەينى بىردن كۆترىب آلىشگە امكان بېرمىدى. يۇلداش پالوان نىنگ قەمچىسى شەت بىلن كلتە ات نىنگ بۇينىگە توشىرىلدى. چاپاندازى - چوو، هە تولپر جانوارىم، - دېب بقمىرىشىنى اېشىتگن كلتە ات، اتلر تودەسىنى يارىب اۋزىنى اۋجەي تشلب قۇيىلگن جايگە بېتكزدى. پالوان اۋجەينى قۇلىگە

ایلدیریب آلكچ آتی قۇره ایچیدن یېلیز دېك بۇلیب چیقیدی۔ یو، کۇز یومیب آچگونچه باشقه آتردن اوزاقلشیدی. اۇزینی قۇرەدن اوزیب چیقە یاتگندە کلتە آت زوریدن سوریلیب بیر۔ ایکی آت ییقیلدی. تماشا چیلر قیی۔ چووی کۇتریلگندە بیراقدن ایله نیب حلال دایره سیگە قرەب تېز سرعت بیلن چاپتی. اوچ۔ تۇرت چاپانداز آتلرینی قەمچیلب یۇلداش پالوان تقیمیدن اۇجەینی اوزیب آماقچی بۇلدر. کلتە آت ییلان دېك اۇزینی او تامان و بو تامانگە اوریب، ایلگریدە یۇرتیب بارردی. چاپاندازلر قۇللی اۇجە یگە بیتشمەدی. کلتە آت جورنینگ اۇرتە سیگە بیتیب بارگندە یۇلداش پالوان اۇجەینی حلال دایره سیگە تشلەدی.

حاجی عمر بای اۇزی ایستە گنیدن هم یخشی اولاق چاپگن کلتە آتگە اپندی کۇنگلی تۇلگن اپدی. او کلتە آتینی اوزاق۔ یقین حدودلردە تېنگسوز اولاقچی آت بۇلیشیگە اپندی قتیق ایشاندی. حاجی، کلتە آتگە یرەشە کوچلی، ددل، تقیمی محکم و یېرچی بیر چاپانداز تاپیشی تۇغریسیدە اۇیلر اپدی.

عبدالله و اکەسی شکور خواجه ناموسی وادیسیدن کھلیب حاجی عمر بای نینگ قیشیلا غیدە سرتراشلیک قیلیب یورگن اپدیلر. عبدالله کھلبتلی، اوزون بۇیلی، کھنگ پیشانە، تھمیر پنجه، و منقە بورون ییگیت اپدی. او و اکەسی بیرارده کورەش هم توتردیلر.

۲

سۇباغ وادیسیدە ھییت کونلری کورەش توتیش عنعنە اپدی. ھییت نینگ ایکینچی کونی اپدی، کتە۔ کیچیک پالوانلر کورەش میدانینگە تۇپلندیلر. تماشاچیلر میدان اطرافیدە اۇلتیرگن اپدیلر. کھکسە پالوانلردن

اولياقول پالوان نىبات و بىر آز شىرىنلىكلەر سالىنىڭ تىباقى ئالىب كېلىپ
مىدان نىنىڭ ئۆرتەسىدە قۇيدى-دە،

- مەنە بو اول تىباغ، قىسى پالوان ئۆز كوچىگە ايشنەسە كېلىپ
كۆترسىن - دېدى بىلند آوازده.

بىر-ايكى سووچىم ئاۋتدى. كىشى تىباقى كۆترىشكە جىرات
قىلمەدى. اولياقول پالوان بايە ايتىڭ گىپنى ايكىنچى گل تىكرارلەدى.
تىماشچىلەر كتە پالوانلرگە قرەب قۇير ابدىلەر. شو چاغده پوگانى دىمە
قىشلاغىدن كېلگن ابل امان پالوان، تۇنى نىنىڭ يقەسىنى اوشلب تواضع
بىلن كېلىپ تىباغنى كۆترىپ ىنە جايىگە قۇيدى. اولياقول پالوان.

- مانە ابل امان پالوان اول تىباغدى كۆتردى. مقابلىگە كىم
چىقماقچى بۇسە كېلىپ مىداندىن تىباغنى كۆترسىن، - دېدى بىلند
آوازده.

عبدالله نىنىڭ يانئىدەگى دوستلرى:

- عبدالله، قۇرقمە تىباغدى كۆتر. سېن ابل امان دن كوچلى سن. اونى
بىقىتەسن. او اولگى ابل امان اېمىس، - دېپ قولاغىگە شىپشى
باشلەدىلەر.

بىر وقت عبدالله ئورنىدن تورىب بارىپ تىباغنى كۆتردى. آدملىر ارا
غىبىر-شىبىر باشلندى. كىمدىر - «ابل امان بو آدمدى بېلكەسىنى اول
قىسده بېرگە اورەدى»، دېدى. بعضىلەر - «قىسى سىرتراشدىن پالوان
چىققىمى؟» دېپ استىھزا قىلىشىردى.
اىرىم آدملىر:

- «اې، بىخارا اوزاق بۇسە پاىگەسى يقىن» - دېپ قۇيدى.
ايكى پالوان كورەش كىملىرىنى كىيىپ مىدانگە چىقدىر. آلدىنمە -
كېيىن يورىپ مىداننى ايكى مرته ايلندىلەر و قبلەگە قرەب تىز چۆكىپ
دعا قىلدىلەر. ابل امان، عبدالله نىنىڭ ايكى ياقەسىدن اوشلب بىر
سىلكىش بېردى. عبدالله ايلدىزى چوقور كېتىڭ درختدېك تىك
تورىب قىمىرلەمەدى. ابل امان عبدالله نى ئۆزى نىنىڭ اېسكى چمى

"مړپوش" ګه آلیب ییقیمتاقچی بډلدی. لېکن بو چمینی ایشله تیشګه اولګورمه دی. اولر میدانګه ایکنیچی مرته ایلندیلر. بیرینیچی قفسده عبدالله اوز حریفیدن انچه کوچلی بډلګنینی سیزدی- یو، اېل امان ګه قره ب کلنګی خورازدېک مه ی بېردی، اونی قتیق- قتیق سیلکیب اوز تامانیکه تارتدی. بیر آیای بیلن اېل امان نینگ آیایګه ایلیم بېردی. او آیایینی عبدالله نینگ آیاییدن ایریب آلامه دی. بیر محل اېل امان نینگ بیلکه سی ترسیللب بېرګه تېګدی.

اولیاقول پالوان عبدالله نینگ قؤلینی مسابقه غالبی بډلګنی اوچون اوشلب بلندګه کۆتردی. دوستلری عبدالله ګه بیر نېچه آچه قناووز تون ساوغه قیلدیلر. شوندن کپین عبدالله سرتراش، عبدالله پالوان لقبی بیلن اتله دیګن بډلدی.

کونلرنینگ بیریده حاجی عمر بای ساچ قیرګنی کېلګن سرتراش عبدالله پالوانګه:

- اې عبدالله، سېن یخشی پالوان اېکنسن. نېګه بیزګه ایتمس اېدینګ؟

- آلدیندن کته پالوانلر مینن کورهش توتمه ګن اېدیم. بډینساللریم مېنی قؤیرده قؤیمه ی کورهش توتتیردیله .

- قنچه کوچینګ با،- دېب سؤرده ی حاجی.
- لاف بؤمسه، ییګیرمه سیر یوکتی کؤتریب، اېشککه یا آتګه آرترچه کوچیم با.

- کؤز تېمه سین، اېندی سېن مېنی آتلریم چاپاندازلیګینی قیله سن.
- حاجی اکه، مېن شو چاققچه چاپاندازلیک قیګن اېمس من کو!
حاجی اونینگ ګپینی چاپیب:

- کیم آنه ایچیدن چاپانداز بۆلیب کېګن؟ بؤی و بستینګ، تنه- تۆشینګ، کوچو قوتینګ، غیرتینګ مېن من دېګن چاپاندازدن کم اېمس. قؤرقیب اؤلتیمه.

– خوب بۆلەدى. نېمە دەپسە يېزى شوندىكى قېلەمەن. بۇش وقتلىرىمگە سىرتراشلىق قېلەمەن، – دەدى، عبدالله قۇلىدەگى پاكىنى قىراق تاشىگە قىرەب تۇرىپ.

– اوندەى بۇمەيدى. ايگى تىرۇز بىر قۇلگە آلىنمەيدى. سىرتراشلىقنى شىكۇرا كەنگە قۇى. سېن چاپاندازلىق قى!

– خوش بۆلەدى، – دېيە عبدالله پالوان راضىلىق بىلدىردى. حاجى عىرباى عبداللهنى يۇلداش پالوانگە تاپشىرىپ، – «تىزدە مونگە چاپاندازلىق سىرلىرىنى اۇرگتە سن،» – دېپ بويوردى. عبدالله پالوان اولاق مسابىقەلرىدە قىتىشىدى. بعضىدە تۇرىغ آتگە بعضىدە ھەم كىلتە آتگە اولاق چاپىدى. بىر آى اۇتۇر – اۇتمىس ماھىر چاپاندازلىق كىبى اېل اراشەرت قازاندى. حاجى عىرباى بىر كۈنى اولاق بېلىشىدىن قىتە ياتىپ، چاپاندازلىق و سەيىسلىرىگە:

– بوندىن كېيىن تۇرىغ آنتى يۇلداش چاپىسىن، كىلتە آنتى عبداللهگە بېرىنىلە، – دەدى.

كىلتە آتگە اۇتە تېزلىكى اوچون بۇلسە كېرەك بىرچى بۇلمەگەن چاپانداز اولاق چاپە آلمىس اېدى. اما عبدالله پالوان كىلتە آتدە اولاق چاپىشىدە اۇزىنى راحىت سېزىدى. آت بىلەن چاپانداز بىر – بىرىگە ماس تۇشىگەن اېدى.

ھەفتەلرۇ ايلار اۇتۇپ بارار اېدى. يەنە بېھار كېلدى. آتلىر ادىرگە اۇتگە قۇيىلدى. آسماندى بولۇتلىر اھ تىراغ اېدى. قۇياش آلتىن نۇرلىرىنى گاه بىرگە ساجىپ، گاه بولۇتلىر آرقە سىدە قالىپ، كۇرىنىمىس اېدى، حاجى بىلەن عبدالله پالوان شوندىكى بىر كۈندە آتلىرىنى كۇرگەنى ادىرگە جۇنۇب كېتىدلىر. حاجى عىر باى عبدالله بىلەن آتلىر نۇختە سىدىن ارقانلىگەن جاي يىقىنىدە تاپ – تازە بىشىل مىسە اوستىدە آيران اچىشىپ، دم آلىپ ياتىدلىر. بىر مەھل حاجى تۇستىدىن:

– عبدالله ھلى سېن بۇيداغ يىگىت سەن، اۇيلىگەنگە ياغ آ، – دېپ سۇرەدى.

- ياغ حاجی اکھ اۋیلنمہ گنمن .
- قیشلاقده مناسب بیر قیز تاپیب، باشینگنی ایکیتہ قیسہی نیمہ
دیبسن؟
- بو ایش بؤسه مہنی ساتیب آلہسیز حاجی اکھ، کتہ ثوابگہ باتہسیز،
- دېگن عبدالله نینگ لبلری ایلجہیدی.
بیر آز نریدہ ایکلہ سہ بیس بو گپلرنی ایشیتیب اۋلتیرگن ابدیلر. حاجی
اولرنی اۋز یانیکہ چقیریب:
- گپلردی ایشیتیلہ، قیشلاققہ کیمدی یخشی قیزی با؟ - دېب
سؤرہدی.
ملہ سہ بیس:
- با، یخشی قیز تاپیلہدی.
- یخشی قیزلہ بارلیگینی مہن ہم بیلہ من. کیمدی قیزی مناسب، -
دېب سؤرہدیم.
ملہ سہ بیس بیر آز توختہلیب.
- آچیل پلوان دی اکہسی مولان دی بیر قدرس قیزی با دیدیلہ.
خۇپ دېسہیلہ شو مناسب قیز، - دېب چاپاندازگہ قرہب قویدی.
ساوچیلر مولان نینگ تونغیچ قیزینی عبدالله پالوانگہ اونشتیردیلر.
مولان، حاجی عمر بای قیشلاغی نینگ یقینیدہگی "بؤلک قیشلاق"
دېگن سہر سوو بیر محلده یشر ابدی. مولان نینگ قیشلاغی خواجه
گورولمہ شرشرہسی و "یانہ باغ" قیشلاغی بیلن توتش بیر حدوددہ
بیرلشگن ابدی. حویلیسی یانیدن بیرقولاغ سوو کچہ- یو کوندوز
تینمہی آقردی.
بیر آیلردن کبیین عبدالله پالوان نینگ نکاح تویی اۋتکزیدلی. وادی
اھالیسی تویده اشتراک ابدیلر. توندہ دؤمبیرہچیلر دؤمبیرہ چلیب،
قوشیقچیلر اشولہ کویلہ دیلر. قیزلرو خاتینلر دپ- دایرہ چلیب اۋیین-
کولگو قیلدیلر.
ہلی کتہ اولاقلر مسابقہلری آلدیندہ ابدی.

لغلقه توش، قویاش تپه‌دن هر یاققه نور ساچرا ابدی، کوز موسمی ابدی باشلنگن کونلر. حاجی عمر بای آتلیگه ینگى اسباب-انجاملر آلیش اوچون عبدالله پالوان بیلن میمنه شهریکه باردی. یوگن دوزلر و ایتیک دوزلر رسته‌سیده چاپاندازیگه ایتیک، آتلیگه یوگن و آیل فرمایش بوردی. کلاه دوزلر رسته‌سیدن عبدالله گه بیر یخشی تپلیک هم ساتیب آلدی.

حاجی چاپاندازی بیلن بیرگه یقین دوستی شیر بای نی کورگنی شهرینگ عربخانه محله‌سیگه قره ب یول آلدی. دوستی نینگ دروازه‌سیگه بیتیب بارگونلریچه قه‌بیردن دیر شیربای آرقه‌لریدن بیتیب کپلدی. حاجی بیلن اوپیشیب کوریشدی. او مهمانلرنی قوشخانه گه آلیب باردی. ایکى دوست اویاق-بویاقدن گپلشدیلر. حاجی عمر بای عبدالله پالوان نی دوستیگه تنیشتیریب، یقینده بو بیگیتنی قیشلاقده اویلتیردیك،- دپدی.

شیر بای عبدالله گه قره ب:

- قولی بؤسین بیگیت. الهی آمین قوشه قرینگلر.
- پالوان قولینی کؤکسیگه قاووشتیریب، رحمت-رحمت،- دپدی.

شیر بای او عزیز دوستی حاجی عمر بای گه قره ب:

- بو چاپاندازیز یخشی اولاق چاپرا اپکن. قچنلر ابدی، باله‌لر مېنگه - حاجی عمکیم‌نینگ عبدالله پالوان چاپاندازی کلته آتیگه مینیب، باشقه چاپاندازلرگه اولاق بېرمه‌دی. آخر اولاقدی هم اوزی آلدی، - دېب حکایه قیلدیله.
- هه، عمری بؤگیر عبدالله کلته آتده یخشی اولاق چاپه‌دی،- دپدی حاجی عمر بای.

آقشام ضیافتیگه شیر بای دسترخوانی تورلی ناز نعمتلرگه تۆلدى. ایکى قلین دوست تون‌نینگ یرمیگچه ینه اوزاق یقینلردن صحبتله‌شيب، اېسكى خاطره لرنی اېسله‌دیلر.

حاجى بامداد نمازىنى اوقىب قىشلاققە جۇنب كېتىشكە شىلەنەياتكىدە، شىرباى قۇلىدە ملە پختەدن تۇقىلگن دسترخوان قۇشخانىگە كىرىپ كېلدى.

- اې اينىم، بىز اېندى جۇنب كېتماقچى بۇلىپ تورگن اېدىك، اېرتەنىنگ چاينى ايچمىسدىن بىزنى جۇنتىسنگ يىخشى بۇلر اېدى، - دېدى، - حاجى عمر باى دوستىگە.

- اې حاجى اكە، چاى ايچمىسدىن سىزدى كىم كېتگنى قۇيەدى. مېن رىخت بېرىم ھم كېلىنيز رىخت بېرىمەيدى. اېرتەنىنگ چايدە پىشىق قىماقدى يىخشى كۇرگىزدى بېلىپ، كېچە بىر قازان سوتى قىنەتېب، قىماقنى اىب قۇيگن. اېرتەلب كىچدە ياغى سورتىب ايسىق پتېر و لاچىرە ھم پىشىرگن.

- بۇلىپتى اوندە. دسترخواندى آچ، چاينك - دېگن حاجى عمر باى عبداللەنى دسترخوانگە يقىن اۋلتىرىشكە اوندەدى.

۳

اندخوى بايلرىدن بىرى اۋغلى نىنگ نىكاح تۇيىگە بىر ھفتە - اۋن كون اولاق بېرىماقچى بۇلدى. ولايت نىنگ ھر تامانىگە بايلر، چاپاندازلر تۇيىگە چقىرىلدىلر. حاجى عمر باى نىنگ ائلىرى، سەيىسلىرى و چاپاندازلرى اولاق باشلىنگىدىن ايكى كون اۋتكندە، يېتىپ باردىلر. اولرنى محلى بايلردن بىرى قۇناق اگن اېكن. ملە، ميزبان سەيىسى حسن دن آتىگە سامان و ارپە سۇرەدى. حسن اېسە مېمان نىنگ گېيگە اعتبار بېرىمەي:

- آتىنگ اېرتەگە اولاق چاپەدىگن بۇسە، آچ چاپىشى كېرەك، - دېدى.

- تۇغرى ايتەسن. باشقە ائلر آچ چاپەدى. اما مېنىنگ آتىم تۇق چاپەدى، ھر قندەى بۇسە مېنگە ارپە و سامان تاپىپ بېر، - دېدى ملە. حسن كلتە آت نىنگ دىمىگە اشاره قىلىپ:

- آشە، سېنىڭ بو دۇم كلتە آتېنىڭ ارپە گە ارزىمەيدى، - دېب مسخرە قىلدى.

ملە، قنچە زىرەنمەسەن او، خىيالىگە ھەم كېلتىرمەدى. حاجى عمر باي نىنىڭ چاپاندازلىرى و سەيىسلىرى آتلىرىنى آيىب عَرَضلىب او يېردن چىقىپ كېتىدۇ. اولر حاجى عمر نىنىڭ يقىن دوستى، محل نىنىڭ بدولت آدملىرىدن ملا چارى نىنىڭ او يىگە كىرىپ باردىلر. ملا چارى خرسند بۇلىپ اولرنى يىخسى كوتىب آلدى. ملە نىنىڭ كلتە آتىگە سامان ھەم ارپە ھەم تاپىلدى.

اېرتەلب عبدالله پالوان اېتىكلرنى كىيىپ، چاپاندازلىك قىلپاغىنى باشىگە قۇيىپ، سايىگە كوموش بېزەكلر اۋرنەتېلگن قەمچىسىنى قۇلىگە آلدى. دە، سەيىسلىرى بىلن آتلىرىنى مېنىب اولاق چاپىلەدىگن ميدانگە باردى. اوزاق- يقىن حدودلردن اۋنلېب اولاقچى آتلىر، چاپاندازلر و يوزلب تماشچىلر اولاق جايگە تۇپلنگن اېدىلر.

عبدالله پالوان كلتە آتگە مېنىپ چو، - دېب جلو قاقدى. آت تاغەدى بۇلىپ تسىردب ميدانگە كىردى. كېنگ ميدان نىنىڭ بىر تامانىدە سامان بىلن حلال دايرەسى چىزىلگن اېدى. دايرە اۋرنەسىدە كېچە قىصاب سۇيگن بىر تلغىر اۋجەي نىنىڭ پىكىرى ياتردى. اولاقچى آتلىر و چاپاندازلر ھەر تاماندن جورگە يقىنلىشىپ كېلگن اېدىلر. اولر آرهسىدە كلتە آتى بىلن عبدالله پالوان ھەم كۆزگە تىشلىر اېدى. "مىر ميدان" چورەك چلىشى بىلن آق اولاق بېلىشوى باشلىدى. ھەر بىر چاپانداز اۋجەينى يېردن كۆترىپ آلىش اوچون قىتىق تىپسە قىلردى. عبدالله ھەم تېزلىك بىلن آتىگە جلو قاقىپ اۋزىنى اۋجەي تىشلىب قۇيىلگن جايگە يېتىزدى. چاپاندازلر نىنىڭ شتىردە تىب قەمچى اورىشى، آتلىرىنىڭ ھىنگىردب بىلند- بىلند كىشەنەشى كىچىك بىر مەشىر نى اېسلەتر اېدى.

عبدالله پالوان آت اوستىدن اۋزىنى بېرگە تىشلەگندە، آت بار كوچى بىلن باشقە آتلىرىنىڭ اۋرتەسىنى يارىپ چىقىپ ميدانگە آتلىدى. - يو، ميدان نىنىڭ نرى باشدە ھېلىپىرەب تورگن كۆك بىراق تامانگە چاپدى. بىر نېچە چاپانداز اونىنىڭ آرتىدن آتلىرىنى قەمچىلېب بارردىلر. ستى پالوان اۋزىنى عبدالله پالوان نىنىڭ آتىگە يقىنلىشتىرىپ، اۋجەي نىنىڭ بىر آياغىدن اوشلەدى؛ مەھكەم اوشلەدى، لىكن عبدالله پالوان نىنىڭ قۇلىدن

اوزيب آلامه‌دى. حاجى عمرباي نىنگ چاپاندازى اۋجەينى بىراقدن ايلتتيرىب آتيني جورگە قرەب چاپتيردى. قرشىسىدن چىققن چاپاندازلر هم اۋجەينى اوندىن آليشگە اولگورمەدىلر. عبدالله اۋجەينى جورگە يېتكىزىب بېرگە تشلەدى. تۋرت تاماندن تماشاپچىلر شاوقىنى كۋتريلىدى. شو آندە اۋتگن آقشام ملە سەيىس آتىگە ارپە بېرمەگن حسن برماغلىرىنى تىشلىب حيران حالده تورر اېدى.

ينه اوچ- تۋرت كون اولاق اۋيىنى بۇلدى. آتلىر ميدانده سىيرەكلشدى. همه اولاق نىنگ آخرگى كوني مسابقەسى اوچون آتلىرى و چاپاندازلر يگە دم بېرگن اېدى. بىراق عبدالله پالوان "كلتە" بىلن هر كون ميدانده حاضر اېدى. او هر كوني بىر- ايكي اولاق آلردى. كلتە آت قنچە كۆپ اولاق چاپسە، آلدىنگىدن كۆپراق اولاق چاپيشگە تبار بۇلردى.

عبدالله پالوان و سەيىسلرىنى، تۋى ترقه شىگە اوچ كون قالگندە، حاجى عمرباي نىنگ اېنگ صمىمى دوستى امان گېلدى باتير قۇناق آلدى. امان گېلدى باتير عبدالله گە قرەب:

- پالوان اولاق چاپيشىنگىدى كۆردىم. كۆز نېمەسەن، مېن من دېگن چاپاندازدن كم اېمسەن. بىر وقتلە مېمەندە نذير قول خان نىنگ "يك رويه" آتى و شىر آغانىنگ "بىر"ى آت چىقرگن اېدى. اېندى حاجى عمرباي نىنگ كلتە آتى اولردى اۋىنى باسەدى. مېن فالىنى كۆرگن من، اولاق بېلشوووى نىنگ سۇنگى كوني آخر اولاقىنى يَم كلتە آتدن باشقەسى آلامەيدى،- دېدى.

بو گېلرنى اېشىتگن عبدالله پالوان نىنگ اۋمگنى كۆتريلىب، -«الھى آمىن، ايتگنيز كېسەن باي اكە،- دېب تباقدەگى آق پروردەدن بيتەنى آغزىگە تىشلىب، چايىنى ھۆرپ- ھۆرپ اىچتى.

امان گېلدى باتير مېمانلرى بىلن سۇزلەشيب اۋلتىرگن اېدى كە، حويلى نىنگ دروازەسى تقيللەدى. چىقىب قرەسەلر، حسن سەيىس بىلن اونىنگ خواجهيىنى اسد مىراب كېلگن اېكن. اولرنى قۇشخانە گە چقىردىلر. سلاملشىب اۋتيرگچ، اسد مىراب عبدالله گە:

- پالوان يىگىت! مېن سىلەدن عذر سۇرەگنى كېلدىم. او، حسن نى كۆرسەتتېب:

– مەنە بو بۇمە غوردى بىر يامان قىلىغى اوچون اويدن چىقىب كېتىسىلە، بو شوندى سور آدم، آغزىدن چىقر گېنى بىلمەيدى. بو ماجرانى حاجى عمكى اېشتسەلە، يىخسى بۇمەيدى، – دېدى. – يو، يەنە جەلى چىقىب حسن گە:

– دايم سېن شوندى "اېشگىنگى اوزون ارقانلەيسن" مېنى دوستلرېمدن اېرەسن، – دېب، كۆزلىرىنى چىقردى.

شو چاغده امان گېلدى باتىر ارەلشېب، مىلى، اۋزىنگى بىر آز باس مىراب. مېن بو مېمانلەدن تۋىنىنگ آخرگى كۈنى آقشامى سېنىنگ اوينىگە مېمان بۇلىشلىرىنى سۇرەيمەن. خاطرېنگ جمع بۇسەن، – دېدى. بو گېنى اېشىتىب، اسد مىراب بىر آز آچىلىب – انە بۇلدى، – دېدى.

اولاق مسابقەسى نىنگ سۇنگى كۈنى اېدى. يەنە ميدان آتلرگە تۇلدى. بوگون اولاق اۋىنى بىر آز كېچىراق باشلندى. كتە چاپاندازلر آخر اولاقنى كۈتىب اولاق چاپمەى تورر اېدىلر. يۇلداس پالوان تورىغ آتگە بىر اۋجەنى حلال دايرەسىگە يېتكىزىشگە اولگوردى. عبدالله پالواندن بۇلك باشقە تجربەلى و تىنقىلى چاپاندازلردن ستى، كۇچىم، اۋراز، ئناقول و گرزىوانلىك عبدالرحمن پالوانلر آخر اولاقنى آلىشىگە دعواگر اېدىلر. بوگون اولاق مسابقەسىدە قىتىشگن چاپاندازلر، ايكى صفگە بۇلىنىپ، اولاق چاپدىلر. اندخوى، شېرغان، بلخ بىر تامانده صف تارتدى. فازىاب نىنگ ايرىم تومىلرېدن كېلگن چاپاندازلر ايكىنچى تامانده توردىلر.

آخر اولاق باشلندى، ايكى تامان چاپاندازلرى آتلرىنى قەمچىلىب، اۋجەنى يېردن كۇترىب آلىشگە جان جەدى بىلن كورەشردىلر. اۋنلېب آتلر تودەسى اىچىدن اۋجەنى آلىب چىقىش هېچ بىر تامانگە هم آسان بۇلمەدى. قۇرەدەگى آتلر تابارە بىرى – بىرىگە جىپسەلەشىب بارر اېدى. كوچسىز آتلر استە – سېكىن آرقە گە تىسرېلە يانگن اېدى. آندە – سانده قۇرە اۋرتەسىدە كلتە آت نىنگ باشى كۇرىنىپ قالر اېدى.

شو آتلردە اوچ – تۇرت آت قۇرەنى يارىب چىقىب، بېراققە قرەب كېتىدى. كلتە آت آلدېندە اېدى. عبدالله پالوان صفداس چاپاندازلرى آرسىدە اىلگرىلېب بارردى. اۋجەى اېسە عبدالله پالوان نىنگ تىقىمىدە

اېكىنى سېزسە بۇلردى. مېمە، قىصار و گزىوان چاپاندازلىرى مقابلى صف چاپاندازلىرى كلتە آتگە يقىنلەشىشگە امكان بېرمەدىلر. يېلىنى قاولب بارەدىگن كلتە آت، قويوندىك بىراقدن ايله نىب، حلال دايرهسى تامان چاپدى. مقابل صفدهگى كوچلى چاپاندازلر هر تاماندن فاريابلىك چاپاندازلىرى اۋرتەگە اۋرەب آماقچى بۇلدىلر. كلتە آت بوران نىنگ كوچلى شماليديك باشقە آتلرگە يقىنلىشىدى. يقىنلىشىدى- يو بار كوچى بىلن شى تورگن آتلردن بىرىگە قتيق ضربه بېردى. آت چاپاندازى بىلن داودىرب بېرگە اوردى. عبدالله پالوان جورگە يقىنلىشگن اېدى كە، كۈچىم، اۋراز و ستى پالوانلر كلتە آت آرتىدن يېتىشىب باردىلر. بىراق قۇللىرىگە اۋجەى تېگمەدى. كلتە آت حلال دايرهسى اوستىدە تۇقرەگندېك بۇلدى. اولاق مسابقەسى نىنگ "مىر ميدان"ى آخراولاقى حاجى عمرباى نىنگ كلتە آتىگە چاپانداز عبدالله پالوان جورگە يېتكىزىب، حلال قىلگىنى اعلان قىلدى.

عبدالله پالوان گە قىمت بەا پوستىن، چكىن و تۇنلر ساوغە قىلىندى. عبدالله گە بو ميدانده آخراولاقى آلىش آسان كېچمەدى. كۈپ محنت چېكتى، بار هنرىنى ايشگە سالدى. آنەدن اېمگن سوتى آغزىگە كېلدى.

عبدالله پالوان قۇى و بۇرى بىر گذردن سوو ايچەدىگن زمانده بىر نېچە يىل كتە- كىچىك مسابقە لردە اولاق چاپدى. كلتە آت بىلن اونىنگ آوازەسى اوزاق يقىن حدودلرگە ترقلدى.

اسلام آباد. ۲۰۲۳. اپرىل